

## KAP

### *But piso gen*

On papia unun Israel amin dakon kap papiani Pin kop gawak im gwit bisapmon yawit. On papiagwan kap diwari ton unun Jerusalem Pin kop dakon yutnon muwukgwit bisapmon yan yan awit. Ae kap diwari unun bisit, do minat aminyo da Pin kop gawak im do muwukgwit bisapmon, bo ae amin kalon kalon da jigi pan pan awit bisapmon, unun ban yan yan awit.

On kap gat ae bisit gat unun amin morapmi da jigi bo ae kisik kisik mibili mibili noman tan yomgwit bisapmon mandawit. Don amin diwari da panmuwukba papia kinda dagagit.

On papiagwan bisap mibili mibili gat domdom awit bisapmon yawit. Unjungwan Pin kop an kisik kap ton, ae yokwi yan tenjenok gat, ae yokwi wiririt gat dakon bisit ton. Ae jigi ae pankilit bisapmon panpulgok timit dakon bisit, ae kila amin madep kinda kaluk manjiri dakon bisap madep dakon kap, ae Pin kop nandan gadan imim dakon yan tenjenok kap, ae Pin kop do ya yan iyik dakon kap, ae butjik ae nandaba kik yan tenjenok agak dakon kap, ae Pin kop do bisit iyinba uwal panupbal asak dakon bisit, ae minat aminyo da anpak tagi ani dakon kap kisi ton.

On kap morap gat ae bisit gat unun minat amin morap nin kisi dakon egip egip kisi abidosok. Nin kisik kisik bisapnin ton, ae butjik bisapnin ton. Ae monji gwayo bulagi tapminnin ton da egipnen

dakon bisapnin ton, ae minjat pelan amin pelanyo anej bisapnin ton. Bisap diwari sot aman, ae bisap diwari tagi ekwaman. Kap papia on da nin da bisap morap on domdom aman unun abidosok. Do kalipsigwan da wiŋ abisok ekwamanon on kap papia da Pinƙop dakon minjat aminyo dakon nandan gadat madepsi panjeban anjek egip egipni panpulugagit.

Kap diwari dakon gen busun ton unun da kwenon but pisoni unudon ton do pindakgi. But piso unun Ibru genon ban timigek yopbi. Bisap diwari namin da kap mandagit unun do yosok, ae ni bisapmon mandagit unun do yosok. Ae bisap diwari kap yanakwa amin diwari da duban bo kap dakon yo kidat diwari nian tidogi unun do yosok.

## PAPIA 1

### 1

*(Kap 1-41)*

*Amin kilegisi gat ae amin yokwi gat dakon anpak*

<sup>1</sup> Amin kinda yokwi pakpak amin da yabet anakwa unun yolek dima agisak,

ae amin yokwi gat kisi dima akgan,

ae Pinƙop do manji gen yon amin gat kalonj  
dima yikgan,

unun amin kisik kisik tagi asak.

<sup>2</sup> Unun amin da Yawe dakon nawa gen do tagisi nandisak.

Gildat kalba ae kalbiyo kisi unun do nandan egisak.

<sup>3</sup> Unun amin kindap kinda pakbi ilenon kwaokbi yombem.

Bami toktok bisapmon bami unudon tanjan  
asak, ae tami dima kibidosok.

Yo morap asak unun aban bami tagisi gin no-  
man tonj.

<sup>4</sup> Amin yokwi unun yan dimasi.

Unun wit dakon gimmi mirim da wiririk  
pangwan unun yombem.

<sup>5</sup> Yan do anek gen kokwin bisap madepmon Pin kop  
da amin yokwi gen pikon yopban geni  
aripmi dima abin yipdan.

Yokwi pakpak amin kilegi da kabikon dima  
egipdan.

<sup>6</sup> Nido Yawe da amin kilegi kilani asak, mani yoki  
pakpak unun tasik tokdan.

## 2

### *Pin kop da kila amin madep kında manjigit*

<sup>1</sup> Minjat amin kabi morap miktimi miktimi ek-  
wan unun nido kwen wigik ak do gen yan panjeban  
an?

Minjat aminyo unun nido isal dogin yokwi ak  
do gen yan panjeban an?

<sup>2</sup> Miktim morap dakon kila amin madepni emat ak  
do tagap tonj.

Unun muwugek Yawe gat  
ae amin unun minjat amin kabini kila asak do  
bit nelak tagal ibi amin gat  
pabin yop do gen yan panjeban an.

<sup>3</sup> Gen yan yon, “Unun bamot dakon amin  
wamwam nap teban panjagono.

Ain nap kandapninon panjeban agimal unun  
witdalno.”

- 4 Kwen Kokup kila amin madep yityit tamonikon yikdak amin jikgo yanjan yomisak.  
Amin Tagi da jigilagon da pabin yopmandak.
- 5 Butjapsi nandan yominjek gen tebai yoyinban pasal kimokgon.
- 6 Unun da yan yoyisak, “Nak da on amin kila amin madepno egipjak do kili yipgum da telagi ilejno Saion unudon yikdak.”
- 7 Kila amin madep da yan yosok, “Yawe da yo madep kinda nayigit unun yan tenjenokdisat.  
Yan nayigit, ‘Gak Monjino. Abisok nak gak dakon Datgo dagosot.
- 8 Bisit nayinbi minjat amin morap miktimi miktimi ekwan unun gak do gabo miktim kisisi kila abi.
- 9 Gak da kila amin pi tapmimi tonji anek kila amin madep dakon kindap kirin ain nan wasanbi unun nan uwalgo pudan monin monin akdisal.  
Amin da miktim kwoba pudan monin monin an unun da tilagon akdisal.’”
- 10 Yando, kila amin madep ji nandan kokwin tagisi anek egipni.  
Miktimon kila amin, mama geno nandani.
- 11 Ji Yawe do pasal iminjek omani ani.  
Kisik kisik animinjek pasal nimmimik imni.
- 12 Ji monji dakon pinbini egek gawak imni.  
Butjap tepmi nandisak, do japmi nandan daban di kimakbam.

Amin morap panjutnosak do Pinjkopmon kwan  
 unjun kisik kisik tagi ani.

### 3

*Amin kinda da wisa dagokdo tapmimpak do bisit  
 agit*

Dewit monji Apsalom do pasalek kigit bisapmon  
 kap on mandagit.

<sup>1</sup> Yawe, uwalno morapmisi! Amin morapmi da  
 yokwisi an naman.

<sup>2</sup> Unjun da yan yon, "Pinjkop da aripmi dima  
 anpulugokdisak."

<sup>3</sup> Mani Yawe gak pasik da yan nak ankisibisal.  
 Anpuluganbi emaron teban tosot.  
 Gak kalon dagin but yokwino wiririkbi  
 pasilakwa anteban abi tebai akdat.

<sup>4</sup> Yawe da anpulugosak do yan tidosot.  
 Unjun telagi kabapnikon egek yan ilitno dakon  
 kobogi namisak.

<sup>5</sup> Dipmin potpot tamokon pagek obisi pak intosot.  
 Ae don pidanek tagisi egisat, nido Yawe da  
 kilano tagisi asak.

<sup>6</sup> Uwalno 10 tausen da teri teri da abin andagat ayin,  
 mani unjun do dima pasolgen.

<sup>7</sup> Yawe gak apbi! Pinjkopno abin anpulugoki!  
 Uwalno mogim kulbak dapbi.  
 Amin yokwi unjun dakon geni dapman  
 biripmikgi.

<sup>8</sup> Yawe gak dagin nin panpuluganbi teban toman.  
 Minjat amin kabigo nin yo tagisi an nibi dosi  
 nandisat.

## 4

*Kalbi amin kında tapmim timit do bisit agit*

Dewit dakon kap kında. Gita tidanek yogogi.

<sup>1</sup> Pinjkopno kilegisi, gak do yan tidoken bisapmon nandan nabi.

But yokwino wiririkbi pasilgit. Bupmi nandan naminek bisitno nandaki.

<sup>2</sup> Amin ji, bisap nian da man madepno abin yip do pi ani?

Bisap nian da yo isali mibili mibili do but dasi galak tan yomin kimotni?

Bisap nian da top anpak yolni?

<sup>3</sup> Ji gen on do pakyanji nandani.

Amin morap Yawe dakon pinbinisi ekwan, unun iyi do manjigit.

Nak unun do yan tidoko bisitno nandisak.

<sup>4</sup> Ji Pinjkop do si pasalek anpak yokwi morap yopman mudoni.

Si potni bisapmon gen on do pakyanji nandanek gen kagasi sopni.

<sup>5</sup> Paret Yawe da galak tosok unun ban anek egip egipji Yawekon tosok yanji nandani.

<sup>6</sup> Amin morapmi da yan yon, "Namin da nin panpuluganban tagisi egipnen?"

Yawe, butgo ninon yipmanek yo tagisi an nibi.

<sup>7</sup> Wit gat ae wain gat dakon bami morapmi pan bisapmon amin kisik kisik an.

Mani Yawe gak da kisik kisik butnokon yipgul unun da unun dakon kisik kisik yapmandak.

<sup>8</sup> Yawe gak dagin kilano anaki tagisi egisat, do yo kinda do dima pasalek tamokon pokdot bisapmon tepmisi pak injosot.

## 5

### *Amin kinda Pinjop da kilani asak do bisit agit*

Dewit dakon kap kinda. Kap on amin da kasisin pisonakwa yogogi.

<sup>1</sup> Yawe bisit anek iyon iyon yanapbo geno do mirak yopbi.

<sup>2</sup> Kila Amin Madepno ae Pinjopno, anpulugoki do bisit asat,  
do yan ilitno nandan nabi.

<sup>3</sup> Yawe, wisa dagokdo morap gak do bisit asat.  
Wisa dagokdo gak do bisit tebaisi asat.  
Bisitno dakon kobogi nabi do jomjom asat.

<sup>4</sup> Pinjop, gak anpak yokwi do  
kisik kisik dima asal.  
Yokwi an amin gak da kapmatjok tagi dima egipmi.

<sup>5</sup> Iyi do nandaba wikwan amin gak da dabilon tagi  
dima atni.  
Anpak yokwi an amin morap dimasi galak tan yomisal.

<sup>6</sup> Yawe, gak da top gen yogok amin morap panupbal  
asal.  
Amin dapba kimokgon amin gat, ae amin  
pankewalga amin gat dimasi galak tan yomisal.

<sup>7</sup> Mani gak da nak but dasi galak tan namisal, do  
gak da yutnon tagi wigiken.  
Telagi yutgokon unjudon nwakben anek gawak gaben.

- 8 Yawe, uwal da nak anjupbal akdan, do kosit yipman naminjaki anjakgo kilegi unun yolben.  
Kosit agipben do nandisal unun noliki.
- 9 Uwalno gen bamisok kinda dimasi yon.  
Amin diwari panjupbal ak dogin nandan.  
Gen kagani unun kimakbi tamo da yan pison.  
Amin pangalak ak do gen morapmi yon.
- 10 Pinjkop, gen yan yominjek yo yokwisi an yobi.  
Nandak nandak yokwini panjupbal abi.  
Yo akdo nandan kokwin an iyi unudon yokwalni.  
Unun kwen wigik an gaminjek yokwi morapmi an, do yolbi gak da inam da dubagikon kin mudoni.
- 11 Mani amin morap panjutnoki do gagon kwan unun kisik kisik tagi ani.  
Unun but galak nandanek kisik kisik dakon kap dagok dagogi mini tagi yoni.  
Panjutnajakni but dasi galak tan gamañ amin kisik kisik sigin anek mango awigini.
- 12 Gak da amin kilegi do yo tagisi an yomisal.  
Emat dakon pasik da yan tanek panyongam asal, ae kilani tagisi anjaki tagisi ekwan.

## 6

*Amin kinda jigini ton unun Pinjkop da anjuplugosak do bisit agit*

Dewit dakon kap kinda. Gita napmi 8 kabi unun nan tidanek yogogi.

<sup>1</sup> Yawe, butjap nandanek gen tebai dima nayiki.



- Butjap madepsi nandanek nak anmilip ak do tepmi pi dima nabi.
- <sup>2</sup> Yawe, tapmimno mini, do bupmi nandan nabi.  
Yawe, giptimno tep naman, do anmilip abi.
- <sup>3</sup> Butno wagilsi jik toso. Yawe, bisap nian da jigi panegipben?
- <sup>4</sup> Yawe, tobil obinek yokwikon ban abidoki.  
Bisapmi bisapmi amin do but dasi galak tan yomisal, do anpuluganbi dima kimokgen.
- <sup>5</sup> Amin kimakbi dima nandan gaman.  
Kimakbi tamogwan da gak dima ankisan.
- <sup>6</sup> Iyon iyon yan egapbo tapmimno wagilsi man mudon.  
Kalbi morap kunam pakbino da tamono wagilsi anjik asak.  
Kunam tagapbo buson kidinno madepsi gik toso.
- <sup>7</sup> Uwalno morapmisi, do kunam gin tak egapbo dabilno piripopman.  
Anakwa yo kinda dima kosot.
- <sup>8</sup> Kunam tak egapbo Yawe da kili nandan namgut, do anpak yokwi an amin ji kisisi nepmandek kit.
- <sup>9</sup> Yawe da anpulugosak do anek yan tidanapbo nandan namgut.  
Yawe da bisitno nandagit.
- <sup>10</sup> Uwalno kisisi mayaktok ae but yokwiyo pakdan.  
Tepmisi tobil kinjek mayaktok pakdan.

## 7

*Jigini ton amin kinda dakon bisit*

Dewit da amin kinda Benjamin da kabikon nani mani Kus unun da yokwi an iban butjik panjek kap on Yawe do yagit.

- <sup>1</sup> Yawe Pinkopno, gak da nak anjuktunoki do obisat.  
Anpulanganaki nak ansopmangan amin da dima nikba kimokgen.  
Yokwikon nan abidanaki dima tasik token.
- <sup>2</sup> Laion da amin dakon gipni pandagon, unun da tilak di anupbal abam.  
Hik anan timi kindakon ankinakwa amin da nak yokwikon nan aripmi dima di abidanbam.
- <sup>3</sup> Yawe Pinkopno, yokwi agim dakon gulusunno tan namisak,  
bo amin diwari do yokwi an yomgum,
- <sup>4</sup> bo notno isal dogin yokwi an ingum,  
bo uwalno dakon yo isal dogin kabo timikgin kan,
- <sup>5</sup> yum pindagaki uwalno da nak ansopmanek abidoni.  
Nak tagi bamanek obisi anupbal anek giptimno yipba kimbabanon isal tosak.
- <sup>6</sup> Yawe, pidoki! Uwalno da nagon emat tebaisi an.  
Unun butjap nandan yominek yo yokwisi an yobi.  
Pinkopno, anpak kilegi dogin galak tosol, do abinek anpulgoki.
- <sup>7</sup> Gak kwensi kila amin madep yityit tamogokon yigek minat amin kabi morap gak da kapmatjok abin muwutni do yoyiki.

- 8 Yawe, miñat amin morap dakon anpakni kokwin asal,  
do anpuluganaki gen pikon teban token.  
Nido, anpak kilegi gat ae anpak tagisi gat bangin asat.
- 9 Pin kop gak wagil kilegisi.  
Amin morap dakon nandak nandak butyo pakyanji pindak nandanjo asal.  
Amin yokwi anpak yokwi sanbenek dima ani do kirinik yobi.  
Mani amin kilegi panpuluganaki tebai atni.
- 10 Pin kop unun pasikno. Butni kilegisi amin yokwikon ban timikdak.
- 11 Pin kop unun gen kokwin kila amin kilegisi.  
Gildari gildari yokwi pakpak do japmi nandanek pabin yopmandak.
- 12 Yokwi an amin but tobil dima ani kan, Pin kop da emat agak sibani geni tonji asak do ilitdisak, ae obipni panilitdisak.
- 13 Amin unun dapban kimotni do dikdikni kili panoman agit.  
Dikdik milen asipmi ton panoman asak.
- 14 Amin yokwi unun yokwi ak do nandaban teban ton.  
Yokwi mibili mibili ak do tagap tok asak, ae bisapmi bisapmi top yosok.
- 15 Amin kinda abidok do gapma dubagi kinda wayikdak,  
mani iyi unun gapma wayikdagwan mosok.
- 16 Gulusun iyi asak unun da iyinan witjin imisak.  
Ae butjap ematyo amin diwari do an yom do nandak nandak asak,

- uñun da tobilek iyı nan anupbal asak.  
 17 Yawe uñun amin kilegisi, do ya yan iyisat.  
 Pinjop Wukwisi do mani ankisik do kap yokenj.

## 8

*Pinjop dakon man madep gat ae amin dakon man tagi uñun dakon gen*

Dewit dakon kap kinda. Kokup pap Gat dakon gita nan tidanjek yogogi.

- 1 Yawe, Amin Taginin, miktimi miktimi gak dakon man pidanjisi. Tilingo wukwisi, kundu si yapmanjak.  
 2 Gak da man madep gamni do minjat monjiyo gat ae monji njakjak gat yoyinj dekdal.  
 Man madep gaminjakwa uwalgo da gak abinj gep do antidok anjek gen mapmit anj.  
 3 Kundukon gik kanekyo kisitgo da wasanj kwen yopgul da ton uñun pindagek yan nandisat.  
 4 Minjat aminyo nin nianjen amin di ban nin do nandak nandak madep asal?  
 Nin yo isalisi. Nin dakon kila nido kakgimansi asal?  
 5 Pinjop gak da nin gaga da mibilgwanjok nipgul.  
 Gak da nin wasanjek tilim gat ae man madep gat nimgul.  
 6 Yo morap wasagil uñun nin da kilani anenj do yan mudagil.  
 Uñun yo morap nin dakon pinjbi ekwanj.  
 7 Sipsip bulmakau, ae jonj bit kilapyo gat,

- <sup>8</sup> minam kwen akwan gat, ae tap kilap ae yo morap tap kagagwan akwan unun kisi nin dakon pinbi ekwan.
- <sup>9</sup> Yawe, Amin Taginin, miktimi miktimi gak dakon man pidanbisi.

## 9

*Amin kinda da Pin kop dakon anpakni kilegi do Pin kop ya yan iyigit*

Dewit dakon kap kinda. Tek kinda mani Almut Laben yan yon tegon da yogogi.

- <sup>1</sup> Yawe, butnokon da ya yansi gayiken.  
Pi tagisi morap agil unun do minat aminyo yoyiken.
- <sup>2</sup> Gak do nandanek kisik kisik aben.  
Pin kop Wukwisi, mango awigik do kap yoken.
- <sup>3</sup> Uwalno da gandanek pasal kwan.  
Man pagek kimak mudon.
- <sup>4</sup> Kila amin madep yityit tamogokon yigek gen kokwin kilegisi asal.  
Anpakno kokwin anaki gen pikon teban tosot.
- <sup>5</sup> Miktimi miktimi dima nandan gaman amin gen tebai yoyigil.  
Amin yokwi kili panupbal agil, ae dagok dagogi mini amin da intan yomdan.
- <sup>6</sup> Uwal wagilsu tasik tawit. Pin kop gak da kokup papni kili panupbal agil, ae amin da intan yomdan.
- <sup>7</sup> Mani Yawe unun kila amin madep dagok dagogi mini egi wigisak.  
Unun kila amin madep yityit tamonikon yigek gen kokwin pi ak do kili tagap tagit.

- 8 Unjun anpak kilegikon da miñat amin kabi morap  
dakon anpakni kokwin akdisak.  
Ae anpak tagisikon da miñat amin kabi morap  
kisi kila akdisak.
- 9 Uwalon jigi pañ amin Yawe da tagisi pañkutnosok.  
Jigi bisapmon unudon kinjek pasilgañ.
- 10 Yawe, miñat aminyo gak wisin gandak do pi an  
amin manji dima yomisal.  
Yañ asal, do mango nandañ amin egip egipni  
gagon tosok yañsi nandañ.
- 11 Yawe Saion kokup papmon unudon kila amin  
madep egisak.  
Kap yañek mani ankisini.  
Amin morap kisikon pi morap agit unjun do  
yañ tenjenok ani.
- 12 Yawe da jigi pañ amin nandañ yomisak, ae ku-  
nam takba mirakni dima sopmanđak.  
Yokwi an yomañ amin do kobogi yokwisi  
yomisak.
- 13 Yawe, bupmi nandañ nabi. Uwal da jigi tepmiyo  
namañ pindakgi.  
Pali kimot do asat, do yokwikon nañ abidañaki  
tagisi egipben.
- 14 Anpulugañbi yo morap agil dakon geni tagi yañek  
mango awigiken.  
Saion kokup pap da wigaron agek yañ  
tenjenok anek yokwikon nañ abidagil unjun  
do kisik kisik aben.
- 15 Miktimi miktimi dima nandañ gamañ amin da  
nin timit do gapma wayañ,  
mani iyi unjungwan moñ.  
Nin timit do pat yopmañ,  
mani iyi unjun paron yokwalañ.

- 16 Yawe dakon gen kokwin pi agakni unun kilegisi  
 yan unun amin da nandan iman.  
 Amin yokwi amin diwari panupbal ak do yo  
 awit,  
 mani unun yo yokwi da tobilek iyi ban  
 panupbal awit.
- 17 Pin kop manji iminek yokwi an amin morap unun  
 kimakbi kokupmon pan ki egipdan.
- 18 Bisapmi bisapmi Pin kop da yoni mini amin dima  
 intan yomisak.  
 Jigin madepsi ton amin, unun Pin kop da  
 an pulugosak do nandan gadat anek jomjom  
 an.  
 Unun yum pindagakwan isal dogin jomjom  
 dima an.
- 19 Yawe, apbi. Yum pindagaki miktim amin da  
 teban tanej dima abin gepni.  
 Miktimi miktimi amin dima nandan gaman  
 unun gaga da inamon yopmanek gen kokwin  
 an yobi.
- 20 Yawe, panpasol anaki madepsi pasolni, ae iyi do  
 nin miktim amin gin yan si nandani.

## 10

### *Amin kind a Pin kop da an pulugosak do bisit agit*

- 1 Yawe, gak nido nak da dubagikon egisal?  
 Bisap yokwikon gak nido pasil namisal?
- 2 Amin yokwi iyi do nandaba wigakwa yoni mini  
 amin panupbal ak do yolgan.  
 Amin diwari yokwi anyom do nandak nandak  
 an, unun yo yokwi iyi timikgan.
- 3 Amin yokwi galaktok yokwini do nandanek pibit  
 tidok asak.

- Yo morapmi timit do nandan amin panjisak,  
ae Yawe ibipmandak.
- 4 Amin yokwi iyi do nandaban wigakwan Pinjokop  
wisin kok do pi dima asak.  
Pinjokop do nandaban yo isali asak.
- 5 Yo morap aban tagisi noman toj.  
Yawe, gak dakon nandak nandak kindasok  
dimasi nandisak.  
Unun da uwalni do manji gen yan yomisak.
- 6 Yan nandisak, “Nak aripmi dima mokenj.  
Bisapmi bisapmi yo di da nak aripmi dima  
abiñ nepni.”
- 7 Bisap morap amin jobit yomisak, ae top gen  
yosok, ae amin dap do yosok.  
Yokwi ak do ae jigi panalon ak do gen tepmisi  
yosok.
- 8 Unun kokupmon pasili egek amin gulusunni mini  
amin apba dapban kimotni do jomjom asak.  
Unun si pasilek amin tapmimni mini panupbal  
ak do yubin egisak.
- 9 Laion da yan pasilikon yigek kila tebai asak.  
Unun pasil yigek tapmimni mini amin paron  
yokwalban ilik panjisak.
- 10 Anjakwan unudon gin tapmimni mini amin tasik  
toj.  
Amin yokwi dakon tapmim madepni da pabinj  
yopmandak.
- 11 Amin yokwi da yan nandisak, “Pinjokop da nak  
intan namgut.  
Iyi dakon dabil kili sopgut, do dima nandisak.”
- 12 Yawe, abin yokwi pakpak amin kobogi yokwi  
anyobi.



- Piŋkop, amin jigini ton unun dima iŋtan yobi.
- 13 Yokwi pakpak amin da nido Piŋkop do yanba yokwi tok aŋ?  
Ae nido “Piŋkop da kobogi yokwi dima nimdisak” yan nandan?
- 14 Mani gak da yokwi pakpak amin dakon anpak pindak mudosol.  
Anpak yokwi aba amin diwari da tepmi paŋ unun pindagek kobogi yokwi yomisal.  
Jigi nandan amin gak da paŋpulugoki do buri gagon yopmanŋaŋ.  
Meŋ datyoni kimakbi amin gak da tagisi paŋpulugosol.
- 15 Yokwi pakpak dakon tapmim pabiŋ yopmanŋek anpak yokwini buŋon ae dima pindakgi.
- 16 Yawe dagok dagogi mini kila amin madep egi wigikdisak.  
Piŋkop ŋwakŋwari gawak yomaŋ amin miktimnikon baŋ yolban tasik tokdaŋ.
- 17 Yawe, gak jigini ton amin dakon bisit nandaŋek buri paŋteban akdisal.
- 18 Meŋ datyoni kimakgwit amin gat ae uwalon jigi timikgaŋ amin gat dakon bisitni nandan yomdisal.  
Paŋpulugaŋaki gen pikon atni bisapmon teban tokdaŋ.  
Ae miktimon miŋat aminyo da saŋbenŋek yo yokwi dima anjomdaŋ.

## 11

*Amin kinda Piŋkop do nandan gadat tebaisi agiŋ*  
Dewit dakon kap kinda. Kap on kap yoŋ dakon kila amin do mandabi.

- 1-2 Nak anjuknosak do Yawekon kisasat.  
 Do gak nido yan nayisal, "Amin yokwi obipni panilikgan!  
 Pilin tukgwan amin kilegi yam do dikdikni bisapmon samban!  
 Do minam kinda da yan pasalek kabapgwan wigi!
- 3 Anpak kilegi dakon teban tokni kisi tuwil ki mudoni kan, amin kilegi nian ani?"
- 4 Mani Yawe telagi yutnikon egisak.  
 Kwen Kokup kila amin madep egek dabil da amin morap kisi pindakdak.  
 Yo morap an unun kisisi nandan mudosok.
- 5 Yawe da amin kilegi ae amin yokwi kagimansi kokwin asak.  
 Emat do galak ton amin dimasi galak tan yomisak.
- 6 Amin yokwi do kindap tepmisi sosok unun tagal yomisak.  
 Anjek giptimni obisi son yomni do mirim tepmisi sosok unun yipban abisak.  
 Unun yokwi awit dakon kobogini.
- 7 Yawe anpak kilegi gin asak.  
 Anpak kilegi an amin do but dasi galak tan yomisak.  
 Anpak kilegi an amin unun da tomno dabilni kokdan.

## 12

*Amin kinda Pin kop da anpulugosak do bisit agit*  
 Dewit dakon kap kinda.

- 1 Yawe, gak gawak gaman amin pasil mudan.

- Gak golgaŋ amin kindā dima kokdisal, do abin  
nak anpulgā.
- <sup>2</sup> Amin morap kisi amin diwarikon top yoŋ.  
Paŋkewal do gen galagi yoyaŋ.
- <sup>3</sup> Yawe, gak da gen galagi yoŋ amin dakon gen  
kagani sopbi.  
Ae pibit tidok aŋ amin dakon gen kagani sopbi  
dosi nandisat.
- <sup>4</sup> Uŋun amin da yaŋ yoŋ, “Top gen yaŋek teban  
tonaŋ.  
Nin da galak togon gen yokdamaŋ.  
Amin kindā da kosit dima sopmaŋ nimjak.”
- <sup>5</sup> Mani Yawe da yaŋ yosok, “Amin yokwi da  
tapmimni mini amin pabin yopmaŋgaŋ,  
ae yoni mini amin iyoŋ iyoŋ yaŋek ekwaŋ.  
Do nak da abin paŋpulgokaŋ.  
Uŋun nak da paŋkutnokaŋ do yoŋ, do yaŋsi  
akdisat.”
- <sup>6</sup> Yawe dakon yaŋ teban tok gen uŋun bamisi.  
Uŋun silwa kindapmon kosiri <sup>7</sup> yaŋ soŋba  
jimjimi minisi aŋ, uŋun yombem wagil  
tagisi.
- <sup>7-8</sup> Yawe, amin yokwi uŋun dukwan dukwan kisi  
agek anpak inani uŋun do yo tagisi yaŋ nan-  
daŋ.  
Do bisapmi bisapmi kilanin tagisi anaki amin  
yokwi da nin dima paŋupbal ani.

## 13

### *Amin kindā Pin kop da anpulgosa do bisit agit*

Dewit dakon kap kindā. Kap on kap yoŋ dakon kila  
amin do mandabi.

- <sup>1</sup> Yawe, ni bisapmon aego nandaŋ nabi?

- Nak do dagok dagogi mini inŋaŋ namin  
wigikdisal bo?  
Gak bisap nian da pasil naminaki dima gan-  
daken?
- <sup>2</sup> Bisap nian da butnokon da tepmi pasat unun sigin  
paken?  
Gildat nian da but yokwino sigin tosak?  
Bisap nian da uwalno da sigin abin nepni?
- <sup>3</sup> Yawe Pinƣopno, nandan naminek bisitno nan-  
daki.  
Dima anteban aki kaŋ, nak kimokgeŋ.
- <sup>4</sup> Yan anaki kaŋdo uwalno da “kili abin yipmaman”  
yan dima yoni.  
Ae nak da maŋ pokgo kaŋek kisik kisik dima  
ani.
- <sup>5</sup> Mani bisapmi bisapmi but dasi galak taŋ namisal  
yanŋi nandako dagosok.  
Ae jigikon baŋ anpulgosal, do gak do kisik kisik  
aben.
- <sup>6</sup> Yawe da nak do yo tagisi agit, do mani awigek kap  
yoken.

## 14

### *Amin dakon anpak yokwini*

Dewit dakon kap kinda. Kap on kap yoŋ dakon kila  
amin do mandabi.

- <sup>1</sup> Nandan kokwini tagi dima amin burikon da yan  
yoŋ,  
“Pinƣop kinda dima egisak.”  
Unun amin yokwisi.  
Yo wagil yokwisi baŋ gin an.  
Kinda da anpak tagi kinda dima asak.

- 2 Yawe unun Kwen Kokup da sinṭanban piṅkwan miṅat amin morapyo pindakdak.  
Unun da amin kinda nandak nandakni tagisi kinda Piṅkop wisin kok do pi asak bo dima yaṅ do wisasak.
- 3 Mani dima. Kisi morap kosit kilegi kili yipman dekgwit.  
Unun amin wagil amin yokwisi, kisi morap arip gin.  
Kindasok da anpak tagisi kinda dimasi asak.
- 4 Piṅkop da yaṅ yosok, “Yokwi an amin nandak nandak tagi di dimasi timitdan.  
Bret nanba mudon, unun da tilak miṅat aminon nan mudon.  
Ae nak da paṅpulugoken do bisit dima an nan.”
- 5 Mani Piṅkop miṅat aminyo geni guramikgan amin gat egisak,  
do amin yokwi unun madepsi pasoldan.
- 6 Yoni mini amin da yo ak do paṅkosit an unun tuwil do pi an.  
Mani yoni mini amin Yawe da paṅkutnosok.
- 7 Nak Piṅkop da Saion amin kinda yabekban abin Israel amin yokwikon ban timitjak do nandisat.  
Yawe da miṅat amini paṅpuluganban aeni tagisi egipni bisapmon, Israel amin kisik kisik akdan.  
Asi, but galaksi egipdan.

## 15

*Anpak Piṅkop da nin da aneṅ do nandisak*  
Dewit dakon kap kinda.

- 1 Yawe, namin da gak da telagi yutgwan tagi wigisak?  
Telagi kabapgokon namin da tagi egipjak?
- 2 Amin kinda sun kinda aban amin da yanba yokwi tok dima an imgwit,  
ae anpakni kilegisi,  
ae burikon da nandanek gen bami gin yosok,  
unjun amin da tagi egipjak.
- 3 Amin do yanba yokwi tok dima asak,  
ae notni do anpak yokwi dima anyomisak,  
ae notni do top dima yan yomisak.
- 4 Yokwi pakpak amin do dima galak tanek Yawe do pasolgon amin do nandaban wukwan yomisak.  
Yan teban tok asak unjun jigi noman tan iman bisapmon dima kirinjigek geni guramik kimokdok.
- 5 Amin da goman an iba di gat sanbenek imni do dima yosok.  
Ae amin da topni panteban anek si yuman nanakwa amin kilegi gen pikon yop do aba geni dima nandan yomisak.  
Unjun anpak kilegi morap yolgan amin unjun dagok dagogi mini aripmi dima mokdan.

## 16

### *Amin kinda da nandan gadat anek bisit agit*

Dewit dakon kap kinda. On kap do “Miktam” yan yon.

- 1 Pin kop, an kutnoki do gagon obisat, do kilano aki.
- 2 Nak Yawe yan iyigim,  
“Gak Amin Tagino.

Yo tagisi morap timikdat unun gak da kisiron  
dagin aban.”

- <sup>3</sup> Pin kop dakon amin unun tagisi.  
Nak unun gat egip do tagisi nandisat.
- <sup>4</sup> Amin timtim yanek pin kop nwan nwarikon kwan  
unun jig morapmi pakdan.  
Nak paret ak do bit kilapyo dakon yawi tagal  
do unun gat dima muwutne, ae pin kopni dakon man dima yoken.
- <sup>5</sup> Yawe, gak kalon gin nak dakon yo morapno.  
Yo morapno gak da kisiron gin ton.  
Yo morapno pan kutnan namisal.
- <sup>6</sup> Miktimno gat ae yo tagisi morap gat gagon gin  
timikdat.  
Asisi, yo morap namisal unun wagil tagisi.
- <sup>7</sup> Yawe an kisen. Unun da tagisi egipben do nayin  
nolisak.  
Ae kalbi butno da nayin dekdak.
- <sup>8</sup> Bisapmi bisapmi Yawe nak da kapmatjok ekwan  
nandisat.  
Kapmatjok egek tapmim namisak, do yo  
kinda da aripmi dima an kwakwalitjak.
- <sup>9-10</sup> Yum nandanaki nak kimakbi kokupmon  
aripmi dima pan ki egipben.  
Anek gak dakon Telagi Amin yum kanaki  
kimakbi tamokon tan dima miktosak.  
Yan do, butno tagisi an akwan mango yan  
an kisisat.  
Pasol pasoli mini tagisi egisat.
- <sup>11</sup> Gak da egip egip dakon kosit nolisal.  
Gak nak da kapmatjok egisal, do kisik kisik  
madepsi asat.

Ae anpuluganaki butno kisik kisik tanakwan  
dagok dagogi mini yangin tan anan kikkisak.

## 17

### *Amin kilegi kinda dakon bisit*

Dewit dakon kap kinda.

- 1 Yawe, nak amin kilegi, do anpuluganek nandan nabi do yan tidosot.  
Nak top amin dima, do bisitno nandaki do nandisat.
- 2 Ni anpak da kilegi unun gak da nandisal, do anpuluganaki gen pikon teban token dosi nandisat.
- 3 Gak da nak dakon but nandan mudosol.  
Kalbi abin ankilik nandanek nagon nandak nandak yokwi kinda dima tanban kal.  
Gen yokwi kinda dima yoken dosi nandisat.
- 4 Gen tebango guramigek emat pidokyo an amin dakon anpak manji yomgum.
- 5 Bisapmi bisapmi gak dakon kosit nan agek kandapno sun dima pilik bamosot.
- 6 Pin kop, gak da bisitno dakon kobogi namisal.  
Unun do anek gak do bisit asat.  
Mirak yopmanek bisitno nandaki.
- 7 Nin do but dasi galak tan nimisal, unun dakon bami nolinek yo tagisi an nibi.  
Tapmim madepgokon da nin panpulugosol.  
Nin gak da kapmatjok egek uwalnin da dima nindani do pasilgaman.
- 8 Gaga dakon dabilgo kila asal unuden kilano aki.  
Pup meni da pudigi pirigwan wutjisak unun da tilak nak wutjiki.



- 9 Yan anaki kan̄do uwalno da nak ar̄ipmi dima an̄upbal ani.  
Nikba kimokgen̄ do an̄digat an̄.
- 10 Amin̄ diwari do nandan̄ yawotjok di dimasi an̄ yoman̄.  
Gen pap yan̄ek iyi dakon man pawikwan̄.
- 11 Nak abin̄ nepdosi nandan̄ teban tan̄,  
do kandap tamono yolek an̄digat ayin̄ da ekwan̄.
- 12 Un̄un laion da kilap dap do an̄ un̄un da tilak, ae laion bulagi da pasilek yubin̄ ekwan̄ un̄un da tilak.
- 13 Yawe, gak abin̄ uwalno gat emat waman̄ek pabin̄ yopbi.  
Emat agak sibago abidan̄ek un̄un gat emat waman̄ek yokwi pakpak da kisiron ban̄ abidoki.
- 14 Yawe, tapmim madepgokon da an̄pulugan̄aki uwalno da dima nikba kimokgen̄.  
Un̄un mikt̄im dakon yo ban̄gin pan̄muwut do nandan̄.  
An̄pak yokwini dakon kobogi yo yokwisi an̄ yobi.  
Ae monjini gat ae babikni don altoni un̄un yo yokwisi an̄yobi.
- 15 Mani nak amin̄ kilegi, do don gandakdisat.  
Pokdot da pidosot bisapmon gak nak gat egisal yan̄ nandan̄ek but galaksi nandaken̄.

## 18

*Pinjkop da nin pan̄pulugan̄akwan emaron teban toman̄*

Dewit Yawe dakon oman amini dakon kap kind̄a.

Kap dakon kila amin do mandagit. Kap on Yawe da Dewit Sol ae uwalni diwarı morap da kisiron ban abidagit bisapmon Yawe do yagit.

<sup>1</sup> Yawe, gak da nak anteban asal.

Nak but dasi galak tan gamısat.

<sup>2</sup> Yawe unun tip madepno, unun da nak ankisıbisak.

Unun dam tebano arıpmı dima tuwılı egısak.

Anjek uwal da kisiron nan abidosok.

Pınkopno unun tip madepsi yombem, do uwalno da dima nandani yan do unudon kın pasıdat.

Yawe unun pasıkno, ae yokwikon nan abıdanek kilano asak dakon tapmım tan imısak.

Unun dam tebano.

<sup>3</sup> Nak Yawe do bısit asat. Anpuluganakwan uwalno da arıpmı dima anıubal anı.

Yawe unun ankısıgısi noman.

<sup>4</sup> Nap teban da nak tebaisi wamanıdak, ae tap ıdap da nak wıtjik do madepsi tamalıkdak, unun da tilak kımot da nak palısi abıdagıt.

<sup>5</sup> Paron yokwalek arıpmı dima pulugan kigi, unun da tilak kımot da nak abıdanıban kımakbi tamokon palısi kıgım.

<sup>6</sup> Butno madepsi yokwi tagıt, mani Yawe do madepsi yan ıdagım.

Pınkop da anpulugosak do yan ıdoko Telagi Yutnikon egek yan ılıtno nandagit.

Anjek bısitno do mırak yopgut.

<sup>7</sup> Bısitno nandanek uwalno do butıap madepsi nandan yomgut.

Anjek mıktım aban wudıı madepsi agıt.

Anakwan ilen dakon mibili madepsi kwakwalikgwit.

<sup>8</sup> Mukwa Yawe da tomnokon da pidawit.

Anakwan milen asip gen kaganikon da baljanek yo morapmi sowit.

Anakwan kindap patdet yaban dukwan dukwan kisi kiwit.

<sup>9</sup> Unun kundu witdalek pigit.

Anakwan gikwem pilisi da kandapni da mibilgwan tawit.

<sup>10</sup> Unun anelo madep serabim kinda da kwenon yikban piriropan abigit.

Ae mirim minam da yan piri ton da Pin kop abidan tepmisi abigit.

<sup>11</sup> Unun da pilin tuk yipban kubikgit.

Gikwem pilisi sikak mok do anakwan waman dak unun da witjigit.

<sup>12</sup> Unun da gikwem aban tenjenisi anakwa ais sikak gat kindap patdet gat unun gikwemgwan da mawit.

<sup>13</sup> Yawe Kwen Kokup egek kiririn da yan madepsi yan tidagit.

Pin kop Wukwisi da madepsi yan tidagit.

<sup>14</sup> Unun da aban mal da dikdikni da yan uwalni yaban pasal kiwit.

<sup>15</sup> Yawe, gen tebai yipmanaki tap dakon mibili noman tagit.

Migan pisonbi miktin dakon mibili noman tagit.

<sup>16</sup> Yawe kwen egisak unun kisiri yipban pinakwan nak yokwikon ban abidagit.

Tap madep da nak witjigit, mani ilikban wigim.

- 17 Uwalno da madepsi teban tanjakwa nak da aripmi dimasi pabin yopmi,  
mani Yawe da nak unun da kisiron ban abidagit.
- 18 Bisap yokwi kinda noman tan naminjakan uwalno abin nagon emat awit.  
Mani Yawe da kilano agit.
- 19 Unun da an puluganjakan tagisi egipgum.  
Tagisi nandan namgut do anek nak yokwikon nan abidagit.
- 20 Nak anpak kilegisi agim, do Yawe da kobogi do yo tagisi morapmi namgut.  
Sun kinda dima agim do anek Pinkop da yo tagisi an namgut.
- 21 Yawe dakon gen teban tagisi yol kimakgim.  
Pinkopno manji iminek yokwi dima agim.
- 22 Bisapmi bisapmi gen tebani do nandanek geni tagisi unun dima abin yipgum.
- 23 Unun da nandisak, nak gulusunni mini.  
Kosit agipgum unun kila tebai anek yokwi kinda dima agim.
- 24 Dabilnikon gwaljigi minisi egipgum, do Yawe da anpakno kilegi unun do nandanek kobogi do anpak tagisi an namgut.
- 25 Yawe, amin kinda gak dima gepmandetjak kan, gak unun amin dima yipman detdisal.  
Amin kinda anpak kilegi anek gulusunni mini kan, kobogi do yo tagisi gin an imdisal.
- 26 Amin kinda anpak gwaljigi mini asak kan, gak da anpakgo gwaljigi mini unun yolisal.  
Mani amin kinda anpak yokwi asak kan, kagimansi kanek kobogi imisal.

- 27 Gak da miñat aminyo iyi do nandaba pañ amin yokwikon bañ timikdal.  
Mani iyi do nandaba wikwan amin pabiñ yopmanđal.
- 28 Yawe Piñkop, gak da lamno yipbi tenñenosok, anek nagon pilin tuk yoldal.
- 29 Piñkop, anpuluganaki uwal kabi madep unun aripmi tagi pabiñ yopben.  
Ae anteban anaki kokup pap dakon dam madep aripmi tagi irakgen.
- 30 Piñkop dakon anpak unun wagil kilegisi.  
Yo kinda ak do yan teban tok asak kañ, geni unun bami noman tokdañ.  
Yawe unun pasik yombem, do amin morap uwal da dima pindatni yan do unudon kin pasilakwa tagisi panikutnosok.
- 31 Yawe kalongin Piñkop bamisi.  
Unun kalon dagin tip madep da yan dam anñimisak.
- 32 Piñkop dagin nak anteban anakwan tebai akdat.  
Ae kosit agisat bisapmon kilano tagisi asak.
- 33 Jon kilap dia unun kandapmi tagisi do gilokon aripmi dima mosak,  
unun da aripmon anpuluganakwan ilenon kwensi tagisi agisat.
- 34 Unun da emat agak do nayin degek kisitno anteban asak,  
do obip tebai ain kinda mani bras unun bañ wasanbi unun tagi panilikgen.
- 35 Yawe, gak da nak uwal da kisiron bañ abidagil.  
Pasikgo nabi unun da manjigwan pasildat.

Kisitnokon abidaŋaki tebai akdat.

Anpulgosol, do miŋat aminyo da dabilon man  
madepno toŋ.

36 Kosit ilalogi naŋ yul namgul, do sagalek dima  
nikgit.

37 Nak uwal paŋsopmaŋek timikgim.

Yo yokwisi anyomiŋek wagil kisisi dapbo  
pasilgwit.

38 Nak da yabo maŋ pakgwit.

Kandap mibilnogwan pakgwit, do aripmi  
dima pidokdaŋ.

39 Gak da emat dakon tapmim namgul, aŋek uwal  
kisitnokon yopmaŋaki pabiŋ yopgum.

40 Aŋaki uwal tobil manji namŋek pasal kiwit.

Amin dima galak taŋ namgwit uŋun wagil  
dapbo pasilgwit.

41 Amin da paŋpulugonisi do yaŋ tidawit, mani  
dima apgwit.

Yawe do kunam takgwit, mani bisitni dima  
nandaŋ yomgut.

42 Mirim da milip milip piŋonba dukwan dukwan  
kwaŋ, uŋun da tilak obisi paŋupbal agim.

Uwal mabo kiŋek neŋak da yaŋ kosiron tawit.

43 Miŋat aminyo da uwal aŋ namgwit bisapmon,  
aŋpulugaŋaki dima aŋupbal awit.

Aŋek Amin Nwakiŋwari Kabi dakon mibiltok  
amini egipben do nak manjiŋil.

Miŋat aminyo dima nandaŋ yomgum, abisok  
nak da yongamgan ekwaŋ.

44 Uŋun da mibilno nandaŋek uŋudon gin geno  
guramikgaŋ.

Miktım dubagikon amın da nak do pasalek  
abiñ ɲwakbeñ añ naman.

45 Tapmim pawit uñun kili yipba magit, ae kokup  
papni tapmimi toñ uñun yipman degek si  
nimnimik nimnimik nagon obañ.

46 Yawe uñun toktogisi egisak.  
Uñun tip madep da yan nak dam asak, do mani  
añkisineñ.  
Piñkop da nak yokwikon nan abidagit, do nin  
man madepni awiginensi.

47 Piñkop da uwalno yokwini dakon kobogı do  
yokwi añ yomisak.  
Añek amın kabi miktimi miktimi ekwan uñun  
yopban nak da yongamwan ekwan.

48 Yan añek uwalno da kisiron nan abidosok.  
Asisi, Yawe gak da uwalno da dabilon man  
madep namgul.  
Añpuluganaki emat pidokyo añ amın da dima  
nikba kimakgim.

49 Uñun do añek Amin ɲwakɲwari Kabi da binap-  
mon mango awigiken.  
Yawe, mango awigik do kap yoken.

50 Yawe da kila amın madepni nak Dewit añ pulu-  
ganakwan uwal madepsi pabiñ yopmandat.  
Bisapmi bisapmi iyi do tilak agit amın nak but  
dasi galak tañ namisak.  
Ae dagok dagogı mini diwatno don altoni  
uñun but dasi galak tañ yomdisak.

# 19

*Yo morap Piŋkop da wasagit unun da man  
madepni nolisak*

Dewit dakon kap kında. Kap on kap yoŋ dakon kıla  
amin do mandabi.

<sup>1</sup> Kundu da Piŋkop dakon tilimni nolisak.

Kwen yo morap da Piŋkop unun naphisap  
aminsı yan nolisak.

<sup>2</sup> Gildari gildari man madepni do yoŋ.

Ae pilini pilini mibilni yanakwa nandaman.

<sup>3</sup> Tenjeni gat pilin tuk gat gen kagani mini, do gen  
aripmi dima yonjil.

Nin da unun bamot dakon tekni dima nan-  
daman.

<sup>4</sup> Mani unun da miktım amin morap kisi yoyin  
dekgamal.

Geni kin miktım morap kisi aripmi asak.

Kundukon Piŋkop da gildat do imal yut kında  
witjigit.

<sup>5</sup> Gildat dabil unungwan da amin kında da minjat  
panek but galagon da yutni yipmanek  
wanğa pisak,

unun da tilak wanğa pisak.

Gildat dabil unun amin kında da naphi  
gwapbo do tımım yanek kik do asak,

unun da tilak kisik kisik anek kositni nan kisak.

<sup>6</sup> Gildat dabil unun kundu dakon diwarikon da  
altan winjek teri kında kisak.

Tedepnikon yo kında aripmi dima pasiljak.

Piŋkop dakon geni unun wagil tagisi



- 7 Yawe dakon nawa gen uñun gwaljigi mini wagil tagisisi.  
Uñun da egip egipnin pañkaluk asak.  
Yawe dakon gen uñun bami tañ tañ akdañ gin,  
dima suñ tokdañ.  
Uñun da nandak nandakni mini amin  
pañtagap aban nandañ kokwini tagisi amin  
dagoñ.
- 8 Yawe dakon geni tagisi uñun abidañek but galaksi  
nandamañ.  
Yawe dakon gen tebani uñun gwaljigi minisi.  
Uñun da nandak nandak tagisi nimisak.
- 9 Yawe do pasalek gawak imim uñun anpak tagisi  
kinda, don tañ anañ kikedisak.  
Yawe da anpak aneñ do niyisak uñun bamisi ae  
kilegisi gin.
- 10 Yawe dakon geni da gol morapmi gwaljigi mini  
yapmañdak, do nin uñun do madepsi galak  
tomañ.  
Galagini madepsi da kabañ kok tamonikon da  
moñ uñun dakon galagini yapmañdak.
- 11 Nak oman amingo mama gengo guramigek  
kobogi tagisi timikdat.
- 12 Namın da iyi dakon anpak yokwini morap  
nandisak?  
Yokwi diwari dima nandañek asat uñun  
wiririkbi kilegisi egipben.
- 13 Ae uñun gin dima, anpak yokwi yañ dino nan-  
dañek dima abeñ do oman monjigo kilano  
aki.  
Kwen wigik anpak da nak dima abiñ nepjak do  
nandisat.

Nak kilegisi egek yokwi madep dima aben do nandisat.

- 14 Yawe, gen yogokno ae nandak nandakno kisi gak da pindakbi tagisi ani dosi nandisat.  
Yawe, gak tip madepno, ae yokwikon ban yuman nan nepnep amino.

## 20

*Amin kinda Pinjkop da anpuluganban emaron teban tosak do bisit agit*

Dewit dakon kap kinda. Kap on kap yon dakon kila amin do mandabi.

- 1 Jigi noman tan gamni bisapmon Yawe da gak anpulugosak dosi nandisat.  
Jekop dakon Pinjkop da gak ankutnosak dosi nandisat.
- 2 Unun telagi yutnikon Saion kokup papmon egisak.  
Unun da gak anpuluganek anteban asak dosi nandisat.
- 3 Unun da paret morap asal unun do tagi nandisak dosi nandisat.  
Ae paret morapgo kindapmon sosol unun do galak tosak dosi nandisat.
- 4 Pinjkop da yo morap galak tosol unun gamjak, ae pi morap ak do nandisal unun da anpuluganakwan aripmi tagi abi dosi nandisat.
- 5 Emaron teban toki bisapmon kisik kisik anen, ae Pinjkopnin dakon man awiginej.  
Yawe da bisit morapgo nandisak dosi nandisat.
- 6 Abisok nak nandisat. Yawe da kila amin madepni iyi manjigit anpulugosok.

Uñun Kwen Kokup kokupni tagisikon egek  
bisitni nandisak.

Iyi da tapmimon anpuluganek uwalni da  
kisiron nan abidosok.

<sup>7</sup> Amin diwari emat bisapmon os da amin ilik  
pawilgan tamoni unun do pibit tidok an.

Ae amin diwari osni do pibit tidok an.

Mani nin Yawe Pinjopnin dakon tapmim do yo  
madepsi yan nandaman.

<sup>8</sup> Uñun amin man mudokdan.

Mani nin pidanek tebai atdaman.

<sup>9</sup> Yawe, kila amin madepnin anpuluganeki emaron  
teban toneñ.

Gak do yan tidoneñ bisapmon panpulugoki.

## 21

*Pinjop da kila amin madep anpuluganban mani  
awigigit*

Dewit dakon kap kında. Kap on kap yon dakon kila  
amin do mandabi.

<sup>1</sup> Yawe, kila amin madep da tapmingo do kisik  
kisik nandisak.

Gak da anpuluganeki emaron teban tagit, do  
gak do but galaksi nandisak.

<sup>2</sup> Yo timit do nandagit unun gak da ibi kili timikgit.

Yo do bisit gayigit, unun imgul.

<sup>3</sup> But galagon da abidanek yo tagisi imgul.

Anek kila amin madep dakon pelit gol ban  
wasanbi busunikon yipgul.

<sup>4</sup> Egip egip do bisit gayinban imgul.

Anek egip egipni andubak abi toktogisi  
egipdisak.

<sup>5</sup> Anpuluganeki man madepni madepsi tosok.

Kila amin madep dakon tilimni wagil tagisisi  
gak da ingul.

6 Gak da yo tagisi dagok dagogi mini animin  
wigikdisal.

Gak unun da kapmatjok egisal, do kisik kisik  
madepsi nandisak.

7 Kila amin madep da egip egipni Yawekon toso  
yanji nandisak.

Pinkop Wukwisi, unun da kila amin madep do  
bisapmi bisapmi but dasi galak tan imisak,  
do tebaisi atdisak.

8 Kila amin madep da uwal morapni tebaisi  
timitdisak.

Amin dima galak tan iman amin kisiri amin tet  
da tebaisi timitdisak.

9 Kindap madep da yo sosen, unun da tilak noman  
altosak bisapmon uwalni dapban pasildan.

Yawe da butjap nandan yominjek pabin yop-  
manjakwan kindap da son yomin mudokdan.

10 Kila amin madep da uwalni dakon monji gway-  
oni kisi morap dapban kimak mudokdan.

Anjakwan monji gwayoni miktimon sanbenjek  
dima egipdan.

11 Uwal da nandak nandak anek kila amin madep  
yokwi an im do gen yan panteban an,

mani aripmi dima abin yipni.

12 Dikdikgo ban yaman yobi tobilek pasal si kikan.

13 Yawe, tapmingo madepsi do gak dakon man  
ankisik do kap yonen.

## 22

### *Iyoŋ iyoŋ dakon gen ae ya dakon kap*

Dewit dakon kap kinda. Kap yoŋ amin dakon kila amin da miŋat aminyo yoyinban kap tek “Wisa dagok dakon dia miŋat” unun nan yoni.

<sup>1</sup> Piŋkopno, Piŋkopno, nido nipman dekgil?

Iyoŋ iyoŋ yaŋapbo nido dubagikon egek jigikon nan dima anpulugosol?

<sup>2</sup> Piŋkopno, gildari gildari gak do yaŋ tidosot, mani kobogi dima nayisal.

Kalbiyo kisi gak do yaŋ tidosot, mani yawori kinda dima abidosot.

<sup>3</sup> Mani gak telagi egisal. Gak kila amin madep yigaki Israel amin da mango ankisan.

<sup>4</sup> Kalip babiknin da egip egipni gagon tosoƷ yaŋsi nandan gamgwit.

Anakwa gak da uwalni da kisiron ban pulugagil.

<sup>5</sup> Gak do yaŋ tidanba jigikon ban pulugagil.

Nandan gadan gaminakwa panpulugagil, do nandan gadatni unun isali dima agit.

<sup>6</sup> Mani nak amin dima, nak walen yombem yo isali. Amin morap da nandaba yokwi tok annaminek manji naman.

<sup>7</sup> Amin morap nak nandan unun yaŋsul an naman. Anek yaŋba yokwi tok anek wunda kwakwal an naman.

<sup>8</sup> Anek yaŋ yoŋ, “Yawe da anpulugosak do nandan gadan imisak, do yum kanakwa unun da jigikon ban pulugan yipjak.

---

**22:1:** Mt 27.46; Mk 15.34

**22:7:** Mt 27.39; Mk 15.29; Lk 23.35

**22:8:** Mt 27.43

Yawe do madepsi galak tanj imisak, do yum  
kanakwa anpulgusak.”

9 Pinjkop gak dasi kilano anjaki menj da buron da  
tagisi altagim.

Mum nagim bisapmon anpuluganbi egip  
egipno gagon tosok yanjsi nandanj gamgum.

10 Menjno da analagiron da wasanjek gak da kisiron  
egipgum da egisat.

Si altagimon da wasanjek gak Pinjkopno egipgul  
da egisal.

11 Jigi mibili mibili abanj, ae panpulugokno mini, do  
dubagikon dima egipbi.

12 Uwalno unun bulmakau wili da yanj anjgwasanj.

Unun tapmimni madepsi, Basan miktim  
dakon bulmakau wili yombem.

13 Laion da jonj kilap nok do yanj tidanjek gen kagani  
anjtanj kwanj,

unudenj uwalno da nak anjupbal ak do anj.

14 Pakbi isal dogin tagal ki mudonj, unun da tilak  
tapmimno minisi anj.

Kidatno dakon sanbekni kisi kalkalanj mudonj.

Bit nelak da pakbi dagonj unun da tilak butno  
wagilsi tapmimi mini pakbi idap asak.

15 Tapmimno mini anakwan melno tiptanj gen  
kaganogwan tegosok.

Gak da nepbi kimot da tamokon pokdot.

16 Amin yokwi da nak pinjan da yanj anjgwasanj.

Anjek kisit kandapyo nokon injinba geni da  
giptimnogwan pigenj.

17 Kidatno kisi noman tanjakwa tagi manjikenj.

Unun da nak da yokwi tat unun kanjek kisik  
kisik anj.

- 18 Imalno kokwinik timigek paba pigikno namin da abidosak yan do satu wasok an.
- 19 Yawe, nak nepmanek dubagikon dima egipbi.  
Panpulugokno, tepmi abin anpuluga.
- 20 Anpuluganbi emat agak siba ban dima nikba kimokgen.  
Unun amin pinan yombem da kisiron ban puluganbi dima nikba kimokgen.
- 21 Laion da gen kaga ae jon bulmakau da jomon ban pulugan nepbi.
- 22 Yan anaki notno kabikon man madepgo yan tenjenoken.  
Ae minat amin kabiyo da muwutnikon gak ankisiken.
- 23 Yawe do pasal iman amin kabi, Yawe ankisini.  
Jekop dakon diwatni kabi, Yawe man madep imni.  
Israel dakon diwatni kabi, Yawe gawak imni.
- 24 Nido jigi madepsi pan amin manji dima yomisak.  
Tepmi jigiyo pan amin unun do nandaban yo isali dima asak.  
Unun manji dima yomisak.  
Panpulugosak do yan tidanba bisitni nandan yomisak.
- 25 Amin madepsi Pin kop gawak im do muwutni bisapmon gak ankisiken.  
Minat aminyo gak do pasolgon unun da dabilon kalip gak do paret ak do yan teban tagim unun akdisat.
- 26 Bupmi amin jap aripmisi nan tugokdan.

Ae Yawe wisin kokdo pi an amin unun da mani an kisikdan.

Pin kop da pan pulugan ban dagok dagogi mini butni tagisi tan anan wigikdisak.

<sup>27</sup> Amin miktimi miktimi ekwan Yawe do nandanek tobil iyikon apdan.

Miktimi miktimi amin kabi kabi ekwan unun da abinek gawak imdan.

<sup>28</sup> Nido Yawe kila amin madep egek miktimi miktimi amin morap kilani asak.

<sup>29</sup> Miktimi miktimi kwen wigik amin morap da n wakben an imdan.

Miktim amin morap kimagek miktim dagokdan unun kisi morap da abinek Pin kop gawak imdan.

<sup>30</sup> Don altan altan ani amin da omani an imdan. Amin da Amin Tagi do yan ten tenok anakwa don altoni amin da nandan anan kikan.

<sup>31</sup> Pin kop da an pakni kilegikon da iyi minat amin kabini yokwikon ban timikgit, unun dakon geni don altoni amin ban yoyikdan.

## 23

### *Yawe unun kila amino tagisi*

Dewit dakon kap kinda.

<sup>1</sup> Yawe unun kila amino, do yo kinda do wadak wadak dima asat.

<sup>2</sup> Anki jon kalikaligi timon nepban pak yawokdot. Anek pakbi monin monin yawori pokgon unudon gin nayin awildak.



- <sup>3</sup> Tapmim kalugi naminek man bini tagisi tosak do kosit kilegikon nayin awildak.
- <sup>4</sup> Pinjkop, gak nak gat egisal, do gilo ae pilin tukyogwan agipben kan, yo yokwi do dima pasolgen.
- Gandako sipsip kila amin dakon kindap kirin abidosol, do unun da butno anteban asak.
- <sup>5</sup> Japno tagisi uwalno da dabilon nomansi panoman asal.
- Yutgokon but galagon da abidanek bit nelak busunokon tagaldal.
- Yo galagi irenisi idawukbi idapno si tugosok.
- <sup>6</sup> Miktimon egipben bisap morapmon kilano tagisi anek but dasi galak tan namin wigikdisal.
- Ae bisap mudok mudogi mini yutgokon egi wigiken.

## 24

### *Pinjkop unun Kila Amin Madep*

Dewit dakon kap kinda.

- <sup>1</sup> Miktim gat ae yo morap unungwan ton unun Yawe dakon.
- Ae kokup morap gat ae minat amin morap unungwan ekwan kisi unun dakon gin.
- <sup>2</sup> Pakbi ilarisi da binapmon miktim wasagit.
- Miktim dakon mibili tap binap yipgut.
- <sup>3</sup> Namin da Pinjkop da kabap madepmon tagi wigisak?
- Ae namin da iyi da telagi tamokon tagi atjak?
- <sup>4</sup> Yokwi dima asak amin, ae butni kilegi, ae kokup kidat do dima gawak yomisak,

- ae notni topmon da yaŋ teban tok dima  
anyomisak, unuden amin da aripmi tagi.
- <sup>5</sup> Unuden amin Pinjkop da gisamitjak.  
Yokwikon ban timigek amin kilegi yaŋ iyisak.
- <sup>6</sup> Unuden amin da Pinjkop wisineŋ Jekop dakon  
Pinjkop da kapmatjok kisak.
- <sup>7</sup> Wigat, ji witdal kini. Yoma kalipmi, ji madepsi  
pisoni.  
Anakwa Kila Amin Madep tilimi tonŋi da  
wigisak.
- <sup>8</sup> Kila Amin Madep tilimni tonŋi unun namin?  
Unun Yawe kalonŋ gin. Tapmimni madepsi,  
emaron teban tosok.
- <sup>9</sup> Wigat, ji witdal kini. Yoma kalipmi, ji madepsi  
pisoni.  
Anakwa Kila Amin Madep tilimi tonŋi da  
wigisak.
- <sup>10</sup> Kila Amin Madep tilimi tonŋi unun namin?  
Unun Yawe tapmimni pidanbisi.  
Unun kalonŋ dagin Kila Amin Madep tilimi tonŋi  
da egisak.

## 25

### *Amin kında Pinjkop da kilani asak do bisit agit*

Dewit dakon kap kında.

- <sup>1</sup> Yawe, anpulgoki do bisit gayisat.
- <sup>2</sup> Pinjkopno, egip egipno gagon tosok yaŋsi nandisat.  
Anpulanganaki mayagi dima paken, ae uwalno  
da abin nepmanek kisik kisik dima ani.
- <sup>3</sup> Amin morap gak do nandan gadan unun mayak-  
tok dima pani,

mani amin panjkewalgan amin unun mayaktok pakdan.

4 Yawe, nian egipben do nandisal unun noliki.  
Kositgo noliki.

5 Pinjkopno, yokwikon ban anpulugosol do nayin dekbi gengo bami yol anan kiken.  
Gildat kinda kalon anpulugoki do jomjom anjgisat.

6 Yawe, gak amin do bupmi nandanek but dasi galak tan yomisal unun do nandaki.  
Kalipsigwan da anpak unun agil da anan obisal.

7 Pinjkop nak monji bilagi egek anpak yokwi agim unun do dima nandaki.  
Gak amin do bupmi nandan yomisal, do but dasi galak tan nabi.

8 Yawe unun wagil tagisi ae kilegisi.

Yando, yokwi pakpak amin kositni yolisak.

9 Amin iyi do nandaba pan unun kositni kilegi yolisak, ae anpakni kilegi yoyin dekdak.

10 Yawe da sanbek sanbekni ae gen tebani yolgan minjat aminyo unun do but dasi galak tan yominjek dima yopman dekdak.

11 Yawe, man bingo tagisi tosak do yokwino morapmisi unun wiririk nabi.

12 Yawe yolgan amin kosit kilegi nian agipni unun yolisak.

13 Unjuden amin tagisi egipdan, ae monji gwayoni unun da miktimni abidokdan.

14 Yawe unun minjat aminyo pasal iman unun dakon notni egisak.

Anjek sanbek sanbek unun gat agit unun do yoyin dekdak.

- 15 Yawe da gin nak paron nan kukwosok, do unun da anpulugosak do dabilno unudon gin yipmandat.
- 16 Naga dage egapbo amin da yokwi an naman, do tobil abinek nandan yawok nabi.
- 17 Butjik morapno unun si pap tosok, do wiririk naminaki yawori egipben.  
Anpuluganaki jigi da dima abin nepni.
- 18 Butjik morapno gat ae jigino gat do nandanek yokwi morapno yopman nabi.
- 19 Uwalno morapmisi unun do pindat.  
Unun nak do japmisi nandanek ukwayit an.
- 20 Anpulugoki do obisat, do egip egapno kutnoki, ae uwal da kisiron nan abidoki.  
Anpuluganaki mayagi dima paken.
- 21 Anpulugoki do jomjom anegisat, do anpakno tagisi ae kilegisi unun da nak ankutnoni dosi nandisat.
- 22 Pin kop, amin kabigo Israel yuman nanaki jigini mibili mibili ton unun da dima pabin yopni.

## 26

### *Amin kilegi dakon bisit*

Dewit dakon kap kindi.

- 1 Yawe, nak anpak kilegi gin anek gak dogin nandan gadasat,  
do amin kilegi yan nayiki.
- 2 Yawe, nak dakon but nandak nandakyo ankiligek koki.
- 3 Nido nak do but dasi galak tan namisal unun bisapmi bisapmi nandisat.  
Anek bisapmi bisapmi gak dakon gen bami yoldat.

- 4 Nak top yoŋ amin gat dima yikgamaŋ.  
 Ae jamba but amin gat dima akwamaŋ.
- 5 Yokwi pakpak gat egip do dimasi nandisat.  
 Ae uŋun gat yit do dimasi galak tosot.
- 6 Yawe, nak diwarino mini yaŋ nandaki do kisitno  
 pakbi naŋ sugosot.  
 Nak gak dakon alta aŋwasineŋ
- 7 gen papmon da gak aŋkisineŋ pi tagisisi asal uŋun  
 do amin yoyisat.
- 8 Yawe, gak dakon yut do but dasi galak tosot.  
 Gak dakon tilingo uŋudon tosok.
- 9 Gak yokwi pakpak amin dapbi kimotni bisapmon  
 dima nikbi kimokgeŋ.  
 Amin dapdap amin dapmaŋek nakyo kisi  
 dima nikgi.
- 10 Uŋun amin yo yokwi ak do gen paŋkosit aŋ.  
 Ae amin da notni yo yokwi anyomni do amin  
 do tomni yomaŋ.
- 11 Mani nak aŋpak kilegi gin asat.  
 Bupmi nandaŋ namiŋek yokwikon baŋ pulu-  
 gaŋ nepbi.
- 12 Nak miktim kilegikon akdat.  
 Yawe, amin gawak gam do muwukgaŋ uŋun  
 da bikbigon gak aŋkisikeŋ.

## 27

### *Piŋkop aŋkisik dakon bisit*

Dewit dakon kap kinda.

- 1 Yawe uŋun teŋteŋino ae yokwikon baŋ timit timit  
 amino, do namin do pasolgeŋ?  
 Yawe da nak aŋkutnosok, do nido pasol pasol  
 abeŋ?

- 2 Amin yokwi nak anupbal ak do apni bisapmon kosit yokwigin agek man potdan.
- 3 Emat amin morapmisi da abin angwasini kan, dima pasolgen.  
Uwal da nit do apni kan, but morap dima aben.
- 4 Yawe do yo kalonji kinda do bisit asat.  
Unun da nandan naban miktimon egipben bisapmon gildari gildari iyi da yutnon egipben do nandisat.  
Anek Yawe unun wagil tagisasi do dabilno unjudongin yipmanek kisik kisik anek egipben.  
Anek Telagi Yut Madepnikon Yawe dogin nandanek egipben.
- 5 Nido yo yokwi da nagon noman toni bisapmon unun da iyi da yutnon ankisibin nepban egipben.  
Yoma sopmanek tagisi ankisibin nepjak.  
Tip madep kinda da kwenon nepban tagisi egipben.
- 6 Yan aban uwalno nak angwasan unun pabin yopen.  
Nak kisik kisik anek yan tidanek iyi da telagi yutnikon paret an iben.  
Anek kap yanek mani ankisiken.
- 7 Yawe, gak do bisit abo bupmikon da bisitno nandanek anpulgoki.
- 8 Gagon opben do nayisal, do Yawe nak kili unun obisat.
- 9 Dima gandaken yan do dima pasilgi.  
Nak oman amingo, do butjap nandanek dima akwayikgi.

- Piŋkop, gak paŋpulugokno.  
 Gak da nak yokwikon naŋ abidosol.  
 Dima nepmaŋ dekgi.
- 10 Meŋ datyo da manji namjil kaŋ, Yawe da kilano sigin akdisak.
- 11 Yawe, gaga dakon aŋpak do nayin dekgi.  
 Uwalno morapmi, do kosit kilegi naŋ nayin aŋaŋ kiki.
- 12 Yum nandaŋaki uwalno da nak dima abidoni.  
 Uŋun topmon da gen yaŋ naminek nak aŋupbal akdo aŋ.
- 13 Nak asisi nandisat, don on miŋtim egisaron  
 Yawe da yo tagisi aŋ namdisak.
- 14 Yawe aŋpulugosak do jomjom aki.  
 Tebaisi agek nandaŋ gadaŋ iminek but pasol dima abi.  
 Yawe do jomjom aki.

## 28

### *Piŋkop da aŋpulugosak do bisit agit*

Dewit dakon kap kinda.

- 1 Yawe, gak tip madepno, bisitno nandaŋek aŋpuluga.  
 Dima aŋpulugoki kaŋ, nak amin kimakbi da tilak egipben.
- 2 Bupmi nandaŋ naminek aŋpulugoki do yaŋ tidoken bisapmon nandaŋ nabi.  
 Bisit anek kisitno paŋenokgo telagi yutgo da tet do wigisak.
- 3 Yokwi pakpak amin gat kisi nak dima ilik paŋki mabi kinen.  
 Uŋun amin kwen da notni do gen galagi galagi yon.

- Mani burigwan nandak nandakni yokwi morapmi tonj.
- 4 Anpak yokwi awit unun da aripmon kobogi do tepmi pi yobi.  
Amin do yokwi awit unun pantobilbi iyikon kini.
- 5 Yawe da pi madepsi anek yo morap wasagit unun do dima nandan.  
Yando, unun amin yut kinda nan yan tuwilek dima awaldisak.
- 6 Bupmi nandan namjak do bisit abo bisitno kili nandagit, do Yawe dakon man awigikenj.
- 7 Yawe da tapmim naminek pasikno asak.  
Yan asak do anek nandan gadan imisat.  
Yawe da nak anpulugosok unun do kisik kisik madepsi nandan imisat.  
Nak ya yan iyinek kap morapmi yosot.
- 8 Yawe da minat amin kabini tapmim yomisak.  
Kila amin madepni pini asak do manjigit unun anpulugok do tagap tanek dam tebani aripmi dima tuwili da yan egisak.
- 9 Minat amin kabigo yokwikon ban pulugan yopbi.  
Gaga do manjigil amin kabi yo tagisi an yobi.  
Kila amini egek dagok dagogi mini kilani abi.

## 29

*Sikak mirimyo madep anakwan Pinjop dakon yan ilit nandamanj*

Dewit dakon kap kinda.

- 1 Ji anelo tapmimi tonj, ji Yawe ankisini.  
Tilimni gat ae tapmimni gat do nandanek ankisini.



- 2 Yawe dakon man madepni unun tilimi ton, do ankisini.  
 Ji si telak tanek gawak imni.
- 3 Yawe da gen yanakwan tap kwenon kinakwan nandan.  
 Pin kop tilimni madep kiririn da yan madepsi yosok.  
 Gen madepsi yanban suligi tap madep kwenon kinakwan nandan.
- 4 Yawe gen yosok unun tapmimi ton si yosok.  
 Yanakwan amin morap da Yawe unun kila amin madep wikwisi yan nandan iman.
- 5 Yawe gen yanakwan Lebanon miktim dakon sida kindap gawikgan.
- 6 Unun da wasok aban Lebanon Kabap da bulmakau monji da wigi mok an unuden an.  
 Ae Hlen Emon da bulmakau wili bilagi da yan wigi mok asak.
- 7 Yawe da gen yanakwan mal asak.
- 8 Unun da wasok aban Kedes dakon miktim kibiri unun wudip madepsi asak.
- 9 Yawe da gen yanakwan kindap teban da kwasigilgan, anakwa koron kindap tam morap kisisi biripmigi mon.  
 Yan anakwan Telagi Yut Madepnikon amin kisisi da yan tidanek yan yon, "Pin kop unun tilimni ton!"
- 10 Pakbi igakwa Yawe dagok dagogi mini kila amin madep egisak.
- 11 Yawe minat amin kabini tapmim yomisak.  
 Yan anek gisamigakwan yaworisi ekwan.

## 30

*Amin kinda da Pinƙop ya yaƙ iyik do bisit agit*

Dewit dakon kap kinda. Kap on telagi yut yoma wɪtdal do yawit.

- 1 Yawe, gak da nak yokwi da kisiron naƙ abidagil.  
Yum pɪndagaki uwalno da abin nepmanek  
kisik kisik dima awit.  
Yaƙ agil do mango yaƙ anƙisiat.
- 2 Yawe Pinƙopno, anƙpulugoki do bisit gayiko  
anƙpuluganbi kilek tagim.
- 3 Yawe, kimot do anapbo abi pidagim.  
Kimakbi tamogwan pigik do anapbo egip  
egipno aego namgul.
- 4 Yawe dakon miƙat amin kabini, Yawe anƙisini.  
Mani telagi anƙisini.
- 5 Bisap pisipmisok butjap nandisak.  
Mani miƙtimon ekwaman bisap morap nin do  
tagisi nandanek yo tagisi annimisak.  
Dabil pakbiga kalbi tagi moni, mani wisa  
dagokdo kisik kisik aego akdisal.
- 6 Kalip nak tagisi egek yaƙ yagim, “Yo kinda da  
aripmi dima aban yokwi token.”
- 7 Yawe, gak nak do tagisi nandanek anƙpulugagil  
bisapmon ilen kinda da yaƙ tebaisi aƙgim.  
Mani manji namgul bisapmon unudon yokwi  
tagim.
- 8 Yawe nak gak do yaƙ tidagim.  
Bupmi nandisak do Amin Tagi bisit tebaisi  
anek yaƙ iyigim,
- 9 “Nak kimakbi tamogwan pigiken ƙaƙ, ni yo tagi  
kinda da noman tosak?  
Amin kimakbi da mango tagi anƙisini?”

Gak da toktogi ninon yo tagisi asal dakon gen unun da tagi yan tenjenoni?

Aripmi dima.

<sup>10</sup> Nandan naminek nak do bupmi nandaki.

Yawe, nak anpulugoki.”

<sup>11</sup> Gak da butno jigisi tagit unun antagap abi kisik kisik kap asat.

Ae but yokwi nandagim unun anyawot abi but kwaktok nandisat.

<sup>12</sup> Yan agil, do gen mapmit aripmi dima aben. Mango ankisiken.

Yawe Pinkopno, dagok dagogi mini ya yan gayiken.

## 31

*Yawe da minjat aminyo gawak iminek ekwan unun kilani tagisi asak*

Dewit dakon kap kinda. Kap on kap yon dakon kila amin do mandabi.

<sup>1</sup> Yawe, gak da nak ankutnoki do abisat.

Anpuluganaki uwal da dima abin nepni.

Gak kilegisi do uwal da kisiron ban pulugan nepbi.

<sup>2</sup> Nandan naminek tepmisi pulugoki.

Gak gopbatno ae dam tebano aripmi dima tuwili egisal, do uwal da aripmi dima abin nepni.

<sup>3</sup> Asi gak tip madejno ae dam tebano aripmi dima tuwili egisal.

Gak dakon man dima yokwi tosak do mibiltan naminek kosit nolayiki.

<sup>4</sup> Uwalno da nak abidok do pat yipman.

- Mani gak pasili tamono, do abin anjukturajak  
paron dima yokwalgenj.
- 5 Wupno gak da kisiron yipmandat.  
Yawe, gen bami dakon Pinjkop, yokwikon ban  
puluganj nepbi.
- 6 Gak kokup kidat gawak yomanj amin dimasi  
galak tanjomisal.  
Mani egip egipno Yawekon tosok yanji  
nandisat.
- 7 Nak do bisapmi bisapmi but dasi galak tan  
namisal, do nak gak do but galaksi nandisat.  
Jigi morapno pindagek butjik pagim unun  
pindak nandanyo agil.
- 8 Yum pindagaki uwal da nak dima abidawit.  
Anpuluganjaki tagisi egisat.
- 9 Yawe, jigino madepsi, do bupmi nandanj nabi.  
Kunam morapmi tagek dabilno piriropmanj.  
But yokwi nandanjek giptimno wagilsi alek  
tanj.
- 10 Butnokon da jigini nandanj egisat.  
Unun da egip egipno anjisip asak. Ku-  
nam morapmi takdat do bisap dubagi dima  
egipbenj.  
Nak jigino madepsi do tapminno minisi  
anjakwan kidatno wagilsi yokwi tonj.
- 11 Uwal da jigilak yanj namanj.  
Kokup isalno da nak do nandaba yokwitok an  
namanj.  
Anakwa notnoni da nak do pasol pasol  
madepsi anj.  
Kosiron agapbo nak nandanj amin unun pasal  
si kwanj.

- 12 Amin kimakba inŋan yomaman unuden amin morap kisi nak do inŋan naman.  
Nak miŋtim kwoba pudan kwa maba kwan unun yombem.
- 13 Nak nandan apbo uwalno morapmi da manji gen yan naman.  
Yo pasolisi da nak anŋwasan.  
Muwugek nianŋi anek anŋatno kimakban yan do yan nandat an.
- 14 Mani Yawe egip egipno gagon tosoŋk yanŋi nandisat.  
Nak yan yosot, “Gak Pinŋkopno.”
- 15 Nak don egi anan kikiŋdisat unun gak da kisiron tosoŋk.  
Uwalno nak anŋsopmanŋan unun da kisiron ban puluŋan nepbi.
- 16 Butgo oman amingo nagon yipmanek yo tagisi an nabi.  
Butdasi galak tan namisal, do uwal da kisiron ban puluŋan nepbi.
- 17 Yawe, anpulugoki do yan tidosot, do anpuluganaki mayagi dima paken.  
Yokwi pakpak amin panmayak abi.  
Anaki kimakbi tamogwan pagek gen dima yoni.
- 18 Unun amin kwen wigik anek amin kilegi do yanba yokwi tok anyoman,  
do unun top yogok amin pantasik abi gen dima yoni.
- 19 Amin gak do pasalek gawak gaminnek ekwan unun gak da anpakgo tagisisikon da panpulugosol.

- Minjat amin morap da dabilon panjuktunoki do gagon kwan amin kilani tagisi asal.
- 20 Gak da unun amin gaga da kapmatjok panjisibisal.  
Yan anaki dap do yon amin dap do si panjidok an.  
Gak da yongamngwan egakwa uwalni da gen yokwi yanjek aripmi dima pabin yopni.
- 21 Yawe anjisino. Nak do but dasi galak tan namisak.  
Kokup papmon egapbo uwal da anwasinek nit do awit bisapmon tagisi anpulugagit.
- 22 Unun bisapmon wuridagek yan yagim, “Gak da nak nolbi gak da dubagikon egisat.”  
Mani bupmi nandane anpulugoki do yan tidoko nandan namgul.
- 23 Telagi minjat amin kabini, ji Yawe but dasi galak tan imni.  
Geni guramikgan amin kilani tagisi asak, mani iyi do nandaba wigisak amin unun kobogi yokwisi yomisak.
- 24 Yawe da anpulugosak do jomjom an amin morap ji butji panjeban anjek atni.

## 32

### *Diwarinin yankwok anek kisik kisik anen*

Dewit dakon kap kinda. Kap on do “Maskil” yan yon.

- <sup>1</sup> Amin kinda guluson agit dakon yokwini Pinjok da wiririk imisak, unun amin kisik kisik tagi asak.

- 2 Amin kinda Pin kop da diwarini wiririk imisak, ae topni mini egisak amin unun kisik kisik tagi asak.
- 3 Diwarino dima yan tentenagim bisapmon gildat kalba ae kalbi but yokwi nandanek iyon iyon yanek egipgum.  
Anek tapminno wagilsi alek tawit.
- 4 Gildari ae kalbi tepmi pi namgul.  
Gildat da miktim kanban kibidosok unun da tilak tapminno kisisi man mudawit.
- 5 Don diwarino gagon yan tentenagim.  
Anpakno yokwi kinda dima ankisibigim.  
“Yawekon diwarino kisi yan kwokeŋ” yan yagim.  
Yan kwok abo diwarino kisisi wiririk namgul.
- 6 Do amin gak golgan jigi bisapmon gak do bisit yoni.  
Anakwa jigi pakbi ikdak unun da tilak abinek aripmi dima pabin depni.
- 7 Gak kalon gin pasili tamono.  
Gak da kilano asal, do jigi da nak aripmi dima abin nepni.  
Gak da nak jigikon nan pulugosol, do nak angwasiŋek akgan amin da but kwaktok kap yon.
- 8 Yawe da yan yosok, “Nak da gayin degek kosit agipbi unun golikdisat.  
Nawa gen gayinek kilago akdisat.
- 9 Gak os bo donki da yan kadim dima dagoki.  
Unun amin da gen kaganikon ain tim ton unudon nap teban pan teban anek ilikba geni guramikgan.”

- 10 But yokwi morapmi yokwi pakpak aminon noman ton.  
Mani Yawe si nandan gadan iman amin unun dagok dagogi mini but dasi galak tan yomisak.
- 11 Amin kilegi ji butji tagisi tanakwan Yawesi ankisini.  
Butji gwaljigi mini amin, ji kisik kisik nandanek yan tidoni.

### 33

#### *Pinjkop yan ankisik dakon kap*

- 1 Amin kilegi ji kisik kisik nandanek Yawe ankisini.  
Unun anpak unun ji da agagisi.
- 2 Yawe ankisinek kulele tidoni.  
Gita napmi 10 kabi ton unun tidanakwa geni galagisi nandisak.
- 3 Kap kalugi yanek gita si nandan kimagek tidoni.  
Yan anek kisik kisik anek yan tidoni.
- 4 Yawe dakon gen unun gen bamisi.  
Yo morap asak unun da nin toktogisi dima nipman dekdak yan nolisak.
- 5 Yawe unun anpak kilegi ae gen kokwin kilegisi unun do but dasi galak tosok.  
Dagok dagogi mini miktimi miktimi amin do but dasi galak tan yomisak.
- 6 Yawe da gen yanakwan gildat kanek ae gikyo kundukon noman tawit.  
Gen yanakwan yo morap kundukon noman tawit.
- 7 Amin da kwobakon pakbi kolenba ton unun da tilagon Yawe da tap pakbi anmuwukban tamonikon gin tagit.



- 8-9 Gen yaŋakwan on miŋtim noman tagit.  
Gen tebai yaŋakwan noman tagit do miŋtimi  
miŋtimi amin kisisi Yawe do pasalek tam-  
tam yaŋ innisi.
- 10 Miŋtimi miŋtimi miŋat aminyo da yo ak do  
paŋkosit aŋ uŋun Yawe da tuwildak.  
Ae pi ak do nandaŋ uŋun kosit sopmaŋdak.
- 11 Mani Yawe da yo morap ak do yosok uŋun  
joŋigek aŋ mudosok.  
Pi morap ak do nandisak uŋun toktogisi ku-  
labik aripmi dima asak.
- 12 Miŋat amin kabiyo Yawe yipba uŋun da Piŋkopni  
egisak uŋun amin kisik kisik tagi ani.  
Uŋun miŋat amin kabiyo iyi do kili manjigit.
- 13 Yawe uŋun Kwen Kokup da siŋtaŋban piŋakwan  
amin kisisi pindakdak.
- 14 Uŋun kila amin madep yiyit tamonikon yigek  
siŋtaŋban piŋakwan miŋtimon amin morap  
pindakdak.
- 15 Uŋun da amin dakon but nandak nandakni  
wasagit, do yo morap aŋ uŋun pindak nan-  
danyo asak.
- 16 Kila amin madep kinda uŋun emat amini  
morapmi da uwalni aripmi dima pabiŋ  
yopni.  
Ae emat amin kinda uŋun iyi da tapmimon  
da uwalni da kisiron da aripmi dima pasal  
kisak.
- 17 Emat dakon os uŋun tapmimni madepsi,  
mani uwal da kisiron baŋ aripmi dima  
paŋpulugosak.
- 18 Mani amin morap Yawe do pasolgoŋ uŋun iyi  
kilani asak.

- Dagok dagogi mini amin do but dasi galak  
tañ yomisak unun do nandanek jomjom an  
amin unun kilani tagisi asak.
- 19 Unun amin kabi pañpuluganəkwən dīma  
kimokgoñ, ae jap da mini an bisapmon  
jap yomanəkwən dīma kimokgoñ.
- 20 Yawe unun dagin nin tagi pañpulugosak, do unun  
do jomjom amanə.  
Unun da pasiknin egakwan unun da  
yoŋgaməwan tagisi ekwamanə.
- 21 Nin mani telagi unun do nandanə dagomanə, do  
kisik kisik amanə.
- 22 Yawe, gak nin pañpulugoki do jomjom amanə.  
Dagok dagogi mini but dasi galak tañ nibi dosi  
nandanə.

## 34

### *Dewit Pinəkop da anpuluganəban anəkisigət*

Dewit Abimelek gat egek topmon da ŋugigi da-  
ganəban Abimelek da yolban kigət. Kinək kap on  
mandagət.

- 1 Nak Yawe anəkisikenə. Bisapmi bisapmi mani  
anəkisikenə.
- 2 Yawe da anpulugagət do nandanek mani  
anənokgeñ.  
Jigini toñ amin da unun do nandanek but  
galaksi nandani.
- 3 Yawe dakon man madepni do yanək anəkisinenə.
- 4 Yawe da nak anpulugosak do bisit iyiko nandagət.  
Pasol pasolno wiririkban but yawot pagim.

- 5 Yawe nandan gadan iman amin kisik kisik anek mayagi dima nandan.
- 6 Nak jigikon egek Yawe do yan tidoko bisitno nandanek jig morapnokon nan pulugan nepgut.
- 7 Yawe dakon anelo da Yawe do pasal iman amin da kapmatjok egek yokwikon ban panpulgosok.
- 8 Yawe ankilik koni, unun tagisi.  
Panikutnosak do kwan amin unun kisik kisik tagi ani.
- 9 Minat amin kabiyoni ji Yawe do pasal imni.  
Nido pasal iman amin unun yo kinda do wadak wadak dima an.
- 10 Laion da jap do an, mani Yawe wisin kok do pi an amin unun yo tagisi do wadak wadak dima an.
- 11 Minat monjiyono, abinek mirak yopgut.  
Apba Yawe do pasol pasol ani do dayin dekho.
- 12 Ji miktimon bisap dubagi egek egip egip tagisi egek kisik kisik ak do nandan?
- 13 Yan egip do nandan kan, ji gen yokwi dima yoni, ae top gen dima yoni.
- 14 Ji anpak yokwi manji yominek anpak kilegisi gin ani.  
Amin gat but kalon anek egip do pini si teban tanek ani.
- 15 Yawe unun amin kilegi kilani anek bisitni nandan yomisak.
- 16 Mani yokwi an amin dima galak tan yomisak.  
Kimagakwa amin da inatan yomdan.
- 17 Amin kilegi Yawe bisit an iba nandan yomisak.

- Panpuluganban jigı da dima pabiŋ yopmanŋan.
- 18 Yawe butjigon da egısak amin da kapmatjok egısak, ae nagon yo tagı di dima noman tokdan yan nandısak amin unun anpulugosok.
- 19 Amin kilegi jigı morapmi noman tan yoman, mani Yawe da jigı morapnikon ban pulugan yopmandak.
- 20 Yawe da kilani tagisi anakwan amin kindı da kidatni kindı dima jokgaldısak.
- 21 Anpak yokwi da yokwi an amin dapba kimotdan. Amin kilegi dakon uwalni Yawe da tepmi pi yomdisak.
- 22 Mani Yawe da iyi dakon oman amini yokwikon ban yuman nan yopmandak. Amin morap pankutnosak do nandan iman amin unun dima tasik toni do yoyikdisak.

## 35

### *Amin kindı Pinŋkop da anpulugosak do bisit agit*

Dewit dakon kap kindı.

- 1 Yawe, kosit sopman naman amin dakon kositni sopman yobi.  
Ae amin nak gat emat aman amin, gak unun gat emat ani.
- 2 Emat dakon yik imalyo gat ae pasik gat timigek abin nak anpulugoki.
- 3 Dikdik gat ae gwawiya gat timigek nak an sopmanŋan aminon emat abi.  
“Nak yokwikon ban timit timit amingo!” yan nayiki.
- 4 Unun amin da nikba kimokgen do nolgan.

Pabiŋ yopmaŋaki mayaktok pani.

Uŋun da nak aŋupbal ak do gen yaŋ paŋteban aŋ.

Yopbi tobił kiŋakwa paŋiŋtok abi dosi nandisat.

<sup>5</sup> Yawe, mirim da wit dakon giŋmi wiririk paŋgwaŋ, uŋun da tilak aŋelogo da amin yokwi uŋun wiriritjak dosi nandisat.

<sup>6</sup> Aŋelogo da yolban kiŋakwa kositni aban pilin tuk ae sagalegiyo ani dosi nandisat.

<sup>7</sup> Nak da yokwi kiŋda dima aŋ yomgum, mani nak abidok do pat yiŋgwit, ae nak da moken do gapma kiŋda wayikgwit.

<sup>8</sup> Yaŋ awit, do dima nandaŋakwa gak da yum piŋdagaki yokwi da timitjak, ae pat yiŋgwiron iyı yokwalni, ae gapma uŋun wayikgwiron iyı uŋudon moni.

<sup>9</sup> Yawe da yaŋ aŋakwan but galak nandaŋ imdisat. Nak aŋpulugokdisak do tagisi nandaŋ imdisat.

<sup>10</sup> Butnokon da yaŋ iyiken, “Yawe, gak yombem kiŋda mini.

Gak da tapmimni mini amin uŋun tagisi paŋpulugaŋaki amin tapmimni toŋ da dima paŋupbal aŋ.

Gak da bupmi amin wadak wadak aŋ uŋun paŋpulugaŋaki kabo noknok da yoni dima timikgaŋ.”

<sup>11</sup> Top amin da aŋpak yokwi di dima agimon gen yaŋ namaŋ.

<sup>12</sup> Nak aŋpak tagi baŋ aŋ yomiŋapbo, uŋun da kobogi do aŋpak yokwi baŋ aŋ namaŋ.

Do but yokwi nandisat.

<sup>13</sup> Mani sot awit bisapmon bupmi madepsi nandaŋ yomiŋek bupmi dakon imal wangum.

- Nak jap kelek egek gak da paŋpulugoki do bisit agim.
- 14 Uŋun notno bo ae padigino yombem kinda do bupmi nandagim.  
Nak amin kinda da meŋi kimagakwan bupmi ae kunamyokon da agisak uŋun yombem.  
But yokwi nandanek kunam ae bupmiyo anek egipgum.
- 15 Mani jigi pasat bisapmon uŋun muwugek kisik kisik an.  
Ae amin di dima nandan yomisat uŋun da abin nep do muwukgan.  
Ak nandari mini gen yokwi yan naman.
- 16 Uŋun da yansul sigin yan naminek gen yokwisi nayan.  
Dima galak tan naminek mam non.
- 17 Amin Tagi, bisap nian da sigin yum pindagek nak dima anpulugoki?  
Anpuluganaki nak dima anupbal ani.  
Uŋun laion yombem da nak nitdan, do uŋun da kisiron ban pulugoki.
- 18 Gak da yan anaki minat amin kabi morapmi kisi gak gawak gamdo muwutnikon ya yan gayiken.  
Asisi, minat amin kabi madepsi da binapmon mango awigiken.
- 19 Amin diwari isal dogin uwal an naman.  
Yum pindakbi nak abin nepmanek kisik kisik di abam.  
Uŋun isal dogin nandaba yokwi tok an naman.  
Do yum pindagaki nak dakon jigi do kisik kisik dima ani.

- 20 Amin diwarı gat yityit tagısi ak do genjok di dima yon.  
Amin kokupmon tagısi ekwan unun panupbal ak do gen ban yon.
- 21 Unun da gen papmon da gen yanı yan naman,  
“Asisi, nin da gandanapno anpak yokwi agil.”
- 22 Yawe, gak da unun amin kili pindak mudal.  
Gen mapmit dima aki.  
Amin Tagi, gak nak da dubagikon dima egıpi.
- 23 Gak Pinkopno ae Amin Tagıno.  
Pidan abın nak anpuluganek gen kokwin kilegı an nabi.  
Pidanek nak dakon gen anteban ak do yan tenjenok abi.
- 24 Yawe Pinkopno, gak anpak kilegı asal.  
Do nak anpuluganbi uwalno da nak anpak kilegı asat yanı nandani.  
Yum pındagaki nak da yokwi toko nandanek kisik kisik dima ani.
- 25 Yum pındagaki iyı do “Nin yo ak do nandagıman unun abısok tagısisı kili unun aman” yan dima yoni.  
Yum pındagaki “Kili anupbal aman” yan dima yoni.
- 26 Nagon jigi noman tak unun do kisik kisik an, do panmayak anek panıntok abi.  
Unun iyı dakon man pawigik do anek nak abın nepmanan, do mayaktok yomınek mani pabın yopbi dosi nandısat.
- 27 Mani nak do amin kilegı yan nayıki do nandan amin, unun kisik kisik dakon yan tidok anek burı tagısi toni dosi nandısat.

Bisapmi bisapmi yan yoni, “Yawe unun mani wukwisi! Oman amini tagisi egipjak do but galaksi nandisak.”

- 28 Yan anakwa nak da anpakgo kilegi do yan tenjenok anek gildat kinda kalon gak ankisiken.

## 36

### *Amin dakon anpak yokwini*

Yawe dakon oman amin Dewit da kap on mandagit. Kap on kap yon dakon kila amin do mandabi.

- <sup>1</sup> Yokwi unun amin yokwi da buron yigek gen iyisak.

Unun amin Pinkop do disok dimasi pasoldok.

- <sup>2</sup> Unun iyi do nandaban wigakwan nak yokwi pakpak aminsi kinda yan iyi do dima nandisak.

- <sup>3</sup> Bisapmi bisapmi unun amin gen yokwi gat ae top gen yosok.

Anpak kilegi asak dakon nandan kokwin tagisi disok dima tan iman.

- <sup>4</sup> Dipmin tamokon pokdok bisapmon yokwi asak dakon kosit dakon nandak nandak asak.

Kosit yokwisi banjin agek anpak yokwi manji dima yomisak.

Pinkop dakon anpak tagisi

- <sup>5</sup> Yawe, gak amin do but dasi galak tan yomisal.

Unun dakon tilakni kundu gat arip, madepsi.

Ae gengo anteban anek nin tagisi panpulugosol. Tilakni unun kwen ason gikwem da arip.

- <sup>6</sup> Anpakgo kilegi unun madepsi kabap daman yombem.



- Gen kokwin pi agakgo unun tap idap ilarisi yombem.  
 Yawe, gak da amin gat bit kilapyo gat kilani anaki tagisi ekwan.
- <sup>7</sup> Pin kop, amin do but dasi galak tan yomyomgo unun wagil tagisisi.  
 Minjat amin morap kisisi gagon obinek pasilgan.  
 Pup pidok meni da pirigwan panji pasil yikgan unun yombem.
- <sup>8</sup> Yutgokon jap morapmisi, do amin jap do dima an.  
 Yogo galagisi unun morapmisi.  
 Unun pakbi madep pokgon unun ban yan yobi non.
- <sup>9</sup> Gak egip egip dakon mibilisi.  
 Gak gaga tenteni amisi, do tentenigokon yo morap tagisi pindakgaman.
- <sup>10</sup> Bisapmi bisapmi amin si nandan gaman unun amin but dasi galak tan yobi.  
 Buri tagisi amin panpuluganaki tagisi egipni.
- <sup>11</sup> Gak yum pindagaki iyi do nandaba wigisak amin da nak dima bamoni.  
 Ae yum pindagaki amin yokwi da nak dima nolba kiken dosi nandisat.
- <sup>12</sup> Pindakgi! Amin yokwi miktimon piligi man da pokgon, ae aripmi dima pidokdan.

## 37

*Yo ni da amin tagisi gat ae amin yokwi garon noman tokdan*

Dewit dakon kap kindan.

- <sup>1</sup> Gak amin yokwi da anpak an unun do nandaba kik dima abi.

- Gak anpak yokwi an amin pindagek nak da  
 yan asat tam tagi yan dima nandabi.
- <sup>2</sup> Unun jon bo ae kindap tam da kibidon, unun  
 da tilak amin yokwi bisap pisipmisok  
 kibidokdan.
- <sup>3</sup> Gak egip egipgo Pin kopmon tosok yan nandanek  
 anpak tagisi ban abi.  
 Yan anek miktimgokon bisap dubak tagisi  
 egipdisal.
- <sup>4</sup> Pin kop do kisik kisik an iminaki yo galak tosol  
 unun gamjak.
- <sup>5</sup> Gak egip egipgo Yawe da kisiron yipbi.  
 Egip egipno unudon tosok yan nandan iminaki,  
 unun da gak anpulugosak.
- <sup>6</sup> Anpakgo tagisi unun aban noman gildat dabil da  
 yan tentenokdisak.  
 Anek gildat dabil da gildat binapsi wisasak,  
 unun da tilak minat aminyo da dabilon  
 anpakgo kilegi nomansi antenten akdisak.
- <sup>7</sup> Gak Yawe da kapmatjok tayanok yikgi.  
 Tayanok egek butgo yawori tanakwan  
 anpulugosak do jomjom abi.  
 Amin da anpak yokwi mibili mibili anek yo  
 tagisi morapmi timikgan unun do nandaba  
 kik dima abi.
- <sup>8-9</sup> Amin yokwi wagil tasik tan mudokdan.  
 Mani minat aminyo nandan gadat anek  
 Yawe da panpulugosak do jomjom an, unun  
 miktimnikon tagisi egipdan.  
 Do gak butjap yipbisi.  
 Ae nandaba kik yo kisi dima abi.  
 Yan abi kan, unun da gak ilik ankwon yokwi  
 akdisal.

- 10 Bisap dubak dima amin yokwi wagil tasik tan mudokdan.  
 Unun wusij pindat do pi abi, mani dima pindatdisal.
- 11 Mani minjat aminyo anpakni yawori, unun Pin kop da miitim morap kisi yomdisak.  
 Unun yiyit wagil tagisi anek kisik kisik egipdan.
- 12 Amin yokwi amin kilegi panupbal ak do nandak nandak asak.  
 Anek nandaban yokwi tok an yominek mam nan yomisak.
- 13 Mani Amin Tagi da nandisak, bisap kindanoman tokdisak, unun bisapmon amin yokwi pasil mudokdan, do Yawe da jikgo yanjan yomisak.
- 14 Amin yokwi unun yoni mini amin gat ae wadak wadak an amin yam do emat agak sibani yiknikon ban ilikgan, ae obip panjilikgan.  
 Unun anpak kilegi yolgan amin dapba kimot do an.
- 15 Mani emat agak siba da iyi ban wamikon sugokdan.  
 Anakwa obipni si jokgal kikdan.
- 16 Amin kilegi dakon yoni kalonisok unun da amin yokwi dakon yoni morapmi yapman mudosok.
- 17 Nido, Yawe da amin yokwi dakon tapmim pabin yopmanek amin kilegi kilani tagisi akdisak.
- 18 Yawe da gulusunni mini amin unun kilani tagisi asak.  
 Ae yo tagisi yomisak unun toktogisi timik wugikdan.

- 19 Bisap yokwikon jigı dima pakdan.  
Ae amin diwari jap do ani bisapmon amin  
kilegi japni morapmi tan yomdan.
- 20 Mani amin yokwi tasik tan mudokdan.  
Jaren gat jon gat da pasilgan, unun da tilak  
Yawe dakon uwalni pasildan.  
Asisi, mukwa da bisap pisipmisok tanek  
pasilgan, unun da tilak pasildan.
- 21 Amin yokwi yo do goman anek sop do dima  
nandisak.  
Mani amin kilegi amin diwari do yo morapmi  
yomisak.
- 22 Minat aminyo Yawe da gisamikdak, unun  
miktimni timigek tagisi egipdan.  
Mani minat aminyo jobit timitni do yagit unun  
wagil tasik tan mudokdan.
- 23 Yawe da amin kindo do but dasi galak tan  
imisak kan, unun amin anteban anjakwan  
kosit kilegisi agisak.
- 24 Unun amin mosak kan, wagilsi dima yokwi  
tosak.  
Yawe da kisitnikon abidanek anpuluganban  
aeni pidan akdak.
- 25 Kalip nak monji bulagi, ae abisok nak amin  
pelan kili at.  
Mani Pin kop da amin kilegi kindo manji dima  
iban kagim.  
Ae amin kilegi dakon monji gwayoni jap do  
wadak wadak anek amin da panpulugoni do  
dima yan tidanba pindakgim.
- 26 Bisapmi bisapmi amin kilegi da amin diwari do  
yo morapmi yoman.

- Ae monji gwayoni da menj datni kisik kisik yomañ.
- 27 Gak anpak yokwi morap do manji yominek anpak tagi banjin abi.  
Yañ abi kañ, dagok dagogi mini miktimon tagisi egipdisal.
- 28 Nido Yawe gen kokwin kilegisi añ amin do but dasi galak tañ yomisak.  
Minat amin kabini geni guramikganñ unun manji dima yomdisak.  
Dagok dagogi mini Yawe da kosit kilegi akwanñ amin kilani asak,  
mani amin yokwi dakon gwakni unun tasik tokdañ.
- 29 Amin kilegi Pinjkop da miktim yomgut unun abidañek unudon toktogisi egi wugikdañ.
- 30 Amin kilegi unun nandañ kokwin kilegisi anek gen yosok.  
Unun gen kokwin kilegi anek gen yosok.
- 31 Pinjkop dakon nawa gen butnikon tosok, ae kositni kilegi unun dima yipmañ degek sagalek dima anakdak.
- 32 Amin yokwi amin kilegi anakban kimotjak do yubiñ egisak.
- 33 Mani Yawe da amin kilegi yipmañ dekban amin yokwi da aripmi dima anakban kimotjak.  
Ae amin yokwi da amin kilegi gen pikon yipjak kañ, Yawe da yum kajakwan gen pikon aripmi dima abin yipjak.
- 34 Yawe da gak anpulugosak do jomjom anek anpakni yolgi.  
Yañ abi kañ, man madep gaminjakwan miktim unun gamgut unun abidokdisal.

- Anjek kanjaki amin yokwi panjupbal akdisak.
- 35 Nak amin yokwi tapmimni madepsi kindakagim.  
Sida kindap da kindap diwari yapman mudosok, unjun da tilak minjat aminyo yapman mudagit.
- 36 Mani don unjudon kinjek mini kagim.  
Nak unjun amin wusik do pi agim, mani dima kagim.
- 37 Amin kilegi, ae gulusunni mini, ae amin diwari gat yaworisi ekwan amin do nandaki.  
Unjun amin dakon diwatni tagisi egipdan.
- 38 Mani Yawe da yokwi pakpak obisi panjupbal akdisak.  
Unjun dakon diwatni wagil tasik tan mudokdan.
- 39 Yawe da amin kilegi yokwikon ban timikdak.  
Jigi altan yoman bisapmon dam tebani aripmi dima tuwili egi yomisak.
- 40 Panjutnosak do Yawekon kwan, do amin yokwi da kisiron ban timigakwan tagisi ekwan.

## 38

### *Amin kindajigini ton dakon bisit*

Dewit dakon kap kindak.

- 1 Yawe, butjap nandisal mani gen tebai dima nayiki.  
Butjap madepsi nandisal mani nak anmilip ak do tepmi pi dima nabi.
- 2 Gak gaga dakon gobin nan yaman namil, anjek kisitgo da nikdak.
- 3 Gak da butjap nandan namisal, do sot yokwisi asat.

- Nak diwarino ton, do giptimno tapmimi minisi asak.
- <sup>4</sup> Gulusuṅno da kili witjin namgut.  
 Ae unun jigino yik yombem jigini madepsi, do nak da aripmi dima imeri.
- <sup>5</sup> Giptimnokon wuda ton dakon tabani unun madepsi, ae miktanbi.  
 Nak nandan kokwini mini amin da aripmon anpak gulusuṅ agim do anek unun noman tan naman.
- <sup>6</sup> Butnokon jigi madepsi tanakwan tasik tosot.  
 Gildat kinda kalon bupmi nandanek kunam gin tak egisat.
- <sup>7</sup> Giptimno tedepmisi kindap da yan son namjakwan sot madepsi asat.
- <sup>8</sup> Yo kinda da tebaisi baman namisak unun da tilak nak obisi tasik tanek yokwisi egisat.  
 Butnokon da yokwisi nandanek tepmi madepsi nandisat do iyon iyon yosot.
- <sup>9</sup> Amin Tagi, gak da nak dakon galaktok teban nandisal.  
 Butno da kunam yokwisi takdak, unun gak da dabilon pasili dima.
- <sup>10</sup> Wamno gami pi tebaisi anjakwan tapmimno minisi asak.  
 Dabilno pilin tanakwan tagi dima sintosot.
- <sup>11</sup> Notnoni gat ae gen kalonno gat nak da kapmatjok ap do dima galak ton, nido wudano yokwisi.  
 Gwakno kisi dubagikon ekwan.
- <sup>12</sup> Nikba kimokgen do nandan amin unun nak abidok do pat yipman.

- Amin nak antasik ak do nandan amin yo yokwi an nam do gen yon.  
Bisapmi bisapmi yokwi an nam do gen yan panjeban an.
- 13 Mani amin mirakni mini yombem geni dima nandan yomisat.  
Nak kadim yombem, do antan yok kinda dima asat.
- 14 Nak amin kinda gen aripmi dima nandagi, ae kobogi aripmi dima yogogi yombem.
- 15 Mani Yawe, nak gak do jomjom asat.  
Amin Tagi, gak Pinjopno, do gaga geno dakon kobogi antobilbi.
- 16 Nak bisit yan asat, “Yum pindagaki sagalek nikban uwal da but kwaktok dima nandanani.”
- 17 Nido, nak kili unjok mokdisat.  
Ae tepmi toktogisi pasat.
- 18 Nak gulusunno gagon yan tentenosot, anek yokwi agim do bupmisi nandisat.
- 19 Uwal morapno unun tapmimi tonji.  
Unun da isal dogin uwal an naman.
- 20 Nak anpak tagisi an yomisat, mani kobogi do anpak yokwi an naman.  
Nak anpak kilegi yolapbo unun do nandanek nak dakon uwal dagon.
- 21 Yawe, dima nepman dekgi.  
Pinjopno, nak da dubagikon dima egipbi.
- 22 Amin Tagi, gak yokwikon ban timit timit amino.  
Nak tepmisi anpulugoki.



## 39

### *Amin jigini ton dakon gen*

Dewit dakon kap kinda. Kap on kap yon dakon kila amin Jedutun do mandabi.

- 1 Nak kili yagim, “Anpak morap aben unun kila tagisi anek aben.  
Ae gen yokenon yokwi kinda dima aben.  
Amin yokwi nak da kapmatjok egipni bisapmon nak gen kinda dima yoken.”
- 2 Nak gen mapmit anek gen kinda dima yagim.  
Ae yo tagi kisi do genjok kinda dima yagim.  
Mani butjikno unun madepsi taganek paptan madepsi agit.
- 3 Anek butnokon da nandaba kiksi agim.  
Nak sigin nandanek butno da jigi madepsi nandagim, do gen yagim.
- 4 Yawe bisit yan iyigim, “Egip egipno dakon wasip nayinbi nandako.  
Bisap nian da egipben unun nayinbi nandaken.  
Egipben dakon bisap unun pisipmisok unun do nayiki.
- 5 Nak dakon bisap pisipmisok yipgul.  
Gak da dabilon nak dakon bisap yo isali.  
Amin kinda da mirim yawik pisosok, amin morap unun da tilak miktimon bisap pisipmisok gin ekwan.”
- 6 Amin morap gildat panopmon wupnin noman tanek tepmi pasilgan unun yombem.  
Yo morapmi timit do pi madepsi an, mani pi madep an unun bami mini.

- Amin da yo morapmi pañmuwukgañ, mani  
namin da timitjak unun dima nandañ.
- 7 Mani Amin Tagi, abisok nak nido jomjom asat?  
Nak gak do nandañ gadañek gak dagin  
añpulugoki do jomjom asat.
- 8 Yokwikon nañ abidañek diwari morapno wiririk  
nabi.  
Yum pindagaki nandañ kokwini tagi dima  
amin da yañsul dima añ namni.
- 9 Mani nak gen dima yosot. Nak gen mapmit gin  
asat.  
Nido, gak da gaga nak do yo unun asal.
- 10 Sañbeñek tepmi pi dima nabi.  
Obisi nikgil, do tapmimno minisi asak.
- 11 Gak da amin tebai yoyiñek yokwini dakon  
kobogi yomisal.  
Yo moniñ da imal kinda nañba yokwi tosok,  
unun da tilak yo morap unun do galak tosok  
unun wagil wiririkbi pasil mudon.  
Amin kinda da mirim pisosok, amin morap  
unun da tilak miktimon bisap pisipmisok gin  
ekwan.
- 12 Yawe, bisitno nandaki. Añpulugoki do yañ  
tidosot unun do mirak pakyañsi yopbi.  
Mirakgo dima sopbi, nido gak gat bisap  
pisipmisok gin miktimon egipdamak.  
Nak babakno yombem.  
Unun kisi bisap pisipmisok gin miktimon  
egipgwit.
- 13 Sañbeñek yo yokwisi dima añ nabi.  
Yum nandañaki butno ae tagisi asak.  
Añaki don kimagek on miktim wagil yipman  
dekgeñ.

## 40

### *Piŋkop anġisik kap*

Dewit dakon kap kinda. Kap on kap yoŋ dakon kila amin do mandabi.

<sup>1</sup> Nak butno yawori taŋakwan Yawe da anpulgusak do jomjom agim.

Anek yan tidaŋapbo nak da tetgin do tobilek tekno nandagit.

<sup>2</sup> Nak gapma dubagisikon maŋ neŋak kagagwan egapbo Yawe da ilikban wigim.

Awiŋ tip kwenon nepban kosit tagi agipgum.

<sup>3</sup> Piŋkopnin anġisiken do kap kalugi kinda namgut.

Amin morapmi da yo agit uŋun kaŋek Yawe do pasalek egip egipni Yawekon tosok yaŋsi nandaŋ imdaŋ.

<sup>4</sup> Egip egipni Yawekon tosok yaŋsi nandaŋ amin uŋun kisik kisik ekwaŋ.

Uŋuden amin iyi do nandaba wikwaŋ amin dima yolgaŋ, ae kokup kidat dima gawak yomaŋ.

<sup>5</sup> Yawe Piŋkopno, gak nin paŋpulgok do yo tagisi morapmi agil.

Gak da nin do nandak nandak asal uŋun madepsi, ae nin paŋpulgok do pi asal uŋun manjiri mini.

Nak da amin aripmi dima yoyiko nandaŋ mudogi.

<sup>6</sup> Amin da bit kilapyo dapmaŋ mukwa soson, ae kindapmon wagil sonba soson, ae diwari wiririt do mukwa soson, uŋun kisi do madepsi dima galak tosol.

Mani gak da nak anʔtagap abi gak dakon gengo guramit do nandisat.

<sup>7</sup> Do yaŋ yosot, “Nak gagon kili abisat. Kalip nak do gen kili mandabi unun yaŋ,

<sup>8</sup> Piŋkopno, nak gak dakon galaktok yol do tagisi nandisat.

Gak dakon nawa gen butnokon toŋ.”

<sup>9</sup> Gak da anpak kilegi asal unun miŋat amin kabi morapmi kisi gak gawak gamdo muwugaŋon yoyisat.

Yawe gaga nandisal, nak gen mapmit dima asat.

<sup>10</sup> Gak da anpakgo kilegikon da nak yokwikon baŋ pulugaŋ nepgul, unun dakon geni dima witjiko tagit.

Gengo guramigek nin yokwikon baŋ timikgil unun dakon yaŋkwok asat.

Amin do but dasi galak taŋ yomisal ae anpak bamisi gin asal unun dakon geni amin morapmi muwugakwa yoyiŋ tenjenosot.

<sup>11</sup> Yawe, bupmi nandaŋ nabi. Nak do but dasi galak taŋ naminek gengo guramigek kilano dagok dagogi minisi abi do nandisat.

<sup>12</sup> Nido jigi morapmi noman taŋ namaŋ, unun manjiri mini.

Yokwino morapmi da witjiŋ namik da tagi dima siŋtosot.

Anpakno yokwi morapmi da busuŋ dangwano dakon tilak yapmandak.

Butno tagi dima taŋakwan tapmimno minisi asak.

<sup>13</sup> Yawe, jigikon naŋ tagi abidoki?

Yawe, tepmisi abinek nak anpulugoki.

- 14 Amin di da nikba kimotdisat.  
Gak da si pabin yopmanjek panin tok abi, anaki mayaktok pani.  
Amin diwari nak dakon jigino do kisik kisik an.  
Gak da wiririkbi tobil kinakwa pabin yopbi dosi nandisat.
- 15 Nak da yokwi toko nandanek tagisi nandan.  
Gak da mayaktok sigin yominjaki anpak yokwini do gembin pikpiksi nandani dosi nandisat.
- 16 Mani gak wisin gandak do pi an amin buri tagisi anakwa but galaksi nandan.  
Minat aminyo gak da yokwikon ban timikgil unun do but galaksi nandan amin, unun da,  
“Yawe unun wukwisi” yan tagi yoni.
- 17 Nak wadak wadak amin. Mani Amin Tagi da nak do nandak nandak asak.  
Pinjop, gak dagin panpulugok amino, ae nak yokwikon nan abidosol.  
Do jomjom dima abi. Tepmisi nak anpulugoki.

## 41

*Sot amin kinda Pinjop da anmilip asak do bisit agit*

Dewit dakon kap kinda. Kap on kap yon dakon kila amin do mandabi.

- 1 Amin kinda da tapmimni mini amin pindagek panpulugosok, unun amin kisik kisik tagi asak.  
Jigi altan imni bisapmon Yawe da pulugan yipdisak.
- 2 Yawe da unun amin ankutnanakwan kimot dima asak.

- Kilani anakwan miktimnikon gisami ton egakwan uwalni da dima abin yipdan.
- <sup>3</sup> Amin unun sot asak bisapmon Yawe da anmilip aban tapmin kaluk pakdisak.
- <sup>4</sup> Nak yan yagim, “Yawe, nak yokwi gak do angamisat, do bupmi nandan naminek sotno anmilip abi pasiljak.”
- <sup>5</sup> Uwalno da nandaba yokwi tanban naminek yan yon,  
“Ni bisapmon kimagek mani pasiljak?”
- <sup>6</sup> Kinda da abin nandane top yan namisak.  
Anek sotno dakon mibili nandane kin amin yoyinek anupbal ak do yosok.
- <sup>7</sup> Uwalno kisi da muwugek gen pisigon da yo yokwisi kinds da altan imik yan yanek yan yon,
- <sup>8</sup> “Sot yokwisi kinds da abidak, do pokdok tamokon da aripmi dima pidosak.”
- <sup>9</sup> Nak notno kinds kalip notnosi yan nandan iminek jap kalon nagimak.  
Mani ununyo kisi da nandaba yokwi tok an naminek uwal annamisak.
- <sup>10</sup> Yawe, nak do bupmi nandane sotno anmilip anaki unun amin kobogi yoben.
- <sup>11</sup> Uwalno da nak dima abin nepmangan, do nak yansi nandisat, gak nak do tagisi nandan namisal.
- <sup>12</sup> Nak anpak kilegi gin asat, do kilano anaki gak da kapmatjok toktogisi egi wigiken.
- <sup>13</sup> Yawe, Israel amin dakon Pinjok toktogisi ankisin anan wiginen teban. Unun asi.

## PAPIA 2

(Kap 42-72)

## 42

*Amin kinds kokupni yipmanjek dubagikon egisak dakon bisit*

Kap on do “Maskil” yan yon. Unun Kora amin kabi dakon. Kap on kap yon amin dakon kila amin do mandabi.

<sup>1</sup> Jon kilap dia miktim kibiri timon pakbi do tep ton, unuden nak Pin kop gak gat egip do tagisi nandisat.

<sup>2</sup> Pin kop, amin da pakbi do tep ton unuden, nak Pin kop egip egipmi ton gak do nandisat.  
Ni bisapmon kiko Pin kop gat egipden?

<sup>3</sup> Gildari ae kalbiyo amin da yan yon, “Pin kopgo dukon egisak?”

Yan nayan, do bisapmi bisapmi kunam tagegisat.

Gildari ae kalbiyo kunam ban japmi do nanegisat.

<sup>4</sup> Bisap tagisi kalipmi do nandanek butno obisi yokwi tosok.

Kalip nak amin morapmi Pin kop da yutnon mibiltan yominjek pan kigim.

Nin kinjek kisik kisik do yan tidagiman.

Anek ya yan yagiman.

Unudon gak gawak gam do muwuk mamno kigit.

<sup>5</sup> Nido but yokwi nandisat? Nido butno jik tosok?

Nak Pin kop do nandan gadanek unun da yok-wikon ban kukwan nepjak do jomjom aben.

Unun Pin kopno, do aeno mani yan an kisikan.

<sup>6</sup> Butno madepsi jik tosok, do nak gak do nandisat.

- Nak Jodan Pakbi tet do ae Hleŋ Emon ae Hleŋ Misa unudon egek aeno nandan gamisat.
- 7 Tap da tagaŋ wiŋek ileŋon miktim witjisak ae pakbi tek maŋakwa wiwik madep asak, unuden gin jigi morapmi da witjiŋ naminaŋakwa yokwisi nandisat.
- 8 Yawe da gildaron but dasi galak taŋ namisak. Kalbi ya yaŋ iyik do kap yosot. Piŋkop egip egip namisak unun bisit iyisat.
- 9 Piŋkop tip madepno yaŋ iyisat, “Gak nido inŋtaŋ namisal? Yum pindagaki uwal da abin nepmaŋakwa butno nido obisi jik tosok?”
- 10 Toktogisi uwalno da sitnok aŋ namineŋek yaŋ yoŋ, “Piŋkopgo dukon egisak?” Gen unun da gobin da yaŋ yamaŋ naminaŋakwan kimot do nandisat.
- 11 Nido but yokwi nandisat? Nido butno jik tosok? Nak Piŋkop do nandan gadaŋek unun da yokwikon baŋ kukwaŋ nepjak do jomjom abeŋ. Unun Piŋkopno, do aeno mani yaŋ aŋkisikeŋ.

## 43

### *Amin kinda kokupni yipmaŋ dekgit dakon bisit*

- 1 Piŋkop, manji gamaŋ amin da nak abin nep do aŋ. Nak aŋpulugaŋek gen yokwi yaŋ namaŋ unun kosit sopmaŋ yobi. Anek aŋpak tagisi asat unun yoliŋbi koni. Unun top amin, aŋpakni yokwisi, unun da kisiron baŋ pulugaŋ nepbi.
- 2 Gak Piŋkopno. Amin yokwi da dima abidoni yaŋ do gagon obin pasildat. Yaŋ aŋapbo nido manji namisal?





- <sup>3</sup> Babiknin emat agak sibakon da miktim unun  
dima abidawit.  
Iyi dakon tapmimon da emaron dima teban  
tawit.  
Gak da but dasi galak tan yomgul do unun gat  
egek tenjeni yomgul.  
Gak da tapmimon gin emaron teban tawit.
- <sup>4</sup> Gak Kila Amin Madepno ae Pinkopno.  
Gak da yanaki Jekop dakon amin kabi da  
emaron teban tonj.
- <sup>5</sup> Gak da tapmimon gin uwalnin yolno kwanj.  
Gak da manon da uwalnin bamanj  
misiņikgamanj.
- <sup>6</sup> Obip da anpuluganban emaron teban tokenj yan  
dima nandisat.  
Ae emat agak sibano da nak anpuluganban  
dima teban tokenj.
- <sup>7</sup> Gak dagin panpuluganaki uwal da nin dima pabinj  
nipgwit.  
Unun da nin do dima galak tan nimanj, mani  
gak da unun gat emat wamanjek panmayak  
agil.
- <sup>8</sup> Pinkop, nin gildat kindakalonj gak do man madep  
gamamanj.  
Bisap dagok dagogi mini mango ankisinenj.
- <sup>9</sup> Mani gak manji kili nimgul, anjek pabinj nipmanjek  
emat aminin gat kisi sanbenjek emaron dima  
kwanj.
- <sup>10</sup> Yan anaki uwal da pansopba pasal kinapno yo  
kabinin kili timikgwit.
- <sup>11</sup> Gak da yum nindanaki nin sipsip si dapba kimori  
yombem da ekwamanj.

Anjek gak da miktimninon banj nolbi dukwan dukwan kinj Amin Nwaktjwari Kabi da binapmon ekwamanj.

12 Gak da yum pindagaki minjat amin kabigo Amin Nwaktjwari Kabi dakon oman monji dagawit.

Yumanj nanjek tomni pinjisi gangwit, monejni madepsi dima timikgil.

13 Gak da ninon yanj anjaki, amin nin da kapmatjok ekwanj unjun da yansul anj nimanj.

Miktim morap nin panjwasinej tanj anjanj kwanj unjun da yansul madepsi anj nimejek gen mayagisi yanj nimanj.

14 Gak da amin kabi morap miktimi miktimi ekwanj unjun panjtagap anjaki nin dakon man do mayak mayak gen yonj.

Ninon yo noman tanj unjun do jikgo madepsi yanjanj nimanj.

15-16 Uwal da jigilak gen yanj naminej gen girenj nayanj.

Anjek kobogi do anpak yokwisi anj namanj.

Do bisapmi bisapmi yokwisi nandanjek mayaktok obisi pasat.

17 Pinjkop, nin gak dima injanj gangumanj, ae gak dakon sanjek sanjek dakon gen dima abinj yipgumanj.

Mani unjun yo morap noman tanj nimgwit.

18 Nin manji gaminej gak dakon kosit dima yipmanj dekgimanj.

19 Mani jonj kilap da ekwanj timon gak da nin panjupbal agil.

Anjek pilin tuk madep nanj nin witjigil.

- 20-21 Piŋkopnin, gak do iŋtaŋ gamgumaŋ, bo ae kisitnin amin ŋwakiŋwari dakon piŋkopni do yopno kiŋakwa bisit agimaŋ tam gaga nandabim.  
Nin da butgwan nandak nandak morap pasili toŋ uŋun nandaŋ mudosol.
- 22 Nin gak dakon miŋat aminyo ekwamaŋ, do gildat kinda kalon uwal da nindapba kimokgomaŋ.  
Nin sipsip si nindapba kimori da tilak ekwamaŋ.
- 23 Amin Tagi, gak pida! Gak nido pokdol? Pida!  
Nin do toktogisi manji dima nibi.
- 24 Gak mibili nido pasil nimisal?  
Amin da yokwi aŋ niminjakwa nin jigi madepsi sigin pamaŋ.  
Nin dakon jigi do dima iŋtaŋ nibi.
- 25 Nin maŋ kimbabaŋon pagapno giptimnin amin kimakbi da yaŋ miktimon toŋ.
- 26 Piŋkop, pidaŋ abiŋ nin paŋpuluga.  
Butdasi galak taŋ yomyom anpakgo do nandaneŋ nin yokwikon baŋ timigaki kimot dima aneŋ.

## 45

### *Kila amin madep da miŋat pasak dakon kap*

Kap on do “Maskil” yaŋ yoŋ. Uŋun Kora amin kabi dakon. Kap on miŋat pakpak dakon kap. Kap yoŋ amin dakon kila amin da miŋat aminyo yoyinban tek “Jareŋ tagisi” kon da yoni.

<sup>1</sup> Nandak nandaknokon gen tagisi morapmi toŋ.

- Nak kap on mandan yobo kap yon amin da  
kila amin madep do yan imni.  
Gen kagano unun kilda mandak tagisi dakon  
kilda mandak yombem.
- <sup>2</sup> Gak amin tagisi. Amin gak yombem mini.  
Gengo unun tagisi gin.  
Do toktogisi Pinjop da gak do yo tagisi an  
gamdisak.
- <sup>3</sup> Gak kila amin madep tapmimi ton.  
Gak tilingo morapmi, ae man madepgo unun  
wukwisi.  
Gak emat agak siba kwengokon anteban anek  
emat do tagap toki.
- <sup>4</sup> Gak kila amin madep mibiltogi man madepgo  
ton.  
Oscon yigek emaron kinjek teban toki.  
Yan anaki amin da gen bami aripmi dima abin  
yipni.  
Ae amin da kosit kilegi nan yolek agipni do  
emat asal yan nandani.  
Pi tapmimi ton anaki gandanek tamtam yok-  
dan.
- <sup>5</sup> Gobinjo unun kisigisi do uwalgo wami gamikon  
obisi sugan yomisak.  
Amin Nwakanwari Kabi pabin yopmanaki gak da  
kandap mibilgogwan ekwan.
- <sup>6</sup> Pinjop, gak kila amin madep toktok teban egisal.  
Minat amingo kosit kilegikon da kila asal.
- <sup>7</sup> Gak anpak kilegi do but dasi galak tanek anpak  
yokwi do kuragisi nandisal.  
Yan nandisal do Pinjopgo da gak kisik kisik abi  
do bit nelak tagal gamgut.

Notgo kinda yan dima tagal imgut.

<sup>8</sup> Imal dubakgo mea ae aloe ae kasia dakon pakbi  
kibanji tagisi unun ban dapbi.

Kila amin madep dakon yut unun elepan  
dakon jomi ban panjilim abi.

Anjek gak da kisik kisik abi do gita tidon.

<sup>9</sup> Kila amin madep dakon gwani gat minjat man  
madepni ton diwari gat unun gak da yutnon  
ekwan.

Kwin amin tetgo do akdak.

Unun tilimni Opir miktim dakon gol ban  
wasanbi.

<sup>10</sup> Minjat gimonji kila amin madep pak do nandisal,  
gak nak dakon gen do mirak yopmanjek  
unun do nandaki.

Gak minjat aminyo kokupgokon ekwan unun  
injan yobi, ae yawi diwatgo kisi injan yobi.

<sup>11</sup> Nido kila amin madep da minjat tagisi yan gan-  
danej but dasi galak tan gamisak.

Unun amin tagigo, do man madep imin  
kimokgi.

<sup>12</sup> Tair kokup pap dakon minjat aminyo da but  
galak do yo panabinj gamdan.

Ae yoni morapmi amin da gak dakon tagi tim  
abidok do but galak do yo panabinj gamdan.

<sup>13</sup> Kila amin madep dakon minjatni iyi dakon yutg-  
wan egisak.

Unun minjat tagisi.

Imal pak unun mali gol ban wasanbi unun ban  
panjilim abi.

<sup>14</sup> Imalni unun kildani mibili mibili.

Abisok minjat unun kila amin madepmon anjan  
kwan.

- Anakwa miñat giñonji notni kisi yol anañ kwan.
- 15 Kisik kisik anek but galak nandanek kila amin madep da yut madepgwan wukwan.
- 16 Kila amin madep gak monjigo morapmisi altokdan.
- Unun da datgoni dakon tamo timigek man madep panek miktim morapmon miñat aminyo kila akdan.
- 17 Gak dakon man madepgo miñat aminyo abisok ae don altanek egi anañ kikan unudon yan tenenan anañ kiken.
- Anapbo toktogisi miñat aminyo da mango ankisij wigikdan.

## 46

### *Piñkop nin gat egisak*

Kap on Kora amin kabi dakon. Kap yon amin dakon kila amin da miñat aminyo yoyinban tek “Miñat giñonji kabi” kon da yoni.

- 1 Piñkop unun nin dakon pasili tamonin.  
Unun da nin bisapmi bisapmi panjeban asak.  
Jigi paman bisapmon unun nin da kapmatjok egek panpulugosok.
- 2 Yanjo, miktim wudip anakwan ilen oba tuwil ki tapmon pigini kan, nin unun do dima pasolnen.
- 3 Tap madepsi tamaligakwan tarak madepsi anek ilen oba pankwakwalitjak kan, nin unun do dima pasolnen.
- 4 Piñkop Wikwisi Madep unun telagi kokup papnikon egisak.  
Unun kokupmon pakbi madep kinda pagek amin kisik kisik yomisak.

- 5 Piŋkop uŋun kokup papmon egisak, do kokup uŋun aripmi dima yokwi tosak.  
Wisa miŋon yipmanjakwan Piŋkop da kokup uŋun anjuknosak.
- 6 Miktimi miktimi miŋat aminyo da pasol pasol madepsi anjakwa on miktim dakon kila amin madep gat miŋat amin kabiyoni gat obisi tasik toŋ.  
Piŋkop da gen pap yanjakwan miktim pakbi dagoŋ.
- 7 Yawe Tapmim Ami nin gat egisak.  
Jekop dakon Piŋkop uŋun dam tebanin aripmi dimasi tuwili egisak.
- 8 Ji abinjek Yawe da wasok asak uŋun do pindakgit.  
Miktimon wasok masi masimi asak uŋun pindatni.
- 9 Miktimi miktimi emat panyawot asak.  
Obip gat gwawiya gat gwokgalek pasikni kindapmon sosok.
- 10 Uŋun da yan yosok, “Ji tayanŋok egek nak Piŋkop bamisi uŋun pakyanŋi nandaŋ namni.  
Miktimi miktimi amin nak do nandaba wukwan namni.  
On miktimon nak dogin nandaba wigisak.”
- 11 Yawe Tapmim Ami nin gat egisak.  
Jekop dakon Piŋkop uŋun dam tebanin aripmi dima tuwili egisak.

## 47

*Piŋkop uŋun miŋat amin morapyo kisi dakon kila amin madep yikdak*

Kap on Kora amin kabi dakon. Kap on kap yoŋ dakon kila amin do mandabi.



- 1 Miñat amin morap ji kisik kisik anek kisit tidok ani.  
Ji kisik kisik dakon yan tidok anek kap yanek Pin kop an kisini.
- 2 Yawe Wukwisi Madep unun n wakan warisi.  
Unun miktimon miñat amin morap dakon Kila Amin Madep Wukwisi egi yomisak.
- 3 Unun da uwalnin pabin yopban nin dakon pin binin ekwan.
- 4 Pin kop da Jekop dakon diwatni nin do but dasi galak tan nimgut.  
Iyi miktim kinda manjinek nin do kili nimgut.  
Unun miktim do nandano yo madepsi asak.
- 5 Pin kop Kwen Kokup wigigit.  
Wigakwan amin kisik kisik anek madepsi yan tidanek kwenyo kisi pisowit.
- 6 Kili Pin kop an kisik do kap yono.  
Anek Kila Amin Madepnin kisik kisik kap yan imno.
- 7 Pin kop unun Kila Amin Madep yigek miktim morap kisi kila asak.  
Nin mani an kisik do kisik kisik kap yoneñ.
- 8 Pin kop unun Kila Amin Madep yigek miñat amin morap kisi kila asak.  
Kila Amin Madep yityit tamoni telagi unudon yikdak.
- 9 Miñat amin morap dakon kila amini unun muwukba nin gat kisi Abraham dakon Pin kop yan an kisaman.
- Unun on miktim dakon kila amin madep morap dakon Pin kop egisak.  
Miktimi miktimi mani wukwisi tan anan kisak.

## 48

*Saion kokup pap unun man madepni tosok ae tilimni tagisi*

Kap on Pinjkop gawak imim kap. On Kora amin kabidakon.

<sup>1</sup> Yawe mani wukwisi. Nin telagi kabapnikon wigek Pinjkop da kokup papgwan pigek anjksinj kimotneŋ kaŋ unun tagisi.

<sup>2</sup> Pinjkop dakon kabap unun wagil tagisi ae dubagisi.

Miktimi miktimi amin da Saion Kabap do but galaksi nandan.

Kila Amin Madep Wukwisi dakon kokup pap unun kabapmon tosok.

<sup>3</sup> Pinjkop unun kokup papgwan egisak.

Egakwan amin da Pinjkop unun dam tebanin aripmi dima tuwili egisak yaŋ kaŋ nandan.

<sup>4</sup> On miktim dakon kila amin madep Saion gat emat anek abin yip do awit bisapmon muwugek Saion da kapmatjok apgwit.

<sup>5</sup> Abin pasolisi kaŋ pasal si kiwit.

<sup>6</sup> Madepsi nimnimigek minat da monji altok do anakwa tepmi madepsi paŋ unun da tilak nandawit.

<sup>7</sup> Yaŋ nandanakwa gak da dapbi kimakgwit.

Unun gildat wisak tet da mirim madep da Tarsis amin dakon tap wakga paŋupbal asak, unun da tilak gak da unun amin paŋupbal agil.

<sup>8</sup> Kalip Pinjkop da kokupni anjknaneŋ yo agit unun dakon geni nandagiman.

Abisok aeni yaŋ gin anakwan koman.

- Nin Piŋkopnin Yawe Tapmim Ami da kokup papmon ekwamanj.
- Piŋkop da kokupni anjeban anjakwan bisap mudok mudogi mini tebai tan ananj wigikdisak.
- <sup>9</sup> Piŋkop, nin gak da telagi yutgwan egek gak da nin do but dasi galak tan nimisal unun do nandanek ekwamanj.
- <sup>10</sup> Piŋkop, miktim diwarikon da diwarikon mango wukwisi tosok, do unudon amin da mango anjisanj.
- Gak tapmingo madepsi, ae anpak kilegisikon da miŋat aminyo kila asal.
- <sup>11</sup> Gak gen kokwin pi kilegisi asal, do Saion Kabapmon amin da kisik kisik anakwa Juda miktim dakon kokup monij monij amin da but galak nandanj.
- <sup>12</sup> Ji kinj Saion kokup pap dakon dam madep anjwasinjek uwal pindat do dam unun da kwenon yut dubak dubak abi unun manjini.
- <sup>13</sup> Ji Saion kokup pap dakon dam madepni gat, ae yut tebani gat, unun pakyanjsi pindatni.
- Yan anek don altoni amin yoyini.
- <sup>14</sup> On Piŋkop unun bisap mudok mudogi mini Piŋkopnin egi wigisak.
- Unun da kosit nolinjakwan wigi kimot da pan dagosak.

## 49

*Amin money dogin nandanj unun amin nandanj kokwini tagi dima*

Kap on Kora amin kabi dakon. Kap on kap yon dakon kila amin do mandabi.

<sup>1</sup> Miŋat amin morap ji nandani.

- Miktimi miktimi ekwan miŋat amin morap ji  
nak dakon gen do mirak yopni.
- <sup>2</sup> Mani toŋ amin ae amin isali, yoni morapmi amin  
ae yoni mini amin, ji kisi gen on yosot uŋun  
pakyaŋsi nandani.
- <sup>3</sup> Nawa gen yoko nandaŋek egip egip tagisi dakon  
mibili nandaŋ pisoni.
- <sup>4</sup> Nak nawa gen do mirak yopmaŋek gita tidanek  
tilak gen dakon mibili dayiken.
- <sup>5-6</sup> Amin egip egipni moneŋon gin toŋ yaŋ nan-  
danek pibit tidok aŋ amin uŋun da nak  
aŋwasinjek aŋupbal ak do aŋ.  
Mani uŋun aŋ amin do dima pasolgen.
- <sup>7</sup> Amin kinda da iyi dakon egip egipni yum do  
Piŋkop do moneŋ aripmi dima imjak.
- <sup>8-9</sup> Egip egip dakon yumaŋ nogi uŋun wukwisi.  
Piŋkop do moneŋ iminjek miktimon bisap  
dagok dagogi mini egi aŋaŋ kineŋ dakon  
kosit kinda dimasi tosok.
- <sup>10</sup> Pindakgamaŋ, nandaŋ kokwini tagisi amin gat,  
ae nandaŋ kokwini tagi dima amin gat, ae  
buri mini amin uŋun kisi kimotdaŋ.  
Kimagakwa yo morapni amin ŋwakŋwari da  
timitdaŋ.
- <sup>11</sup> Uŋun kalip miktim yumaŋ naŋek iyi do  
timikgwit,  
mani kimakbi kokup da kokupsini aban  
uŋudon dagok dagogi mini egipdaŋ.
- <sup>12</sup> Amin dakon yoni tagisi uŋun da kimot dakon  
kosit aripmi dima sopjak.  
Uŋun joŋ bit kilapyo da yaŋ kimotdaŋ.
- <sup>13</sup> Amin egip egipni iyikon tosok yaŋ nandaŋ amin  
uŋun kimotdaŋ.

- Uņuden amin nandak nandak tagi mini.  
 Uņun amin yoni morapmi do kisik kisik aņ,  
 mani uņun kimotdaņ.
- 14 Sipsip da yaņ kimagek kimakbi kokupmon kini  
 do Piņkop da yaņ mudana yomgut.  
 Yutni tagisi yipmaņ detni, ae giptimni da  
 miktana mudoni.  
 Aņakwa kimot da kila amini egi yomdisak.
- 15 Mani, Piņkop da nak yokwikon naņ abidokdisak.  
 Aņakwan amin kimakbi tamo da nak abidosak  
 dakon tapmim dima taņ imdisak.
- 16 Amin diwari monena morapmi timitni, ae yutni  
 madepsi ani, ae tilimni morapmi kaņ, gak  
 uņun do but yokwi dima abi.
- 17 Uņun kimagek yo di aripmi dima pabidanea  
 kikdaņ.  
 Yo morapni tilimi toņa uņun gat kisi timigek  
 kimakbi kokupmon aripmi dima kikdaņ.
- 18 Ekwaņa bisapmon, yoni uņun do kisik kisik aņ.  
 Uņun pi madepsi aņek yo morapmi timigakwa  
 miņat aminyo da “amin tagisi” yaņ yona.
- 19 Mani uņun kimagek babakni gat gildat ae dima  
 kokogi kokupmon egipdaņ.
- 20 Man madepnin da kimot dakon kosit aripmi  
 dima sopjak.  
 Nin joņa bit kilapyo da aripmon kimotdamaņa.

## 50

*Piņkop da amin dakon aņpak kokwin asak*  
 Asap dakon kap kinda.

<sup>1</sup> Piņkop Tapmim Ami uņun Yawe.

- Unun da amin kisisi miktimon ekwan unun  
yan ilikdak.  
Gildat wisak tetgin da wasanek kin si pigisak  
tetgin amin ekwan kisisi yan ilikdak.
- <sup>2</sup> Pin kop unun Saion kokup papmon egisak.  
Kokup unun gwaljigi mini wagil tagisisi.  
Pin kop dakon tilimni unudon da tentenan  
kisak.
- <sup>3</sup> Pin kopnin tayan gok dima abisak.  
Yo morapmi sonban mudon unun dakon  
kindapni da mibiltan iban abisak.  
Sikak mirimyo madepsi kagagwan da abisak.
- <sup>4</sup> Minjat amin kabiyoni dakon anpak kokwin  
anakwan pindatjil do Kwen Kokup gat ae  
miktin gat yan yoban abamal.
- <sup>5</sup> Pin kop da yan yosok, “Minjat amin kabino nak  
gat sanbek sanbek anek unun anteban ak do  
mukwa sowit ji nagon apba muwutnenj.”
- <sup>6</sup> Kwen Kokup da iyi yan tentenanek yan yosok,  
“Pin kop unun anpakni kilegisi.  
Unun iyi gen kokwin agak ami.”
- <sup>7</sup> Pin kop da yan yosok, “Minjat amin kabino mirak  
pani.  
Nak gen kinda dayikdisat.  
Israel amin nak da gen pikon depdisat.  
Nak Pin kop egisat.  
Nak ji dakon Pin kop.
- <sup>8</sup> Ji da bit kilapyo parekanj ae bit kilapyo bisapmi  
bisapmi nagon panabinj sonba son mudon  
nak unun do gen tebai dima dayisat.
- <sup>9</sup> Nak bulmakau wili bo meme ji da nagalon banj  
timit do dima nandisat.

- 10 Jon kilap morap koron ekwan gat ae bulmakau ilen tausenon ekwan gat unun kisi nak dakon gin.
- 11 Kabapmon minam morap ekwan unun kisi nandan yomin mudosot.  
Ae jon kaga yo monin morap ekwan unun kisi nak dakon.
- 12 Nak jap do aben kan, but piso dima dayikdisat.  
Miktin madep gat ae yo morap unungwan ton unun kisi nak dakon gin.
- 13 Nak bulmakau dakon sabamni gat ae meme dakon yawi gat unun nosot yan nandan, ma? Unun dimasi.
- 14 Ji nak do ya yan nayini kan, unun da mukwa sogok tagisi asak.  
But galak do yo morap Pin kop Wikwisi nak do nam do yan teban tok awit unun namni.
- 15 Ji yan anek jigi altan damni bisapmon nak do yan tidanba panpulugokdisat.  
Yan anapbo man madep namni.”
- 16 Mani Pin kop da amin yokwi do yan yosok, “Ji nido gen tebano isaldogin gen kagakon da yon?  
Ae nak dakon sanbek sanbekno dakon gen nido yon?
- 17 Ji nak da egip egipji panmilip aben do kuragisi nandan, anek bisapmi bisapmi nak dakon gen pabin yopmanan.
- 18 Ji kabo noknok pindagek not anyoman.  
Anek yumabi amin gat kisi akwan.
- 19 Ji gen yokwi gat ae top gen gat yon.
- 20 Anek notji gen yan yoman.

- Disi dakon menji dakon monjini yanba yokwi tok an yoman.
- 21 Ji yan anakwa nak gen kinda dima yagim.  
Do nak disi yombem yan nandan nama, mani dimasi.  
Abisok nak tebai dayinek nomansi gen pikon depdisat.
- 22 “Minjat aminyo manji nama amin ji nandani.  
Ji yan gin egipni kan, nak da ji panupbal anapbo amin kinda da ji yokwikon ban aripmi dima timitjak.
- 23 Amin kinda ya yan nayisak, unun paret nan yan namisak.  
Unun amin da mano awigisak.  
Ae nak da amin geno guramitni unun yokwikon ban timitdisat.”

## 51

### *Yokwi wiririk dakon bisit*

Dewit da Batsiba kon yumabi aban don kombi amin Natan da yokwini yoligit. Aban Dewit da yokwini do nandanek kap on mandagit. Kap on kap yon dakon kila amin do mandabi.

- 1 Pinkop, gak bisapmi bisapmi amin do but dasi galak tan yomisal, do nandan yawok nabi.  
Bupmigo madepsi do nak dakon diwarino yipman nabi.
- 2 Suga anmilip anaki anpak yokwino mudoni.  
Diwarino wiririk naminaki kilek token.
- 3 Gulusun at yan si nandisat.  
Unun gulusun no toktogisi tanba nandisat.
- 4 Nak gulusun gak nan gin an gamisat.



- Gak da dabilon yokwisi at.  
 Yan̄do, gen pikon nepman̄ek gen yan̄ nabi  
 un̄un tagisi.  
 Gen kokwin kilegisi an̄ek kobogi namdisal.
- <sup>5</sup> Asisi, yokwi gat kisi altagim.  
 Men̄ da butgwan wasan̄ek yikgim bisapmon  
 yokwi gat kisi yikgim.
- <sup>6</sup> Asi, nin butninin da topmi mini egipnen̄ do  
 nandisal.  
 Do gak da nandan̄ kokwingo tagisi butnokon  
 nayin̄ dekgi do nandisat.
- <sup>7</sup> Yokwino wiririkbi kilegisi egipben̄ do nandisat.  
 Sugan̄ nepbi ais kwakwagisi un̄un da tilak  
 kilegisi egipben̄.
- <sup>8</sup> Butno an̄tagap abi aeno kisik kisigi ton̄ egipben̄.  
 Asi, wagisi abin̄ nepgul, mani aeno kisik kisik  
 aben̄ do nandisat.
- <sup>9</sup> Diwarino aego dima pindakgi.  
 Yokwino kisi wiririk mudoki.
- <sup>10</sup> Pin̄kop, butno an̄kaluk abi kilegisi asak.  
 Butno an̄kaluk abi gak nan̄gin golben̄.
- <sup>11</sup> Nolbi gak da dubagikon dima egipben̄.  
 Telagi Wupgo nagon egisak un̄un dimasi  
 gwayeki.
- <sup>12</sup> Kalip yokwikon nan̄ an̄pulugan̄bi kisik kisik  
 nandagim un̄un aego nabi.  
 An̄pulugan̄bi gak dakon gen guramikgen̄.
- <sup>13</sup> An̄ek yokwi pakpak amin̄ an̄pakgo yoyin̄ dekho  
 tobilek gagon opni.
- <sup>14</sup> Pin̄kop, Yokwikon Ban̄ Timit Timit Amin̄o, nak  
 yokwi an̄apbo amin̄ kinda kimakgit.  
 Mani diwarino yipman̄ nabi.

- Yañ anaki anpakgo kilegi do nandanek kisik kisik kap yokenj.
- 15 Amin Tagi, gen dulumno antagap abi mango ankisikenj.
- 16 Gak bit kilapyo parek gabenj unun do dima galak tosol.  
Ae bit kilapyo gak do mukwa sok do dapman soko soñ pasilni kanj, gak ununyo kisi do dima galak tosol.
- 17 Pinjkop, nak naga do nandako pinjbisi asak unun da paret si galak tosol asak.  
Amin iyi do nandaba pinjakwa but tobil an unun manji dima yomisal.
- 18 Saion kokup pap amin do galak tanjek panpulgoki.  
Jerusalem kokup pap dakon dam madep aego abi atjak.
- 19 Yañ anek unun bisapmon gak paret tagisi unun do galak tokdisal.  
Ae soñba wagil pasildan ununyo kisi do galak tokdisal.  
Nin bulmakau wili gak da altakon soñ gamnenj.

## 52

*Amin kinda anpak yokwi do kisik kisik asak, unun amin nandan kokwini tagi dima*

Kap on kap yonj dakon kila amin do mandabi. Dewit dakon kap kinda. On kap do “Maskil” yañ yonj. Dewit da kap on Idom miktimon amin kinda mani Doek unun da kinj Sol, “Dewit Aimelek da yutnon kik” yañ iyigit bisapmon mandagit.

- <sup>1</sup> Amin tebai, gak nido Pinjkop dakon minjat aminyo do anpak yokwi an yomgul unun do pibit tidok asal?  
Bisapmi bisapmi Pinjkop da nandan yawot an yomisak.
- <sup>2</sup> Gak top amin, gengo siba geni tepmisi yombem geni tepmisi da amin diwari obisi mandan yomisak.  
Gildari gildari amin diwari panupbal ak do nandak nandak asal.
- <sup>3</sup> Gak anpak kilegi do dima galak tosol. Anpak yokwi dogin galak tosol.  
Gak gen bami yogok do dima galak tosol.  
Top yogok dogin galak tosol.
- <sup>4</sup> Gak top amin.  
Amin diwari panupbal ak dakon gen dogin galak tosol.
- <sup>5</sup> Mani nandaki. Pinjkop da gak wagilsi anupbal akdisak.  
Gak tebaisi abidanek yutgokon nan maban abigikdisal.  
Anek obisi gikban pasilaki miktimon sanbenek dima egipbi.
- <sup>6</sup> Amin kilegi da unun yo noman tan gaba pindagek si pasoldan.  
Gak do jikgo yanjan gaminek yan yokdan,
- <sup>7</sup> “Kabit. Unun amin Pinjkop da anpuluganek anteban asak do dima nandagit.  
Unun monen yo morapni do nandan gadagit, anek anpak yokwi da anpuluganakwa tagisi egipben yan nandagit.”
- <sup>8</sup> Mani nak dima.

Nak olip kindap da yan Piŋkop dakon yut  
kidipminjon tagisi kwosot.

Nak Piŋkop but dasi galak tan namisak unun  
do toktogisi nandan dagoken.

<sup>9</sup> Piŋkop, gak da nak anpulugagil, do bisapmi  
bisapmi ya yan gayiken.

Anek minjat aminyogo da dabilon mango  
awigek

“Piŋkop da nak do yo tagisi an namisak” yan  
yokdisat.

## 53

*Amin dakon gulusun anpakni gat ae anpak yok-  
wini gat dakon gen*

Dewit dakon kap kinda. On kap do “Maskil” yan  
yon. Kap yon amin dakon kila amin da minjat  
aminyo yoyinban tek “Malat” ron da yoni.

<sup>1</sup> Nandan kokwini tagi dima amin da  
“Piŋkop kinda dima egisak” yan yon.

Unun amin anpak kosirikon dima an.

Unun anpak amin da dimasi agagi ban an.

Kinda da anpak tagi kinda dimasi asak.

<sup>2</sup> Piŋkop Kwen Kokup egek sinjanban minjat  
aminyokon pisak.

Anek nandan kokwini tagisi ae Piŋkop dakon  
mibili nandak do pi an amin di ekwan bo  
dima yan do wisisak.

<sup>3</sup> Mani dima. Kisi morap kosit kilegi kili yipman  
dekwit.

Kisi morap aripgin, unun amin wagil yokwisi.

Kinda da anpak tagi kinda dimasi asak.

- 4 Piŋkop da yaŋ yosok,  
 “Yokwi aŋ amin nandak nandak tagi di dima timikgaŋ.  
 Amin da bret naŋba mudon, unun da tilak amin yokwi da miŋat amino naŋ mudon.  
 Ae nak da paŋpulugoken do bisit dima aŋ.”
- 5 Mani madepsi pasoldan.  
 Kalip yaŋ dima pasalgwit.  
 Nido, Piŋkop da uwal morapji unun wagilsi dapmanek kidatni maban dukwan dukwan kikan.  
 Ji da uwalji paŋmayak akdan, nido Piŋkop da manji kili yomgut.
- 6 Nak Piŋkop da amin kinda Saion naŋ yabekban abin Israel amin yokwikon baŋ timitjak dosi nandisat.  
 Piŋkop da miŋat amini paŋpuluganban aeni tagisi egipni bisapmon Israel amin kisik kisik akdan.  
 Asi, but galaksi nandakdan.

## 54

### *Amin kinda da Piŋkop aŋpulugosak do bisit agit*

Kap on kap yoŋ dakon kila amin do mandabi. Dewit dakon kap kinda. On kap do “Maskil” yaŋ yoŋ. Sip kokup dakon amin da kin “Dewit nin da binapmon pasilak da egisak” yaŋ Sol iyiwit bisapmon Dewit da kap on mandagit. Kap on gita tidanek yogogi.

- 1 Piŋkop mango wukwisi, do amin yokwi da kisiron baŋ pulugan nepbi.

- Tapmimgo madepsi do anpuluganbi tagisi egipben.
- <sup>2</sup> Pin kop, nak dakon bisit nandaki.  
Mirakgo yopmanek geno nandaki.
- <sup>3</sup> Nak dima nandan yomisat amin da abin nitdan.  
Ematni yokwisi amin da nikba kimokgen do aban.  
Unun amin da Pin kop do yo isali yan nandan.
- <sup>4</sup> Mani Pin kop unun panpulugokno.  
Amin Tagi da tapmim naminakwan sigin egisat.
- <sup>5</sup> Yo yokwi annaman unun iyikon noman toni.  
Bisapmi bisapmi dima nepman dekdal, do uwalno dapbi pasil mudoni.
- <sup>6</sup> Yawe, naga dakon galaktok yolek paret gaben.  
Mango unun tagisi, do mango ankisiken.
- <sup>7</sup> Anpuluganaki jigi morapno da dima abin nepgwit.  
Dabil da pindagapbo gak da uwalno pabin yopgul.

## 55

### *Amin kinda Pin kop da anpulugosak do bisit agit*

- Kap on kap yon dakon kila amin do mandabi.  
Dewit dakon kap kinda. On kap do "Maskil" yan yon. Kap on gita tidanek yogogi.
- <sup>1</sup> Pin kop, nak dakon bisit nandaki.  
Anpulugoki do yan tidoko dima nandabi da tilak dima egipbi.
- <sup>2</sup> Bisitno pakyan si tagisi nandanek gen kobogi nayiki.  
Jigi unun da nak anupbal akdisak.
- <sup>3</sup> Uwal da nak anupbal ak do gen tebai yipman.

Amin yokwi unun da nak abin nepmanan, do butnokon da yokwisi nandisat.

Unun da jigi morapmi naminek butjap madepsi nandanek uwal madepsi an naman.

<sup>4</sup> Nak madepsi pasoldot, anek kimot do nandisat.

Anek unun da aban butno madepsi jik tosok.

<sup>5</sup> Asi, nak madepsi pasoldot, anek giptimno madepsi nimmikdak.

Pasol pasol da obisi abin nepmandak.

<sup>6</sup> Do yan yosot, “Bupmisi, nak kinarim da yan pitno ton ak do nandisat.

Anek piriropman kin yik yawot tamo kinda wusin kan unudon yikgen.

<sup>7</sup> Nak piriropman dubagisi kindakon kin miktin amin dima ekwanon egipben.

<sup>8</sup> Tepmisi kin ek yongamno kinda analon anek mirim ae sikakyo madepsi da dubagikon tagi egipben.”

<sup>9</sup> Nak pindakgo kokup papgwan pidok anek emat an, do Amin Tagi, gak da geni panjntok abi.

<sup>10</sup> Unun gildari ae kalbi kokup pap dakon tip dam da kwenon akwan.

Kokup pap dakon minat aminyo gulusun morapmi gat ae yokwi morapmi an.

<sup>11</sup> Kokup pap dukwan dukwan amin da amin diwari gat ae yo morap gat panupbal an.

Kosit ilenon notni pabin yopmanek yoni gwayek do pankewalan.

<sup>12</sup> Uwal kinda da nabipjak kan, unun jigi tagi paken. Uwal da nit do asak kan tagi pasilgen.

<sup>13</sup> Mani dima. Gak kalongin.

Gak notnosi, egip egipnit kaloni.

- Anpak yokwi unun gak da gaga asal.
- 14 Nit kalip but kalonon da Pin kop da yutnon amin diwari gat kisi kigiman.
- 15 Anpak yokwi da butnikon tugawit, do uwalno but pisoni mini tepmisi kimotni do nandisat.  
Kalugi sigin egek kimakbi kokupmon kinisi.
- 16 Mani Pin kop da anpulugosak do bisit asat, do iyi nak yokwikon nan abidosak.
- 17 Jigi da nak anupbal an, do wisa dagokdo, ae gildat binap, ae kalbi kisi kunam tak ibo bisitno nandisak.
- 18 Amin morapmi da nikgan, mani giptimno dima yokwi tan,  
nido Pin kop da jigikon nan pulugan nepmanek kilano anjakwan tagisi egisat.
- 19 Pin kop toktok teban kila amin madep egisak.  
Uwalno Pin kop do dima pasal iman, ae anpakni kulabik ak do dima nandan, do Pin kop bisitno nandanek uwal emaron pabin yopdisak.
- 20 Nak dakon notno iyi dakon notni gat emat an.  
Anek kalip notni gat sanbek sanbek awit unun tuwidak.
- 21 Gen kaga da gen galagi yosok, mani butnikon da emat ak do nandak nandak asak.  
Geni da aban but yawot ekwaman, mani geni unun geni tepmisi, emat agak siba yombem da nin mandan nimisak.
- 22 Jigi morap imekdal, unun Yawe da kisiron yop-bisi.  
Anaki unun da imegek kilago anek gak anteban asak.  
Amin kilegi yipban aripmi dimasi mosak.



- 23 Mani Piŋkop, gak da amin dapba kimokgon amin gat, ae top yoŋ amin gat wiririkbi kimakbi kokupgwan pigeke pasil mudokdaŋ.  
 Kimot bisapni tanakwa yawi kalik da tepmi kimotdaŋ.  
 Mani egip egipno gagon tosok yaŋsi nandaŋ gabeŋ.

## 56

### *Piŋkop nandaŋ gadaŋ imisak amin dakon bisit*

Dewit dakon kap kinda. On kap do “Miktam” yaŋ yoŋ. Uwalni Pilistia amin da Gat kokupmon Dewit tebaisi abidawit bisapmon Dewit da kap on mandagit. Kap yoŋ amin dakon kila amin da miŋat aminyo yoyiŋban “Kinarim kinda dubagikon kindapmon yikdak” unun tegon da yoni.

- 1 Piŋkop, nak do nandaŋ yawok nabi.  
 Amin da nak nit do anek nolgaŋ.  
 Gildat kinda kalon uwalno da nit do abaŋ.
- 2 Wisa dagokdo da wigi pilindosi uwal da nit do pi aŋ.  
 Amin morapmi da iyi do nandaba wigakwa abin nep do aŋ.
- 3 Piŋkop, yo kinda do pasoldot bisapmon, egip egipno gagon tosok yaŋsi nandisat.
- 4 Egip egipno Piŋkopmon tosok yaŋsi nandaŋek geni bamisi do nandak nandak anek mani awigisat.  
 Nak Piŋkop nandaŋ gadaŋ imiŋek yo kinda do dima pasolgeŋ.  
 Amin da nak do yo kinda aripmi dima ani.

- 5 Yo morap akdisat unun uwal da panupbal ak do pi an.  
Toktogisi nak anupbal ak do kosit wusik an.
- 6 Unun kisi muwugek si pasilek ekwan.  
Nak da kosit agisat unudon yubinek nikba kimokgen do pi an.
- 7 Pin kop, gak da anpak yokwi an unun do yo yokwisi an yobi.  
Gak butjap nandan yominjek emaron teban tanek pabin yopbi.
- 8 Jigi pasat unun gak da nandisat.  
Anek nak unun do jigisi nandanek kunam tagegisat.  
Kunam pakbino nian da mon unun gak da manjinek papiagokon kili mandal.
- 9 Nak yan si nandisat, Pin kop unun panpulugokno,  
do bisit an iben bisapmon unun da uwalno yolban kin mudokdan.
- 10 Nak Pin kop dakon gen awigisat.  
Asisi, Yawe dakon gen awigisat.
- 11 Egip egipno Pin kopmon tosok yan si nandisat,  
do yo kindo do dima pasolgen.  
Amin da nak do yo kindo aripmi dima ani.
- 12 Pin kop, nak kalip yo ak do yan teban tok agim unun akdisat.  
Nak ya yan gayinek paret aben,
- 13 nido gak da kimoron nan puluganaki dima kimakgim.  
Anpuluganaki sagalek dima nikgwit.  
Do Pin kop da dabilon toktogisi ten teninikon agipben.

# 57

## *Amin kinds Pin kop da an pulugosak do bisit agit*

Dewit dakon kap kinds. On kap do “Miktam” yan yon. Dewit Sol do pasalek kin tip kinamgwan pasil egipgut bisapmon kap on mandagit. Kap yon amin dakon kila amin da minat aminyo yoyinban “Dima pantasik ani” unun tegon da yoni.

<sup>1</sup> Pin kop, bupmi nandan nabi.

Nak gagon abisat, kilano aki do nandisat.

Pup pudik da meni da pit kagagwan pasilek ekwan, unun da tilak an kutnanaki tagisi egisat.

Nak yan gin egapbo wigi an upbal ani dakon yo da pasilni.

<sup>2</sup> Nak Pin kop Wukwisi do yan tidosot.

Unun da an puluganban galaktokni tagi yolgen.

<sup>3</sup> Unun Kwen Kokup egek nak yokwikon nan abidanek nak an upbal ak do an amin unun pabin yopdisak.

Pin kop toktogisi but dasi galak tan naminek dimasi nepman dekdak.

<sup>4</sup> Amin da nak an gwasan.

Unun laion amin noknok yombem.

Geni unun tepmisi, gwawia ae gobin yombem.

Melni unun emat agak siba yombem geni tepmisi.

<sup>5</sup> Pin kop, minat aminyo da gak dakon man kundu yapmanek kwensi awigini do nandisat.

Tapmingo yipbi miktam morap kisikon nomansi tenjosak.

Yaŋ aŋaki miŋat amin morap kisi da man  
madepgo do nandani.

<sup>6</sup> Uwal da nak abidok do pat yipman, do jigi  
madepsi da nak obisi abin nepmandak.

Nak da moken do kosiron gapma wayik  
yipman.

Mani dima magim.

Iyi unun gapmagwan mawit.

<sup>7</sup> Pinjkop, butnokon da gak do tebaisi nandan  
gadasat.

Do gak dakon man awigik do kap yokdisat.

<sup>8</sup> Dipmin yipmanek pidokenji.

Gita ae kuleleyo tidokenji.

Wisa dima daganakwan nak da kalip pidanek  
kap yoken.

<sup>9</sup> Amin Tagi, Amin Nwakanwari Kabi da binapmon ya  
yaŋ gayiken.

Miŋat amin morap kisikon agek mango  
awigiken.

<sup>10</sup> Nin do but dasi madepsi galak taŋ nimisal.

Unun dakon tilak yipnen kan, wigi kundu da  
arip akdisak.

Toktogisi gengo tagisi unun yol kimagek ninon  
yo tagi asal unun aripmi tagi manjinen kan,  
tilakni unun wigi gikwem kagagwan da arip.

<sup>11</sup> Pinjkop, miŋat aminyo da gak dakon man  
madepsi awigini do nandisat.

Tapmingo yipbi miktim morap kisikon no-  
mansi tenjenosak.

Yaŋ aŋaki miŋat amin morap kisi da man  
madepgo do nandani.

## 58

*Amin kinda da Pinƙop da amin yokwi tepmi pi yomjak do bisit agit*

Dewit dakon kap kinda. On kap do “Miktam” yan yonƙ. Kap yonƙ amin dakon kila amin da miƙat aminyo yoyinƙan “Dima paƙtasik ani” unun tegon da yoni.

<sup>1</sup> Kila amin, ji gen pikon gen kilegi yonƙ, ma?

Amin morap kisi dakon gen kokwin tagisi an bo?

<sup>2</sup> Dimasi. Nandak nandakji yokwi ak dogin nandanƙ.

Ji gen kokwin kilegisi dima anek dukwan dukwan miƙat aminyo madepsi paƙupbal an.

<sup>3</sup> Amin yokwi unuden kaluk altonon da wasanek kosit tagisi yipman degek anpak yokwi gin an, ae top banƙin yanekwan.

<sup>4</sup> Geni unun tunon amin dakon pakbi emari ton yombem.

Mirakni inƙagit, do

<sup>5</sup> tunon amin unun pidanƙ kap asak do kasisin pison bisapmon, ami dakon kasisin ni dakon tekni dima nandisak.

Ami kasisin dakon mibili pakyan nandanek pisolok, mani tunon amin tekni dima nandisak.

<sup>6</sup> Pinƙop, kila amin yokwi unun paƙupbal akisi.

Unun laion emat yokwisi an yombem, do geni biripmik mudoki.

<sup>7</sup> Pakbi da pak kinƙek miktinƙwan pasilƙan unuden si pasilni.

Amin da jon bamanba kibidon unuden gak da si bamanaki yokwi toni.

- 8 Uņun galjisip da kimagek miktimon mikton, uņuden tasik toni.  
 Ae monji meņ da butgwan kimagek gildat đima koņ, uņuden tagi kimotni.
- 9 Amin kında da kındap moniņgok kında pasisak, uņun da tilak, Piņkop da tepmisi paņupbal akdisak.  
 Uņun kalugi egakwa Piņkop da butjapsi nandan yomiņek sibiť sibiť yaņ maban kıkdan.
- 10 Piņkop da amin yokwi yo yokwisi aņ yomjak bisapmon, amin kilegi kisik kisik akdan.  
 Amin kilegi da amin yokwi dakon yawi baņ kandapni sugokdan.
- 11 Anjakwa amin diwari da yaņ yokdan,  
 “Asisi, Piņkop da amin kilegi do kobogi do tomni tagisi yomisak.  
 Asisi, Piņkop da gen pikon amin morap dakon anpak kokwin asak.”

## 59

*Amin kında uwal da đima aņupbal ani do bisit agiť*  
 Dewit dakon kap kında. On kap do “Miktam” yaņ yoņ. Sol da Dewit abıdanek anakba kimotjak do amin yabekba yutnikon kiwit bisapmon Dewit da kap on mandagiť. Kap yoņ amin dakon kila amin da miņat aminyo yoyiņban “Đima paņtasik ani” uņun tegon da yoni.

- 1 Piņkopno, uwalno da kisiron baņ nak abıdoki.  
 Kilano anjaki đima aņupbal ani.
- 2 Amin yokwi da kisiron naņ gwayeki, anek amin nikba kimotdisat da kisiron baņ nak abıdoki.

- <sup>3</sup> Pindakgi. Nikba kimokgen do yubiŋ ekwaŋ.  
Yawe, yokwi kinda dima agim, mani amin  
yokwi emat agak amin unun nit do muwuk-  
gaŋ.
- <sup>4</sup> Yawe, suŋ kinda dima agim, mani tepmisi nak gat  
emat wam do tagap taŋ.  
Jigino do kaŋek abiŋ aŋpuluga!
- <sup>5</sup> Piŋkop Yawe, Tapmim Ami, tepmisi abiŋek nak  
aŋpulugoki.  
Gak Israel amin dakon Piŋkop, tepmisi abiŋ  
amin kabi morap egi aŋaŋ kwanŋ tepmi pi  
yobi.  
Unun jamba but aminsi, do bupmi dima nan-  
daŋ yobi.
- <sup>6</sup> Piliŋ kaga abiŋek kokup pap da kosiron agek  
piŋan da yaŋ nimi yoŋ.
- <sup>7</sup> Nandaki, gen kaganikon da gen yokwisi da moŋ.  
Unun emat agak siba geni tepmisi yombem.  
Mani yaŋ yoŋ, “Namin da nandaŋ nimjak?”
- <sup>8</sup> Mani Yawe, gak da jikgo yokwisi yanjaŋ yomisal.  
Gak da unun miŋat amin morap kabi kisi do  
yaŋsul aŋ yomisal.
- <sup>9</sup> Gak daŋin nak aŋteban aŋek kilano asal.  
Piŋkop, gak dam tebano aripmi dima tuwili  
egisal.
- <sup>10</sup> Piŋkopno da but dasi galak taŋ namisak, ae unun  
da abiŋ aŋpulugokdisak.  
Piŋkop da nak yum nandaŋek nepban  
pindagapbo uwalno pabiŋ yopdisak.
- <sup>11</sup> Amin Tagi, dima dapbi kimotni.  
Miŋat amino da tapmimgo madep do di  
iŋtaŋbam.

- Gak pasiknin tebaisi, gaga da tapmimon uwal  
yolbi kinakwa panjupbal aki.
- 12 Toktogisi yokwi ak dogin yon.  
Iyi do nandaba wikwan do yum pindagaki iyi  
da paron yokwalni.  
Jobit timitdo dakon gen ae top gen gat kisi yon.
- 13 Do gak da butjap nandan yominek dapbi kimotni  
kan tagisi.  
Amin yokwi unun dapbi pasilni.  
Yan anaki minat aminyo da gak do Pinjop, ae  
Israel amin dakon kila amin madep, ae duk-  
wan dukwan kisi dakon kila amin madep  
egisal yan nandan gamni.
- 14 Pilin kaga abinek kokup pap da kosiron agek  
pijan da yan nimi yon.
- 15 Jap wusin pindak nok do kin ap an.  
Ae buri dima tugoni kan, nimi yon.
- 16 Mani, nak tapmim madepgo do kap yoken.  
Wisa dagokdo but dasi galak tan namisal,  
unun do nandaneke kap yoken.  
Nido, kalip jigi mibili mibili noman tan namg-  
wit bisapmon tagisi anjutanagil, anek dam  
tebano aripmi dima tuwili egipgul.
- 17 Pinjop, gak kalongin teban tokno.  
Gak dakon man awigik do kap yokdisat.  
Pinjop, toktogisi but dasi galak tan namisal, ae  
dam tebano aripmi dima tuwili egisal.

## 60

*Amin kında Pinjop da yokwikon nan abidosak do  
bisit agit*

Dewit dakon kap kında. On kap do “Miktam”



yaŋ yoŋ. On kap da niyiŋdet kindā asak. Dewit da Siria amin Mesopotemia miŋtimon nani gat emat wamgwit biŋapmon miŋtim Soba gat Joap gat dakon amin da tobiŋ abinjek Idom amin 12 tausen miŋtim kindā mani Galegi Tapmi Morapmi unudon dapgwit. Unun biŋapmon Dewit da kap on mandagit. Kap yoŋ amin dakon kila amin da miŋat aminyo yoyinban “Sanbek sanbek dakon jareŋ tagisi” unun tegon da yoni.

<sup>1</sup> Piŋkop, gak da manji nimgul.

Ninon yaŋ abi emaron magimaŋ.

Nin do butjap nandagil, mani abisok aego tobiŋ abinjek nin paŋpulugoki.

<sup>2</sup> Gak da abi miŋtimnin wudip agit.

Miŋtim pudanbi gapma madep kindā noman tagit.

Abisok miŋtimnin obisi tasik toso.

Aego anmilip abi.

<sup>3</sup> Miŋat amin kabigo nin do jiggi morapmi nimgul.

Unun wain baŋ yaŋ nibi naŋ mudanek but upbal obisi agimaŋ.

<sup>4</sup> Mani gak da tilak kindā anenakgil.

Do amin gak do pasolgoŋ unun tilagon kiŋ altanek tagisi egakwa uwal da aripmi dima dapni.

<sup>5</sup> Gak da nin but dasi galak taŋ nimisal, do biŋitnin nandan nibi.

Anek tapmim madepgokon da nin yokwikon baŋ timigaki nin tagisi egipneŋ.

<sup>6</sup> Piŋkop iyi da yutnon egek yaŋ yagit, “Nak emaron kili teban tat.

- Do nak kisik kisik anjek Sekem dakon miłktim gat ae Sukot dakon galegi oba uņun gat miņat amino do kokwinik yomdisat.
- <sup>7</sup> Giliat miłktim gat Manase miłktim gat uņun nak dakon.  
Epraim miłktim uņun busuņ kutnokno.  
Ae Juda miłktim uņun kila amin madep dakon kindap kirinno.
- <sup>8</sup> Mani Moap miłktim uņun nak dakon pakbi sogok idap.  
Ae Idom miłktim uņun nak dakon kandap gwil yopyop tamo.  
Anjek nak emaron Pilistia amin pabiņ yopmanjek kisik kisik anjek yan tidokdisat.”
- <sup>9</sup> Piņkop, namin da nak anjan kokup pap dam tebani toņon anķisak?  
Ae namin da nak Idom miłktimon emat ak do anķisak?
- <sup>10</sup> Piņkop, gak da nin manji kili nimgul, ma?  
Nin dakon emat amin dima paņpulugok do nandisal, ma?
- <sup>11</sup> Amin dakon paņpulugok uņun yo isali gin, do nin paņpuluganaki uwal gat emat tagi wamneņ.
- <sup>12</sup> Piņkop da nin paņpuluganakwan emaron teban toneņ.  
Iyi uwalnin pabiņ yopdisak.

## 61

### *Amin kinda Piņkop da kilani asak do bisit agit*

Kap on kap yoņ dakon kila amin do mandabi.  
Dewit dakon kap kinda. Gita tidanek yogogi.

- <sup>1</sup> Piņkop, mirakgo yopmanjek anpulugoki do yan tidosot uņun nandaki.

Bisitno nandaki.

- <sup>2</sup> Nak miŕtim dubagiŕsikon da gak do yaŕ tiŕdosot.  
Butnokon da paŕpuluŕogi miŕni egiŕsat yaŕ nan-  
danjek yaŕ tiŕdosot.  
Anki nepbi tip madep da yonŕamon paŕili  
egiŕbeŕ,
- <sup>3</sup> nido taŕiŕi anŕkutnosol.  
Nagal tebano agaki uwalno da ariŕpmi dima  
abiŕn nepni.
- <sup>4</sup> Nak biŕsap mudok mudogi miŕni gak da yutnon  
egiŕbeŕ do nandiŕsat.  
Pup pudik meŕni da piŕtŕwan taŕiŕi ekwan,  
uŕun da tilak gak da kapmatjok egaŕbo  
anŕkutnoki do nandiŕsat.
- <sup>5</sup> Piŕkop, nak yaŕ teban tok agim uŕun gak da  
nandagil.  
Yo taŕiŕi gak do paŕsolŕon amin kabi do  
yomiŕsal uŕun nak do kili namgul.
- <sup>6</sup> Kila amin madep anŕteban abi bilak morapmiŕi  
egiŕpjak.  
Anŕteban abi babikni morapmiŕi altaŕn altaŕn ani  
uŕun piŕdatjak.
- <sup>7</sup> Piŕkop, anŕteban anaki biŕsap dagok dagogi miŕni gak  
da dabilon kila amin madep egiŕpjak.  
Toktoŕiŕi but daŕi galak taŕn imiŕjek kilani anjek  
anŕkutnoki doŕi nandiŕsat.
- <sup>8</sup> Yaŕ anaki giŕdari giŕdari yo ak do yaŕ teban tok  
agim uŕun abeŕ.  
Anjek giŕdari giŕdari kap yaŕnek mango  
anŕkiŕikeŕ.

## 62

### *Piŋkop kalonŋ daŋin kilanin asak*

Dewit dakon kap kindā. Kap yoŋ amin dakon kila amin da miŋat aminyo yoyiŋban “Jedutun” unun tegon da yoni.

- 1 Nak tayanŋok egek Piŋkop dogin jomjom asat.  
Unun da nak yokwikon naŋ abinŋakwan egisat.
- 2 Unun kalonŋ gin tip madepno ae yokwikon ban timit timit aminō.  
Unun kalonŋin dam tebano aripmi dima tuwili, do uwalno da aripmi dima abinŋ nepni.
- 3 Bisap nianŋ da nak nikba kimokgeŋ do emat ak-danŋ?  
Ji nak dam garanŋi yombem kindā da yanŋ wagilsu tuwil kikenŋ do nandanŋ.
- 4 Nak man madepno toŋ, mani ji nak dakon man madepno anupbal ak do nandak nandak paŋkosit anŋ.  
Ji top gen dogin galak toŋ.  
Ji Piŋkop da nak do yo tagisi anŋ namjak do gen tagisi yoŋ,  
mani butjikon da “Piŋkop da anupbal asak kaŋ tagisi” yanŋ nandanŋ.
- 5 Nak tayanŋok egek Piŋkop do jomjom asat.  
Anek unun kalonŋ daŋin anpulugosak do nandanŋ teban taneŋ jomjom asat.
- 6 Unun kalonŋ gin tip madepno ae yokwikon ban timit timit aminō.  
Unun kalonŋin dam tebano aripmi dima tuwili, do uwalno da aripmi dima abinŋ nepni.

- 7 Pinƙop kalon ɗagin yokwikon ban abidanek man  
 madep namisak.  
 Uɗun da tip madepno agakwan tebaisi akdat.  
 Uɗun ɗagin dam madepno agakwan tagisi  
 anƙutnosok.
- 8 Miɗat amin kabi bisapmi bisapmi egip egipji  
 Pinƙopmon tosoƙ yaɗsi nandani.  
 Nin Pinƙopmon ƙinapno tagisi paɗƙutnosok, do  
 butjikon yo morap toɗ uɗun Pinƙop do imiɗ  
 mudoni.
- 9 Amin isali uɗun miɗim pamaɗ yombem bami  
 mini.  
 Ae amin mani toɗ uɗun jigi bisapmon nin  
 ariɗmi dima paɗpulugogi.  
 Uɗuden amin kokwin aneɗ ƙaɗ, bami mini  
 tagapmisi pindatdamaɗ.  
 Uɗun miɗim pamaɗ yombem bami mini.
- 10 Ji amin dakon yo timit do tebai dima yoyini.  
 Ji amin paɗƙewalek kabokon da yo timit timit  
 uɗun anƙpak tagi yaɗ dima nandani.  
 Moneɗ ae yo kabiyosi ireɗ taɗba uɗun do  
 butjikon da uɗun yo madep yaɗ dima nan-  
 dani.
- 11 Bisap morapmi Pinƙop da yaɗ yaɗban nandagim,  
 “Nak naga Pinƙop, tapmiɗno madepsi.
- 12 Nak bisapmi bisapmi amin do but dasi galak taɗ  
 yomisat.”  
 Amin Tagi, anƙpak amaɗ uɗun da ariɗmon gak  
 da amin kalon kalon do kobogi niɗiɗ niɗiɗ  
 asal.

## 63

*Amin kinda da Pin kop gat egip do nandanek bisit agit*

Dewit Juda miktimon miktim amin da aripmi dima egipmi unudon egek kap on mandagit.

<sup>1</sup> Pin kop, gak Pin kopno.

Nak pi madepsi anek gak wisisat.

Nak miktim kibiri amin da aripmi dima egipmi timon egek tapmimno minisi anakwa amin da pakbi do an unuden wupno da gak do tepmisi nandisak.

Anek giptimno da gak gat egipdosi nandisak.

<sup>2</sup> Telagi yutnon gandagim.

Tapmingo madep gat ae tilingo gat pindakgim.

<sup>3</sup> Miktimon egip egip unun tagisi, mani unun yapmanek gak da nin do but dasi galak tan nimisal unun da wukwisi asak.

Do nak mango yan ankisiat.

<sup>4</sup> Nak si egipben bisapmon mango yan ankisin wigiken.

Kisitno si panenagek gak do bisit an an aben.

<sup>5</sup> Amin da jap galagisi nelagi ton nanek aripmi an unuden wupno galagisi nandisak.

Do nak kisik kisik kap yanek mango yan ankisiat.

<sup>6</sup> Nak dipmin potpot tamokon si pokdot bisapmon gakdosi nandan egisat.

Kalbi nandak nandak gak dogin asat.

<sup>7</sup> Gak panpulugokno egisal, do nak gak da pit kagagwan tagisi egek gak do kisik kisik kap yosot.

- <sup>8</sup> Wupno gak da kapmatjok gol awildak.  
 Anjakwan kisitgo aminsi tet da nak tebaisi  
 abidosok.
- <sup>9</sup> Amin nikba kimokgen do nandan amin, unun  
 tasik tokdan.  
 Unun kimakbi kokupgwan pigikdan.
- <sup>10</sup> Uwalni da emat agak sibaban dapba kimagakwa  
 jon pinan da giptimni nokdan.
- <sup>11</sup> Mani kila amin madep nak naga Pinjkop do kisik  
 kisik akdisat.  
 Ae Pinjkop yol do unun da manon da yan teban  
 tok awit amin, unun kisik kisik tagi ani.  
 Mani unun da top amin dakon gen kagani  
 sopdisak.

## 64

### *Amin kinda Pinjkop da kilani asak do bisit agit*

Dewit dakon kap kinda. Kap yon amin dakon kila  
 amin do mandabi.

- <sup>1</sup> Pinjkop, nak jigino madepsi, do bisitno nandaki.  
 Nak uwal do pasoldot, do anpuluganbi nak  
 aripmi dima nitni.
- <sup>2</sup> Amin yokwi nak anupbal ak do pasulikon da gen  
 yan panjosit an.  
 Anek nak nit do muwukgan, do kilano anaki yo  
 yokwi dima an namni.
- <sup>3</sup> Geni unun geni tepmisi.  
 Emat agak siba da yan mandan naman.  
 Amin da amin do tilak anek obip panilikgan,  
 unun da tilak geni emari ton ban nak panilik  
 naman.
- <sup>4</sup> Unun pasil egek amin kilegi do obip yamanjan.  
 Unun dima pasolgon, do tepmisi yamanjan.

- 5 Iyi panṭeban ak do anpak yokwi unun an.  
 Amin diwari yokwalni do pat yopmanek gen  
 yan yon,  
 “Amin kinda da nin aripmi dima  
 nindakdisak.”
- 6 Anpak yokwi ak do gen yan panṭeban anek yan  
 yon,  
 “Anpak yokwi kinda ak do dakon nandak nan-  
 dak tagisi aman.  
 Yo unun akdaman unun amin kinda da aripmi  
 dima kan nandanjo asak.”  
 Amin dakon but nandak nandakyo aripmi  
 dima nandanen.  
 Unun pasilisi.
- 7 Mani Pin kop da iyi dakon gobin ban yaman  
 yomdisak.  
 Anakwan unudon gin wuda madepsi noman  
 tokdan.
- 8 Amin diwari panupbal ak do yawit, do Pin kop da  
 panupbal akdisak.  
 Amin morap unun pindatni amin da jikgo  
 yokwisi yanjan yominek winda kwakwal an  
 yomdan.
- 9 Minjat amin morap kisi Pin kop do pasoldan.  
 Anek Pin kop da yo unun asak unun do yokdan,  
 ae unun do nandan egipdan.
- 10 Amin kilegi morap Yawe do kisik kisik akdan.  
 Anek pan kutnosak do iyikon kinjek tagisi  
 egipdan.  
 Amin kilegi morap Yawe dakon man  
 awigikdan.



## 65

### *Kisik kisik anjek Piŋkop ya yan iyiwit*

Dewit dakon kap kinda. Kap on Piŋkop gawak imim kap. Kap yon amin dakon kila amin do mandabi.

<sup>1</sup> Piŋkop, nin Saion kokup papmon kinjek gak ankinsinensi.

Yan anapno yo morap ak do yagiman unun kinda dima sun tosak.

<sup>2</sup> Gak da bisitnin nandan nimisal.

Amin morap kisisi gagon opdan.

<sup>3</sup> Diwarinin da witinba wagil yokwisi egipguman, mani gak da diwarinin wiririk nimgul.

<sup>4</sup> Amin gak da yutnon opni do manjisal unun kisik kisik ekwan.

Gak da Telagi Yut Madepmon yo tagisi ton unun ban tugok tugogisi panek ekwaman.

<sup>5</sup> Piŋkop gak dasi nin yokwikon ban timik timik anaki tagisi ekwaman.

Gak bisitnin nandanek pi tapmimi ton anek nin panpulugosol.

Amin miktim diwarisikon ae tap diwarisikon ekwan unun kisi gak da panpulugoki do jomjom an.

<sup>6</sup> Gaga da tapmimon kabap morap wasan yopgul da tamonikon ton.

Gak tapmimgo madepsi.

<sup>7</sup> Gak da tap madep paptan tamaligakwan anyawot anaki wayini mini tosok.

Ae minat amin kabi egi anan kwan gen pap yanek pidok pidok an unun gak da panyawot asal.

- 8 Wasok madep madep anjaki amin unun do pasolgon.  
 Gildat wisak tetgin ae pigisak tetgin wasok tapmimi ton asal unun do nandanek kisik kisik kap yan gaman.
- 9 Gak da miktim kilani ak do sikak yipbi mosok.  
 Yan anjaki miktim tagisi anjakwan jap bami tagisi ton.  
 Pinjok gak da pakbi morapmi yopgul da dima dugon.  
 Yando, jap bami madepsi iren tanakwa amin da aripnikon pan non.  
 Gak da yan ak do kili nandagil.
- 10 Gak da sikak morapmi yopbi manek miktim anyawot anjakwan pakbini ton anakwa jap gisamigaki bami tagi ton.
- 11 Gak nin do tagisi nandanek jap pakpak bisapmon jap madepsi panirenan nimisal.  
 Jap tamokon jap morapmisi tujan wigisak.
- 12 Miktim amin dima ekwanon jon tim morap tan anan kwan unudon bulmakau gat ae sipsip gat morapmisi ekwan.  
 Ae ilej morapmon jon kalikaligisi kwanakwa kisik kisik an.
- 13 Jon timon sipsip morapmisi ekwan ae galegikon wit morapmisi kwanek ton,  
 do yo morap kisik kisik anek kap yon.

## 66

*Pinjok do kisik kisik anek ya yan iyik dakon kap*  
 Kap on Pinjok gawak imim kap. Kap yon amin dakon kila amin do mandabi.

- 1 Miktimon miñat amin morap kisik kisik anjek yan tidanjek Piñkop ankisini.
- 2 Kap yanjek man madepni yan ankisini.  
Man madepni madepsi yan ankisini.
- 3 Piñkop yañsi iyini, “Yo morap asal unun wagil tagisisi.  
Tapmingo unun madepsi, do uwalgo da madepsi pasolgoñ.
- 4 Miktimon amin morap gak gawak gamañ.  
Kap yanjek mango yan ankisañ.”
- 5 Ji abinej Piñkop da yo agit unun pindatni.  
Yo masi masimi amin da binapmon agit unun do pindatni.
- 6 Unun da Tap Gami aban kibidan miktim kibiri yombem anakwan unudon da teri kinda wugiwit.  
Ji abinej mani yan ankisino.
- 7 Unun tapmimni madepsi, ae kila amin madep dagok dagogi mini egi wugisak teban.  
Egek amin da yo morap an unun pakyañsi pindakdak.  
Do kwen wugik dima an imneñ.
- 8 Miñat amin kabi morap ji Piñkopnin ankisinaakwa amin da wiwikni nandani.
- 9 Unun da kilanin anakwan sigin ekwamañ, ae sagalek dima nindapmanñan.
- 10 Piñkop, amin da silwa sonba gwaljigi minisi an unun da tilak gak da nin kili panjekwalgil.
- 11 Gak da nin paron ban timikgil.  
Yan anjek ninon jigi madepsi yipman nimgul.

- 12 Gak yum pindagaki uwal da obisi bamanj ning-wit.  
 Anjaki nin kindap ae pakbi madep kagagwan agipgumanj.  
 Mani abisok gak da kokup tagisikon panjabil.
- 13-14 Kalip jigj noman tanj naban paret kindap da si sonj mudogj unjun gam do gen kagano kon da yanj teban tok kili agim.  
 Yanj agim do on paret gak da yutnon panjobinej kindapmon sokdisat.
- 15 Gak do bit kilapyo madepsi banj altakon sonjek gak do paret abenj.  
 Sipsip wili madepsi banj sonjapbo unjun dakon kibanj tagisi unjun nandabi.  
 Bulmakau wili ae meme wili kisi gak do paret abenj.
- 16 Minjat amin morap ji Pinjkop do pasalek ekwan amin ji abinj nak dakon gen nandani.  
 Pinjkop nak anjapulugok do yo madepsi agit, unjun dakon geni dayikdisat.
- 17 Nak mani yanj anjkisinej anjapulugosak do yanj tidagim.
- 18 Butnokon diwarino tawit unjun yanjkwok dima agim tam, Amin Tagi bisitno dima nandaban.
- 19 Mani Pinjkop da nak kili nandanj namgut.  
 Asisi, tekno nandanjek bisitno kili nandagit.
- 20 Nak Pinjkop dakon man anjkisisat.  
 Unjun bisitno nandaban isali dima agit.  
 Anjek nak do but dasi sigin galak tanj namisak.

## 67

*Piŋkop aŋkisik kap*

Kap on Piŋkop gawak imim kap. Kap yoŋ amin dakon kila amin do mandabi. Gita tidaneŋ yogogi.

<sup>1</sup> Piŋkop nin do nandaneŋ yawok nimeŋek ninon yo tagisi abi.

Butgo ninon yipmanek yo tagisi aŋ nibi dosi nandamaŋ.

<sup>2</sup> Yaŋ aŋaki amin kisi da gak dakon aŋpakgo nandani.

Ae gak da amin yokwikon baŋ tagi timikdal dakon tapmim miktim amin kisi morap da nandani.

<sup>3</sup> Piŋkop, amin da gak aŋkisini do nandisat.

Amin morap kisi da gak aŋkisini dosi nandisat.

<sup>4</sup> Gak gen kokwin pi agakgo kilegisi, ae miktimi miktimi miŋat amin kabi kosit kilegi yolisal.

Yaŋ asal do miŋat amin kisi dakon but tagisi aŋakwa kisik kisik kap yoni dosi nandisat.

<sup>5</sup> Piŋkop, amin da gak aŋkisini do nandisat.

Amin morap kisi da gak aŋkisini dosi nandisat.

<sup>6</sup> Miktim da jap morapmi paŋalon asak, ae Piŋkop, nin dakon Piŋkop da nin gisamiŋjak.

<sup>7</sup> Asisi, Piŋkop da nin gisamiŋgakwan amin morap miktimi miktimi ekwan unun da Piŋkop do pasal imdan.

## 68

*Israel amin Pinjkop da panpulugagit do kisik kisik awit*

Dewit dakon kap kinda. Kap on Pinjkop gawak imim kap. Kap yon amin dakon kila amin do mandabi.

<sup>1</sup> Pinjkop da tepmisi abinek uwalni yoljak.

Pinjkop do uwal an amin pasalek kin mudoni dosi nandisat.

<sup>2</sup> Mirim da mukwa pisonba kin pasilgan, yan gin Pinjkop da uwal yoldisak.

Kindap tedep da kendol pindakban pakbi dagon, yan gin amin yokwi Pinjkop da inamon tasik tokdan.

<sup>3</sup> Mani amin kilegi kisik kisik akdan.

Anek Pinjkop da dabilon butni tagisi anek kisik kisik madepsi akdan.

<sup>4</sup> Pinjkop ankisinen.

Man madepni do nandanek ankisinek kap yonensi.

Unun gikwemon yigek kisak.

Mani unun Yawe.

Nin iyi da dabilon kisik kisik anen.

<sup>5</sup> Pinjkop iyi da telagi kokupmon egek minat monjiyo datni kimakgwit unun kilani asak, ae sakwabatyo kisi kilani asak.

<sup>6</sup> Ae minat aminyo dage dage anek ekwan unun diwatni panalon anyoban tagisi yikgan.

Ae dam tebanon ekwan amin puluganban kokupmon tagisi ekwan.

Mani kwen wugik an amin miktim kibiri tim yokwisikon panji egipdan.

- 7 Pinjkop, kalip gak miñat aminyogo mibiltan yomiñek miktim amin da aripmi dima egipmi timon timik pawilgil.
- 8 Uñun bisapmon Sinai dakon Pinjkop abinjakwan miktim wudip agit.  
Asi, Israel dakon Pinjkop abinjakwan sikak madepsi magit.
- 9 Pinjkop, gak da sikak madepsi yipbi miktimgokon magit.  
Anaki miktim yokwi da miktim tagisi ae da-gagit.
- 10 Uñun miktimon miñat amin kabigo da kokup wasawit.  
Gak yogo morapmisi uñun ban wadak wadak amin panpuluganaki tagisi egipgwit.
- 11 Amin Tagi da miñat amini do gen yomgut, aban miñat morapmi da kin gen uñun yan tetjenawit.
- 12 Gen uñun yan, Uwal dakon kila amin madep gat ae emat amin morapni gat kisi pasal kwan.  
Anakwa miñat kokupmon ekwan da amin emaron yo timikgan uñun kokwin an.
- 13 Miñat uñun sipsip kila an, mani silwa gat gol gat ban giptimni tagisisi panjilim anek minam dakon tilimi yombem dagon.
- 14 Pinjkop Tapmim Ami da Salmon Kabapmon kila amin madep yolban kiwit, anek uñun kabapmon ais yopban mawit.
- 15 Basan dakon kabap uñun madepsi.  
Hen monin monin ni morapmisi.
- 16 Kabap madep Basan, gak nido Pinjkop da Jerusalem dakon kabap Saion uñudon iyi

yit do tilak agit unun do nandabi yokwi tok asal?

Yawe iyi toktogi unun kabapmon egipdisak.

- 17 Amin Tagi emat amini gat os da emat amin ilik pawilgan tamo tausen morapmi kon da apgut.

Sinai Kabap yipmanjek pigit da iyi da telagi yutnon egisak.

- 18 Pin kop kabap dubagisikon wigek uwalni morapmi emaron teban tanjek iyi timikgit unun amin timikban kisi wigiwit.

Unun kwen wigik amin unun dakon yoni ban but galak do timikgit.

Pin kop Yawe iyi unun kabapmon egipdisak.

- 19 Amin Tagi dakon man awigino.

Gildari gildari nin dakon jig i mekdak.

Pin kop kalon dagin nin yokwikon ban timikdak.

- 20 Pin kopnin da nin panpuluganakwan tagisi ekwaman.

Amin Tagi Yawenin da nin panpuluganakwan dima kimokgoman.

- 21 Mani Pin kop da uwalni dakon busunni pansulitdisak.

Unun anpak yokwi toktogisi an amin pantasik akdisak.

- 22 Amin Tagi da yan yosok,

“Nak da uwalji Basan ekwan unun aeno timik panapdisat.

Tap idap da kadagikonsi ban timik pawiken.

- 23 Ji uwalji dakon yawi ban kandapji sugokdan.

Anakwa pinanji da galak toknikon nokdan.”



- 24 Piŋkopno, ae Kila Amin Madepno, miŋat amin morap da gandaba gak emaron teban tal da kisik kisik anek abisal.  
Kisi morap da gandanakwa telagi yutgogwan wigisal.
- 25 Kap yogok amin mibiltok kwan, anakwa duban tidok amin buŋon oban.  
Anakwa miŋatjok tambarin tidon unun binapmon kwan.
- 26 Unun kap yan jon,  
“Nin Piŋkop dakon miŋat aminyo, nin muwugek Piŋkop dakon man awigino.  
Israel amin, nin Yawe dakon man awigino.”
- 27 Benjamin dakon miŋat aminyo kalonisok da mibiltok kwan.  
Ae Juda amin dakon kila amin gat ae miŋat aminyo gat Benjamin dakon amin kabi ban yolgan.  
Anakwa Sebulan gat Naptali gat dakon kila amin buŋon yolgan.
- 28 Piŋkop, gak tapmingo kalip noligil, unun nan abisok nomansi noliki.
- 29 Kila amin madep da yutgo Jerusalem tosok unudon abinek gak do but galak do yo panaban.
- 30 Piŋkop, Isip unun jon kilap yokwi yombem, unun tebaisi iyiki.  
Gak da uwalnin morap kwen wigik an unun tebaisi yoyiki.  
Tebai yoyinjaki wigi njwakben anek silwa gamni dakon bisapmon wugisak.  
Emat ak do nandan amin yolbi dukwan dukwan kini.

- 31 Isip amin da but galak dakon yo timigek Jerusalem opdan.  
Anakwa Itopia amin da Pinƙop do kisitni paŋenagek gawat gawat akdan.
- 32 Amin Nwakiwari Kabi, ji Pinƙop do kap yanek Amin Tagi dakon man awigik do kap yoni.
- 33 Unun kundu wasok wasogikon da kili tagit da tosok unudon agisak.  
Nandani. Pinƙop madepsi yan tidosok.
- 34 Miŋat aminyo morap, ji Pinƙop dakon tapmim madepni do yan tenŋoni.  
Unun Israel amin dakon kila amin madepni.  
Kundukon tapmim madepni nomansi koman.
- 35 Pinƙop iyi da telagi yutnon tapmimi tonji yikdak, do pasal imiŋ kimotneŋ.  
Israel amin dakon Pinƙop miŋat amini do tapmim madepni yomisak.  
Pinƙop anƙisino!

## 69

### *Dewit Pinƙop da anpulugosak do bisit agit*

Dewit dakon kap kindi. Kap yon amin dakon kila amin da miŋat aminyo yoyinban “Jaren tagisi” unun tegon da yoni.

- 1 Pinƙop, nak anpuluga!  
Pakbi wiŋanek teknokon kili wik.
- 2 Nak neŋak kagagwan man pigigim da egisat.  
Miktim tebai nikon bamanek tebai akgeŋ?  
Pakbi ilarigwan agapbo pakbi da igek wagil witinban tokdisat.
- 3 Pinƙop gak da anpulugoki do toktogisi yan tidan egek tapmimno minisi asak.

- Bisap dubagi gak do jomjom anek egit, do tekno bap tanakwan dabilno tep namanj.
- 4 Isal dogin nandaba yokwi tok an namanj amin morapmi ekwanj.  
Busunj dangwano dakon tilak yapmanjak.  
Uwalno mibili mini nak antasik ak do anj.  
Nak kabo dima nanj yominapbo top yanj namanj, do naga dakon yo kabino diwarin yomisat.
- 5 Pinjkop, nak nandanj kokwini tagi dima amin kinda gak da nandanj namisal.  
Diwarino aripmi dima panjisibikenj.
- 6 Amin Tagi Yawe Tapmim Ami, yum nandanjaki yokwi di abo gak da panpulugosak do nandanj gadat anek jomjom anj amin da mayaktok di pabam.  
Israel amin nin dakon Pinjkopnin yum nandanjaki yokwi di abo gak wisinj gandak do pi anj amin da mayaktok di pabam.
- 7 Nak gak goldat, do amin da manji gen yanj namanj.  
Yanj anakwa mayaktok pasat.
- 8 Peno padik padikyo da dima nandanj namanj wup anj.  
Gwakno da nak kokup njwaknwarikon amin kinda yombem nandanj namanj.
- 9 Nak gak dakon yut do madepsi galak tosot, do yutgo da tagisi tosak do pi madepsi asat.  
Amin da gak do gen yokwi yanj gamanj unun yanba nagon obisak.

- 10 Nak kunam tagek gak do nandanek jap kelkel  
anjek gawak gamisat bisapmon, amin da nak  
do gen yokwi yan naman.
- 11 Nak but yokwi dakon imal pasat bisapmon,  
amin da manji gen yan naman.
- 12 Muwut muwut tamokon amin da nak do yanba  
yokwi tok an.  
Ae pakbi teban nanek but upbal an amin da  
abin nep do kap yon.
- 13 Mani Yawe, nak gak do bisit asat.  
Pin kop gaga nandisal bisapmon bisitno dakon  
bami unudon nabi.  
Gak nak do but dasi galak tan namisal, do  
asi pulugan nep do yagil unun do nandanek  
bisitno dakon kobogi nabi.
- 14 Pulugan nepmanaki nejak kagagwan dima pigi  
pasilgen.  
Nak do yanba yokwi tok an naman amin  
da kison ban pulugan nepmanaki pakbi  
ilarigwan dima pasilgen.
- 15 Yum nandanaki pakbi da igek nak dima witjisak,  
ae pakbi ilarigwan dima pigi pasilgen.  
Yum nandanaki bumjot gapma da nak dima  
galautjak.
- 16 Yawe, gak bisapmi bisapmi but dasi galak tan  
naminek yo tagisi an namisal.  
Yan do, bisitno dakon bami nabi.  
Bupmigo unun madepsi, do abin an pulugoki.
- 17 Nak gak dakon oman monjigo.  
Pasilikan dima egi nabi.  
Nak jigikon egisat, do bisitno tepmisi nan-  
danek bami nabi.

- 18 Nak da kapmatjok abiŋek yokwikon ban yuman  
nan nepbi.  
Uwalno da kisiron nan pulugaŋ nepbi.
- 19 Uwalno nak do gen yokwi yoŋ unun gak da  
nandaŋaki nayaŋ.  
Mano abiŋ yipmaŋakwa mayaktok pasat unun  
nandisat.
- 20 Gen yokwi unun yaŋ namaŋ unun do but yokwisi  
nandisat.  
Aŋek tapmimno minisi asak.  
Amin di da nak dakon but bo aŋteban ani yaŋ  
nandagim, mani dima.  
Ae amin di da nak aŋteban ak do gen tagi di bo  
nayini yaŋ nandagim, mani dima.
- 21 Jap do agim bisapmon marasin yokwi ban  
namgwit.  
Tekno kibidaŋban wain isipmi baŋgin noken  
do namgwit.
- 22 Jap noknok madep ak do muwutni bisapmon  
unun kisik kisik bisap da tobilek kilap da yaŋ  
paron depban yokwalni, ae gapmagwan  
maŋek tasik toni dakon yo yaŋ asak dosi  
nandisat.
- 23 Dabilni abi pilin tuk ani, aŋek yo saŋbenek dima  
pindatni.  
Manji paŋupbal abi tebai dima atni dosi  
nandisat.
- 24 Butjap sigin nandaŋ yomiŋek yo yokwisi aŋ  
yobi.  
Aŋek butjapgo da aban pasil mudoni.
- 25 Kokup ekwaŋ unun isal tosak.

- Ae imal yutnikon amin kinda dima egipjak  
dosi nandisat.
- 26 Amin diwari yokwini dakon kobogi yomgul,  
amin yokwi da yokwi an yom do pi sigin an.  
Gak da amin diwari dakon giptim pandaganjek  
giptim tedep yomgul, amin yokwi da jigilak  
gen yan yominjek jigi yoman.
- 27 Amin yokwi dakon yokwini do dima intan yobi.  
Unun amin dimasi panpulugoki.
- 28 Gak da egip egip papiakon mani wiririkgi.  
Ae amin kilegi dakon man gat kisi mani dima  
mandaki dosi nandisat.
- 29 Nak jigi tepmiyo madepsi pasat.  
Pinkop, gak da nak yokwikon nan abidanek  
nak anmilip abi.
- 30 Yan anaki nak kap yanek Pinkop dakon man  
awigikdisat.  
Anek ya yan iyinek man madepni do yan  
tentenok aben.
- 31 Anapbo Yawe da anpak unun aben do but dasi  
galak tan kimotjak.  
Bulmakau ban paret aben unun do madepsi  
dima galak tosok.
- 32 Nak Pinkop ankisiken bisapmon minat aminyo  
jigi pan da unun kanek kisik kisik akdan.  
Ae minat aminyo Pinkop wisin kok do pi  
an amin unun Pinkop da butni panjeban  
akdisak.
- 33 Yawe da yo do wadak wadak an amin dakon  
bisitni nandan yomisak.  
Minat amini dam tebanon ekwan unun do  
dima intan yomisak.

- 34 Kundu gat ae miŕtim, ae tap idap gat ae tap kilap  
ae yo morap tap kagagwan ekwan, ji kiŕi  
morap Piŕkop dakon man awigiŕi.
- 35 Nido, Piŕkop da Saion kokup pap dakon miŕat  
aminyo uwal da kiŕiron baŕ tiŕitdisak.  
Aŕek Juda miŕat aminyo paŕpulugaŕban kokup  
papni ae akdaŕ.  
Yaŕ aban Piŕkop dakon miŕat aminyo uŕun  
kokup papmon tagiŕi egek, uŕun miŕtim  
wagiŕ abidoni.
- 36 Piŕkop dakon oman amini dakon diwatni da  
uŕun miŕtim abidokdaŕ, ae miŕat amin  
Piŕkop but daŕi galak taŕ iman uŕun da uŕun  
miŕtimon egiŕdaŕ.

## 70

### *Dewit Piŕkop da aŕpulugosak do biŕit agiŕ*

Piŕkop da Dewit dakon jiŕi kaŕ nandaŕyo asak do  
Dewit da kap on mandagiŕ. Kap yoŕ amin dakon  
kila amin do mandabi.

- <sup>1</sup> Piŕkop, nak yokwikon naŕ abidoki.  
Yawe, tepmiŕi abiŕek nak aŕpuluga.
- <sup>2</sup> Amin diwari da nak niŕba kimotdisat.  
Gak daŕi paŕiŕ yopmaŕek paŕiŕtok aŕaki  
mayaktok pani.  
Ae amin diwari nak dakon jiŕi do kiŕik kiŕik  
aŕ, wiŕirikiŕi tobiŕ kiŕakwa mani paŕiŕ yopbi  
doŕi nandisat.
- <sup>3</sup> Nak do manji gen yoŕ amin, obiŕi paŕmayak aŕaki  
aŕpak yokwini do wiŕiŕdatni doŕi nandisat.
- <sup>4</sup> Mani amin gagon obaŕ, uŕun buŕi tagiŕi aŕakwa  
gak do kiŕik kiŕik ani.

Minjat aminyo unun gak da yokwikon ban  
timikgil unun do but galaksi nandanek tok-  
togisi

“Pinjkop unun wagil tagisisi!” yan tagi yoni.

<sup>5</sup> Mani Pinjkop, nak wadak wadak amin, ae nak  
naga aripmi dima anpulugoken, do tepmisi  
abin anpulugoki.

Yawe, gak gaga nak dakon panpulugokno ae  
yokwikon ban timit timit amino.

Jomjom dima abi, tepmisi anpulugoki!

## 71

### *Amin pelan dakon bisit*

<sup>1</sup> Yawe, ankutnoki do gagon obisat.

Nak ankutnakanaki mayagi dima paken.

<sup>2</sup> Gak wagil kilegisi, do nak anpuluganek uwalno da  
kisiron nan kukwan nepbi.

Bisitno nandanek pulugan nepbi.

<sup>3</sup> Gak tip madepno egek nak tagisi ankutnosol.

Gak tip tebano ae dam tebano aripmi dima  
tuwili, do gen teban yipmanaki uwal da  
kisiron da pulugan kiken.

<sup>4</sup> Pinjkopno, amin yokwi da kisiron ban pulugan  
nepbi.

Unun emat aminsi, ae anpakni unun wagil yok-  
wisi.

<sup>5</sup> Amin Tagi Yawe, gak dasi pulugan nepdisal yan  
nandanek egisat.

Nak monisogon da nandan gadan gamin  
anan wigim.

<sup>6</sup> Meno da nak analanban gak da kila anaki wik da  
abisok egisat.



- Yañ asal do bisapmi bisapmi mango yañ  
añkisin kimokgeñ.
- 7 Amin morapmi nandajakwa yo noman tañ  
naminjakwa yañ nandan, gak kalon dagin  
tagisi anjuktnosol.
- 8 Gildat kinda kalon nak gak dakon man awigisat,  
añek minjat aminyokon gak dakon tilimgo do  
yañ tenjenok asat.
- 9 Abisok nak amin pelan kili at, do tapmimno  
minisi.  
Gak nepman degek manji di nabim.
- 10 Uwalno nikba kimokgeñ do muwugek anjupbal  
ak do gen yañ panjeban añ.
- 11 Unun yañ yon, “Kili yolek abidono.  
Unun anjuplugosak amin kinda dima egisak.  
Pinjkop kili yipman dekgit.”
- 12 Pinjkop, dubagikon dima egipbi.  
Pinjkopno, tepmisi abinek nak anjuplugoki.
- 13 Gen yañ namañ amin unun pabin yopmanek  
dapbi pasilni.  
Nak anjupbal ak do nandan, do gak da panjntok  
añek madepsi panmayak abi dosi nandisat.
- 14 Mani nak toktogisi gak nandan gadan gaminek  
anjuplugoki do jomjom aben.  
Mango madepsi sigin awigiken.
- 15 Anpakgo kilegisi unun do amin yoyiken.  
Yo masi masimi morapmisi nagon agil unun  
aripmi dima manjin mudogi, do gildat kinda  
kalon gak do nandan egek pulugan nepgul  
unun dakon geni amin yoyiken.
- 16 Amin Tagi Yawe, gak dakon tapmim do nan-  
danek gak anjisiken.

- “Yawe kalon gin unun amin kilegisi” yan yoyin tenjenoken.
- 17 Pin kop, nak monjenisogon da gak da nayin dek anan wigil.  
Gak da yo masi masimisi asal unun do amin yoyin tenjenosot.
- 18 Abisok nak amin pelan kili at, ae kuluno madepsi kwan, do Pin kop nak dima nepman dekgi.  
Nak gat egaki gak dakon tapmim madepgo do minat amin kabiyo altan altan ani unun yan tenjenok anyomin yomin aben.
- 19 Pin kop, anpakgo kilegi unun tujan kundu da aripmon wigigit.  
Gak pi madepsi agil.  
Amin kinda gak yombem mini.  
Gak da yapman mudosol.
- 20 Gak da jigi mibili mibili yopbi nagon apgwit, mani nak nandisat, gak da nak aego anteban akdisal.  
Miktim kagagwan nan abi pidoken.
- 21 Gak da mano abi madepsi sigin pap tokdisak.  
Anek butno aego anteban akdisal.
- 22 Pin kopno, gak dimasi nepman dekdal, do mango awigik do gita tidoken.  
Israel amin dakon Pin kop telagi, mango awigik do gita tidanek kap yoken.
- 23 Nak kisik kisik anek yan tidoken.  
Gak do kap yanek mango awigiken, nido yok-wikon nan abidagil.
- 24 Amin da nak abin nep do awit, mani gak da pabin yopmanek obisi panmayak agil.

Yañ agıl do nak gildat kinda kalonj gak dakon  
anpak kilegi do miñat aminyokon yañ  
tenjenok aben.

## 72

*Piñkop da kila amin madep anpulugosak dakon  
bisit*

Solomon dakon kap kinda.

- 1 Piñkop, anpakgo kilegi unun kila amin madep do  
iyiñ dekbı gen kokwin kilegi asak.
- 2 Anaki anpak kilegikon da miñat amin kabıyogo  
ae yoni mini amin gen kokwin tagisi an  
yomjak.
- 3 Kila amin madep anpak kilegi asak, unun do ileñ  
madep ae moniñikon jap bami tagisi pani.
- 4 Anpuluganbi kila amin madep da bupmi amin  
panpuluganban tagisi egipni.  
Ae yo do wadak wadak an amin dakon gwakni  
panpulugosak.  
Mani amin do yokwi anyoman amin unun  
pabiñ yopjak.
- 5 Kila amin madep anpuluganbi gildat ae kanek  
tonjil da arıpmon egıpjak.
- 6 Kila amin madep anpuluganbi anpak tagisi banğın  
asak.  
Anaki sikak da manek jap panıren asak unun  
da tilak anpakni tagi da tagisi noman tosak.
- 7 Miktımon egıpjak bisapmon amin anpak kilegisi  
banğın ani.  
Kaneke da tan anan kisak bisapmon yo kinda  
do wadak wadak dima ani.

- 8 Kila amin madep egek tap teri kinda da tap teri kinda miktim daman tosok, gat ae Pakbi Yupretis kon da miktim morap tan anan kwan unun gat kisi kila akdisak.
- 9 Miktim kibiri timon amin da gawagek pasal imni. Ae uwalni da miktimonsi man pagek pasal imni.
- 10 Spen miktim dakon kila amin madep gat ae tap binap miktim tim ton unun dakon kila amin madep kisi da gawat gawat an iminek yo tomni madep ban imni.  
Arebia miktim gat ae Seba miktim gat dakon kila amin madep da yan gin akdan.
- 11 Kila amin madep morap da nwanben an iminakwa minat amin morapyo da oman an imdan.
- 12 Yoni mini amin da panpulugosak do yan tidanba panpulugosak.  
Ae jigi panek panpulugogi mini amin panpulugosak.
- 13 Ae amin tapmimi mini wadak wadak ekwan unun do bupmi nandanek panpulugosak.
- 14 Unuden amin do but dasi galak tan yomisak, do uwal da pabin yopmanek panupbal ani bisapmon uwal da kisiron ban pulugan yopdisak.
- 15 Kila amin madep unun bilak morapmi egipjak dosi nandisat.  
Arebia miktim amin da gol imni.  
Gildat kinda kalon Pinkop da anpulugosak do minat aminyo da bisit an imni dosi nandisat.
- 16 Lebanon miktimon wit tagisi kwan, unuden gin amin da pigaga yan gin kwoni.

Jon morap kwan iren ton unun da tilak kokup  
papmon amin yan gin iren toni.

17 Kila amin madep unun dakon man madepni do  
dima in-toni dosi nandisat.

Gildat da toktogisi tosok unun da aripmon  
man madepni toktogisi yan gin tan an an  
kisak.

Unun amin dogin anek miktimi miktimi amin  
da gisami ton egek kila amin madep do  
gisami ton amin yan iyini dosi nandisat.

18 Pin-kop, Israel amin dakon Yawe an-kisino.  
Yo masi masimisi unun kalon dagin asak.

19 Mani tilimni ton unun toktogisi an-kisino.  
Miktimi miktimi tilimni tugok tugogisi tan  
an-an kikdisak.

Unun bami, unun asi.

20 (Dewit, Jesi dakon monji, unun dakon bisit obin  
idon dagosok.)

### PAPIA 3

(Kap 73-89)

## 73

*Pin-kop amin yokwi do yo yokwisi an yomdisak*  
Asap dakon kap kindi.

1 Pin-kop da Israel amin do yo tagisi an yomisak.  
Pin-kop da butnigwan yoni minisi amin do yo  
tagisi yomisak.

2 Mani nak da naga yokwikon pali magim.  
Nak kandapno sagalek yan nikban manek  
nandan gadatno pali yipman dekgim.

- <sup>3</sup> Nido, nak kwen wugik amin yokwi pakpak unun pindakgo yoni morapmisi anakwa unun dakon yoni do pindak galaktok agim.
- <sup>4</sup> Giptimnikon tepmi dima nandan.  
Unun amin tebai ae giptimni unun tagisi gin.
- <sup>5</sup> Jigi amin diwari da pan unuden dima pan.  
Amin diwari jigi mibili mibili pan, mani yo unuden di dima noman tan yoman.
- <sup>6</sup> Do iyi do nandaba wigakwa kisik kisik an, ae nomansi amin diwari dapmanek panupbal an.
- <sup>7</sup> Unun but nandak nandaknikon da anpak yokwi ak do nandan unun panalon an.
- <sup>8</sup> Amin diwari do manji gen yan yominek yokwi an yom do gen yon.  
Unun kwen wugiksi anek amin diwari panupbal ak do gen madepsi yon.
- <sup>9</sup> Pin kop Kwen Kokup egisak unun do gen yokwi yan iman.  
Anek iyi dakon man pawigek amin morap da geni guramitni do pi tebaisi an kimokgon.
- <sup>10</sup> Do Pin kop dakon minat aminyo diwari kwen wigik amin dakon gen do galak tanek geni unun nandan gadan.
- <sup>11</sup> Amin yokwi da gen yan yon, "Pin kop da yo nin da aman unun aripmi dima nandisak.  
Pin kop Wukwisi da nin dakon anpaknin dakon mibili nandisak dakon kosit kinda dima tosok."
- <sup>12</sup> Amin yokwi unun jigi di dima noman tan yoman.  
Anakwa yoni morapmisi, ae sigin iren ton.

- 13 Nak naga dakon egip egipno kila tebaisi agim, ae butno gwaljigi mini toso, ae yokwi di dima agim.  
Ujun isal dogin agim, ma?
- 14 Pinjkop, nak yokwi dima agim, mani gak da gildat kinda kalon gip tedep namisal, ae wisa dagokdo morap kobogi yokwisi namisal.
- 15 Nak gak dakon minjat aminyogo do amin yokwi da gen yon unuden yoyigim tam, top yoyikom.
- 16 Nak amin yokwi da yo unun an dakon mibili wisin kok do agim, mani antidok agim.
- 17 Pinjkop, nak gak da telagi yutnon wigigim bisapmon nandak nandakno pisagit.  
Anek amin yokwikon yo noman tokdan unun do nandako pisagit.
- 18 Pinjkop, gak da amin yokwi abi kosit sagalegisi ban akwan, anek abi manek wagilsi tasik ton.
- 19 Ujun tepmisi tasik ton.  
Ae kimotni unun pasol pasolisi ae yokwisi.
- 20 Amin Tagi, unun amin da dipmin pindakgan da wisa daganakwan pasilgan unun yombem.  
Gak da abinaki amin yokwi pasil mudoni.
- 21 Ujun bisapmon nak bupmisi nandagim, anek butnokon da yokwisi nandagim.
- 22 Nandak nandakno minisi agit.  
Jon kilap buri mini da yan gak da dabilon anpak agim.
- 23 Mani nak gak gat toktogisi egapbo kisitno aminsi tet do abidosol.
- 24 Nak da kosit kilegi agipben do nayin dekdal.

- Ae don gak da nak abidanbi kokup tilimni ton  
 unjudon gak gat egipdamak.
- 25 Namın amin di da Kwen Kokup egek nak dakon  
 kila an?  
 Amin di minisi, gak kalon gin.  
 Pin kop, nak gak do but dasi galak tan gamın  
 kimokdot.  
 Gak do but dasi galak tosot unjuden miktım  
 dakon yo morap do dima galak tosot.
- 26 Giptimno ae wupno tapmimni minisi anjil kan,  
 Pin kop gak kalongin teban tokno.  
 Anjek nak gat egaki toktogisi wadak wadagi  
 mini egipben.
- 27 Asisi, minjat aminyo manji gaman unun tasik  
 tokdan.  
 Amin gak golgwit da ae kili gepman dekgwit,  
 unun panupbal abi mini ani.
- 28 Mani nak gak da kapmatjok egısat, unun da  
 tagisi.  
 Amin Tagi Yawe, gak da nak tagisi ankutnosol.  
 Nak yo morap agil do yan tenjenok aben.

## 74

### *Pin kop da Israel amin panpulugosak do amin kind da bisit agit*

Asap dakon kap kind. Kap on do Maskil yan yon.

- 1 Pin kop, gak nido toktogisi manji nimisal?  
 Nido sipsip kabigo tagisi pawıdal nin do but-  
 jap tebaisi nandan nimisal?
- 2 Minjat aminyogo nin do aego nandaki.  
 Kalipsigwan minjat aminyogo nin manjin  
 nipgul.



Gak da nin yuman nagil da nin gak dakon kabi ekwaman.

Saion Kabap kalip egipgul unun do aego nandaki.

<sup>3</sup> Uwalnin da gak dakon telagi yutgo dakon yo morap kili pantasik awit.

Abinek yo morap pantasik awit unun pindakgi.

<sup>4</sup> Uwalgo da telagi yutgokon wigeek yan tidanek galak toknikon yo awit.

Gak dakon yo kulabik anek iyi emaron teban tawit unun dakon tilakni ban yopgwit.

<sup>5</sup> Amin da koron kindap pasan unuden, gak dakon yut pasiwit.

<sup>6</sup> Kindap kwik tilak tagisi ban pantilim abi, unun uwal da parenka ae ama madep ban tidan tuwilgwit.

<sup>7</sup> Kindap ban yutgo sowit.

Unun anpak yokwisi anek yut unun gaga egip do manjigil, unun anupbal aba telagi dima tagit.

<sup>8</sup> Nin wagilsi pabin nip do nandak nandak awit, do miktinninon Pinkop gawak imim yut morap ton unun son mudawit.

<sup>9</sup> Gak da wasok tapmimi ton kinda abi dima koman.

Ae abisok kombi aminin mini.

Ni bisapmon jigi unun pasiljak unun ninon da kinda dima nandisak.

<sup>10</sup> Pinkop, bisap nian da uwal da yansul yokwisi an gamni?

Toktogisi gak dakon man do yanba yokwi tok anegipni?

<sup>11</sup> Gak nido nin dima panpulugok do nandisak?

Tapmim madepgokon da uwalnin dapbi tasik toni.

- 12 Mani Pinjkop, kalipsigwan gak kila amin madepnin egipgul, ae abisok kisi kila amin madepnin egi nimisal.

Bisap morapmi gak da nin panpuluganbi emaron dima tasik tagimanj.

- 13-14 Gak dasi tapmim madepgokon da tap pudagil, anek unun tap pakbi kagagwan nugim madep mani Liwaiatan unun dakon busunji pansulikgil.

Anek giptim timni miktim kibiri nimani tonj timon jon kilap do yobi nawit.

- 15 Gak dasi abi pakbi monij miktim timon noman tanej pak abigiwit.

Ae gak dasi pakbi madep abi wagilsi kibidawit.

- 16 Gak dasi gildat kalba gat ae pilin gat wasagil. Ae gildat gat kanek gat kwen yopgul.

- 17 Gak dasi miktim morap dakon wasipni yopgul. Ae bilagi bilagi dakon gildat ae sikak bisap yopgul.

- 18 Yawe, gak dima intoki.

Uwalgo da yansul yokwisi anj gamanj.

Unun nandanj kokwini tagi dima amin da mango do yanba yokwi tok anj.

- 19 Minjat amingo kinarim yombem tapmimni mini, do gak da nin nipmanj dekbij jon bit kilapyo da dima panupbal ani.

Uwal da minjat amingo nin obisi panupbal anj, do dimasi intanj nibi.

- 20 Miktinninon dukwan dukwan morap kisi emat an, ae pilin tuk madepsi tosok, do gak da nin gat sanbek sanbek agil unun do aego nandaki.
- 21 Yum pindagaki amin yokwi da bupmi amin baman yominek dima panmayak ani.  
Wadak wadak amin unun da mango ankisini do nandisat.
- 22 Pin kop, uwal da gen yan gaman, do gak abinek gen pikon gaga da tet kila tebai abi.  
Gildat kinda kalon nandan kokwini tagi dima amin da yansul yokwisi an gaman unun do nandaki.
- 23 Uwalgo da gen pap yanek gen yokwi yan gaman.  
Unun toktogisi madepsi yan tidon.  
Pin kop, anpak yokwini do dima intan yobi.

## 75

*Pin kop amin yokwi pabin yopmanek amin kilegi panpulosok*

Asap dakon kap kinda. Kap on Pin kop gawak imim dakon kap. Kap yon amin dakon kila amin da minat aminyo yoyinban “Dima pantasik ani” unun tegon da yoni.

- <sup>1</sup> Pin kop, nin gak do ya yan gayinek mango toktogisi awikwaman.  
Anek man madepgo do yan tentenok anek wasok tapmimi ton mibili mibili agil unun do yoman.
- <sup>2</sup> Pin kop da yan yosok, “Nak da gen pikon depben dakon bisap kinda kili manjigim.  
Gen kokwin kilegisi akdisat.

- 3 Miktım wudip anjakwan miñat amınyo unun ya-  
wori dıma ekwan.  
Mani miktım dakon mibılı tebai abıdanapbo  
tebai tosak.
- 4 Nak da iyi do nandaba wıkwaw amin yan yoyısat,  
'Ji pıbit tidok dıma ani.'  
Ae amin yokwi yan yoyısat, 'Ji dısi dakon man  
dıma pawıgini.
- 5 Dısi dakon tapmım do kısık kısık dıma ani, ae  
madepsi yan tidanek manji gen dıma yan  
namni.'"
- 6 Miñat amınyo man madep yomyom dakon pi  
unun miktım teri teri tan an an kwaw dakon  
amin kında da arıpmi dıma agagi.
- 7 Piñkop kalon dagin anpaknin kokwin asak.  
Unun da amin diwari pabiñ yopmanek amin  
diwari pawıgisak.
- 8 Yawe da kısıtnikon kap kında abidosok, unun  
wain yokwisi ae tebaisi yo isıpmi gat  
iktagilbi unungwan tujanbi.  
Unun tagalban amin yokwi morap da kisi nan  
mudon.
- 9 Mani nak toktogısi Jekop dakon Piñkop do yan  
tenjenok anek mani awıgik do kap yoken.
- 10 Piñkop da amin yokwi dakon tapmım wiririkban  
pasildan.  
Mani amin kilegi do tapmım madepsi  
yomdisak.

## 76

### *Piñkop da emaron teban tagit*

Asap dakon kap kında. Kap on Piñkop gawak imim  
dakon kap. Gita tidanek yogogi.

- 1 Juda miktimon amin da Pinjkop pakyanji nandan iman.  
Israel miktimon mani wukwisi tosok.
- 2 Yutni unun Jerusalem tosok.  
Saion Kabapmon tosok.
- 3 Unun kokupmon uwal dakon gobinji gat, ae pasikni gat, ae emat agak sibani gat jokgalgit.  
Pinjkop da emat dakon yo morapni panupbal agif.
- 4 Pinjkop, gak tilimgo unun madepsi, ae gak kila amin madep mibiltogi.  
Gak wukwisi, man madepgo da kabap madep dakon man madep yapman mudosok.
- 5 Gak uwal dakon emat amini tapmimi ton dakon yoni tagisi gwayen panappul.  
Unun emat amin unun kili kimak mudawit, ae emat dakon yo kabini timitni dakon tapmim mini.
- 6 Jekop dakon Pinjkop, gak da tebai yoyigil, do os gat ae amin ilik pawilgan tamo gat kisi wayinji mini.
- 7 Pinjkop, amin gak do si pasolgon.  
Gak da butjap nandan yobi bisapmon, namin da gak da dabilon tagi atjak?  
Amin kinda da aripmi dima.
- 8 Gak kwen kokupmon da uwal da kobogi yokwisi timitni do yagil, anaki miktimon minjat aminyo da pasalek tayanngok egipgwit.
- 9 Pinjkop gak pidan agek amin yokwi dakon anpakni kokwin anek jigini ton amin pulugan yopmandal.

- 10 Gak butjap nandanek kobogi yomisal, do amin diwari mango awikwan.  
Ae amin emaron dima yonwi toni unun da gak gawak gamdan.
- 11 Yawe Pinjopgo yan teban tok an iminek unun gen si guramikgi.  
Minjat amin morap ji Yawe do pasalek but galak do yo panji imni.
- 12 Unun on miktim dakon kila amin madep kwen wigik an, unun pabin yopmandak, do madepsi pasal iman.

## 77

*Amin kinda da jigi bisapmon Pinjop do yan tidagit*  
Asap dakon kap kinda. Kap yon amin dakon kila amin da minjat aminyo yoyinban “Jedutun” unun tegon da yoni.

- 1 Nak Pinjop da anpulugosak do yan tidosot.  
Bisitno nandisak do nandisat.
- 2 Jigi bisapmon nak Amin Tagi do bisit asat.  
Kalbi bisit an imisat, mani but yawot dima abidosot.
- 3 Nak Pinjop do nandak nandak anek iyon iyon yosot.  
Nandak nandak anegek butno jik tosok.
- 4 Butno jigisi, do gen aripmi dima yoken.  
Pinjop gak da yum nandanaki dipmin dima pokdot.
- 5 Nak kalip tagi egipgum unun do nandisat.  
Bilak unun kili kin mudawit, unun do nandisat.
- 6 Kalbi nak nandak nandak morapmi anek naga do yan yosot,
- 7 “Amin Tagi da toktog i manji namjak bo?”

- Nak do sañbenek dima galak tosak bo?
- <sup>8</sup> Amin do but dasi galaktañ yomyom anpakni wagil pasilgit bo?  
 Yan teban tok morapni isali bo akdañ?
- <sup>9</sup> Pin kop da kili in tañ nimgut da bupmi nandañ nim do dima bo nandisak?  
 Butjapni da bupmini sopmandak bo?"
- <sup>10</sup> Nak yan nandañek yagim,  
 "Pin kop Wukwisi, gak abisok nak dima anpulugosol, do nak unun do butno obisi jik tosak."
- <sup>11</sup> Pin kop, nak gak dakon pi madep do aeno nandaken.  
 Asi, wasok tapmimi toñ kalip agil unun do nandaken.
- <sup>12</sup> Pi morap agil unun do nandaken.  
 Pi tapmimi toñ agil unun kisi do nandaken.
- <sup>13</sup> Pin kop, anpakgo telagi.  
 Kokup kidat kinda gak gat arip dima.  
 Gak da yapman mudosol.
- <sup>14</sup> Pin kop, gak kalon dagin wasok tapmimi toñ asal.  
 Kalip gak da tapmingo madepsi minjat amin kabi morapmon yoligil.
- <sup>15</sup> Gaga da tapmimon da minjat amin kabigo Jekop gat Josep gat dakon babikni yokwikon ban timikgil.
- <sup>16</sup> Pin kop, Tap Gami da gak gandagit bisapmon si pasalek kwakwalikgit.
- <sup>17</sup> Sikak madepsi manakwa kiririn madepsi awit.  
 Anek mal madepsi anek ten teni dukwan dukwan kisi yangwit.
- <sup>18</sup> Mirim kwasigilgwit da binapgwan gak da kiririn yopbi yawit.

Mal da aban miktim morap dukwan dukwan  
kisi tenjenajakwa miktim kwakwalikgit.

<sup>19</sup> Gak tap binap nan agipgul.

Kosit tap idap madep da binap tagit, mani gak  
dakon kandap tamo dima kawit.

<sup>20</sup> Gak mibiltok kinjaki minjat aminyo da bunon gol-  
gwit.

Gak da Moses gat Aron gat do pi yobi unun da  
kilani agimal.

## 78

*Amin yokwi aba Pinjop da but yokwi nandagit*

Asap dakon kap kinda. Kap on do Maskil yan yon.

<sup>1</sup> Nak dakon minjat aminyo, ji nak dakon nawa gen  
pakyansinandani.

Gen yokdisat unun do mirak pakyansin yopni.

<sup>2</sup> Nak ji do tilak gen dayikdisat.

Nak da yo kalipsigwan noman tawit unun  
dakon mibili do yokdisat.

<sup>3</sup> Kalip babiknin da yo unun do kili niyinba nan-  
danej timikgiman.

<sup>4</sup> Nin monji gwayonin do gen unun dima  
pankisibin.

Monji gwayonin unun yoyin.

Pinjop dakon tapmimi gat ae pi tapmimi ton agit gat ae  
wasok tapmimi ton mibili mibili agit unun  
do yoyin.

<sup>5</sup> Pinjop da Jekop do geni yomgut.

Israel dakon babini da guratni do yomgut.  
Kalipsigwan babiknin yan yoyigit,



- “Ji monji gwayosi nak dakon gen teban morapno pakyañsi yoyiñdetni.”
- <sup>6</sup> Yan ani kañ, miñat monjiyo don altoni unun da nandan pisañek yoyiñ dek añ añ ani.
- <sup>7</sup> Yan añaqwa unun amin kabi kisi da egip egipni Piñkopmon tosok yañsi nandañek jomjom añek yo agit unun do dima iñtoni.  
Añek gen teban morapni tagi guramitni.
- <sup>8</sup> Añek babikni yombem dima egipni.  
Babikni kwen wigik añek Piñkop dakon gen pabiñ yopmañek tebai dima nandan gadan imgwit.  
Añek wupmon da toktogisi dima yolgwit.
- <sup>9</sup> Kalip Epraim amin obip gobiño tañ yomgwit, mani emat noman tañban pasal kiwit.
- <sup>10</sup> Piñkop da sañbek sañbek agit unun dima guramikgwit, ae nawa geni dimasi yol do nandawit.
- <sup>11</sup> Wasok tapmimi toñ yoliñban pindakgwit unun do kili iñtawit.
- <sup>12</sup> Babikni da dabilon Isip miktim unudon Soan miktim timon Piñkop da wasok tapmimi toñ agit.
- <sup>13</sup> Unun da tap idap pudanban tap idap teri teri agakwan Israel amin binapmon da pañkigit.
- <sup>14</sup> Gildari unun gikwem nañ yoliñakwan unun nañ kañek yolgwit, ae kalbi kindap tenñeñ nañ yoliñakwan unun nañ kañek yolgwit.
- <sup>15</sup> Miktim kibiri timon tip pudanban pakbi madepsi mibilikon noman tañban nawit.

---

**78:12:** TP 7.8-12.32    **78:13:** TP 14.21-22    **78:14:** TP 13.21-22

**78:15:** TP 17.1-7; IDT 20.2-13

- 16 Tipmon pakbi aban noman tagit unun koron pakbi madep da yan pak kigit.
- 17 Mani Pin kop Wukwisi do yokwi sigin an imgwit. Miktim kibiri timon egek kwen wigik an imgwit.
- 18 Pin kop an kilit do anek yan awit, jap si galak tawit unun si yomjak dosi tebai iyiwit.
- 19 Pin kop manji gen yan iminek yan yawit, “Pin kop miktim kibiri timon jap morapmi aripmi tagi nimjak?”
- 20 Asi, mibiltok tip tidan ban pakbi madepsi noman tagit.  
Mani bret gat ae bit kilapyo di aripmi tagi nimjak bo dima?”
- 21 Yawe da geni unun nandanek Jekop do butjap nandan yomgut.  
Israel dakon amin kabi do kindap yipban pijakwan japmisi nandan yomgut.
- 22 Nido, dima nandan gadan imgwit.  
Unun da kilani aripmi tagi asak yan dima nandawit.
- 23 Yan awit, mani Pin kop da yan ban kundu yoma wital kigit.  
Wital kinakwan Kwen Kokup da
- 24 mana yopban pijakwa nawit.  
Unun Kwen Kokup dakon jap.
- 25 Unun anelo dakon jap.  
Pin kop da mana morapmi aripnikon yomgut.
- 26 Anek gildat wisak tet da mirim yipban kigit.  
Ae tapmim madepnikon da saut tet da mirim yipban kigit.

- 27 Anek minam morapmisi, kimbaban ae tap niman da tilak, morapmisi yopban bikbiknikon mawit.
- 28 Pinjop da minam morapmi yopban manek yut kaben ni pangwasinek tawit.
- 29 Manakwa nanek aripmisi tugawit.  
Yo unun do galak tawit unun Pinjop da yomgut.
- 30 Mani jap si galak tawit unun sigin nan egakwa
- 31 Pinjop da butjap nandanek Israel amin dakon monji tebaisi ae tagisi unun dapban kimakgwit.
- 32 Pinjop da wasok tapmimi ton yan agit, mani minat aminyo da yokwi sigin anek dima nandan gadan imgwit.
- 33 Do mirim da gen kagakon noman tanek tepmisi pasilgan unun da tilak tepmisi panpasil agit.  
Unun panupbal aban pasol pasol madepsi anek kimakgwit.
- 34 Pinjop da di dapban kimakgwit bisapmon diwari but tobil anek tobil abin yolgwit.
- 35 Aeni nandawit, Pinjop unun tip damanin.  
Pinjop Wukwisi unun yokwikon ban timit timit aminin.
- 36 Mani unun si angalak anek top yawit.
- 37 Unun but dasi dima yolgwit.  
Unun gat sanbek sanbek awit unun kirinikgwit.
- 38 Mani bupmi nandan yominjek diwarini wiririk yominjek dima panupbal agit.  
Bisap morapmi butjapni yipmanek dima japtan yomgut.

- 39 Unun do aeni nandagit, unun miktım amin gin,  
unun mirim da yan kin mudon, aeni dima  
aban.
- 40 Bisap morapmi miktım kibiri timon kwen wigik  
anakwa bupmisi nandagit.
- 41 Israel amin dakon Pin kop Telagisi bisap  
morapmi anakewalakwa nandaban yokwi  
tok anyomgut.
- 42 Tapmim madepni do intawit, ae uwal da kisiron  
ban timikgit unun do dima nandawit.
- 43 Unun tilak tapmimi ton Isip miktımon Soan  
miktım timon agit unun do dima nandawit.
- 44 Pakbi antobilban yawi daganba arıpmi dima  
noknogi agit.
- 45 Ae bigal morapmi yabekban injin yomgwit.  
Ae mengak morapmi yabekban yo morapni  
panupbal awit.
- 46 Ae pilak pilak yabekban kin pigagani yo kwawit  
unun nan mudawit.
- 47 Ae ais yipban manek wain napni ae pik  
kindapni panupbal awit.
- 48 Ae ais yopban manek bulmakauni dapba  
kimakgwit.
- 49 Butjap madepsi nandan yominek yo yokwisi an  
yomgut.  
Anek anelo kabi kinda yabekban kin panupbal  
anakwa jigi madepsi pawit.
- 50 Butjap madepsi nandanek yum dima pindakgit.  
Sot madepsi yoban kimakgwit.

- 51 Isip amin morap kisi dakon monji mibiltogi dap-  
ban kimagwit.
- 52 Mani unun sipsip kila amin yombem da iyi  
mibiltok kinjek minjat amin kabini kila agit.  
Miktim kibiri timon kosit yoligit.
- 53 Timik pangwan jigini mini egipgwit, do dima  
pasalgwit.  
Mani tap idap da uwalni witjigit.
- 54 Timik panpan telagi miktimnikon panpagut.  
Unun miktim ilenji obani ton iyi da tapmimon  
abidagit.
- 55 Minjat amini apgwit bisapmon amin nkwakwari  
yolban kiwit.  
Kinakwa miktim unun Israel amin kabi do kok-  
winik yomgut.  
Anek yopban yutnikon yikgwit.
- 56 Mani Israel amin da Pinjkop Wukwisi ankwalek  
kwen wigik an iminek gen tebani dima gu-  
ramikgwit.
- 57 Kalip babakni da awit, unuden gin, kwen wigik  
anek Pinjkop manji imgwit.  
Unun obip girenji dikdik sun yamandak unun  
yombem.
- 58 Kokup kidat dakon alta wasanakwa unun do anek  
Pinjkop da butjap madep nandagit.  
Pinjkop yipmanek kokup kidat gawak  
yominakwa nandaba yokwi tok an yomgut.
- 59 Pinjkop da anpakni pindagek butjap nandan  
yomgut, do Israel amin do manji wagilsi  
yomgut.

**78:51:** TP 12.29      **78:52:** TP 13.17-22      **78:53:** TP 14.26-28

**78:54:** TP 15.17; Jos 3.14-17      **78:55:** Jos 11.16-23      **78:56:** GK

- 60 Anek imal yutni telagi Silo kokup papmon tagit  
 unun yipman kigit.  
 Kalip unun yutnon egipgut bisapmon minat  
 aminyo da binapmon egipgut.
- 61 Mani yum pindagakwan Sanbek Sanbek Kinam  
 uwal da abidawit.  
 Unun tamo timon tapmimni gat ae tilimni  
 unudon tagit.
- 62 Minat amin kabini do butjap nandaneK yum  
 pindagakwan uwal da emat agak siba ban  
 dapba kimakgwit.
- 63 Monji bulagi emat madepmon kimagakwa  
 minatjok wili mini, do amin dima pawit.
- 64 Uwal da mukwa sogok amin dapba kimagakwa  
 minatni da bupmi kunamyo ani dakon  
 bikbik dima tan yomgut.
- 65 Amin da dipminon da pidon unuden Amin Tagi  
 pidagit.  
 Ae amin tebai wain morapmi nanek pokgon  
 da don pidaneK yan tidon unun da tilak Yawe  
 pidagit.
- 66 Anek uwal gat emat anek yolban kin mudawit.  
 Pabin yopmanakwan mayaktok toktok teban  
 pawit.
- 67 Mani Josep dakon babakni dima manjigit.
- 68 Unun Juda amin kabi gat ae Saion Kabap iyi but  
 dasi galak tan imisak unun ban manjigit.
- 69 Yutni telagi unun kabapmon agit.  
 Kwen kundu wasagit, ae miktim wasagit da  
 tebai tomal, unuden yutni anteban aban  
 tebaisi toktogisi tokdisak.

- 70 Piŋkop da oman amini Dewit manjinek sipsip kila agiron naŋ abidagit.
- 71 Sipsip kila agiron naŋ abidanek yipban amin kabini Jekop dakon kila amini dagagit.  
Piŋkop iyi dakon amin kabini Israel kila agit.
- 72 Dewit but dasi nandanek kilani tagisi agit.  
Anek tagisi timik panjigit.

## 79

### *Israel amin Piŋkop da panpulugosak do bisit awit*

Asap dakon kap kinda.

- 1 Piŋkop, Amin Nwakuwari Kabi gak da miktimon kili abeŋ da miŋat amin kabigo nin gat emat aŋ.  
Yutgo telagi unun anupbal aba telagi dima tagit.  
Anek Jerusalem obisi anupbal awit.
- 2 Telagi oman amingo dapmanek bumjotni yo isali yaŋ nandanek yum pindagakwa siŋgiŋ gat ae joŋ piŋan gat da giptimni noŋ.
- 3 Miŋat amingo dapmanakwa yawi da tagal kiŋek Jerusalem pak pukwaŋ.  
Ae bumjotni wayitni amin kinda dima egisak.
- 4 Miktim nin da kapmatjok toŋ unun dakon amin da yaŋsul aŋ nimaŋ.  
Miktim morap nin pangwasinek taŋ aŋaŋ kwan unun da yaŋsul madepsi aŋ nimek gen mayagisi yaŋ nimaŋ.
- 5 Yawe, bisap niaŋ da butjap nandan nibi?  
Gak toktogisi butjap nandan nimdisal bo?

Gepman dekgiman do butjapgo kindap da yan  
sonjek dima kimotdisak, ma?

6 Gak minjat amin kabi dima gawak gaman ae  
mango yanjek bisit dima an amin unun do  
butjap nandaki.

7 Unun amin kabi da minjat amin kabigo Jekop  
dapba kimakgwit, anek miktimni obisi  
anupbal awit.

8 Babiknin da anpak yokwi awit unun do yo yokwi  
dima an nibi.

Abisok nin yokwisi ekwaman do bupmi nan-  
dan ninjek tepmisi panpulugoki.

9 Pinjop, gak yokwikon ban timit timit Pinjopnin.  
Man madepgo do nandanek nin panpuluganek  
diwarinin wiririkgi.

10 Amin Nwakjwari Kabi da nin do yan yon,  
“Pinjopni dukon egisak?”

Unun tagi dima. Uwal da oman amingo dapba  
kimakgwit, do yawinin dakon kobogi do  
gak da Amin Nwakjwari Kabi yo yokwisi an  
yominjaki gandak do nandaman.

11 Dam tebanon ekwan amin dakon kunamni nan-  
daki.

Anek tapmim madepgokon da uwal da amin  
dapba kimotni dosi kili yawit, unun yok-  
wikon ban timikgi dosi nandisat.

12 Uwal nin da kapmatjok ekwan unun da gak  
do gen yokwisi yawit, do Amin Tagi anpak  
yokwini dakon kobogi yominjaki kosiri 7 yan  
asak.

13 Yan anjaki minjat amin kabigo, sipsip kabigo, nin  
toktogisi ya yan gayinen.



Ae babiknin don altoni unun kisi da mango ankisini.

## 80

*Israel amin Pinƙop da paɗpulugosak do bisit awit*

Asap dakon kap kinda. Kap yoŋ amin dakon kila amin da miɗat aminyo yoyiɗban “Saɗbek saɗbek dakon jareɗ tagisi” unun tegon da yoni.

<sup>1</sup> Israel dakon Sipsip Kila Amin, gak Josep dakon amin kabi sipsip baɗ yaɗ kosit yolisal.

Bisitnin nandaɗ nibi.

Aɗelo madep serabim bamot da binapmon kila amin madep yiɗgek tilingo miɗat amin kabigo do yoliɗbi pindatni.

<sup>2</sup> Epraim ae Benjamin ae Manase da bikbigon tapmim madepgo noliki.

Abiɗ nin yokwikon baɗ timikgi.

<sup>3</sup> Pinƙop, kalip egip egip tagisi egipgumaɗ unun aego ankaluk abi.

Butgo ninon yipmaɗek yo tagisi aɗ nibi.

Aɗek yokwikon baɗ pulugaɗ nipbi.

<sup>4</sup> Yawe Pinƙop Tapmim Ami, miɗat amin kabigo bisit gayiɗakwa bisap niaɗ da butjap nandaɗ yobi?

<sup>5</sup> Butjap nandaɗ nimaɗaki kunam tagapno dabil pakbinin da jap pakbiyonin asak.

<sup>6</sup> Gak da yum pindagaki amin kabi nin da ileɗon ekwan unun da abiɗ nin dakon miɗtim abidok do emat aɗ.

Uwalnin da yaɗsul aɗ nimaɗek yanjaɗ nimaɗ.

- 7 Pinj kop Tapmim Ami, kalip egip egip tagisi  
egipguman unun aego ankaluk abi.  
Butgo ninon yipmanek yo tagisi an nibi.  
Anek yokwikon ban pulugan nipbi.
- 8 Kalipsigwan gak wain nap kinda Isip miktimon  
nan anagul.  
Anek on miktimon amin kabi yolbi kinakwa  
wain nap unun kwaokgil.
- 9 Miktim unun garam anek kwaokbi kwanek geli  
dubagisi pigiwit.  
Pigakwa madepsi kwanek miktim kisi  
ilimikgit.
- 10 Anek kabap anyongam anek unun dakon kilini da  
sida kindap madepsi unun kisi witjigit.
- 11 Unun dakon kilini da tap madep Mediterenian  
da aripmon kiwit.  
Ae teri kinda do gigi da kwanek pakbi madep  
Yupretis da aripmon kiwit.
- 12 Gak mibili nido wain pi dakon dam tuwilgil?  
Yan agil do amin da kin ap anek bami pan.
- 13 Jon bit da abin panupbal an, ae jon kilap da non.
- 14 Pinj kop Tapmim Ami, ninon tobil apbi.  
Kwen Kokupmon da ninon sintanbi pinakwan  
wain pi do kilani abi.
- 15 Gak da gaga da tapmimon nin kwaokgil, do  
abisok abin nin panpulugoki.  
Nin wain nap bulagi yombem ban gak da  
panteban abi tebaisi awit.
- 16 Uwalnin da mandan kindapmon kili sowit, do  
gak da butjap nandan yominjek panupbal  
aki.

- 17 Mani, miŋat aminyo nin gaga do manjigil, ae gak da abi madepsi taganeŋ teban tagimaŋ, do paŋpulugaŋek kilanin aki.
- 18 Yaŋ aki kaŋ, nin gak diŋa gepmaŋ detneŋ.  
Gak da paŋpulugaŋbi tagi egek biŋit aŋ gamiŋek mango awigiŋeŋ.
- 19 Yawe Piŋkop Tapmim Ami, kalip egip egip tagiŋi egipgumaŋ uŋun aego aŋkaluk abi.  
Butgo ninon yipmaŋek yo tagiŋi aŋ nibi.  
Aŋek yokwikon baŋ pulugaŋ nipbi.

## 81

### *Jap noknok biŋap madep dakon kap*

Asap dakon kap kinda. Kokup pap Gat dakon gita tidaŋek yogogi.

- 1 Piŋkop paŋpulugoknin do kiŋik kiŋik kap kinda yoneŋ.  
Jekop dakon Piŋkop do kiŋik kiŋik kap yoneŋ.
- 2 Kap yoni. Tambarin tidaŋek, gita gat ae kulele gat kiŋi tidoni.
- 3 Kanek kaluk abisak biŋapmon kweŋ piŋoni.  
Kaneŋ binap taŋakwan Piŋkop gawak imim biŋap madepmon kweŋ piŋoni.
- 4 Yaŋ aneŋ do Jekop dakon Piŋkop da Israel amin nin do gen teban uŋun niŋgut.
- 5 Kalipsi Isip amin paŋiŋ yopgut biŋapmon, Piŋkop da gen teban uŋun Israel amin nin do niŋgut.
- 6 Nak amin kinda tekni diŋa nandiŋat uŋun da gen yaŋban nandiŋat.  
Uŋun da yaŋ yosok,

- “Nak yo jigi morap ji da kwapmon tawit unun kukwan yopgum.  
 Ae miktim simil gok panpulugoko mibilikon yopba tanakwa pi teban sanbenek dima awit.
- 7 Jigikon egek bisit nayinba pulugan depgum.  
 Gikwem kiririn yosok unjungwan da bisitji nandagim.  
 Nak Meriba pakbikon nandan gadatji pindat do anek ji pankealgim.
- 8 “Nak dakon amin kabino, nawa dayiko nandabit.  
 Israel amin, nak dakon gen nandanek guramitni do madepsi nandisat.
- 9 Ji miktim nwaknwari dakon kokup kidatni dima yolni, ae dima gawak yomni.
- 10 Nak kalongin ji dakon Yawe ae Pinkopji egisat.  
 Nak naga Isip miktimon ban ji timik panopgum.  
 Gen kagasi antan kinakwa upmokgen.
- 11 “Mani babakji da nak dakon gen nandak do dima galak tawit.  
 Asisi, Israel amin nak dakon gen guramit do dima galak tawit.
- 12 Do yum pindagapbo kwen wigik anpakni yolek galak toknikon yo awit.
- 13 “Nak minjat amino da geno guramik kimotni dosi nandisat.  
 Ae Israel amin nak dakon galaktok yol kimotni do nandisat.
- 14 Yan ani kan, nak da uwalni tepmisi pabin yopdisat.  
 Anek uwal gat emat wamanek pabin yopben.

- 15 Anapbo miñat aminyo nak do nandaba yokwi tok an, unun madepsi pasal nimmimik namni.  
Anakwa toktogisi yo yokwisi an yoben.
- 16 Mani nak da ji do bret galagisi, ae kaban kok koron nani daben, anapbo butji tugokdan.”

## 82

### *Piñkop unun kila amin madep mibiltogì*

Asap dakon kap kindà.

- 1 Piñkop unun Kwen Kokup muwut muwut madep dakon mibiltok amin yikdak.  
Miktim morap dakon kila amin da muwugakwa nandak nandakni kokwinikdak.
- 2 Anek yan yoyisak,  
“Ji bisap nian da gen kokwin pi gulusun ani?  
Ji yokwi pakpak amin nido panpulugon?”
- 3 Ji yoni mini amin ae monji datni kimakbi panpulugoni.  
Anek jigi panek yokwi ekwan amin unun pankutnoni.
- 4 Amin yokwi ekwan ae yo do wadan amin unun yokwi pakpak da kisiron ban pulugan timigek panpulugoni.
- 5 Ji pilin tугwan agek nandak nandakji minisi, do miktimi miktimi amin anpak kilegi dima an.
- 6 Nak gen yan yosot, ‘Ji piñkop ekwan.  
Ji Piñkop Wukwi Madep dakon monjini ekwan.
- 7 Mani amin morap kimokgon jiyo yan gin kimotdan.

Kila amin morap kimokgon jiyo yan gin kimotdan.’”

<sup>8</sup> Piŋkop, miŋat amin morapyo uŋun gak dakon gin, do abiŋ miŋtim amin morap gen kokwin aŋyobi.

## 83

*Asap da Israel amin dakon uwalni Piŋkop da dapan pasilni do bisit agit*

Asap dakon kap kinda. Kap on Piŋkop gawak imim dakon kap.

<sup>1</sup> Piŋkop, gak gen mapmit dima abi.

Gak isal dima yikgi.

Piŋkop, gak isal dima egipbi.

<sup>2</sup> Pindakgi. Uwalgo emat wasaŋek aŋ.

Gak do nandaba yokwi tok aŋ amin kwen wigik aŋgamaŋ.

<sup>3</sup> Uŋun pasili egek miŋat amingo yokwi aŋ yom do gen yan paŋteban aŋ.

Gak da miŋat amingo uŋun kilani tagisi asal, mani uwal uŋun paŋupbal ak do muwugek gen yon.

<sup>4</sup> Uŋun da yan yon, “Kili kino!

Israel amin dapno pasil mudanaakwa, amin da saŋbeŋek dima nandaŋ yomni.”

<sup>5</sup> Piŋkop, uŋun amin gak abiŋ gep do but kalon aŋ.

<sup>6</sup> Idom amin, ae Ismael amin, ae Moap amin, ae Akri amin,

<sup>7</sup> ae Gebal amin, ae Amon amin, ae Amelek amin, ae Pilistia amin ae Tair amin, uŋun miŋtim morap dakon amin da yo uŋun ak do nandaŋ.

<sup>8</sup> Siria yo kisi uŋun gat muwukgaŋ.

- Uñun amin tapmimi ton kabi uñun Lot dakon babini kabi pañpulugon.
- 9 Uñun amin kabi da gak añupbal ak do but kalon añ, do kalip  
 Midian amin do agil, bo pakbi madep Kison uñudon Sisera amin gat Jabin amin gat do agil yañ gin uñun amin pañupbal abi.
- 10 Uñun bisapmon gak da kokup pap Endo uñudon pañupbal abi bumjotni miktimon tanek miktawit.
- 11 Kalip kila amin bamot Orep gat ae Sep garon agil uñuden gin emat amini dakon mibiltok amini pañupbal aki.  
 Kila amin madep bamot Seba gat ae Salmuna garon agil uñuden gin kila amini pabiñ yopbi.
- 12 Uñun amin da yañ yawit,  
 “Piñkop dakon sipsip upmot miktimni nin do añawatneñ.”
- 13 Piñkopno, miktimon kimbaban ban yañ uwalgo wiririkbi kini.  
 Mirim da wit dakon gipmi pisonba kwan uñuden wiririkbi kini.
- 14 Kindap da koron soson, ae ileñ gurigi ton da madepsi soson,
- 15 yañ gin gak da sikak mal kiririnyo madepsi yipbi abineñk uñun amin kabi yolban pasal kini.  
 Ae uñun da pasolni do mirim madepsi yipbi kisak.
- 16 Yawe, pabiñ yopmanaki mayaktok madepsi pani.  
 Añek gak tapmingo madepsi yañ yokdan.

- 17 Pabiŋ yopmanjaki toktogisi pasal kimotni do nandisat.  
 Panmayak anjek dapbi kimotni dosi nandisat.
- 18 Yan anjaki unun da gak kalongin Yawe ae Pinjkop Wukwisi egek miktim morap kisi kila asal yan nandan gamni.

## 84

*Amin kinda da Pinjkop dakon telagi yut do galak tagit*

Kora amin kabi dakon kap kinda. Kokup pap Gat dakon gita tidanjek yogogi.

- 1 Pinjkop Tapmim Ami, gak dakon yut tilimi ton galagisi.
- 2 Nak unudon egip do but dasi madepsi galak tosot.  
 Galak tok morapno kisi gak dakon yut do tosok.  
 Giptim ae nandak nandakno kisi da Pinjkop egip egipmi ton gak do kisik kisik kap yosot.
- 3 Yawe Tapmim Ami, gak Kila Amin Madepno ae Pinjkopno.  
 Bibagap ae bibagap giman da gak dakon alta da kapmatjok yutni anjek pudigi kila amal.
- 4 Minjat aminyo gak da yutnon ekwan unun kisik kisik anjek bisapmi bisapmi mango awigik do kap yon.
- 5 Minjat aminyo gak dakon tapmim timigek Saion Kabapmon wigik do but dasi galak ton, unun kisik kisik tagi ani.
- 6 Miktim kinda mani Miktim Kunam Pakbi Kulduk Giban, unudon kinakwa unun miktimon pakbi gapma morapmi noman ton.



Añakwa sikak mañakwa pakbi gapmakon  
Wiñonj.

- 7 Uñun amín kosit agek tapmim kaluk sigin pañ.  
Uñun Saion kin Piñkop da inamon altokdanj.
- 8 Piñkop Yawe Tapmim Ami, bisitno nandaki.  
Jekop dakon Piñkop, mirak pak yañsi yop-  
manjek geno nandaki.
- 9 Nin dakon kila amín madep do koki.  
Pasiknin da yañ nin dam añek kilanin tagisi  
asak.  
Yawe, gaga kila amín madep egipjak do  
manjigil, do yo tagisi añ ibi.
- 10 Nak gildat kalon kindagin gak dakon yut da  
yomakon egipbenj kañ, uñun da tagisisi  
asak.  
Uñun da gildat 1 tausen timi dukon egi egi asat  
uñun yapmanj mudosok.  
Nak oman amín piñbisi egek Piñkopno dakon  
yoma kagakon yoma kila agak amini egip do  
but dasi galak tañ kimokdot.  
Mani amín yokwi da yutnon egip do dima  
galak tosot.
- 11 Nido Yawe uñun pañkutnok aminin ae  
teñteñinin.  
Uñun da nin do yo tagisi añ niminjek man  
madep nimisak.  
Kilegi akwañ amín do yo tagi yom do dima  
pañkutnosok.
- 12 Yawe Tapmim Ami, miñat aminyo gak nandanj  
gadan gamañ amín uñun kisik kisik tagi ani.

## 85

*Piņkop da amin kabini kila asak do amin kinda da bisit agit*

Kap on Kora amin kabi dakon kap. Kap yoņ amin dakon kila amin do mandabi.

<sup>1</sup> Yawe, gak da miktingo ae amin kabigo Jekop nin paņpuluganaki kalip tagisi egipgumaņ abisokyo kisi yaņ giņ anaki tagisi ekwumaņ.

<sup>2</sup> Amin kabigo nin yokwi morap agimaņ dakon diwarinin unun wiririk nimgul.

<sup>3</sup> Gak kalip nin do butjap nandagil unun nandabi magit.

Nin do japmisi nandagil, mani kulabik anek butgo magit.

<sup>4</sup> Piņkop, yokwikon baņ timit timit aminin, kalipsi nin tagisi egipgumaņ abisok paņkaluk abi yaņgin egipneņ.

Butjap sanbeņek dima nandaņ nibi.

<sup>5</sup> Bisap mudok mudogi mini butjap sigin nandaņ nimin wigikdisal?

Babikon da babikon yaņ giņ taņ anañ wigikdisak?

<sup>6</sup> Miņat amin kabiyogo aego paņteban abi nin kisik kisik anek gak ankisineņ.

<sup>7</sup> Yawe, gak asisi mudok mudogi mini nin do but dasi galak taņ nimisal unun dakon bami nolijbi koneņ.

Yokwikon baņ timigaki tagisi egipneņ.

<sup>8</sup> Nak Piņkop Yawe da gen yosok unun do mirak pakyansi yopmandat.

Nin da anpak yokwi kalip agimaņon tobil dima pigineņ kaņ, unun iyi dakon telagi amin kabini nin but yawot nim do yosok.

- <sup>9</sup> Asisi, amin Pinjkop do pasal iman unun yokwikon ban timitdisak.  
Anakwan tilimni miktinninon tokdisak.
- <sup>10</sup> Unun bisapmon amin da amin do but dasi galak tan yominek anpak tagisi an yomdan.  
Yan anek kilegisi egek but yaworon da tagisi egipdan.
- <sup>11</sup> Miktimon Pinjkop but dasi yolyol anpak miktimgwan da pawinban pisanek kwokdisak.  
Ae Kwen Kokup da anpak kilegi sinjanban miktimon pikdisak.
- <sup>12</sup> Asisi, Yawe da yo tagisi niminjakwan miktinnin da jap morapmisi panalon akdisak.
- <sup>13</sup> Yawe apjak dakon kosit yul im do kan, amin da anpak kilegi aba kanek unudon tagi apjak.

## 86

### *Amin kinda Pinjkop da anpulugosak do bisit agit*

Dewit dakon bisit kinda.

- <sup>1</sup> Yawe, nak wadak wadak amin, do bisitno nandanek anpulugoki do nandisat.
- <sup>2</sup> Yokwikon nan abidanaki dima kimokgen, nido nak gak nan goldat.  
Nak oman amingo, gak nan nandan gadan gamisat, do anpulugoki.
- <sup>3</sup> Amin Tagino, nak gildat kinda kalon gak do bisit asat, do nak do bupmi nandan nabi.
- <sup>4</sup> Amin Tagi, nak gak dogin bisit asat, do oman amingo nak do kisik kisik nabi.
- <sup>5</sup> Amin Tagi, gak tagisisi, diwarinin wiririk nimisal.  
Gak minat aminyo bisit gayan unun but dasi galak tan yomisal.

- 6 Yawe, gak bisitno do mirak pakyañsi yopbi.  
Nak do bupmi nandañ nabi do yañ tidosot.  
Yañ ilitno nandaki.
- 7 Nak gak do yañ tidosot bisapmon anpulgosal, do  
jigi pakeñ bisapmon gak do bisit abeñ.
- 8 Amin Tagi, piñkop gak yombem di mini.  
Gak da kisi morap yapmañdal.  
Ae amin kinda da wasok tapmimi toñ asal  
uñudeñ kinda aripmi dima asak.
- 9 Amin Tagi, miñat amin kabi morap gak da  
wasagil, uñun da abiñ ñwakbeñ añ gamiñek  
gak dakon man awigikdañ.
- 10 Nido, gak kalongin tapmingo madep ae gak  
dagin yo masi masimisi asal.  
Gak kalongin Piñkop bamisi.
- 11 Yawe kositgo kilegi do nayiñ dekbi gengo bamisi  
yolek egipbeñ.  
Nayiñ dekbi gak dogin nandañ egek mango  
awigiken.
- 12 Amin Tagi Piñkopno, nak but dasi gak ankisiken.  
Toktogisi mango ankisin wigiken.
- 13 Nido gak nak do madepsi but dasi galak tañ  
namisal.  
Kimoron nañ pulugañ nepbi gapmagwan  
dima pigigim.
- 14 Piñkop, kwen wigik amin da nak nit do abañ.  
Uñun amin yokwi bupmini mini da nak nikba  
kimokgeñ do abiñ muwukgañ.  
Uñun manji gamiñek gengo dima guramikgañ.
- 15 Mani Amin Tagi, gagon bupmi ae nandañ ya-  
wotyoto tugagit da tosok.  
Gak butjap tepmi dima nandisal.

Gak nin do but dasi galak tan niminek gengo  
 anteban anek nin panpulugan wigisal.

<sup>16</sup> Tobil nagon abinek bupmi nandan nabi.

Menno da kalip gak dakon pi agit, abisok  
 monji nakyo kisi pigo asat, do nak dakon  
 but anteban anek yokwikon nan pulugan  
 nephi.

<sup>17</sup> Yawe, gak da nak do but dasi galak tan namisal  
 unun dakon tilak kinda nolnbi koken.

Yan anaki uwalno da gak da nak anpuluganek  
 anteban asal unun kan nandanjo anek anpak  
 yokwini dakon mayagi pani.

## 87

### *Jerusalem do kisi kisi awit*

Kora amin kabi dakon kap kinda. Kap on Pin kop  
 gawak imim dakon kap.

<sup>1</sup> Pin kop da kokup papni telagi kabapmon agit.

<sup>2</sup> Yawe da Israel miktim dakon kokup morap do  
 galak tosok, mani Jerusalem do madepsi  
 but dasi galak tosok.

<sup>3</sup> Pin kop dakon kokup pap dakon minat aminyo, ji  
 nandani, Pin kop da yo tilimi ton tagisi jikon  
 asak.

<sup>4</sup> Pin kop da yan yosok, "Namin amin da nak dakon  
 gen guramikdak, unun manjiken bisapmon,  
 Isip ae Babilon kisi manjiken.

Anek Pilistia, Tair ae Itopia do yan yokdisat,  
 'Unun yo kisi Jerusalem amin gin.'

<sup>5</sup> "Nak Jerusalem do yan yokdisat, 'Unun minat  
 amin morap kisi dakon kokup pap.'"

Ae Pin kop Wukwisi da Jerusalem  
 anpuluganban tebaisi tokdisak.

- 6 Yawe da amin diwari dakon man mandakdisak.  
Anek panmuwugek Jerusalem minat aminyo  
gat kisi manjikdisak.
- 7 Anjakwan minat aminyo unun kap yanek kisik kisik  
anek yan yokdan, "Jerusalem, gak yo tagisi  
morap ninon toj unun dakon mibilisi."

## 88

### *Amin kinda Pin kop da an pulugosak do yan tidagit*

Eman unun Sera kabikon nani kinda da kap on  
mandagit. Kap on do Maskil yan yon. Kora amin  
kabi da Pin kop gawak iminek kap on yon. Kap yon  
amin dakon kila amin da minat aminyo yoyinban  
"Malat Leanot" unun tegon da yoni.

- 1 Pin kop, Yawe, gak pan pulugokno.  
Gildari ae kalbi gak do yan tidosot.
- 2 Bisitno nandaki.  
An pulugoki do yan tidosot,
- 3 nido jigi morapmi nagon noman tan naminakwa  
pali kimokdot.
- 4 Amin diwari da si kimot do an, nak unun  
yombem.  
Tapminno kisisi mudan.
- 5 Nepman degakwa amin kili kimakgwit gat kisi  
ekwaman.  
Amin da amin kinda anakba kili kimakgit da  
kimakbi tamokon tosok, nak unun yombem.  
Amin wagisi in tan yominek sanbenjek dima  
pan pulugokdisal unun yombem.
- 6 Mabi gapma dubagisi kidagisikon kili pigigim, da  
pilin tuksigwan egisat.
- 7 Butjapgo da obisi abin nepgut.  
Tap idap da yan tamaligek wutjinban tagim.

- 8 Gak da yopbi notnoni da manji namgwit.  
 Gak da nepbi nak amin yokwisi daganapbo  
 madepsi pasal namaŋ.  
 Uŋun da tebai abidaŋakwa aripmi dima pulu-  
 gaŋ kikeŋ.
- 9 Nak jigi paŋapbo dabilno yokwi taŋakwan tagi  
 dima siŋtosot.  
 Ae gildari gildari kisitno paŋenagek gak da  
 aŋpulugoki do bisit asat.
- 10 Gak wasok tapmimi toŋ amin kimakbi  
 paŋpulugok do aŋek asal, ma?  
 Amin kili kimakgwit da pidaneŋ mango  
 awikwan, ma?
- 11 Ae kimakbi tamokon kili pakgwit kabi da gak  
 da but dasi galak taŋ nimisal yaŋ di yoŋ bo  
 dima?  
 Si tasik togi tamokon da gak da kilanin tagisi  
 asal yaŋ di yoŋ bo dima?
- 12 Pilin tuk tamogwan ekwan amin da wasokgo  
 tapmimi toŋ uŋun di pindakgaŋ?  
 Amin gak da kili iŋtaŋ yomgul tamokon ekwan  
 uŋun da aŋpakgo kilegi di pindakgaŋ?  
 Uŋun dimasi!
- 13 Yawe, nak gak da aŋpulugoki do yaŋ tidosot.  
 Nak wisa dagokdo morap gak do bisit asat.
- 14 Mani Yawe, nido manji namisal?  
 Nido pasil namisal?
- 15 Monji bulagi egipgum bisapmon da wiŋ abisok  
 egisaron, jigi paŋek kili uŋunjok kimotdisat.  
 Gak da yo yokwisi pasol pasolisi aŋ naminaŋaki  
 tapmimno mini asak.
- 16 Yawe, butjapgo da wutjiŋ namisak.  
 Gak da obisi niŋek obisi aŋupbal asal.

- 17 Gildat kinds kalone nak do yan asal.  
 Pakbi da igek miktim morap kisi wutjisak,  
 unun da tilak amin da nak angwaseŋ.
- 18 Gak da abi notno tagisi nepman dekan.  
 Nagon pilin tuk dagin tosok.

## 89

### *Israel amin jigi bisapmon kap on yogogi*

Etan unun Esra amin kabikon nani kinds dakon kap. Kap on do Maskil yan yon.

- 1 Yawe, gak da amin do but dasi galak tan yomisal,  
 unun do nak toktogisi kap yoken.  
 Gak gengo anteban anek nin tagisi panpulugosol  
 unun dakon geni babikon da babikon yan  
 tetjenoken.
- 2 Gak toktogisi nin do but dasi galak tan nimsal  
 unun dakon geni yan tetjenan wigiken.  
 Gak gengo anteban anek nin tagisi  
 panpulugosol.  
 Unun anpak kundu da tebai tosok unuden tok-  
 togisi tokdisak.
- 3 Gak da yan yagil,  
 “Naga dakon amino manjinek unun gat sanbek  
 sanbek kili agim.  
 Oman monjino Dewit unun do yan teban tok  
 kili agim.
- 4 Anek yan iyigim, ‘Israel dakon kila amin madep  
 noman tan noman tan ani unun gak da  
 kabikon dagin noman tokdan.



Babikon da babikon gak da kabikon nani  
kinda da kila amin madep yiyit tamokon  
yitdisak.’”

- <sup>5</sup> Yawe, Kwen Kokup anelo gak da yo tagisi agil  
unun do kap yanek mango awikwan.  
Gak da gengo guramikdal unun do nandanek  
kap yon.
- <sup>6</sup> Nido Kwen Kokupmon Yawe gak yombem kinda  
mini.  
Anelo kinda gak yombem mini.
- <sup>7</sup> Anelo dakon kila amin da muwukganon Pin kop do  
si pasolgon.  
Unun anelo kabi angwasiyek akgan unun masi  
masimi, mani Pin kop da unun kabi si yap-  
manek wagil masi masimisi.
- <sup>8</sup> Pin kop Tapmim Ami, gagon tapmim madep tosok  
unuden amin kinda mini.  
Toktogisi gak kulabik dima anek gengo gu-  
ramik kimokdol.
- <sup>9</sup> Gak da tap idap tapmimi ton unun kila asal.  
Tap idap si pidosok bisapmon gak da abin  
yipmanjaki wayin dima asak.
- <sup>10</sup> Gak da Isip dakon tapmim madepni tuwilek  
obisi anupbal agil.  
Anek tapmim madepgokon da uwalgo pabin  
yopgul.
- <sup>11</sup> Kundu gat miktim gat unun gak dakon gin.  
Gak da miktim gat yo morap unudon ton gat  
wasagil.
- <sup>12</sup> Gak da not tetgin dakon miktim wasagil, ae saut  
tetgin dakon miktim kisi wasagil.  
Hen Tabor gat ae Hen Emon gat gak do kisik  
kisik anek kap yan gamamal.

- 13 Yawe, gak tapmingo madepsi.  
Tapmingo pidanbisi.
- 14 Gak kila amin madep egek anpak kilegikon da  
amin kilani anek gen kokwin pi kilegisi asal.  
Gak minjat amin do but dasi galak tan yominjek  
gengo anteban anek tagisi panpulugosol.
- 15 Amin gak gawak gaminek kap yan gaman unun  
kisik kisik tagi ani.  
Yawe, amin morap gak da inamon  
tentenjigokon akwan unun kisik kisik tagi  
ani.
- 16 Unun amin anpakgo kilegi do gildat kinda kalon  
unun do nandanek kisik kisik anek mango  
ankisanj.
- 17 Gak kalongin teban toknin, ae gak do kisik kisik  
madepsi nandanjan.  
Nin do nandan yawok nimejek panpuluganaki  
emaron teban tomanj.
- 18 Asisi, Yawe unun pasiknin egi nimisak.  
Gak Israel amin nin dakon Pin kop Telagisi nin  
da kila amin madepnin nimgul.

*Pin kop da Dewit do yan teban tok agit*

- 19 Kalipsigwan oman amin kabigo tagisi do dipmin  
yoligil, anek yan yoyigil,  
“Nak da emat amin tagisi kinda kili manjigim.  
Nak da minjat aminyo da binapmon nan kila  
amin madep egipjak do abidagim.  
Anek kila amin madep dakon pelit kinda  
busujikon yipmanj imgum.
- 20 Nak da oman amino Dewit kili manjigim, anek  
yipbo ji dakon kila amin madep dagagit.

- 21 Nak tapmimno yipbo unun gat toktogisi egipdamal.  
Nak dakon tapmim da aban teban tokdisak.
- 22 Uwalni da emaron aripmi dima abin yipni.  
Ae amin yokwi da aripmi dima abin yipni.
- 23 Nak da uwalni baman yomdisat, anek amin nandaba yokwi tan imni amin dapbo kimotdan.
- 24 Nak da but dasi galak tan imin kimagek unun gat toktogisi egipdisat.  
Uwal gat emat wamni bisapmon nak da anpuluganapbo pabin yopdisak.
- 25 Nak da miktimni abo tap idap Mediterenian unudon da wasanek kin pakbi madep Yupretis da aripmon kikdisak.
- 26 Anek Dewit da yan nayikdisak, 'Gak Datno ae Pinkopno.  
Gak da tip tebano egek toktogisi anpulugosol.'
- 27 Nak da manjiko monjino mibiltogi dagosak, ae kila amin madep mibiltogi daganek miktimon kila amin madep morap yapman mudosak.
- 28 Nak toktogisi but dasi galak tan imin kimotdisat.  
Anek unun gat sanbek sanbek anapdo sanbek sanbek unun toktok teban tan wigikdisak.
- 29 Toktogisi unun da kabikon kinda da kila amin madep egi egi akdisak.  
Kundu da toktogisi tosok unun da tilak, unun da kabikon kila amin madep kinda da toktogisi Israel amin kila akdisak.
- 30 "Mani babini kabi nawa geno pabin yopni, ae nak dakon gen dima yolni kan,

- 31 bo ae geno do manji iminjek gen tebano dima guraṃni kaṃ,  
 32 yokwini do nandaṃek baljokdisat.  
 33 Mani unun bisapmon kisi nak Dewit but dasi galak taṃ imdisat.  
 Aṃek dima yipmaṃ dekkeṃ, ae unun do yaṃ teban tok aḡim unun dima aṃsuṃ abeṃ.  
 34 Nak unun gat saṃbek saṃbek aḡimak dima kirinḡekeṃ, ae geno kulabik kında dima abeṃ.  
 35 Nak Dewit do yaṃ teban tok aḡim.  
 Nak telagisi, do top dimasi yosot.  
 36 Babikni kabi toktogisi eḡi wugikdaṃ.  
 Gildat da tosok unun da tilak unun dakon diwatni da miṃat aṃinyo bisap dubaḡi kila akdaṃ.  
 37 Kanek da kundukon tosok, unun da tilak tok-togisi yaṃ eḡi wigikdaṃ.”  
 Uwal da kila aṃin madep abiṃ yipgwit bisapmon kunam takgwit  
 38 Mani abisok kila aṃin madep manjiḡil unun do butjap nandaṃ imisal.  
 Kili yipmaṃ dekgil, aṃek manji imḡul.  
 39 Oman amingo gat saṃbek saṃbek aḡimal unun paṃdagagil.  
 Gak da kila aṃin madep pelitni mabi miktimon maṃek yo isali aḡit.  
 40 Gak da kokup papni dakon dam kili tuwilḡil.  
 Yutni tebaisi unun kili tasik tawit.  
 41 Miṃat aṃin morap kapmatjok akwaṃ unun da yo kabini kabo timikgaṃ.  
 Ae aṃin kapmatjok ekwaṃ da yaṃsul aṃ imanṃ.

- 42 Gak da yum pindagaki uwal da emaron abin yipgwit.  
Yan anyominaki kisik kisik awit.
- 43 Gak da abi emat amini emaron dima teban tawit, anek emat bisapmon dima anpulgagil.
- 44 Gak da abin yipgul da kila amin madep sanbenek dima egisak, ae sanbenek minat aminyo kila dima asak.
- 45 Gak da abi amin pelan tepmisi asak, anek mayaktok madepsi da wutjin imisak.

*Pinjkop da panpulgusak do bisit awit*

- 46 Yawe, gak bisap nian da pasildisal?  
Toktogisi, ma?  
Bisap nian da butjapgo kindap da yan tebai sosak?
- 47 Yawe, nin bisap pisipmisok gin ekwaman, do nandan nibi.  
Gak da nin wasagil, mani mibili mini ekwaman da kimak mudokdaman.
- 48 Namn da toktogisi egek aripmi dima kimotjak?  
Namn da tebaisi egek kimakbi tamokon aripmi dima kisak?  
Amin kinda minisi.
- 49 Amin Tagi abisok nin dima galak tan nimisal, ma?  
Dewit gat yan teban tok anek nin but dasi galak tan nim do yagil unun nian?
- 50 Amin Tagi, oman amingo nak do nandaki.  
Amin da nak do yansulan naman.  
Amin Nwaktwari Kabi dakon manji gen yokwini dakon jigim ekdat.

- 51 Yawe, gak da nak kila amin madep manjigil,  
mani uwal da yansul an naman.  
Dukwan dukwan morap kisas yansul an na-  
man gin.
- 52 Nin Yawe dakon man toktogisi awigi kimotneŋ.  
Unun asi.

## PAPIA 4

(Kap 90-106)

### 90

*Piŋkop gat amin gat dakon gen*

Kap on Piŋkop dakon pi amini Moses dakon bisit.

- 1 Amin Tagi, gak nin dakon yutsi yombem.  
Kalip babiknin gagon egipgwit, ae abisokyo  
kisi, nin yan gin gagon ekwaman.
- 2 Kalipsigwan ae don kisi toktok teban egipgul da  
egisal.  
Kabap morap dima noman tawit, ae  
miktimon yo morap dima wasagil, mani  
gak kili egipgul.
- 3 Gak da yan yosol, "Miŋat aminyo ji aesi miktim  
dagoni."  
Yan yanek miŋat aminyo abi kimagek ae  
miktim dagon.
- 4 Gak da bilak 1 tausen unun bisap pisipmisok  
gildat kalongin, apma gildat egapno tepmi  
mudak unun yombem gin yan kosol, ae  
emat amin da kalbi bisap pisipmisok kila an  
unun da arip gin.
- 5 Pakbi da igek amin timik panabikwa kimokgon,  
unuden gak da amin abi kimokgon.

Bisap pisipmisok ekwan, unun dipmin yombem gin pindakgan.

*Unun jon yombem da wisa dagokdo kwan*

- <sup>6</sup> madep tanek tilimni yopmanjan, mani pilindo si kibidan mudon.
- <sup>7</sup> Gak nin do butjap nandisal, do nin panjupbal asal. Gak nin do butjap nandisal, do madepsi pasol-goman.
- <sup>8</sup> Gak da nin dakon yokwi morap kisi pindak mudosol. Yokwi morap pasili aman, unun gak da nomansi yopmanjek pindak mudosol.
- <sup>9</sup> Miktimon egipnejan bisap morapmon butjapgo da kagagwan ekwaman. Egip egipnin mudok do anjakwan yanwik anjek kimokgoman.
- <sup>10</sup> Nin bilak 70 yan da aripmon gin ekwaman. Ae tapminnin toni kan, bilak 80 da arip tagi egipnejan. Mani unun bilak morap ekwamanon, nin pi madepsi aman, anjek jiggi morapmi panalon aman. Unun bilak morap tepmisi kin mudanakwa nin tepmisi pasilgaman.
- <sup>11</sup> Namın da butjap madepgo dakon tapmin unun nandisak? Butjapgo unun madepsi, do amin da gak do pasol pasol madepsi nandani kan, unun da tagi asak.
- <sup>12</sup> Niyin dekbi on miktimon bisap dubagi dima egipdaman yansi nandanen. Yan aki kando nandan kokwin tagisi ban panjek egipnejan.

- 13 Yawe, butjapgo bisap nian da sigin tosak?  
Oman amingo nin do bupmi nandan nibi.
- 14 Wisa dagokdo but dasi galak tan nimanaki but-  
nin kadimisi tosak.  
Yan anaki miktimon egi anan kinej daman  
kisik kisik kap yanek tagisi egipne.
- 15 Gildat nian da jigimngul unun da arip kisik kisik  
nibi.  
Ae bilak nian da yokwisi egipguman unun da  
arip kisik kisik nibi.
- 16 Wasok tapmimi ton asal unun oman amingo nin  
do nolnbi pindatne.  
Ae tilimgo tagisi minat monjyonin do yolnbi  
pindatni dosi nandisat.
- 17 Amin Tagi Pinjopnin, gisamgo ninon tosak do  
nandaman.  
Ninon tanakwan pi morap aman unun bami  
tagisi tosak.  
Asi, panjeban anaki pi aman dakon bami tagisi  
tosak.

## 91

### *Pinjop unun kila aminin*

- 1 Pinjop Wukwi Madep gat ekwan amin unun  
Pinjop Tapmim Ami da yongamwan egek  
yik yawot tagisi an.
- 2 Nak Yawe do yan yosot,  
“Gak da dam madepno aripmi dima tuwili  
egek nak tagisi anjuktanosol.  
Gak Pinjopno.  
Egip egipno gagon tosok yansi nandisat.”
- 3 Pinjop da kilago tagisi anakwan paron dima yok-  
walgi.



- Ae gak nagal anjakwan sot teban gagon dima noman toni.
- <sup>4</sup> Pup da pudigi pirigwan wutjan unjudej Yawe da tagisi anjuktnosak.  
Unjun toktok teban kilago anjek pasikgo asak.
- <sup>5</sup> Kalbi binap bo gildat kalba yo yokwisi kinda da anupbal asak yan do pasol pasol dima abi.
- <sup>6</sup> Ae sot teban kinda da kalbi altan gamjak, bo gildat binap yo yokwisi kinda da gak anupbal asak yan do pasol pasol dima abi.
- <sup>7</sup> Amin 1 tausen gak da kapmatjok kimagakwa ae amin 10 tausen amin tetgo do kimotni kan, unjun yo yokwi gak da kapmatjok aripmi dima apni.
- <sup>8</sup> Dabilgo da si pindagaki Pinjkop da amin yokwi kobogi yokwi yomdisak.
- <sup>9</sup> Yawe Wukwi Madep da yongamgwan egipbi kan,  
<sup>10</sup> yo yokwisi gagon aripmi dima noman toni.  
Ae sot teban gak da yut da kapmatjok aripmi dima apni.
- <sup>11</sup> Kosit morap agipbikon Yawe da anjeloni pi yoban kilago akdan.
- <sup>12</sup> Anjakwa kandapgo tipmon tidoki yan do gak kisit da bedan awildan.
- <sup>13</sup> Gak da laion emari yokwi gat ae tunjon amin emari ton gat baman misijitdisal.
- <sup>14</sup> Yawe da yan yosok,  
“Amin nak do but dasi galak tan naman unjun yokwikon ban timikgen.  
Amin nak dakon man do nandan teban ton unjun panjuktnoken.

- 15 Nak do bisit aba bisitni nandan yoben.  
 Ae jigi noman tan yomni kan, nak unun gat egipnen.  
 Nak da yokwikon ban timigek man madep yoben.
- 16 Nak da yokwikon ban timigek egip egipni sanbeko dubagi anakwan tagisi nandakdan."

## 92

### *Pinjkop ankisik kap*

Kap on Sabat bisapmon Pinjkop gawak iminek yogogi.

- <sup>1</sup> Yawe, gak Pinjkop Wikwisi egisal.  
 Ya yan yanek kap yanek mango anksinen kan unun tagisi.
- <sup>2</sup> Wisa dagok morap gak da nin do but dasi galak tan nimal unun do yan tentenok anen kan unun tagisi.  
 Ae kalbi morap bisapmi bisapmi panpuluganek dima nipman dekdal unun do yan tentenok anen kan unun tagisi.
- <sup>3</sup> Gita napmi 10 kabi dakon ae gita napmi morapmi ton unun ban tidanek kisik kisik anek unun dakon yan tentenok anen kan unun tagisi.
- <sup>4</sup> Yawe, gak yo tagisi asal unun do nandanek butno tagisi asak.  
 Kisitgo da pi asak unun do nandanek kisik kisik kap yosot.
- <sup>5</sup> Yawe, gak pi tapmimi tonasi asal.  
 Nandak nandakgo unun ilarisi.
- <sup>6-7</sup> Amin yokwi jon yombem tagi kwon, ae yo morapmi timigek tagisi ekwan.  
 Mani gak da wagisi panupbal akdisal.

- Amin nandak nandakni mini ae nandan kok-  
wini tagi dima amin on yo morap do aripmi  
dima nandan pisoni.
- 8 Mani Yawe gaga kila amin madep toktok teban  
egi wigisal.
- 9 Yanji nandan, amin gak do uwal an gaman,  
unjun kimotdan.  
Yo yokwi an amin pabin yopbi birapmigi duk-  
wan dukwan kikan.
- 10 Mani gak da tapmim madep namgul unjun jon  
bulmakau wili dakon tapmim yombem.  
Gak da yo tagisi an namisal, do but galaksi  
nandisat.
- 11 Dabilno da pindagapbo uwalno tasik tan mu-  
dawit.  
Mirakno yopmanek uwalno yokwisi dakon  
kunan wiwik nandagin.
- 12 Amin kilegi unjun silbat da yan madepsi taganek  
bami tokdan.  
Sida kindap Lebanon miktimon ton unjun da  
tilak tagokdan.
- 13 Amin kilegi unjun Yawe da yutnon kili kwaokbi.  
Pinkopnin da yutnon egek madepsi tagon.
- 14 Amin pelan anek bami sigin tokdan.  
Tagisi tanek tami dima biripmigi manek  
kalikaligi sigin tokdan.
- 15 Anek yanji yan tenjenokdan, “Yawe unjun anpakni  
kilegi gin.  
Unjun tip madepnin egisak, ae yokwini kind  
dimasi tan imisak.”

- <sup>1</sup> Yawe unun kila amin madep egisak.  
 Kila amin madep dakon imal pasak.  
 Asi, kila amin madep dakon imal pasak, ae  
 tapmimni unun madepsi.  
 Miktim daman unun wasanban tebaisi tosok,  
 aripmi dima puwen kisak.
- <sup>2</sup> Yawe, gak kila amin madep yityit tamogokon  
 kalipsigwan kilisi yikgil.  
 Yo morap dima noman tanakwa gak kilisi  
 egipgul.
- <sup>3</sup> Yawe, tap pakbi madep unun da madepsi  
 tamalikgan.  
 Anek wiwik madepsi yanek sulukwan, ae  
 ilenikon tebaisi tidon.
- <sup>4</sup> Mani Yawe, gak dakon tapmingo unun pidanbisi.  
 Tap pakbi madepsi tamalikgan unun dakon  
 tapmim yapmandak, ae ilenikon tidon unun  
 dakon tapmim yo kisi yapmandak.
- <sup>5</sup> Gak dakon gen tebango unun toktogisi tokdan.  
 Yawe, gak dakon yut dagok dagogi mini  
 telagisi tokdisak.

## 94

*Pinkop da amin yokwi morap pabin yopmanek  
 amin kilegi morap panpulugokdisak*

- <sup>1</sup> Yawe, gak Pinkop, gak da yokwi pakpak amin  
 yokwi an dakon kobogi yomisal.  
 Do abisok butjapgo yolinjaki tilimgo koni.
- <sup>2</sup> Miktim daman dakon gen kokwin amin madep  
 pidoki.

- Abisok abin̄ek iyi do nandaba wigisak amin dakon anpak yokwini do kobogi yokwisi yobi.
- <sup>3</sup> Yawe, bisap nian da amin yokwi da anpakni do kisik kisik ani?
- <sup>4</sup> Amin yokwi da iyi do nandaba wigakwa anpak yokwini an unun do pibit tidok an.
- <sup>5</sup> Yawe, minat amin kabi gaga do manjigil, amin da pabin yopmanek jig madepsi yoman.
- <sup>6</sup> Unun da sakwabat gat, ae minat monjiyo meni datni yopman kimakgwit gat, ae amin kokup ηwakηwarikon da apgwit da miktinninon ekwan, unun dapba kimokgon.
- <sup>7</sup> Anek yan yon, “Yawe da nin dima nindasak. Israel amin dakon Pin̄kop yo nin da aman unun do nandaba kik dima asak.”
- <sup>8</sup> Nandak nandakji mini amin, mirak yopmanek butji pisoni!  
Ji ηugigisi. Ni bisapmon nandan kokwin tagisi amin dagoni?
- <sup>9</sup> Pin̄kop da miraknin wasagit, do aripmi dima nandisak, ma?  
Ae dabilnin wasagit, do iyi aripmi dima siηtosak, ma?
- <sup>10</sup> Minat amin kabi egi an an kwan kobogi yokwi yomisak, do ji do kobogi yokwi aripmi dima damjak, ma?  
Unun minat amin morap kisi dakon yoyin̄detni. Unun nandak nandakni mini, ma?
- <sup>11</sup> Yawe da minat amin morap kisi dakon nandak nandak kili nandan mudagit.

- Unun nandisak, yo morap ak do nandan, unun bami tagisi dima noman tokdan.
- 12 Yawe, gak da amin kinda anmilip akdo tepmi iminek nawa gengo iyin dekgi kan, unun amin kisik kisik tagi asak.
- 13 Jigi bisapmon gak da yik yawot imisal.  
Yanjin egakwan amin yokwi kimagek miktim kagagwan pikwan.
- 14 Nido, Yawe da minat amini aripmi dima yopman detjak.  
Asisi, minat amin kabi iyi do manjigit unun manji aripmi dima yomjak.
- 15 Ae don anpak kilegikon da gen kokwin akdan.  
Anakwa amin kilegi da unun yoldan.
- 16 Namin da nak anpuluganek amin yokwi pabin yopjak?  
Namin da nak anpuluganek amin gulusun an unun pabin yopjak?
- 17 Yawe da nak dima anpulugagit tam, bisap dubak dima kimakbi tamokon pakgim.
- 18 Nak yan nandagim, "Kandapno sagalegi, do kili unun man nitdisak."  
Mani dima. Yawe, nak do but dasi galak tan naminek abidanaki dima magim.
- 19 Butjik nandagim bisapmon, butno anteban anek anpuluganbi kisik kisik agim.
- 20 Gak kila amin yokwi gat pi dima an.  
Unun amin da minat aminyo anpak yokwi tagi ani do gen teban yopmanan.
- 21 Unun muwugek amin kilegi panupbal ak do gen yan anteban an.  
Ae gulusun dima an amin dapba kimotni do gen yan yoman.

- 22 Mani, Yawe dam madepno aripmi dima tuwili egisak.  
Piŋkopno da tagisi anġutnosok.
- 23 Uŋun anġpak yokwi awit dakon kobogi yomdisak.  
Yokwini uŋun nandanġ yomisak, do dapban kimotdanġ.  
Asi, Yawe Piŋkopnin da obisi panġtasik akdisak.

## 95

### *Piŋkop anġkisik kap*

- 1 Apba kisik kisik kap Yawe do yono!  
Piŋkop tip madepnin yokwikon ban pulugaŋ nipgut uŋun do nandanġek yaŋ tidanġek kisik kisik kap yono.
- 2 Uŋun da kapmatjok kiŋek ya yaŋ iyinenġ.  
Anġek kisik kisik kap yaŋek mani anġkisino.
- 3 Nido Yawe uŋun Piŋkop tapmimi tonġsi egisak.  
Uŋun Kila Amin Madep tapmimi tonġsi egek amin da piŋkopnin yaŋ yonġ yo morap yapmanġ mudosok.
- 4 Miktim galegi ae kabap miktim kisi uŋun iyi dakon.
- 5 Miktim gat tap gat kisi iyi wasagiġ, do kisi bamot iyi dakon gin.
- 6 Ji apba nġwakbenġ anġek gawak imno.  
Yawe uŋun da nin wasanġ nipgut.
- 7 Uŋun Piŋkopnin egisak.  
Nin sipsip kabini, do nin dakon kila anġek jappnin nimisak.  
Abisok geni nandanġ imni.

- 8 Yawe da yaŋ yosok, “Kalip babikji da miƙtim kibiri timon, Meriba ae Masa miƙtimon, but teban awit.  
Ji yaŋ dima ani.
- 9 Yo agim uŋun pindakgwit, mani nak aŋkewal do pi madepsi awit.
- 10 Nak bilak 40 uŋun amin do butjap nandan yomgum.  
Aŋek yaŋ yaƓim, ‘Butdasi nak dima nolgaŋ.  
Nak dakon gen dima guramikgaŋ.’
- 11 Yaŋdo, nak japtaŋek yaŋ yoyiƓim, ‘Asi dayisat, ji nak dakon yik yawot kokupgwan dimasi piƓini.’”

## 96

### *Piŋkop da miŋat amin kabirikon aŋpak tagisi asak*

- 1 Yawe do kap kaluƓi kindi yaŋ imni.  
Miƙtimi miƙtimi amin ekwaŋ, ji Yawe do kap yaŋ imni.
- 2 Yawe do kap yaŋ imiŋek mani aŋkisini.  
Giɗdari giɗdari amin yokwikon baŋ timik timik asak uŋun dakon geni yaŋ tenŋeŋoni.
- 3 Amin kisisi miƙtimi miƙtimi ekwaŋ tilimni gat ae yo masi masimisi asak uŋun do yaŋ tenŋeŋaŋ yomni.
- 4 Yawe uŋun waƓil tagisisi, do aŋkisiŋ kimorisi.  
Uŋun kokup kidat morap yapmaŋdak, do si pasal imimisi.
- 5 Miƙtim diwari dakon piŋkopni uŋun kokup kidat dakon wupmi Ɠin.  
Mani Yawe da kundu wasaƓit.



- 6 Yawe unun kila amin madep egek man madepni tan imisak.  
Tapmimni madep gat ae yo morapni kildani tagisi telagi yutnikon tan iman.
- 7 Minjat amin kabi morap, yan simil anek Yawe dakon tilimni gat ae tapmim madepni gat do yoni.
- 8 Yan simil anek tilim madepni do nandanek Yawe ankisini.  
Paretji timigek Telagi Yut Madepni da nagalgwan pigini.
- 9 Unun telagisi ae tilimni njwakjwarisi, do Yawe gawak imni.  
Amin miktimi miktimi ekwan, ji nimnimigek pasal imni.
- 10 Miktimi miktimi egi anan kwan unun dakon amin yan yoyini, "Yawe unun kila amin madep egisak.  
Unun da miktim daman anteban aban wayin dima asak.  
Yawe da don gen kokwin pi kilegisi anek amin dakon anpak kokwin akdisak."
- 11 Kundu gat miktim gat, jil kisik kisik anjil.  
Tap idap, gak wayin madepsi anek kisik kisik abi.  
Ae yo morap tap kagagwan ton, jiyo kisi kisik kisik ani.
- 12 Jap pi gat ae yo morap unungwan ton, ji kisik kisik ani.  
Unun bisapmon kindap morap koron ton unun kisik kisik kap yokdan.

13 Yawe da buron kisik kisik akdan, nido Yawe abin gen kokwin anek miktim daman kisi dakon minat aminyo dakon anpak kokwin an yomdisak.

Anpak kilegikon da, ae gen bamikon da, miktimon minat amin morapyo gen kokwin anyomdisak.

## 97

### *Pinjop unun kila amin madep mibiltogi*

1 Yawe unun kila amin madep egisak. Miktim gak kisik kisik aki.

Miktim tim tap binap ton ji but galak nandani.

2 Gikwem gat ae pilin gat da anawasamal.

Anpak kilegikon da amin kila asak.

3 Kindap da mibil tan iminek uwalni anwasinjek ekwan unun sonban pasigan.

4 Unun da malni yopban miktim tenjenosok.

Miktim da kanek nimmikdak.

5 Yawe apban kanek kabap da pakbi dagon.

Unun miktim morap kisi dakon Amin Tagi egisak.

6 Kundu da anpakni kilegi do yan tenjenok anakwan minat amin morapyo da tilimni kon.

7 Amin kokup kidat gawak yominjek pankisan unun mayak tok pan.

Kokup kidat, ji Yawe gawak imni.

8 Saion kokup pap amin gat, ae Juda miktimon kokup pap tan anan kwan unun dakon amin gat da unun nandanek, gen kokwin tagisi asal unun do but galak nandanek kisik kisik an.

- 9 Nido Yawe gak Pinƙop Wikwisi egek miktım morap kisi kila asal.  
Gak pinƙop nƙaƙwari morap kisi yapmanek mango wukwisi tosoƙ.
- 10 Ji Yawe but dasi galak taƙ iman amin, ji anƙak yokwi do nandaba inanisı asak.  
Iyi dakon telagi amin kabini, yokwi an amin da kisiron baƙ timigeƙ kilani asak.
- 11 Pinƙop da amin kilegi tenƙenƙan yoban kisik kisik paƙ.
- 12 Amin kilegi, ji Yawe kisik kisik animinƙek mani telagi do nandanek ya yaƙ iyini.

## 98

*Pinƙop unun amin morap dakon kila amin madepni*

- 1 Yawe da yo masi masimisi agit, do kap kalugi kında yaƙ imno.  
Tapminni madepsi ae anƙakni telagi, do emaron teban tagit.
- 2 Yawe emaron teban tagit unun dakon yaƙ tenƙenƙok agit.  
Anƙakni kilegi yolınban miktımi miktımi amin kisi da kawit.
- 3 Israel amin do but dasi galak taƙek dima yopman det do yaƙ teban tok agit unun do sigin nandisak.  
Pinƙopnin da emaron teban taƙek nin yok-wikon baƙ pulugaƙ nipgut, unun miktımi miktımi amin ekwan unun da kili kawit.
- 4 Miktım amin morap, ji yaƙ tidanek Yawe anƙisini.  
Kisik kisik kap yaƙek anƙisini.
- 5 Gita tidanek kap yaƙek Yawe anƙisini.

- <sup>6</sup> Kwen gat ae kasisin gat pisonok yan tidanek kisik  
kisik anek Yawe ankisini.  
Unun Kila Amin Madep egisak.
- <sup>7</sup> Tap gat yo morap tapgwan ton, ji yan tidoni.  
Miktim gat amin miktimon ekwan, jiyo kisi  
yan tidoni.
- <sup>8</sup> Pakbi madep ji kisit tidoni.  
Kabap ji kisik kisik anek kap yoni.
- <sup>9</sup> Ji kisisi Yawe da buron kisik kisik anek kap yoni,  
nido Yawe miktim amin morap gen kokwin  
an yom do abisak.  
Gen kokwin kilegisi akdisak.

## 99

### *Pinjop unun kila amin madep mibiltog:*

- <sup>1</sup> Yawe unun kila amin madep egisak.  
Miktimi miktimi amin ji pasal nimnimikyo ani.  
Kila amin madep tamonikon yigakwan anelo  
madep serabim da teri teri akgan.  
Anakwa miktim wudip asak.
- <sup>2</sup> Saion kokup papmon unudon Yawe tapmim  
madepni tan imisak.  
Ae unun da minat amin morap kisi dakon man  
yapmanek mani da wikwisi asak.
- <sup>3</sup> Amin kisi da mango madepsi ae masi masimi  
unun do yan ankisin kimotnisi.  
Gak telagisi.
- <sup>4</sup> Kila amin madep tapmimi ton gak anpak kilegisi  
unun do galagisi nandisal.  
Gak da Israel amin nin do anpak tagisi gat ae  
anpak kilegi gat nibi yolgaman.

- Gak da Israel miktimon gen kokwin kilegi gat  
ae anpak kilegi gat asal.
- <sup>5</sup> Ji Yawe Piŋkopnin anksini.  
Uŋun telagi egisak, do burikon kinjek gawak  
imni.
- <sup>6</sup> Moses gat Aron gat Yawe dakon mukwa sogok  
amin egipgumal.  
Ae Samuel yo kisi mani yanjek gawak imgwit  
amin kabikon nani kindi.  
Uŋun da Yawe do bisit aba bisitni nandan  
yomgut.
- <sup>7</sup> Gikwem timi kindi dubagisi wigisak unudon egek  
gen tebani yomgut.  
Yoban gen teban morap Piŋkop da yomgut  
unun guramikgwit.
- <sup>8</sup> Yawe Piŋkopnin, gak da miŋat aminyogo dakon  
bisitni nandan yomgul.  
Gak da diwarini wiririk yomgul, mani gu-  
lusunni dakon kobogi do jigi yomgul.
- <sup>9</sup> Yawe Piŋkopnin unun telagi, do mani awigek iyi  
da telagi kabapmon gawak imneŋ.

## 100

### *Piŋkop ya yan iyik dakon kap.*

- <sup>1</sup> Amin miktimi miktimi ekwan ji kisik kisik anjek  
yan tidanek Yawe anksini.
- <sup>2</sup> Ji but galagon da Yawe gawak imni.  
Kisik kisik kap yanjek unun da kapmatjok kini.
- <sup>3</sup> Yawe unun Piŋkop yansi nandan imni.  
Uŋun da iyi nin wasan nipgut.  
Nin unun dakon gin.

- Nin unun dakon minjat amin kabini, nin sipsip kabini iyi pawilakwan ekwaman.
- 4 Telagi yut madep da nagalgwan pigekek ya yan iyinekek ankisine.
- Nin ya yan iyinekek mani yan anenotne.
- 5 Nido Yawe unun tagisi.  
Dagok dagogi mini amin do but dasi galak tan yomisak.  
Babikon da babikon geni anteban anek amin kabini panpulugan anan kikedisak teban.

## 101

### *Kila amin madep dakon yan teban tok*

Dewit dakon kap kinda.

- 1 Yawe, nak amin do but dasi galak tan yomisak, ae amin dakon anpak kokwin kilegisi asal unun do kap yoken.
- Nak gak ankisik do kap yoken.
- 2 Nak anpak kilegi ban gin yolgen.  
Yawe, ni bisapmon gak abin nak anpulugoki?  
Nak naga da yutnon anpak kilegi ban gin aben.
- 3 Nak yo injani kinda dimasi koken.  
Pin kop manji iman amin dakon anpak do dima galak tosot.  
Nak unun gat kalonji dima agipne.
- 4 Nak butnokon da yokwi di dima aben.  
Ae anpak dima agagi do nandak nandak dima aben.
- 5 Nak da amin do yanba yokwi tok an amin obisi panupbal akdisat.

---

**100:5:** 1KAG 16.34; 2KAG 5.13; 7.3; Esr 3.11; Kap 106.1; 107.1; 118.1; 136.1; Jer 33.11

- Iyi do nandaba wigisak amin gat dima egipnenj.
- <sup>6</sup> Nak amin Pinjkop yolganj unun ban galak tan yobenj, ae unun gat gin nak da yutnon tagi egipnenj.
- Amin toktogisi anpak kilegi anj, unun amin dagin oman amino egipni.
- <sup>7</sup> Jamba but amin nak da yutnon dima egipni, ae top yonj amin nak gat dima egipnenj.
- <sup>8</sup> Gildari gildari amin yokwi miktinninon ekwan unun panupbal ak do pi abenj.
- Nak da amin anpak yokwi anj amin wiririgapbo Yawe da kokup papmon sanbenjek dima egipni.

## 102

### *Amin kinda da jigi panjek bisit asak*

- Amin kinda jigi panjek tapminni minisi anakwan Yawe da anpulugosak do bisit agit.
- <sup>1</sup> Yawe, bisitno nandaki. Nak gak da anpulugoki do yanj tidosot.
- Nak dakon kunamno nandanj nabi.
- <sup>2</sup> Jigi madepsi pakenj bisapmon dima gandakenj yanj do dima pasilgi.
- Bisitno nandaki.
- Gak do yanj tidokenj bisapmon tepmisi nandanjek nak anpulugoki.
- <sup>3</sup> Egip egipno unun mukwa da yanj bisap pisipmisok tanjek pasilganj unun yombem.
- Kindap madep da sosok unun da tilak giptimno tepmisi sosok.
- <sup>4</sup> Amin da jonj kibidanjbi bamonj unudenj nak yokwisi egisat.

Do jap nok do dima galak tosot.

<sup>5</sup> Nak iyon iyon yosot, ae giptimno madep dima, nak kidari ginsi.

<sup>6</sup> Nak singin da yan miktim kibiri timon yokwisi egisat.

Ae kalbi dakon minam da kokup amin da antasik abi do amin da aripmi dima egipmi timon ekwan unun da arip egisat.

<sup>7</sup> Nak dipmin potpot tamokon pokdot, mani dabilno si sintan egisak.

Bupmisi, nak minam kinda da yut kwenon yikdak unun da tilak nak naga gin egisat.

<sup>8</sup> Gildat kinda kalon uwal da nak gen yokwi nayan. Tasik token do yanek yansul an naman.

<sup>9-10</sup> Gak nak do butjap madepsi nandisal, do abilak banjin nosot, ae dabil pakbino kapmon manba pakbi gat kisi nosot.

Nak sibat sibat ban yan abidan mabi timi kindakon kigin.

<sup>11</sup> Pilindo gildat da pigisak unun da aripmon egip egipno bisap pisipmisok gin.

Nak jon da kibidon unun yombem.

<sup>12</sup> Mani Yawe, gak kila amin madep toktogisi egisal.

Mango unun wukwisi, do minat aminyo don altokdan unun da gak nandan gamdan.

<sup>13</sup> Abisok abin Saion kokup pap do bupmi nandan iminek anpulgoki.

Bupmi nandan ibi dakon bisap kili noman tak. Abisok bupmi bisap.

<sup>14</sup> Saion kokup pap unun yokwi tak, mani oman amingo da yut agak tip morapni do but dasi galak tan yoman.



- Abisok yokwi tak, mani kosit madepni dakon  
kimbaban pindagek unun da but yokwi  
yomisak.
- 15-16 Pin kop da Saion kokup pap aeni wasanek  
tilimni minat amin kabikon yolikdisak.  
Anjakwan minat amin kabi morap Yawe do pa-  
solni, ae miktim dakon kila amin madep  
morap tilimni do pasal imdan.
- 17 Unun giptim dakon yo do wadan amin unun  
dakon bisitni nandan yomdisak.  
Bisit aba sanbenek manji dima yomdisak.
- 18 Yo unun Yawe da asak unun papiakon mandano  
babi kabi don altoni da Yawe da pi unun agit  
dakon gen nandanek mani awigini.
- 19 Gen unun yan mandanen, “Yawe iyi da telagi  
kokupmon kwen egek sinjanban pigit.  
Unun Kwen Kokup egek sinjanban miktimon  
pigit.
- 20 Anek dam tebanon amin jigi panek kunam  
tagakwa nandagit.  
Ae dapba kimotni do yanbi amin unun pulu-  
gan yopban kiwit.”
- 21 Yan agit do Saion minat aminyo da Yawe dakon  
man yan tenjenoni.  
Jerusalem minat aminyo da ankisini.
- 22 Unun bisapmon minat aminyo gat ae kila amin  
madepni gat Yawe gawak im do Jerusalem  
muwugek yan akdan.
- 23 Nak tagan amin madep egapbo Yawe da  
tapmimno anupbal anek bisapno anpisip  
agit.
- 24 Do nak yan iyigim, “Pin kopno, toktok teban  
egisal.

- Nak amin pelan dima at, do egip egipno abisok  
dima gwayeki.
- 25 On miktim dakon teban tokni kalipsigwan kili  
yipgul da tosok.  
Ae kundukon yo morap ton unun gak dakon  
kisit kilda.
- 26 Kundu gat miktim gat tasik tokdamal. Imal  
giranji da pudan kwan, unun da tilak yokwi  
tokdamal.  
Amin da imal kulabik an, unun da tilagon gak  
da kulabik anjaki sanbenek dima tokdamal.  
Mani gak toktok teban egipdisal.
- 27 Gak kulabik dima anek yan gin egipgul da egisal.  
Gak dagok dagogi mini egi wigikdisal.
- 28 Oman amingo nin dakon minjat monjiyo gak da  
buron egipdan.  
Ae unun dakon diwatni panpuluganaki gak gat  
tagisi egipdan.”

## 103

### *Pin kop da nin do but dasi galak tan nimisak*

Dewit dakon kap kinda.

<sup>1</sup> Yawe anjisiken.

Nak butno nan yan iyisat, gak gwiniambil mani  
telagi anjisiki.

<sup>2</sup> Yawe anjisiken.

Nak do yo morap tagisi asak unun do dima  
in token.

<sup>3</sup> Unun da diwarino kisisi wiririk namisak.

Ae sotno kisisi panmilip aban kilek tosot.

<sup>4</sup> Yawe da yokwikon ban puluganban dima  
kimokdot.

- Ae but dasi galak taŋ namineŋek bupmi nandan  
namisak.
- 5 Yo tagisi do galak tosot unun aripnokonsi  
namisak.  
Yaŋ anjakwan nak aeno amin kalugi daganek  
singin da yaŋ tapmimi toŋ agisat.
- 6 Amin da pabin yopmanakwa yokwi ekwan amin  
Yawe da anpakni kilegikon da gen kokwin  
tagisi an yomisak.
- 7 Kalipsigwan yo morap ak do nandagit unun  
Moses nan iyigit.  
Ae pi tapmimi toŋ agit unun Israel amin do  
yolinban pindakgwit.
- 8 Yawekon bupmi ae nandan yawotyosok.  
Unun butjap tepmi dima nandisak, ae amin do  
but dasi madepsi galak taŋ yomisak.
- 9 Bisapmi bisapmi yokwi aman do gen dima yaŋ  
nimisak.  
Ae butjapni bisap dagok dagogi mini dima taŋ  
anjan kisak.
- 10 Diwarinin dakon kobogi yokwisi timiri mani  
dima nimisak.  
Nin yokwi morapmisi aman unun dakon  
kobogi do yo jigisi timiri mani dima nimisak.
- 11 Nido amin iyi do pasal iman amin unun but dasi  
galak taŋ yomisak.  
Butdasi galak taŋ yomyomni unun pidanbisi,  
miktin yapmanek kwensi ason kundu  
tosok unun dakon tilak.
- 12 Gildat wisagon da si pigisak tet unun dubagisi.  
Unun da tilak Pin kop da diwarinin wiririkban  
dubagisikon toŋ.

- 13 Dat da miñat monjiyoni do bupmi nandan yoman unun da tilak Yawe da amin iyi do pasal iman amin do yansi nandan yomisak.
- 14 Nido tapmimnin madep dima, nin miktım gin yan nandan nimisak.
- 15 Amin nin jon yombem egip egipnin pisipmisok. Nin jon dakon jareni yombem da bisap pisipmisok egek kibidoman.
- 16 Mirim da jareñ pañwayin aba manakwa amin da jareñ sanbek dima pindakgan.
- 17 Mani Yawe da toktok teban miñat aminyo pasal iminek ekwan unun do but dasi galak tan yomisak.  
Ae babak don altoni unun do anpak kilegisi an yomdisak.
- 18 Yawe da sanbek sanbek agit unun yolek geni guramikgan amin do yo tagisi an yomdisak.
- 19 Yawe Kwen Kokupmon kila amin madep yigek yo morap kila asak.
- 20 Anelo tapmimi madepsi kabi, ji Yawe dakon geni do mirak pakyanisi yopmanek guramik kimokgon kabi, ji Yawe ankisini.
- 21 Ji Yawe dakon pi amin Kwen Kokup egek galak-tokni yolek omani an, ji Yawe ankisini.
- 22 Yo morap Yawe da wasagit da kilani asak unun dukwan dukwan tan anan kwan, ji Yawe ankisini.  
Nak Yawe ankisiken.

## 104

*Piñkop yo morap wasagit, do mani awigino*

- <sup>1</sup> Nak Yawe ankisiken.

- Yawe Pinkopno, gak wukwisi.  
 Gak kila amin madep mibiltogi ae man  
 madepgo ton.
- <sup>2</sup> Amin da imal ban giptimni wamanjan unuden,  
 gak gaga nan tenjen nan wamanjal.  
 Amin da imal yut ilikba pikwan unuden, gak da  
 kundu gat ae gik morap gat yopmanjal.
- <sup>3</sup> Anjek yutgo kwen ason pakbi kwenon asal.  
 Gikwem da os da amin ilik pawilgan tamo  
 timgo daganakwan mirim da gak anan kisak.
- <sup>4</sup> Gak da mirim yabekbi unun da gengo anan kisak.  
 Ae gak da abi mal da oman amingo dagon.
- <sup>5</sup> Gak da miktim on yipgul da tamonikon wagil  
 tebai toso,  
 ae aripmi dima duwalik kisak.
- <sup>6</sup> Gak da tap idap yipbi imal da yan miktim wutjigit.  
 Anaki pakbi da kabap morap kisi wutjigit.
- <sup>7</sup> Mani don tap idap tebai iyinbi duwalik kigit.  
 Tap idap gak da tebai yanbi nandanek timentim  
 yanek kigit.
- <sup>8</sup> Tap idap kabap morap yipman degek miktim  
 kuldugi timon pigigit.  
 Gak da tap idap unudon tosak do yagil da  
 abisok unudon toso.
- <sup>9</sup> Gak da tilak kili yipgul, do tap idap tilak unun  
 dima iratjak.  
 Tap idap miktim morap aeni dima wutjisak.
- <sup>10</sup> Kabap da galegikon miktimgwan pakbi dabil  
 panoman anaki pakbi pagek kuldugi timon  
 pukwan.
- <sup>11</sup> Jon bit kilapyo pakbi unun ban non, ae jon donki  
 kisi unun pakbi non, anek tekni panyawot an.

- 12 Pakbi ilenon kindap ton, minam unudon yutni  
anek kindap kilinon yigek gen yon.
- 13 Gak kokupgokon kwen egek sikak yipbi kabap  
morapmon mon.  
Pi asal dakon bami da on miktimon tugosok.
- 14 Gak da bulmakau da noni do jon yopbi kwon.  
Ae yo mibili mibili abi kwanakwa nin jap  
unudon paman.
- 15 Nin wain nok do wain sop paman, anek but  
galaksi nandaman.  
Ae tomno dabilnin sono gulgwa ani yan do  
olip dakon nelagi paman.  
Ae jap da giptimnin panjeban ani do pigaga jap  
paman.
- 16 Sikak manakwa Lebanon dakon kindap dakon  
geli da pakbi morapmi ilikgan.  
Yawe dakon sida kindap unun kalipsigwan iyi  
kwaokgit.
- 17 Unun sida kindapmon minam da yutni an.  
Ae bilak minam unun kwat kwenon yutni  
unudon an.
- 18 Jon meme kabap madepsikon akwan.  
Anakwa misan kabap dakon tip madep da  
panyongam anakwa ekwan.
- 19 Gak da kanek wasagil da unun da bilak dakon  
kanek morap dakon tilakni asak.  
Ae gildat dabil ni bisapmon pigisak unun gildat  
da iyi nandisak.
- 20 Gak da pilin tuk abi noman tanakwan koron jon  
bit kilapyo akwan.
- 21 Laion kilap wisinjek madepsi yan tidon.  
Pinjop gak da kilap wisan unun yomisal.

- 22 Gildat wisak bisapmon tamonigwan si panji pokgoŋ.
- 23 Anakwa amin pidaŋ kiŋ pini anakwa wigi gildat pigisak.
- 24 Yawe, gak da yo morapmi wasagil.  
Gak nandaŋ kokwin anek yo morap unun wasagil.  
Gak da yo morap wayiŋ anek ekwaŋ wasagil unun on miktimon tugaŋbisi.
- 25 Tap idap unun madepsi.  
Tap kilap madep ae moniŋ moniŋ morapmisi gat ae yo diwari gat kisi unungwan ekwaŋ.  
Nin da aripmi dima manjitneŋ.
- 26 Tap kwenon tap wakga kiŋ ap anakwa tap kilap madepsi wasagil unun tap pidaŋek kisik kisik anek wigi mok aŋ.
- 27 Unun kisisi jap do aŋ bisapmon gak da upmokgi do jomjom aŋ.
- 28 Gak da jap yomiŋaki noŋ.  
Gak da upmagaki buri tugoŋ.
- 29 Mani manji yomiŋaki si pasolgoŋ.  
Ae mirim gwayesal bisapmon kimagek miktim dagoŋ.
- 30 Gak da egip egip dakon mirim yobi egip egip kalugi abidoŋ.  
Yo morap panjaluk anaki miktimon kalugisi toŋ.
- 31 Yawe dakon tilimni dagok dagogi mini taŋ anan kisak dosi nandisat.  
Anakwan yo morap wasagit do kisik kisik asak.
- 32 Unun miktimon siŋtaŋban miktim wudip asak.

- Kisitni kabapmon yopban mukwa pidoŋ.
- <sup>33</sup> Nak si egipben bisapmon Yawe do kap yokenŋ.  
Nak miktimon egi añaŋ kıkdisat uñun da  
aripmon Pinƙopno sigin yaŋ aŋkisikenŋ.
- <sup>34</sup> Nak Yawe do kisik kisik asat.  
Do uñun da nandak nandakno do galak tosak  
dosi nandisat.
- <sup>35</sup> Yawe, yokwi aŋ miŋat aminyo paŋupbal aki.  
Nak amin yokwi wagil pasilni do nandisat.  
Nak Yawe aŋkisikenŋ.  
Yawe aŋkisini!

## 105

### *Pinƙop gat miŋat amin kabiyoni gat dakon kap*

- <sup>1</sup> Yawe bisit iyineŋ ya yaŋ iyino.  
Pi madep madep agit uñun dakon geni yoyino  
miktimi miktimi amin da nandani.
- <sup>2</sup> Kap yaŋek mani aŋkisineŋ wasok tapmimi tonŋi  
morapmi agit uñun do yaŋ tenŋeŋono.
- <sup>3</sup> Mani telagi aŋkisinenŋ.  
Amin morap Yawe gawak im do uñun da kap-  
matjok kwan uñun kisik kisik madep ani.
- <sup>4</sup> Bisapmi bisapmi Yawe da kapmatjok kiŋek  
paŋpulugaŋek tapmim nimjak do sigin  
iyinenŋ.
- <sup>5-6</sup> Ji Yawe dakon oman amini Abraham dakon  
babini kabi, ji Jekop da kabikon nani, Yawe  
da iyi do manjikbi kabi, Yawe da pi tapmimi  
tonŋ ae yo masi masimi agit uñun do aesi  
nandani.  
Ae amin yokwi do kobogi yokwi yomgut uñun  
do nandani.
- <sup>7</sup> Yawe uñun Pinƙopnin.



- Uñun da miktimi miktimi miñat amin morap kilani asak.
- <sup>8</sup> Yawe da sanbek sanbekni nin gat toktogisi agit.  
Dagok dagogi mini sanbek sanbekni do nandan egisak.
- <sup>9</sup> Yawe da Abraham gat sanbek sanbek uñun agit.  
Uñun sanbek sanbek agit uñun dima kirinjit do Aisak nan yan teban tok an imgut.
- <sup>10</sup> Ae Jekop, Israel amin dakon babi, sanbek sanbek uñun toktogisi tosak do Yawe da iyigit.
- <sup>11</sup> Uñun da yan yagit, “Nak da Kenan miktim gak do gaben.  
Miktim uñun babigoni do tosak.”
- <sup>12</sup> Kalip Israel amin kalonjok, ae apbi amin yombem da egipgwit.  
Asi, Kenan miktimon egipgwit, mani iyi dakon miktim uñun mini.
- <sup>13</sup> Uñun amin ñwakñwari da miktimon agi agi awit.
- <sup>14</sup> Mani, Yawe da yum pindagakwan amin di da dima pabin yopgwit.  
Panpuluganek kila amin madep yokwi anyom do nandawit uñun tebai yoyigit.
- <sup>15</sup> Kila amin madep uñun yan yoyigit, “Miñat aminyo uñun nak dakon pi ani do manjigim, do anpak yokwi dima anyomni.  
Nak dakon kombi amino do yokwi dima anyomni.”
- <sup>16</sup> Yawe da aban Kenan miktimon jap do madepsi awit.  
Anek japni panpasil agit.

- 17 Mani Josep yabekban unun da mibil tanek unun da kalip pan̄ki Isip miktimon egipgut.  
 Peni padik padikyo da monej timit do nandanek amin dakon oman monjini egipjak do amin do yomgwit.
- 18 Ain nap baj kandapnikon pan̄teban aba kandapmi pilin tagit.  
 Ae ain giron̄ikbi madep kinda tegikon an̄teban awit.
- 19 Yan̄ egakwan wigi yo unun altoni do kalip yan̄kwok agit unun bami noman tagit.  
 Yawe dakon gen da Josep dakon gen unun bamisi yan̄ yoligit.
- 20 Kili Isip amin dakon kila amin madep da amin kinda yabekban kin̄ Josep dam tebanon nan̄ pulugagit.  
 Amin N̄wak̄wari Kabi dakon kila amin unun da Josep pulugan̄ yipban kigit.
- 21 An̄ek yipban yut madepni gat ae yo morapni kila asak do man madep imgut.
- 22 Kila amin madep dakon yo morapni kila an̄ unun dakon mibiltok amin morapni kila agit.  
 Ae kila amin madep nandak nandak iman̄ amin kabi unun yoyin̄detjak dakon tapmim kisi tan̄ imgut.
- 23 Don Jekop pan̄ki Isip egipgut.
- 24 Ae don Yawe da min̄at amin kabini pan̄pulugan̄ban gwakni morapmi awit.  
 Ae pan̄pulugan̄ban tapmimni da uwalni dakon tapmim yapgut.

- 25 Yawe da Isip amin dakon butni panjobilban  
 minjat amin kabini do uwal an yomgwit.  
 Anek Yawe dakon oman amini do yokwi an  
 yom do kosit wusik awit.
- 26 Mani don, Yawe da oman amini Moses gat Aron  
 gat manjinek yabekban Isip kigimal.
- 27 Kinj altanek Yawe dakon wasok tapmimi ton Isip  
 miktimon agimal.
- 28 Yawe da pilin tuk yipban pilin tuk da miktim  
 wutjigit, mani  
 Isip da geni abin yipgwit.
- 29 Pakbi kulabik aban yawi daganek tap kilap kisi  
 morap dapban kimak mudawit.
- 30 Mengak morapmisi iren tanek miktimni kisi  
 tugawit, ae kila amin madep iyi dakon yut  
 tamoyo kisi tugawit.
- 31 Yawe da yanakwan bigal gat ae gugim gugim  
 kisi morapmisi iren tanek Isip miktim kisi  
 tugawit.
- 32 Ae sikak kulabik anek ais gat ae mal gat ban  
 yopban piwit.
- 33 Wain napni gat ae pik kindapni gat panupbal  
 anek kindap diwari dapban sulugi timi  
 morapmi awit.
- 34 Gen yanakwan pilak pilak noman tawit.  
 Tilakni unun morapmisi, amin da aripmi dima  
 manjiri.
- 35 Pilak pilak da yo tami ton morap nawit.

- Anej Isip amin da jap kwaokgwit dakon bami  
kisi nawit.
- 36 Ae Isip amin morapmon amin yuri kindakon  
monji mibiltogi Pinjkop da dapban kimak  
kimak awit.
- 37 Mani don, Israel amin timik panjinakwan Isip  
yipman dekgwit.  
Silva ae gol kisi timigek kiwit.  
Israel amin morap kisi tagisi egipgwit, kinda  
sot dima agit.
- 38 Isip amin Israel do madepsi pasalgwit, do kin  
mudanakwa but galak nandawit.
- 39 Yawe da gikwem timi kinda yipban kwen tanek  
unjun da minjat amini panjongam agit.  
Ae kalbi kindap madep kinda yipban unjun da  
tenjenji yomgut.
- 40 Jap do iyinba minam yopban apba nawit.  
Ae Kwen Kokup dakon bret yoban nanek tu-  
gawit.
- 41 Tip madep kinda wital kinakwan pakbi kinda  
tagal kinjek miktim kibiri timon pakbi  
madep kinda pak kigit.
- 42 Yo morap yan agit, nido kalip Abraham oman  
amini do yan teban tok agit unjun do sigin  
nandagit.
- 43 Do anek minjat amini timik panjigit.  
Anakwan minjat amin kabi iyi do kili manjigit  
unjun kap yanek kisik kisik anek kiwit.
- 44 Kinakwa Amin Nwakanwari Kabi dakon miktim  
unjun do yomgut.

**105:36:** TP 12.29    **105:37:** TP 12.33-36    **105:39:** TP 13.21-22

**105:40:** TP 16.2-15    **105:41:** TP 17.1-7; IDT 20.2-13    **105:44:**

Jos 11.16-23

Ae yum pindagakwan unun dakon pi timikgwit.

- <sup>45</sup> Israel amin da gen morapni gat ae gen teban morapni guramik kimotni do yan agit. Yawe dakon man awigini!

## 106

*Pinjkop da minjat amin kabini do anpak tagisi asak*

- <sup>1</sup> Yawe dakon man awigini.  
Yawe anpakni unun tagisisi, do ya yan iyinenysi. Dagok dagogi mini nin do but dasi galak tan nimisak.
- <sup>2</sup> Yo madep agit do namn da unun dakon geni tagi yan tenjenosak?  
Ae anpak tagisi morap agit unun da aripmon namn da mani tagi awigisak?
- <sup>3</sup> Amin do gen kokwin kilegisi an yominek bisapmi bisapmi anpak kilegisi an amin unun kisik kisik tagi ani.
- <sup>4</sup> Yawe, minjat amin kabigo panpuluganek yokwikon ban timikgi bisapmon, nakyo kisi abidoki.
- <sup>5</sup> Nak minjat amin kabigo pindagapbo tagisi yigek yo tagisi timitni do nandisat.  
Ae amin kabigo da kisik kisik anakwa nak unun do kisik kisik aben.  
Anek nin gak dakon amin kabigo ekwaman do mango anksinen dosi nandisat.
- <sup>6</sup> Kalip babaknin da awit, unuden nin yokwi agiman.  
Nin anpak yokwi mibili mibili agiman.
- <sup>7</sup> Isip miktimon babaknin gak da wasok tapmimi

tonj agil unun do pakyanşi dima nandawit.  
 Gak da bisap morapmi anpak tagisi an yomgul,  
 mani unun do si inntawit.  
 Anek Tap Gamikon kinj altawit bisapmon gak  
 kwen wigik an gamgwit.

- 8 Mani Yawe da tapmim madepni yolik do  
 nandagit, ae man bini dima mosak do  
 yokwikon banj timigakwan dima yokwi  
 tawit.
- 9 Tap Gami tebai iyinban miktim kibiri tim dagagit,  
 do amin da miktim kibiri timon kwanj unun  
 da tilak minjat aminyo mibiltan yominjek tap  
 idap pudanek panpanj kigit.
- 10 Amin uwal an yomgwit amin da kisiron banj  
 timigakwan dima panupbal awit.
- 11 Mani pakbi da uwal wutjiba kimak mudawit,  
 kinda dima egipgut.
- 12 Yawe da yanj anakwan minjat aminyoni da yanj  
 teban tok morap an yomgut unun do nan-  
 danj gadawit.  
 Anek kap yanjek anjisiwit.
- 13 Mani Yawe da yo agit unun do tepmisi inntawit.  
 Anek mibiltok Pinjkop da si yoyinjakwan yo ak do  
 dima nandawit.  
 Iyi da nandak nandagon da yo awit.
- 14 Miktim kibirikon egek burikon da jap dogin  
 madepsi nandanek Pinjkop anjilikgwit.
- 15 Pinjkop yo nido iyiwit unun yomgut, mani sot  
 madep kinda kisi yipban sot awit.

- 16 Miktım kibiri timon egek di da Moses gat Aron  
Yawe dakon mukwa sogok amini telagi gat  
do nandaba yokwi tok an yomgwit.  
Anek Piņkop da nin do tapmim yangin nimisak  
tam tagi yan nandawit.
- 17 Anakwa miktım gapma madep kinda pisan  
pigakwan Datan gat ae Abiram gat amin  
kabini gat kisi unun gapmagwan pigakwa  
miktım da abin sopmanakwan pasilgwit.
- 18 Anakwa kindap da pinjek unun amin bamot yol-  
gwit amin sonban mini awit.
- 19 Orep Kabapmon unudon egek gol ban bul-  
makau wup kinda wasanek unun Piņkopnin  
yan yanek gawak imgwit.
- 20 Bulmakau jon nosok dakon wupmi kinda gawak  
imgwit.  
Unun anpak anek Piņkopni tilimi tonji abin  
yipgwit.
- 21 Piņkop da Isip miktım pi tapmimi tonji anek  
Isip da kisiron ban timikgit, mani Israel  
amin da si injan imgwit.
- 22 Piņkop da wasok tapmimi tonj Isip miktım agit,  
ae yo nwanjwarisi Tap Gamikon aban minjat  
aminyo madepsi wiripdakgwit.
- 23 Piņkop da minjat amini dapban kimotni do yagit.  
Mani pi amini unun manjigit unun Moses, unun  
da Piņkop da dabilon agek Israel amin  
panpuluganek Piņkop dakon butjap dakon  
kosit sopmanakwan Piņkop da dima panupbal  
agit.

- 24 Unun Pinƙop da paɗpulugosak do yaɗ teban tok agit unun do dima nandan gadawit, do miƙtim tagisi abidok do dima galak tawit.
- 25 Imal yut kabeɗnigwan egi egi aɗek Yawe do yaɗba yokwi tok aɗek geni dima guramiƙgwit.
- 26 Yaɗ awit, do Pinƙop da gen tebaisi yomiɗek miƙtim kibiri timon kimotni do yagit.
- 27 Aɗek babikni yolban paɗki Amin Nwakiɗwari Kabi da binapmon egek miƙtim nɗwakiɗwarikon egiɗni do yagit.
- 28 Don Peor miƙtimon kokup kidat Bal gawak imiɗek kokup kidat egiɗ egiɗmi mini unun do paret abi unun nawit.
- 29 Anɗpak unun aba Yawe butɗap nandanek sot madep yokwisi kinda yomgut.
- 30 Mani Pinias da piɗan agek binap amini egi yomiɗakwan sot madep unun pasilgit.
- 31 Pinias da yo unun agit unun do anɗpak kilegisi kinda asak yaɗ nandan imgwit da wun abisok ekwamaɗon kisi yaɗ gin nandamaɗ.
- 32 Israel amin Meriba pakbikon yokwi aba Pinƙop butɗap nandan yomgut, do unun anɗpakni do aɗek Moses jigi madep pagit.
- 33 Moses buri yokwi taɗban dima yogogi gen yagit.
- 34 Yawe da yoyigit unuden, Amin Nwakiɗwari Kabi dima dapba kimakgwit.
- 35 Israel amin Pinƙop dima nandan iman kabikon miɗat eyo aɗek unun dakon anɗpak yokwini yolek awit.



- 36 Yan anek kokup kidatni gawak yominek anpak yokwisi anek egipgwit.
- 37 Unun da monji gwayoni dapman kokup kidat do paret awit.
- 38 Iyi dakon monji gwayoni ban dapgwit.  
 Monji gwayoni gulusun dima awit, mani dapman paretni do Kenan amin dakon kokup kidat do imgwit.  
 Anakwa yawini da miktim anupbal aban Pin kop da dabilon inani agit.
- 39 Anpak unun anek iyi ban panupbal aba Pin kop da dabilon inani awit, anek minat kinda da eni yipmanek yumabi asak unun da tilak Pin kop manji imgwit.
- 40 Yan awit do Yawe minat amin kabini do japmi nandanek nandaban inanisi agit.
- 41 Ae yopman degek yum pindagakwan Amin Nwaktwari Kabi da kisiron kiwit.  
 Anakwan uwalni dakon pinbi egek geni guramikgwit.
- 42 Uwal da jigi morapmi yominakwa unun dakon tapmim da yongangwan egipgwit.
- 43 Bisap morapmi Yawe da minat amini panpulugagit, mani iyi dakon galaktok yolek kwen wigik anek yokwi morapmisi awit, do yokwisi egipgwit.
- 44 Mani bisit awit bisapmon bisitni nandan yomgut.  
 Anek yokwisi egipgwit do bupmi nandan yomgut.

- 45 Bupmisi nandan yominek sanbek sanbek agit  
 unun do ae nandagit.  
 Ae amin kabini do but dasi galak tan yomgut,  
 do nandak nandakni ae kulabik agit.
- 46 Anek uwal Israel amin dam tebanon yopgwit  
 amin dakon buri pantobilban Israel amin do  
 bupmi nandawit.
- 47 Yawe Pinkopnin, yokwikon ban timikgi.  
 Nin Amin Nwakwari Kabi da binapmon ekwa-  
 man, mani aego panmuwugek miktinninon  
 panji nipbi.  
 Yan anaki mango telagi do nandanek ya yan  
 gayinen, ae kisik kisik anek gak ankisinen.
- 48 Yawe ankisinen.  
 Unun Israel amin nin dakon Pinkop abisok ae  
 don egi anan kinen kisi dakon.  
 Amin morap kisi da yoni, "Unun asi!"  
 Yawe ankisini!

## PAPIA 5

(Kap 107-150)

### 107

*Pinkop anpakni tagisi unun do kisik kisik anen*

- 1 Yawe anpakni unun tagisisi, do ya yan iyinisi.  
 Dagok dagogi mini nin do but dasi galak tan  
 nimisak.
- 2 Minjat amin morapyo, Yawe da nin uwal da  
 kisiron ban pulugan nipgut, do yansi yanek  
 mani ankisini.

- 3 Unun da ji miŋtim dubagiŋkon egakwa timik paŋopgut.  
 Gildat wisak tet da, ae piŋisak tet da, ae not tet da, ae saut tet da ji timik paŋopgut.
- 4 Diwari miŋtim kibiri timon agipgwit.  
 Kokup pap kinda aŋalon aŋek unudon paŋki egipni dakon kosit kinda dima kawit.
- 5 Jap ae pakbiyo do obisi aŋek pali kimakgwit.
- 6 Yokwi yaŋsi egek, Yawe do yaŋ tidanba yokwikon ban pulugaŋ yopgut.
- 7 Aŋek timik kosit kilegi naŋ paŋpaŋ kokup pap kindakon kiŋ altaŋek unudon egipgwit.
- 8 Yawe da toktogisi but dasi galak taŋ yomisak ae amin kabini tagisi paŋpulugosok, do ya yaŋsi iyini.
- 9 Nido miŋat aminyo pakbi do tegi kibidon unun pakbi yoban naŋek yawokgoŋ, ae jap do aŋ amin jap morapmi yoban naŋek tugon.
- 10 Diwari dam teban yutnon pilin tukgwan egipgwit.  
 Amin da nap teban ban paŋteban aŋek jigi yomgwit.
- 11 Nido, Piŋkop Wukwisi kwen wigik aŋ imiŋek geni abiŋ yipgwit.
- 12 Yaŋ aba Piŋkop da pi madepsi yoban jigisi nandawit.  
 Aŋek miŋtimon maŋ pagakwa paŋpulugoni dakon amin mini.
- 13 Yaŋ egek Yawe do yaŋ tidanba paŋpulugaŋek jigini unun wiririkban pasilgwit.
- 14 Yawe da pilin tukgwan ban timik paŋabiŋek dam teban dakon nap tebani paŋdagagit.

- 15 Yawe da toktogisi but dasi galak tan yomisak ae amin kabini tagisi panpulugosok, do ya yanji iyini.
- 16 Nido, yoma ain kinda mani bras unun ban dapman panteban abi unun tuwildak, ae dam teban yut dakon dam dakon ain oba panjokgal jokgal asak.
- 17 Diwari kwen wigik anek nandan kokwini tagi dima amin dagawit.  
Gulusun morapmi awit, do jigi tepmiyo madepsi pawit.
- 18 Jap nok do dima nandawit, do palisok kimakgwit.
- 19 Yokwi yan egek Yawe do yan tidanba jigini unun wiririkban pasilgwit.
- 20 Iyi yanek giptimni panmilip aban kimakbi tamogwan dima pigiwit.
- 21 Yawe da toktogisi but dasi galak tan yomisak ae amin kabini tagisi panpulugosok, do ya yanji iyini.
- 22 Ya yan iyik do paret anisi.  
Ae kap yanek kisik kisik anek yo tagisi agit unun do minjat aminyokon yan tenjenonisi.
- 23 Diwari tap binap tap wakgakon pi awit.  
Tap madepmon agek monen ilit pi awit.
- 24 Yawe da wasok agit unun pindakgwit.  
Tap ilarisikon wasok tapmimi ton agit unun pindakgwit.
- 25 Yawe da yanban mirim madep anakwan tap pakbi da madepsi tamalikgwit.
- 26 Anakwan tap wakga kwen anekban wigigit, ae yipban yawok mibilikon pigigit.

- Yaŋ anjakwan pasildaman yaŋ nandanek but pasol madepsi awit.
- 27 Pakbi teban morapmi nanek obigi abigi an unun da tilak tap waggakon agipgwit.  
Ae tap wakga awil do antidok awit.
- 28 Yokwisi agek Yawe do yaŋ tidanba panpuluganban jigini pasil yomgwit.
- 29 Mirim madep anyawot aban tap pakbi tamalikit unun yawori tagit.
- 30 Tap pakbi kanba yaworisi tanakwan but kwaktok nandawit.  
Yaŋ nandanakwa Yawe da dukwan kik do nandawit unun tamo tagisikon panji yopban akgwit.
- 31 Yawe da toktogisi but dasi galak tan yomisak ae amin kabini tagisi panpulugosok, do ya yansi iyini.
- 32 Pinjop dakon minat amin kabi gat muwugek mani anjisinisi, ae kila amin muwut muwuron mani anjisinisi.
- 33 Yawe da yanban pakbi madep kibidon, ae pakbi dabil dugon.
- 34 Unun da yanban miktim pakbini ton unun da kulabik aban yosok kinda unudon dima kwosok.  
Unun miktim amin da anpak yokwi awit, do Yawe da jigi yaŋ yomisak.
- 35 Yawe da yanban miktim kibirikon pakbi noman ton, ae miktim pakbini minikon pakbi dabil morapmi noman tanek pokgon.
- 36 Anakwa jap do an amin panabin yopban unudon kokup pap kinda anek yikgan.
- 37 Yigek jap pi ae wain pi anek bami irenisi pan.

- 38 Yawe da paŋgisam aban miŋat monjiyoni morapmi ireŋ toŋ, ae bulmakauniyo kisi yaŋ giŋ ireŋ toŋ.
- 39 Mani don uwalni da pabiŋ yopba kalonjisok daŋin egek bupmi nandaŋek yokwisi ekwaŋ.
- 40 Yawe da kila amini pabiŋ yopban miŋtim kibiri ae kosit minikon isal yumgiŋ akwaŋ.
- 41 Mani wadak wadak aŋ amin paŋpulugaŋban miŋat monjiyoni uŋun sipsip da yaŋ ireŋ toŋ.
- 42 Amin kilegi da Yawe dakon aŋpakni kaŋek but kwaktok nandaŋ.  
Mani yokwi pakpak amin uŋun gen kagani sopmaŋek gen dima yoŋ.
- 43 Nandaŋ kokwinji tagisi amin, ji uŋun yo morap do pakyaŋsi nandaŋek egipni.  
Yawe da bisapmi bisapmi amin do but dasi galak taŋ yomisak uŋun do nandani.

## 108

*Piŋkop da miŋat amini paŋpulugosak do amin kinda da bisit agit*

Dewit dakon kap kinda. Kap on Piŋkop gawak imim dakon kap.

- 1 Piŋkop, butnokon da gak do tebai nandaŋ gadasat.  
Asi, nak wagiŋ gakdosi nandaŋ gadasat.  
Nak mango awigiŋ do kap yokdisat.
- 2 Nak pidaŋek dipmin yopbo kiŋakwan gita gat kulele gat tidokenŋ.  
Wisa wisa do uŋun baŋ tidokenŋ.

- <sup>3</sup> Yawe, nak Amin Nwakanwari Kabi da binapmon ya  
yaŋ gayiken.  
Nak miŋat amin morap kabikon kinjek mango  
awigikdisat.
- <sup>4</sup> Gak da nin do but dasi madepsi galak taŋ nimisal.  
Nin da uŋun dakon tilak yipneŋ kaŋ, kundu da  
aripmon wigikdisak.  
Gak toktogisi gengo yolek nin paŋpuluganeŋ  
dima nipmaŋ dekdal.  
Nin da uŋun dakon tilak yipneŋ kaŋ, gikwem  
da aripmon wigikdisak.
- <sup>5</sup> Piŋkop, nak miŋat aminyo da mango madepsi  
awigini do nandisat.  
Tilingo yipbi noman taŋakwan miŋat aminyo  
miktim morap kisikon ekwan uŋun da koni.
- <sup>6</sup> Gak da nin but dasi galak taŋ nimisal, do bisitno  
nandaki.  
Aneŋ tapmim madepgokon da nin yokwikon  
baŋ timigaki nin tagisi egipneŋ.
- <sup>7</sup> Piŋkop telagi yutnikon egek yaŋ yosok, “Nak  
emaron kili teban tat, do nak kisik kisik  
aneŋ miŋat amino do Sekem miktim kok-  
winidisaŋ, ae Sukot miktim dakon kul-  
dukibaŋ kokwinik yomdisaŋ.
- <sup>8</sup> Gileat miktim gat Manase miktim gat uŋun nak  
dakon.  
Epraim miktim uŋun nak dakon busuŋ kutno-  
kno.  
Aŋakwa Juda miktim uŋun kila amin madep  
kalin kirinno.
- <sup>9</sup> Moap miktim uŋun pakbi sogok idapno.  
Ae Idom miktim uŋun kandap gwil yopyop  
tamono.

- Pilistia am̄in emaron pabiŋ yopmaŋek kisik kisik aŋek yaŋ tidokdisat.”
- 10 Piŋkop, nam̄in da nak aŋaŋ kokup pap dam tebani toŋon tagi aŋkisak?  
Ae nam̄in da nak Idom miktimon em̄at ak do tagi aŋkisak?
- 11 Piŋkop, gak da nin manji kili nimgul, ma?  
Nin dakon em̄at am̄in dima paŋpulugok do nandisal, ma?
- 12 Am̄in dakon paŋpulugok uŋun yo isali gin, do nin paŋpulugaŋaki uwal gat em̄at tagi wamneŋ.
- 13 Piŋkop da nin paŋpulugosak kaŋ, emaron teban toneŋ.  
Iyi uwalnin pabiŋ yopdisak.

## 109

### *Jigini toŋ am̄in dakon bisit*

Dewit dakon kap kinda. Kap on Piŋkop gawak im̄im dakon kap. Kap yoŋ am̄in dakon kila am̄in do mandabi.

- 1 Piŋkop, nak mango aŋkisisat.  
Manji dima nam̄iŋek bisitno nandaŋ nabi.
- 2 Nido, am̄in yokwi da uwal aŋ nam̄iŋek aminon nak do top gen yoyaŋ.
- 3 Uŋun nak do kuragisi nandaŋek gen yokwisi nayaŋ, mani uŋun gen dakon mibili mini.
- 4 Nak uŋun do butdasi galak taŋ yomiŋek uŋun paŋpulugok do bisit asat, mani gen yaŋ namaŋ.
- 5 Nak aŋpak tagi baŋ anyomisat, mani kobogi yokwi baŋ aŋnamaŋ.  
Nak uŋun do but dasi galak taŋ yomisat, mani nak do kuragisi nandaŋ.



- 6 Amin yokwi kinda manjikbi unun da uwalno tagi abin yipjak.  
Iyi dakon uwalni kinda da gen tagi yan imjak.
- 7 Gen kokwin asak amin da unun amin gulusunni ton yan kosak.  
Ae unun amin dakon bisitni kisi diwarini ton yan kosak.
- 8 Nak unun amin tepmisi kimagakwan amin nwanjwari da unun dakon pi tamo abidosak dosi nandisat.
- 9 Tepmi kimagakwan monji gwayoni datni mini egipni, ae minatni sakwabat egipjak dosi nandisat.
- 10 Ae monji gwayoni yutni mini ae amin da jap yomni do bisit yoyinek egipni dosi nandisat.  
Ae yut tasik tanbikon egipdan unudon ban amin da yolakwa abigikdan.
- 11 Uwalno goman amini da abin miktim ae yo morapni kisi timitjak dosi nandisat.  
Anakwa kokup nwanjwarikon amin da abin yo morapni yum do anek pi agit unun tagi timitni.
- 12 Amin kinda da anpak yawori dima an imjak dosi nandisat.  
Ae amin kinda da monji datni mini egipni unun do bupmi dima nandan yomjak.
- 13 Minat monjiyoni tagi kimotni, anakwa amin don altoni da unun amin dakon man dima nandan dosi nandisat.
- 14 Nak babakni da anpak yokwi awit do Yawe da unun do nandisak dosi nandisat.

- Anjek meni dakon diwarini dima wiririk imjak do nandisat.
- 15 Yawe da diwarini do toktogisi nandan yomjak, anakwan minjat aminyo da unun dakon diwatni do wagilsi intan yomni dosi nandisat.
- 16 Unun amin, amin diwari do anpak yawori an yom do dima nandagit.
- Unun yoni mini amin gat, ae yo do wadak wadak awit amin gat, ae butjik madepsi nandawit amin gat paņsopmanjek dapban kimakgwit.
- 17 Amin jobit yom do tagisi nandagit, do abisok iyi jobit pasak dosi nandisat.
- Pin kop da amin diwari gisamitjak do bisit ak do dima nandagit, do ununyo kisi Pin kop dakon gisam dima timitjak.
- 18 Toktogisi amin diwari jobit pani do yagit, unun gen yagit da iyi dakon imalni agit.
- Unun gen yagit da giptim kaganigwan pakbi da yan pigisak.
- Anjek kidarigwan bit nelak da yan pigisak.
- 19 Jobit yagit unun nan imali do tagi bangaljak, anjek boban nap nan yan wamjak dosi nandisat.
- 20 Amin nak do gen yokwi yanjek gen yan naman amin unun do Yawe da kobogi yan anyomjak dosi nandisat.
- 21 Mani Amin Tagi Yawe, man bingo tagisi tosak do anjek yo tagisi an nabi.
- Gak nak do toktogisi but dasi galak tan namisal, do yokwikon nan abidoki.
- 22 Nak wadak wadak amin.
- Butjik madepsi nandisat.

- 23 Wupnin gildat paŋop do noman ton da gildat piŋakwan paŋilgaŋ uŋun da tilak nak paŋil do asat.  
Nak pilak pilak kinda mirim da aŋki maban kisak uŋun yombem.
- 24 Nak gak do nandaŋek jap kelek egapbo ŋwak tukwalno tapmimi mini ak.  
Nak amin kidari gin agim.
- 25 Gen yaŋ namaŋ amin da nandaŋek jikgo yanjaŋ namaŋ.  
Busuŋ kwakwal aŋek jikgo yanjaŋ namaŋ.
- 26 Yawe Piŋkopno, gak da toktogisi nak but dasi galak taŋ namisal, do aŋpulugaŋek yokwikon naŋ abidoki.
- 27 Uwalno buri paŋtobilbi gak daŋin nak aŋpulugaŋek yokwikon naŋ abidosol yaŋsi nandaŋ gamni.
- 28 Piŋkop da nak aŋupbal asak do yokdaŋ, mani gak da nak do yo tagi gin akdisal.  
Yokwi aŋ namaŋ amin paŋiŋ yopmaŋaki mayak tok pani do nandisat.  
Aŋaki pi amingo nak but kwaktok nandabeŋ.
- 29 Uwalno da mayaktok baŋ imal baŋ yaŋ pani, aŋakwa miŋat aminyo da mayaktokni uŋun pindatni.
- 30-31 Mani Yawe da wadak wadak amin paŋpulugaŋek kilani asak.  
Amin da gen yaŋ yomiŋek kimotni do yaŋ dagok aŋakwa uŋun da kisiron baŋ timikdak.  
Yaŋsi asak, do nak gen pap yaŋek Yawe ya yaŋ iyikenŋ.

Minjat aminyo da gak gawak gam do muwutni  
bisapmon mango ankisikenj.

## 110

*Yawe gat ae kila amin madep manjigit dakon kap*  
Dewit dakon kap kinda. Kap on Pinjkop gawak  
imim dakon kap.

<sup>1</sup> Yawe da nak dakon Amin Tagi yan iyigit, “Gak  
abiñ nak da aminsi tet do yikgi.

Anaki uwalgo dakon tapmim pabiñ yopbo gak  
dakon pinbisi egipni.”

<sup>2</sup> Yawe Saion kokup papmon egisak.

Unun da man madep gaban miktim madep kila  
akdisal.

Ae yan yosok, “Gak da uwalgo kila akdisal.”

<sup>3</sup> Uwalgo gat emat wamni bisapmon minjat amin  
kabigo gat kinjek unun da but dasi nandanjek  
gak anpulgokdanj.

Gak kila amin madep dakon telagi imalgo  
pakdisal.

Kalbi morap gik sitnanj manjek jon panjaluk anj,  
unun da tilak gak gildari gildari tapmim  
kalugi pakdisal.

<sup>4</sup> Yawe da gen yan anteban anjek nandak nandakni  
unun kulabik dima asak.

Gen unun yan yagit, “Melkisedek da mukwa so-  
gok amin egipgut, unudenj gak mukwa so-  
gok amin kinda dagok dagogi mini egi  
wigikdisal.”

- 5 Amin Tagi gak anjeban ak do gak da kapmatjok egisak.  
Butjap nandisak bisapmon kila amin madep madep gat emat wamanjek obisi pabinj yopdisak.
- 6 Miktimi miktimi gen kokwin anyomiñek madepsi dapban kimotdan.  
Miktimi miktimi kila amin madep madep obisi pabinj yopdisak.
- 7 Kosit ilenon pakbi kinda pokdok unjudon pakbi nanj teban tanjek emaron teban tokdisak.

## 111

### *Yawe anjisinno*

- 1 Yawe dakon man anjisinno!  
Minjat amin kabinikon nak but dasi nandanjek ya yanj iyikenj.
- 2 Yawe unjun pini wagil tagisi asak.  
Amin morap Pinjkop dakon pi do galak tonj pini unjun do nandanjek ekwanj.
- 3 Yo morap asak unjun da tilimni anjalon aban wagil tagisisi asak.  
Anjakni kilegi unjun toktogisi tanj anjanj kisak.
- 4 Yawe da minjat aminyo dakon nandak nandakni panjtagap aban yo madep madep agit unjun do sigin nandanjek ekwanj.  
Yawe bisapmi bisapmi nandanj yawok niminek nin do bupmi nandisak.
- 5 Iyi do pasolgonj amin jap yomisak.  
Sanjek sanjek agit unjun dima injosok.
- 6 Amin njwakanjwari dakon miktim minjat amini do yomiñek tapminni madep anjalon agit.

- 7 Anpakni unun bamisi ae kilegisi.  
Gen morapni unun bamisi gin, do tagi guramitneŋ.
- 8 Gen tebani unun bamisi ae toktogisi taŋ aŋaŋ kıkdaŋ.  
Unun butdasi nandaŋek yol kimotneŋ do ningut.
- 9 Piŋkop da iyi dakon miŋat amin kabini yumaŋ nagit.  
Aŋek unun gat saŋbek saŋbek dagok dagogi mini agit.  
Piŋkop unun mani telagi ae masi masimi.
- 10 Amin kında nandaŋ kokwini tagisi amin kında dagok do nandısak kaŋ, Yawe do pasal imjak.  
Amin geni guramıkgaŋ unun nandak nandak tagisi yomısak.
- Dagok dagogi mini mani aŋkisin aŋaŋ kineŋ!

## 112

### *Amin kilegi dakon kisik kisik*

- 1 Yawe aŋkisini!  
Amin morap Yawe do pasalek geni do galak toŋ unun kisik kisik tagi ani.
- 2 Monji gwayoni miŋat aminyo da binapmon man madepni toŋ da egipdaŋ.  
Amin kilegi unun dakon diwatni Piŋkop da yo tagisi anyomdisak.
- 3 Yutnikon yo kabini morapmi taŋ imni, ae anpakni tagisi unun do amin da dima iŋtoni.

- 4 Piliŋ tukgwan teŋteŋi da altanek amin kilegi paŋpulugosok.  
Amin kilegi uŋun amin do nandan yawot aŋ yomiŋek bupmi nandanek kosit kilegi agisak.
- 5 Amin kinda yo kabini amin do yum yomisak, bo ae goman do yaŋba nandan yomisak, ae yumaŋ gwayek kosit kilegikon da asak uŋun amin tagisi egipjak.
- 6 Uŋun amin tebaisi atjak.  
Aŋakwan man bini don taŋ aŋaŋ kikkisak.
- 7 Gen bin yokwi nandisak bisapmon pasol pasol dima asak.  
Yawe tebaisi nandan gadaŋ imisak.
- 8 Uŋun tebaisi agek pasol pasol dima nandisak.  
Ae uwalni emaron aripmi dima teban tokdan yaŋ nandisak.
- 9 Yoni mini amin do yo morapmi yomisak.  
Man bini amin da binapmon taŋakwan uŋun do nandaba wukwan imaŋ.  
Aŋpakni tagisi uŋun do amin da dima iŋtoni.
- 10 Yokwi pakpak amin da uŋun kaŋek but jap nandan.  
Yaŋ aŋek mam naŋ yomiŋek giptimni maŋ mudon.  
Yo ak do nandan uŋun suŋ toŋ.

## 113

*Piŋkop da yo tagisi aŋ yomisak do kisik kisik aŋ*

<sup>1</sup>Yawe aŋkisini.

Oman amini ji Yawe aŋkisini.

Mani anġisini.

- 2 Dagok dagogi mini Yawe dakon man anġisini.
- 3 Gildat da wisak tetġin ae piġisak tetġin miġat amin morap ekwan ġisi da Yawe anġisini.
- 4 Yawe uġun miġtimi miġtimi man madepni tosok. Tilimni uġun kundu si yapmanġek wagil tagisisi.
- 5 Yawe Piġkopnin egisak, uġun yombem kinda mini. Uġun kwensi kila amin madep yiġyit tamonikon yiġdak.
- 6 Uġudon da mibilisigwan siġtanġek kundu gat miġtim gat pindakdak.
- 7 Anġek yoni mini amin sibiġ sibiġ tamokon ekwan uġun paġpulugaġek
- 8 iyi dakon miġat amin kabini dakon kila amin gat yopban tagisi ekwan.
- 9 Miġat monġi suġ ekwan uġun paġpulugaġban monġi morapmi paġalaġek kisik kisik madepsi aġ. Yawe anġisini.

## 114

*Tap Gamikon Piġkop da miġat amin kabini yok-wikon baġ timiġit dakon kap*

- 1 Israel amin kalip Isip yiġmanġ degek kiwit. Jekop dakon diwatni da amin gen nġwaknġwari yoġ kabi dakon kokup yiġmanġek kiwit.
- 2 Yaġ awit bisapmon Juda miġat aminyo Yawe dakon telagi yut dagawit. Israel amin Piġkop da kila agit.



- 3 Tap İdap Gami Israel amin pındagek pasal kigit.  
Ae Jodan Pakbi isal tanjek dima pak kigit.
- 4 Kabap unun meme da yan wigi mokmok awit, ae  
ileŋ unun sipsip da yan wigi mokmok awit.
- 5 Tap Gami gak yo ni da noman tanban pasal kigit?  
Jodan Pakbi gak nido dima pak kigit?
- 6 Kabap morap nido meme da yan wigi mokmok  
awit?  
Ae ileŋ moniŋ moniŋ ji nido sipsip da yan wigi  
mokmok awit?
- 7 Miktim daman, abisok Amin Tagi abisak, do gak  
wudip aki.  
Jekop dakon Piŋkop unun kili abik, do gak  
wudip aki.
- 8 Unun da tip kulabik aban pakbi idap moniŋ kind  
dagagit.  
Anek tip tebanon wasok aban pakbi dabil no-  
man tagit.

## 115

### *Piŋkop kalongiŋ unun Piŋkop bamisi*

- 1 Piŋkop gak bisapmi bisapmi nin do but dasi galak  
tan nimejek dima nipman dekdal.  
Yan asal do nin dakon man dima pawigiŋeŋ.  
Gak dakon man madepgo nanŋin ankiŋineŋ.
- 2 Amin Nwakŋwari Kabi da “Piŋkopji dukwan  
egisak?” nido yan niyan?
- 3 Piŋkopnin Kwen Kokup egisak.  
Unun yo kind ak do nandisak kaŋ si akdisak.

- 4 Amin Nwakuwari Kabi kokup kidatni dakon wupmi unun gol ae silwa ban wason.  
Unun amin kisit da wason.
- 5 Kokup kidat dakon wup unun gen kagani ton,  
mani gen aripmi dima yoni.  
Dabilni ton mani aripmi dima sin-toni.
- 6 Mirakni ton, mani gen aripmi dima nandani.  
Unun tomnoni ton, mani yo dakon kibani  
aripmi dima nandani.
- 7 Unun kisitni ton mani yo aripmi dima igayini.  
Ae kandapni ton, mani kosit aripmi dima  
agipni.  
Ae gen kinda tegikon da dima noman tokdan.
- 8 Kokup kidat dakon wupmi wason amin unun  
kokup kidat wup yombem an.  
Ae amin morap egip egipni kokup kidaron  
ton yansi nandan unun kisi kokup kidat  
yombem gin an.
- 9 Israel minjat amin kabi, egip egipji Yawekon toso  
yansi nandani.  
Unun da ji panpuluganek pankutnosok.
- 10 Pin kop dakon mukwa sogok amin Aron da  
kabikon nani, egip egipji Yawekon toso  
yansi nandani.  
Unun da ji panpuluganek pankutnosok.
- 11 Yawe do pasolgon amin kabi, egip egipji  
Yawekon toso yansi nandani.  
Unun da ji panpuluganek pankutnosok.
- 12 Yawe da nin sigin nandan nininnek gisamitjak.

- Unjun da Israel minjat amin kabi gat ae Aron dakon amin kabi kisi gisamitjak.
- 13 Yawe da amin mani tonj ae mani mini iyi do pasal iman amin unjun kisisi gisamitjak.
- 14 Yawe da ji gat ae gwakji gat morapmisi panjiren asak dosi nandisat.
- 15 Yawe Kwen Kokup ae miktimo wasagit unjun da ji gisamitjak dosi nandisat.
- 16 Kwen Kokup kwensi ason tosok unjun Yawe iyi dakon.  
Mani miktim unjun amin nin do nimgut.
- 17 Amin kimakbi gen wayinyo mini tamo unjungwan pigek Yawe dima anjisanj.
- 18 Mani nin abisok ae don dagok dagogi mini Yawe anjisininj.  
Yawe anjisini!

## 116

### *Pinjkop da amin kinda anpuluganban ya yan iyigit*

- 1 Yawe da bisitno nandisak, do nak but dasi galak tanj imisat.  
Asisi, bisitno nandisak.
- 2 Nagon tobilek bisitno nandagit, do miktimon egipbenj bisapmon bisit dima yipmanj dekenj.
- 3 Kimot da nak nap da yan wamgut.  
Nak kimakbi kokup do nandanjek pasol pasol madepsi agim.  
Yan anjek nandaba kik madepsi agim.
- 4 Yan nandanj egek Yawe yan iyigim, “O Yawe, pulugan nepbi!”

- 5 Yawe da nin nandan yaworon dasi yo tagisisi anjnimisak.  
 Pinjopnin da bupmi nandan nimisak.
- 6 Yawe da nandak nandakni mini amin panjknosok.  
 Kalip tapmimno mini da egapbo pulugan nepgut.
- 7 Yawe da nak do yo tagisisi anj namgut, do butno aeni yaworisi tosok.
- 8 Yawe, pulugan nepbi dima kimakgim.  
 Yan anek dabil pakbino wiririgek kilano anjaki dima kesal nikgit.
- 9 Yando, nak miktimon egipben bisapmon Yawe gat kalonji agipden.
- 10 Nak Pinjop nandan gadan iminek bisit yan agim,  
 “Yawe, nak jigisi nandanek egisat.”
- 11 Ae si pasalgim bisapmon yan yagim, “Amin kisi morap unun top amin gin.”
- 12 Yawe da nak do yo tagisi anj namisak, do kobogi do yo ninan iben?
- 13 Yawe da nak yokwikon nan abidagit, do ya yan iyinjek paret ak do wain kap anjenokgen.
- 14 Minjat amin kabini abin muwutni da dabilon nak kalip Yawe do yo ak do yan teban tok agim unun abo pindatdan.
- 15 Yawe dakon telagi amin unun iyi dakon wam tabilni, do kimokgon bisapmon pindakban yo madepsi anj.
- 16 Yawe, nak gak dakon oman monjigo.

Mejno da kalip gak dakon pi agit, abisok  
monji nakyo kisi pigo asat.

Nak nap tebanon egapbo pulugan nepgul.

<sup>17</sup> Nak ya yan gayinek paret anek mangokon da  
bisit aben.

<sup>18</sup> Minjat amin kabini abin muwutni da dabilon nak  
kalip Yawe do yo ak do yan teban tok agim  
unun abo pindatdan.

<sup>19</sup> Yawe, nak Jerusalem kokup papmon gak da  
telagi yutnon paret unun aben.

Yawe ankisini!

## 117

### *Yawe ankisinen*

<sup>1</sup> Minjat amin kabi morap egi anan kwan, ji Yawe  
ankisini.

Miktimi miktimi minjat amin morap ji mani  
yan ankisini.

<sup>2</sup> Nin do but dasi galak tan nimisak.

Bisapmi bisapmi geni guramik kimagek nin  
dima nipman dekdak.

Yawe ankisini!

## 118

### *Pinkop da panpulugagit do ya yan iyiwit*

<sup>1</sup> Yawe anpakni unun tagisi, do ya yan iyini.

Dagok dagogi mini nin do but dasi galak tan  
nimisak.

<sup>2</sup> Israel amin ji yan yoni,

- “Dagok dagogi mini nin do but dasi galak tan nimisak.”
- <sup>3</sup> Pinjkop dakon mukwa sogok amin kabini yan yoni,  
“Dagok dagogi mini nin do but dasi galak tan nimisak.”
- <sup>4</sup> Minjat aminyo morap Yawe do pasal iman yan yoni,  
“Dagok dagogi mini nin do but dasi galak tan nimisak.”
- <sup>5</sup> Nak jigino madepsi, do Yawe bisit iyiko nandanek jigino unun wiririkban pasilgwit.
- <sup>6</sup> Yawe nak gat egisak, do aripmi dima pasolgen.  
Amin da nak do yo kinda aripmi dima ani.
- <sup>7</sup> Yawe panpulugokno nak gat egisak.  
Kanjapbo Yawe da uwalno pabin yopdisak.
- <sup>8</sup> Panjutnosak do Yawekon kinej kan tagisi.  
Egip egipnin amin kindakon tosoy yan nandaney kan, unun da tagi dima.
- <sup>9</sup> Panjutnosak do Yawekon kinej kan tagisi.  
Egip egipnin kila amin madep kindakon tosoy yan nandaney kan, unun da tagi dima.
- <sup>10</sup> Uwal morapmi da nak angwasiwit, mani Yawe da manon dapbo pasilgwit.
- <sup>11</sup> Teri teri kisi da nak angwasiwit, mani Yawe da manon dapbo pasilgwit.
- <sup>12</sup> Kaban morapmi da yan nak angwasiwit.  
Mani jon kibiri sonba sonjek tepmi pasilgan,  
unun da tilak tepmi kimakgwit.  
Yawe da manon dapbo pasilgwit.

- 13 Nak gat emat madepsi wamanjek abin nep do  
aba nandagim.  
Mani Yawe da nak anpulugagit.
- 14 Yawe da tapmim madepsi namisak.  
Iyi nak yokwikon nan pulugan nepmandak.
- 15 Pin kop dakon minat amin kabini da imal yutnig-  
wan kisik kisik anek yan tidon do nandaki.  
Yan yon, "Yawe dakon tapmim madepni da yo  
unun agit!"
- 16 Yawe dakon tapmim madepni da nin  
panpuluganban emaron teban tagiman!  
Yawe dakon tapmim madepni da yo unun  
agit!"
- 17 Nak dima kimokgen.  
Nak egek Yawe da yo agit unun do yan  
tenjenok aben.
- 18 Yawe da nak ankilek ak do yo yokwisi annamgut,  
mani yum nandanakwan dima kimakgim.
- 19 Wigat amin kilegi da tagi pigigi unun wital  
naminaki pikek Yawe ya yan iyiken.
- 20 Unun Yawe dakon wigat.  
Amin kilegi da unun nan tagi pigini.
- 21 Gak bisitno nandanek yokwikon nan pulugan  
nepgul, unun do ya yan gayisat.
- 22 Yut agak amin da gwak yokwi yan yanek maba  
kigit, unun gwak tip kindan nan tidawit da  
akdak.

- 23 Yawe da iyi yo unun aban nin da kono yo masi masimisi asak.
- 24 Yawe on gildat unun nin do nimik.  
Nin kisik kisik anek but galak nandanen.
- 25 Yawe, gak da nin yokwikon ban timikgi do gayaman.  
Gak da nin panpuluganbi yo morap ano tagisi gin noman toni.
- 26 Yawe da manon abisak amin unun Pin kop da yo tagisi an injak.  
Yawe da yutnon nin mani an kisinen.
- 27 Yawe unun Pin kop.  
Unun da ten teni nimisak.  
Kindap kilin timigek kin alta an gwasini.
- 28 Gak Pin kopno, do ya yan gayisat.  
Gak Pin kopno, do mango awigisat.
- 29 Yawe an pakni unun tagisi, do ya yan iyini.  
Dagok dagogi mini nin do but dasi galak tan nimisak.

## 119

### *Pin kop dakon gen teban unun tagisisi*

- <sup>1</sup> Amin kosit kilegikon akwan, ae gulusunni mini, ae Yawe dakon gen teban guramikgan, unuden amin kisik kisik ekwan.
- <sup>2</sup> Amin Pin kop dakon gen guramigek but dasi nandanek yolgan unuden amin kisik kisik ekwan.
- <sup>3</sup> Unuden amin gulusun kinda dima an.

---

118:25: Mt 21.9; Mk 11.9; Jn 12.13

118:26: Mt 21.9; 23.39; Mk

11.9; Lk 13.35; 19.38; Jn 12.13



- Yawe dakon anpak banjin yolgan.
- <sup>4</sup> Gak da gen morapgo nimanek nin da kilani tagisi anek guramitnej dosi gen teban yipgul.
- <sup>5</sup> Gak dakon gen si teban tanek guramik kimokgen dosi nandisat.
- <sup>6</sup> Nak yan aben kan, gak dakon gen teban do nandan egipben bisapmon mayagi dima paken.
- <sup>7</sup> Gen tebango kilegi do pini anek nandabo pisosak bisapmon butno kilegisi tanakwan mango anenokgen.
- <sup>8</sup> Nak gen tebango kisi morap guramikgen.  
Wagil dima nepman dekgi.

*Pin kop dakon gen teban guramikgan amin dakon gen*

- <sup>9</sup> Nian anek monji gimonji da anpak kilegi gin anek egipni?  
Gak dakon gen guramigek kando kilegisi egipni.
- <sup>10</sup> Nak but dasi nandanek gak wisin gandak do pi asat.  
Anpuluganaki gak dakon gen teban dima yipman dekgen.
- <sup>11</sup> Nak yokwi kindi dima angaben do anek gengo butnokon yopgum.
- <sup>12</sup> Yawe mango ankisisat.  
Gen tebango nayin dekgi.
- <sup>13</sup> Gen teban morap niyigil unun minat amin morapyo yoyin tenjenosot.
- <sup>14</sup> Nak amin da monej ae yo galagisi do galak ton, nak unun da tilak gak dakon gen guramit do galagisi nandisat.
- <sup>15</sup> Nak gengo do pakyanji nandan egisat.  
Ae anpakgo do nandan egisat.

- 16 Nak gen tebango do galagisi nandisat.  
Unjun dima injtokenj.

*Amin kinda Pinjkop dakon gen teban do but galak nandisak*

- 17 Oman amingo nak do yo tagisi anj nabi.  
Yanj anjaki nak kalugi egek gengo guramikgenj.
- 18 Nandak nandakno dakon yoma wıtdalaki nawa gengokon gen wagıl tagisi morap tonj unjun arıpmı tagi nandanj pisokenj.
- 19 Nak on miktımon miktım njwaknjwarıkon amin kinda da egısat.  
Do gen tebango dima anjksıbjnj nabi.
- 20 Butnokon da gıldarı gıldarı gak dakon gen teban yol do tek kindap pasat.
- 21 Gak da iyi do nandaba wıkwıanj amin gen tebai yoyısal.  
Unjun amin jobırı tonj, ae gen tebango manji yomınek iyi da galak togon akwanj.
- 22 Unjun da jıgilak yanj namınek nabıpmıanjı.  
Mani gak dakon gen teban yoldat, do yum pındagaki gen unjuden dima nayını.
- 23 Kıla amin muwugek nak dakon man abınj yıpmıanjı.  
Mani oman amingo nak toktogı gak dakon gen do nandakenj.
- 24 Gak dakon gen do but dası galak tosot.  
Gengo da kosıt kilegı agıpbıenj do nayınj dekdak.

*Amin kinda Pinjkop dakon gen teban yol do pi madepsi asak*

- 25 Nak kimbabanon yokwisi pokdot.

- Yaŋ teban tok agil uŋun da aripmon abi  
pidanapbo anteban aki.
- 26 Anpak morapno do gayiko kobogi panjobil  
namgul.  
Gengo nayiŋ dekgi.
- 27 Nayiŋ dekbi gengo dakon mibili nandan  
pisoken.  
Ae wasok tapmimi ton morapgo uŋun do nan-  
dan egipben.
- 28 Butno jigisi asak.  
Yaŋ teban tok agil uŋun da aripmon nak  
anteban aki.
- 29 Anpak toptopmi yolbi nak da dubagikon kiŋ  
mudoni.  
Anpak tagisi an naminek nawa gengo do nayiŋ  
dekgi.
- 30 Nak gak gol do gen yaŋ anteban agim.  
Toktogisi nawa gengo dogin nandan egisat.
- 31 Yawe, gengo uŋun guramik kimokdot.  
Ankutnanaki mayaktok dima paken.
- 32 Gen tebango tepmisi guramitdisat.  
Nido, gak da nandak nandak di gat sanbenek  
namdisal.
- Amin kinda Pirkop da nandak nandak  
anpulugosak do bisit agit*
- 33 Yawe, gengo nayiŋ dekbi guramik egapbo  
bisapno mudosak.
- 34 Nawa gengo dakon mibili nolibi but dasi nan-  
danek guramikgen.
- 35 Gak dakon gen teban do galagisi nandisat, do  
uŋun dakon kosit nolibi uŋun nan kiken.

- 36 Butno an̄tagap abi gak dakon gen do galagi nandan̄ek yo do pindak galaktok dima aben̄.
- 37 An̄pulugan̄aki yo isali do pindak galak tok dima aben̄.  
 Yan̄ teban tok agil un̄un da ar̄ipmon eḡip eḡipno an̄kutnoki.
- 38 Oman am̄ingo nak do yo ak do yan̄ teban tok agil un̄un da ar̄ipmon an̄aki amin da pasal gamni.
- 39 Nawa gengo un̄un tagisi.  
 An̄pulugan̄bi mayaktok dima paken̄.  
 Mayagi pak do si pasoldot.
- 40 Gengo guram̄it do galagisi nand̄isat.  
 An̄pakgo kilegisi, do eḡip eḡipno an̄kutnoki.

*Amin kind̄a Pin̄kop dakon gen do nandan̄ gadat agit*

- 41 Yawe, bisapmi bisapmi nak do but dasi galak tan̄ nabi, an̄ek nak yokwikon nan̄ abidoki dosi nand̄isat.  
 Gak yan̄ ak do kili yan̄ teban tagil.
- 42 Nawa gengo do nandan̄ dagosot.  
 Do an̄pulugan̄aki nab̄ipman̄an̄ amin do gen kobogi ar̄ipmi tagi pan̄tobil yoben̄.
- 43 Nawa gengo da nak tagi an̄pulugosak yan̄ nandan̄ teban tan̄ek jomjom asat.  
 Do an̄teban an̄aki bisapmi bisapmi gengo bami yan̄ ten̄ten̄oken̄.
- 44 Bisap dagok dagogi mini nawa gengo guram̄ik kimokgen̄.
- 45 Gengo guram̄it do pini asat, do yo yokwi kind̄a da kosit dima sopman̄ namjak.
- 46 Nak da kila amin madep gengo do yoyiken̄.

Uñun da mayagi ðima namni.

47 Gen tebango do but galaksi nandisat.

Gen teban morapgo uñun do but dasi galak tosot.

48 Gen tebango uñun tagisi yan nandanek, uñun do but dasi galak tan kimokdot.

Gengo uñun do nandan egipben.

*Amin kinda da Pinƙop dakon gen teban do yo bamisi yan nandisak*

49 Gak oman amingo nak do kalip yan teban tok agil uñun do nandaki.

Uñun da nak antagap aban tagisi egipben yansi nandan teban tanek jomjom asat.

50 Yan teban tokgo da egip egip namisak.

Jigi pasat bisapmon uñun da butno anteban asak.

51 Iyi do nandaba wikwan amin da yansul yokwisi an naman.

Mani nawa gengo do manji ðima yomisat.

52 Yawe, gak dakon nawa gen kalipmisi uñun do nandan egisat.

Uñun da butno anteban asak.

53 Amin yokwi da nawa gengo manji yominakwa japmisi nandan yomisat.

54 Nak kokupno da dubagikon egek gengo do kap yosot.

55 Yawe, nak kalbi mango do nandak nandak anek nawa gengo yoldat.

56 Gak dakon gen guramikdat.

Uñun da but galak namisak.

*Amin kinda Pinƙop dakon gen teban yol do but dasi galak tagit*

- 57 Yawe, gak nak gat egisal, do yo do wadak wadak  
dima asat.  
Gengo yol do yan teban tok asat.
- 58 Gak da nandan yawot an nabi do yan teban tok  
agil, do yansi abi do bisit gayisat.
- 59 Anpak morapno do kili nandagim, anek tobilek  
gengo guramit do agim.
- 60 Jomjom dima aben.  
Gen tebango tepmisi guramikgen.
- 61 Amin yokwi da nap nan nak anteban anek anpak  
yokwinikon ilik anan kik do an, mani nawa  
gengo do dima intosot.
- 62 Kalbi binap nawa gengo kilegisi do ya yan gayik  
do pidosot.
- 63 Amin morap gak do pasalek gengo guramikgan  
amin not an yomisat.
- 64 Yawe, gak da miktimon minat amin morap kisi  
do but dasi galak tan yomisal.  
Gengo do nayindet abi.

*Pinjok dakon gen teban unun da nin tagisi  
panpulugosok*

- 65 Yawe, yan teban tok agil unun da aripmon oman  
amingo nak do anpak tagisi an namgul.
- 66 Gen tebango do nandan gadasat.  
Do nandak nandak gat ae gen kokwin tagisi  
agak dakon nandak nandak do nayin dekgi.
- 67 Nak ankilek akdo pi dima agil bisapmon kositgo  
yapgum.  
Mani abisok gengo guramikdat.
- 68 Gak tagisi, do yo asal unun tagisi ban asal.  
Gengo do nayin dekgi.

- 69 Iyi do nandaba wikwanj amin da top morapmi  
 yan namgwit.  
 Mani but dasi nandanjek gengo guramikdat.
- 70 Unun amin nandak nandakni kilegi mini.  
 Mani nawa gengo do but dasi galak tosot.
- 71 Gak da jigi namgul unun tagisi agil.  
 Unun da gengo do nayindet tagisi agit.
- 72 Nawa gengo do nandako yo madepsi asak.  
 Unun da gol ae silva monej morapmisi yap-  
 mandak.

*Pinjkop dakon gen teban unun kilegisi*

- 73 Kisitgo da nak wasagil.  
 Nandak nandak naminjaki gen teban morapgo  
 nandan pisokenj do pi tagisi abenj.
- 74 Gengo da nak tagi anpulgusak yan nandan teban  
 tanjek jomjom asat.  
 Do minjat amin morap gak do pasolgonj amin  
 nak nandani bisapmon kisik kisik ani dosi  
 nandisat.
- 75 Yawe, nak nandisat, gak dakon gen teban morap  
 unun kilegisi gin.  
 Gak gengo yolek anpakno anmilip ak do anjek  
 jigi namgul.
- 76 Gak nak do toktogisi but dasi galak tanj nam do  
 yan teban tok kili agil.  
 Do gen yagil da aripmon nak oman amingo  
 dakon but anteban abi dosi nandisat.
- 77 Nawa gengo do but dasi galak tosot.  
 Do nak do bupmi nandanjaki tagisi egipben  
 dosi nandisat.
- 78 Iyi do nandaba wikwanj amin da top yanjek isal  
 dogin abinj nepgwit.

Anpakni unun do gak da panmayak abi mayak toni dosi nandisat.

Mani, nak toktogisi gengo do nandan egipben.

79 Namin amin da gak do pasolgon ae gak dakon gen teban nandan unun da nagon apni dosi nandisat.

80 Anpuluganaki gen teban morapgo guramigek anpakno do mayaktok dima paken dosi nandisat.

*Amin kinda Pinjkop da yokwikon nan abidosak do bisit agit*

81 Gak da nak yokwikon nan abidoki do jomjom anek butjiksi nandisat, anek tapmimno minisi ayin.

Mani gengo da nak tagi anpulugosak yan nandan teban tanek jomjom asat.

82 Gak da yan teban tok agil unun aripmi akdisal yan do jomjom anek sintan egit da dabilno tep naman.

Anek yan yosot, “Ni bisapmon butno anteban abi?”

83 Nak wain tibit meme gip ban wasanbi kalipmi kinda amin da mukwakon yipba teban tanbi yombem.

Mani gen tebango do dima intosot.

84 Bisap nian da oman amingo nak jomjom sigin aben?

Yo yokwi an naman amin do ni bisapmon kobogi yokwi an yobi?

85 Iyi do nandaba wikwan amin, nawa gengo dima guramikgan.

Nak da moken do gapma wayikgan.



86 Miñat aminyo nin da gen teban morapgo tagi nandan gadanen.

Amin da isal dogin yokwi an naman, do anpulugoki do nandisat.

87 Palisok nikba kimakgim, mani gengo dima yipman dekgim.

88 Nak do toktogisi but dasi galak tan namisal, do anpuluganaki dima kimokgen.

Yan anaki gen teban morapgo guramikgen.

*Amin kinda Pinkop dakon gen teban do nandan gadagit*

89 Yawe, gak dakon gengo toktogisi tan anan kikdisak.

Unun Kwen Kokup tebaisi tosok.

90 Anpakgo tagisi unun amin don altanek egipdan kabikon toktogisi tan anan kikdisak.

Miktim yipgul da tamonikon tanek dima diwalik kisak.

91 Gaga yagil unun da aripmon yo morap tawit da abisokyo kisi ton gin.

Nido yo morap kisi da gak dakon pi an.

92 Nawa gengo do but dasi dima galak tagim tam, nak jigi panek kili kimakgim.

93 Gengo dimasi intoken.

Nido unun yolapbo gak da egip egipno ankutnal.

94 Nak gak dakonsi, do yokwikon nan abidoki.

Nak gengo guramit do pini asat.

95 Amin yokwi nikba kimokgen do jomjom an.

Mani, gen tebango do nandan egipben.

96 Abisok nak nandisat, yo wagil tagisi kinda minisi.

Mani gengo unun yo tagisisi, ae tilakni mini.

*Amin kinda Pinƙop dakon gen teban do but dasi galak tosok*

- 97 Nak gen tebango do but dasi galak tosot.  
Gildat kinda kalon uŋun dogin nandan egisat.
- 98 Gen tebango nagon toktogisi tosok, do nandan kokwin tagisi amin kinda daganek uwalno dakon nandak nandak yapmandat.
- 99 Nak toktogi gak dakon gen bami dogin nandan egisat, do nandak nandak tagisi timigek yoyindet morapno kisi yapmandat.
- 100 Gengo kilegisi uŋun guramikdat, do nandan kokwino tagisi da amin pelan dakon nandak nandak yapmandak.
- 101 Anpak yokwi ak do dimasi nandisat, nido gengo banŋin guramit do nandisat.
- 102 Gak da gaga dakon gen do nayin dekgil, do gen uŋun dima yipman dekgim.
- 103 Kaban kok uŋun gen kaganokon galagisi, mani gengo da uŋun yapmanek wagil galagisisi asak.
- 104 Gengo da nandak nandak tagisi namisak, do anpak yokwi morap do dimasi galak tosot.

*Amin Pinƙop dakon genon tenŋenji abidon*

- 105 Gengo da nak anpuluganban kosit kilegi agipben dakon lamno asak.  
Ae kosit agipben dakon tenŋenno asak.
- 106 Gen tebango kilegisi guramit do yan teban tok kili agim, do yan gin akdisat.
- 107 Yawe, jigi madepsi da wutjin namisak.  
Yan teban tok agil da aripmon anpuluganbi kalugi egipben.

- 108 Yawe, nak ya yan gayisat unun da paretno asak,  
unun timikgi.  
Gen tebango do nayin dekgi.
- 109 Nak toktogisi kimot da kapmatjok kin kin asat.  
Mani nawa gengo dima in token.
- 110 Amin yokwi da nak abidok do pat yipman,  
mani gengo dima yipman dekdut.
- 111 Toktogisi gengo abidan kimokdot.  
Anapbo unun gen da kisik kisik namisak.
- 112 Gengo guramik kimokgenji, anapbo wigi  
kimokgen da bisapmon wigisak.

*Pinkop dakon gen teban da anpuluganjanwan nin  
tagisi ekwaman*

- 113 Amin gak gol do but bamot an unun do dima  
galak tan yomisat.  
Mani nawa gengo do but dasi galak tosot.
- 114 Gak kalonjin pasili tamono ae pasikno.  
Gengo da nak tagi anpulugosak yan nandan  
teban tanjek jomjom asat.
- 115 Yokwi pakpak minjat aminyo ji nepman dekgit.  
Pinkopno dakon gen teban guramit do  
nandisat.
- 116 Yan teban tok agil da aripmon anteban anaki  
egipben.  
Anaki yo abidok do nandan teban tanjek  
jomjom asat unun dima sun tosak.
- 117 Kisitnokon abidanaki tagisi egipben.  
Anaki toktogisi gengo do nandan egipben.
- 118 Minjat amin morapyo gen tebango yipman dek-  
gan unun manji yomisal.  
Top geni unun sun tokdan.

- 119 Gak da amin yokwi morap sibat sibat gin yan nandan yominek mabi kwan, do gengo do but dasi galak tosot.
- 120 Nak gak do pasalek giptimno madepsi nimnimikdak.  
Gen kokwin tamokon gak da amin gen yan yomdisal unun do nandanek madepsi pasoldot.

*Amin kinda Pinjok dakon gen teban guramikdak*

- 121 Nak anpak kilegi tagisi ban agim.  
Yum nandanaki uwalno da yokwi dima an namni do nandisat.
- 122 Pi amingo nak anpulgok do yan teban tok abi do nandisat.  
Yum pindagaki kwen wigik amin da jigis dima namni.
- 123 Yokwikon nan abidoki do yan teban tok agil unun aripmi akdisal yan do jomjom anek sintan egit da dabilno tep naman.
- 124 Oman amingo nak butdasi galak tan naminek gen bami do nayin dekgi.
- 125 Nak oman amingo, do nandak nandak naminaki gengo do tagi nandabo pisosak.
- 126 Abisok minat aminyo nawa gengo kirinikan unun Yawe gak da kobogi yobi dakon bisap.
- 127 Gol unun yo tagisi, mani unun yapmanek gen tebango do but dasi galak tosot.
- 128 Gen morapgo kisi guramikdat.  
Anpak yokwi morap do dima galak tosot.

*Pinjok dakon galaktok yolyol dakon gen*

- 129 Gen tebango unun wagil tagisisi do anek guramikdat.

- 130 Amin kindsa da notni kindsa anpuluganban gengo dakon mibili nandisak kan, tenjenikon egipdisak.  
Gengo unun da nandak nandakni mini amin nandak nandak yomisak.
- 131 Nak amin da pakbi do tep ton unun da tilak gen tebango do galagisi nandisat.  
Unun nandak do but dasi galak tosot.
- 132 Amin morap mango do but dasi galak ton unun bupmi nandan yomisal, unuden gin abin bupmi nandan nabi.
- 133 Yan teban tok agil unun da aripmon kosit nolayiki.  
Ankutnanki yokwi kindsa da nak abin nep do pi dima asak.
- 134 Pulugan nepmanaki nak abin nep do yon amin da dima anupbal ani.  
Yan anaki gengo guramikgen.
- 135 Butgo oman amingo nagon yipmanek yo tagisi an nabi.  
Gen teban morapgo do nayin dekgi.
- 136 Amin da nawa gengo dima guramikgan do anek kunam tagapbo dabil pakbino pakbi madep da yan pokgon.

*Pinkop dakon gen teban unun kilegisi*

- 137 Yawe gak kilegisisi.  
Ae gen teban morapgo kisi kilegi gin.
- 138 Gen teban morap nimgul unun kilegi ae nin da tagi nandan gadanen.
- 139 Uwalno gengo do nandak nandak dima an, do butjap madepsi nandanek tapmimno mon.

- 140 Yan teban tokgo unun pankiligek unun bamisi  
yan kili pindakgim.  
Do oman amingo nak yan teban tok gengo  
unun do but dasi galak tosot.
- 141 Nak amin isali nan amin da abin nepmanan.  
Mani gengo do dima intosot.
- 142 Anpakgo kilegi unun toktogisi tan anan kikan.  
Ae nawa gengo unun bamisi.
- 143 Jigi morapmi nagon noman ton, mani gengo do  
but galaksi nandisat.
- 144 Gengo unun toktogisi kilegisi.  
Anpulanabi gen unun do nandan pisanek  
tagisi egipben.

*Amin kinda Pinkep da yokwikon nan abidosak do  
bisit asak*

- 145 Yawe, nak gak do bisit tebai asat.  
Bisitno nandanaki gen morapgo guramikgen.
- 146 Nak gak do yan tidosot.  
Yokwikon nan abidanaki gen tebango tagi gu-  
ramikgen.
- 147 Wisa dima daganakwan pidanek anpulgoki do  
yan tidosot.  
Gen tebango da nak tagi anpulgusak yan nan-  
dan teban tanek jomjom asat.
- 148 Kalbi dipmin dima pokdot.  
Toktogisi yan teban tok gengo dogin nandan  
egisat.
- 149 Yawe, toktogisi but dasi galak tan namisal, do  
bisitno nandaki.  
Gak kilegisi, do kilano anaki egipben.
- 150 Amin nandak nandakni yokwi da nak anupbal  
ak do nak da kapmatjok aban.  
Unun amin nawa gengo dima guramikgan.

- 151 Mani Yawe, gak nak da kapmatjok egisal.  
Ae gen teban morapgo unun bamisi gin.
- 152 Gengo unun anteban anaki dagok dagogi  
mini toktogisi tosok unun kalipsigwan kili  
nandagim.

*Amin kinda Pinjkop da yokwikon nan abidosak do  
yan tidagit*

- 153 Nak nawa gengo do dima intosot, do jigino  
madepsi unun kanek anpulugoki.
- 154 Uwal da gen yan naman, do anpuluganek yok-  
wikon nan abidoki.  
Kalip yan teban tok agil unun yolek egip egip  
nabi.
- 155 Amin yokwi gen tebango unun dima  
guramikgan, do yokwikon ban dimasi  
timitdisal.
- 156 Yawe, bupmigo unun madepsi.  
Gak kilegisi, do kilano anaki egipben.
- 157 Amin morapmi da yokwi an naminek uwal an  
naman.  
Mani gengo bami dima yipman dekdad.
- 158 Manji gaman amin pindakdat bisapmon nand-  
aba yokwitok an yomisat, nido unun gengo  
dima guramikgan.
- 159 Gengo do but dasi galak tosot unun nandisal.  
Yawe, gak da but dasi galak tan namin  
kimokdol, do yokwikon nan abidanaki tagisi  
egipben.
- 160 Gen morapgo unun bamisi gin.  
Nawa gen morapgo kilegisi unun toktogisi tan  
anaj kikan.

*Amin kinda Pinjkop dakon gen teban guramik kimot do nandagit*

- 161 Kila amin da mibili mini nak yokwi an naman.  
Mani nak gengo do nandanek nimmimikdat.
- 162 Amin kinda da yo tagisi morapmi timikdak,  
unjun da tilak yan teban tok gengo do kisik  
kisik madepsi asat.
- 163 Nak anpak toptopmi do nandabo tagi dima an.  
Mani gen tebango do but dasi galak tosot.
- 164 Nawa gengo unjun kilegisi, do gildat morap kisi  
nak gak do ya yan kosiri 7 kabi yan yan asat.
- 165 Minjat aminyo nawa gengo do but dasi galak  
ton, unjun butni yaworisi ton, ae yo kinda da  
kesalban dima man dapni.
- 166 Yawe, yokwikon nan abidoki do jomjom asat.  
Nak gen tebango guramikdat.
- 167 Nak gengo do but dasi galak tosot, do gengo  
guramikdat.
- 168 Anpak morapno unjun pindakdal, do gen teban  
morapgo unjun guramikdat.

*Amin kinda Pinjkop da anpulugosak do bisit agit*

- 169 Yawe, anpulugoki do yan tidosot, do nandan  
nabi dosi nandisat.  
Yan teban tok agil unjun da aripmon nandak  
nandak tagisi nabi.
- 170 Kalip yagil unjun da aripmon bisitno do mirak  
yopmanek yokwikon nan abidoki dosi  
nandisat.
- 171 Gengo do tagisi nayin dekdal, do toktogisi  
mango ankisiken dosi nandisat.
- 172 Gen teban morapgo unjun kilegi gin, do gengo  
do kap yoken dosi nandisat.



- 173 Nak gengo yoldosi nandagim, do toktogisi nak anpulugok do tagap toki dosi nandisat.
- 174 Yawe, gak da nak yokwikon nan abidoki do madepsi nandan egisat.  
Nawa gengo da kisik kisik namisak.
- 175 Egip egip naminaki mango ankisiken.  
Gengo da anpulugosak do nandisat.
- 176 Sipsip da kin pasilgan unun da tilak kosit tagisi kili yipman dekgim.  
Do abin oman amingo nak do wusiki.  
Nak gen tebango do dima intosot.

## 120

### *Amin kinda Pin kop da anpulugosak do bisit agit*

Pin kop gawak imim tamokon kigik dakon kap.

- 1 Jigi noman tan namgwit bisapmon Yawe do yan tidoko bisitno nandan namgut.
- 2 Bisit yan agim, “Yawe, top amin da nak ankewalni yan do nak pulugan nepbi.”
- 3 Top amin ji, Pin kop da ji do yo ni ban an damjak?
- 4 Unun da emat amin dakon gobin ban yaman damdisak.  
Anek kindapni tedepmi jikon tagaldisak.
- 5 Nak ji da binapmon yokwisi egisat.  
Amin da Mesek miktimon bo Kade amin da binapmon yokwisi ekwan unun da tilak jikon yokwisi egisat.
- 6 Nak minat aminyo yawori egip egip do ikwayit an amin gat kisi bisap dubagisi ekwaman, do kuragisi nandisat.
- 7 Nak da tagisi yitni do yosot bisapmon unun emat gin ak do nandan.

## 121

### *Yawe unun nin dakon kila amin*

Piņkop gawak imim tamokon kigik dakon kap.

<sup>1</sup> Nak siņtoko ileņon wigisak.

Paņpulugokno dukwan da apban kokeņ?

<sup>2</sup> Yawe kundu gat ae miktım gat wasagit unun dagin paņpulugokno egisak.

<sup>3</sup> Kilago asak, do aripmi dima maņ pokgi.

Kilago aņek dipmin dima pokdok.

<sup>4</sup> Pakyaņsi nandani, Israel amin dakon kila amin unun pak nandat kinda dimasi asak.

<sup>5</sup> Yawe unun gak da ileņonjok egek kilago aņek gak anyoņgam asak.

<sup>6</sup> Gildat da gildat kalba ae kanek da kalbi aripmi dima aņupbal anjil.

<sup>7</sup> Yawe da kilago aņakwan yo yokwi morap toņ kindasok da gak dima aņupbal asak.

Egip egipgo kisi kila asak.

<sup>8</sup> Yawe da abisok ae don kiņ apyo akdisal unun kilago aņaņ wigikdisak.

## 122

### *Jerusalem aņkisik dakon kap*

Dewit dakon kap kinda. Piņkop gawak imim tamokon kigik dakon kap.

<sup>1</sup> “Kili apba Yawe da yutnon kino” yaņ nayiņba nandabo tagisi agit.

<sup>2</sup> Nin kili abiņ Jerusalem dakon wigat yapmaņek nagalgwan piņimaņ da akgamaņ.

- 3 Jerusalem kokup pap unun wagil tagisi wasanbi.  
 4 Israel amin idon abin Yawe ya yan iyini do kalip  
 kili yoyigit unun gen yolek abin abin an.  
 5 Unudon gen kokwin agak tamo tosok.  
 Dewit dakon diwatni kila amin madep egi egi  
 awit unun dakon gen kokwin tamo ton.
- 6 Jerusalem yaworisi tosak do bisit ani.  
 Bisit yan ani,  
 “Yawe, Jerusalem do galagi nandan amin  
 panpuluganbi tagisi egipni.”
- 7 Panpuluganbi Jerusalem da nagalgwan ekwan  
 amin emari mini tagisi egipni, ae kila amini  
 gat kisi tagisi egipni dosi nandaman.”
- 8 Gwakno gat ae notno gat do nandanek Jerusalem  
 amin do bisit yan aben,  
 “Ji emari mini tagisi egipni.”
- 9 Nak Yawe Pinkopnin dakon telagi yut do nan-  
 danek bisit yan aben,  
 “Yo kinda do wadak wadagi mini tagisi  
 egipni.”

## 123

*Amin kinda Pinkop da bupmi nandan imjak do  
 bisit agit*

Pinkop gawak imim tamokon kigik dakon kap.

- 1 Yawe, nak Kwen Kokup sintoko wigakwan gan-  
 dako kila amin madep yiyit tamogokon  
 yikdal.
- 2 Oman amin amin tagini do nandan gadasak,  
 anjakwan pi amin minjat unun amin tagi minjat

do nandan gadasak, yan gin nin Yawe gak  
do nandan gadaman.  
Gak Pinjopnin, gak dagin bupmi nandan nibi  
do jomjom aman.

<sup>3</sup> Yawe, amin da yokwi an niminjakwa jigisi nandanaman, do bupmi nandan nibi.

<sup>4</sup> Bisap dubagisi iyi do nandaba wikwan amin da pabin nipgwit, do jigisi nandanaman.

## 124

*Pinjop unun minat amin kabini dakon Panpulugok  
Amini*

Dewit dakon kap kinda. Pinjop gawak imim tamokon kigik dakon kap.

<sup>1</sup> “Yawe da nin dima panpulugagit tam, nianji?”

Israel amin da unun gen dakon kobogi yoni.

<sup>2-3</sup> “Amin da butjap nandan niminek ninon emat awit bisapmon Yawe da nin dima panpulugagit tam, uwal da japmisi nandanek obisi tagi panupbal abam.

<sup>4</sup> Butjapni pakbi da yan igek timikban tagi pasilnom.

<sup>5</sup> Pakbi madep unun igek timikban tagi kimak mudonom.  
Mani dima.”

<sup>6</sup> Nin Yawe do ya yanji iyinen.

Yum nindanakwan uwal da nin dima nindapba pasilgiman.

<sup>7</sup> Nin minam da yan amin kinda da pat yipguron yokwalgiman da pulugan kigiman.

Pat unun tuwil kigit, do nin pulugan kigiman.

<sup>8</sup> Yawe Kwen Kokup ae miiktimyo wasagit, unun da iyi nin tagisi panpulugosok.

## 125

*Piņkop da miņat amin kabini yopban tagisi yikgan*

Piņkop gawak imim tamokon kigik dakon kap.

<sup>1</sup> Miņat aminyo egip egipni Yawekon tosoke yansi nandan amin unun Saion Kabap yombem.

Kabap unun dima nimnimigek tebaisi tokdisak.

<sup>2</sup> Heņ da Jerusalem angwasinek ton unun da tilak Yawe da abisok ae don pangwasinek miņat amini kilani akdisak.

<sup>3</sup> Amin yokwi da amin kilegi dakon miiktim toktoği kilani dima ani.

Yan ani kan, amin kilegi yokwi akdan.

<sup>4</sup> Yawe, amin tagisi butni kilegi unun aminon anpak tagisi anjobi.

<sup>5</sup> Mani miņat aminyo iyi dakon anpak yokwini yolek an, unun yo yokwisi an jobi.

Yokwi pakpak amin do yo yokwisi an jobi.

Israel amin yawori tagi egipni.

## 126

*Piņkop da panpulugosak do Israel amin da bisit awit*

Piņkop gawak imim tamokon kigik dakon kap.

<sup>1</sup> Yawe da nin uwal da kisiron ban timik aeni Saion kokup papmon panagut bisapmon dipmin yombem pindakgiman.

<sup>2</sup> Nin jikgo madepsi yanjagiman.

Anjek kisik kisik kap yagiman.

Yan anapno miktim diwari dakon minat aminyo da yan yawit,

“Yawe da Israel amin panpulugok do pi madepsi agit.”

<sup>3</sup> Asisi, Pin kop da nin panpulugok do pi madepsi agit, do nin wagol tagisisi nandaman.

<sup>4</sup> Yawe, miktim kibirikon sikak manakwa jon yo morap ae kwon unun da tilak panpuluganaki kalip tagisi egipguman yan gin aenin tagisi egipnen.

<sup>5</sup> Amin kunam tagek jap kwaokgan, unun kisik kisik nandanek bami pakdan.

<sup>6</sup> Asisi, amin kunam tagek jap yet kwaot do jap yet pigaga pangwan, unun don jap bami pektanba pan panobinek kisik kisik kap yokdan.

## 127

### *Pin kop da yo tagisi an yoban mani an kisiwit*

Solomon dakon kap kinda. Pin kop gawak imim tamokon kigik dakon kap.

<sup>1</sup> Yawe da panpuluganban kisit kilda yut dima an tam, pi isal dogin abam.

Yawe da panpuluganban kila amin kokup pap kinda kilani dima an tam, kila isal dogin abam.

<sup>2</sup> Nin jap timit do nandaba kik anek wisa dima daganakwan pidan pi gin anegapno wigi pilin toni kan, pi unun isal dogin aman.

Nido, Pin kop da minat aminyo but dasi galak tan yomisak unun yik yawot yomisak.

- <sup>3</sup> Piŋkop da nin do yo tagisi an niminek monji gwayo but galak do nimisak.  
 Unun gisam tagisi Piŋkopmon timikgaman.
- <sup>4</sup> Yawi kaluk dakon monji gwayo unun gobin da yan emat amin kinda da kisiron ton.
- <sup>5</sup> Amin monji gwayo morapmi amin kisik kisik tagi ani.  
 Unun da gen pi tamokon uwal gat gen pi anakwa anpulugokdan.  
 Anakwa mayagi dima pakdisak.

## 128

*Piŋkop da geni guramigan amin do yo tagisi anyomisak*

Piŋkop gawak imim tamokon kigik dakon kap.

- <sup>1</sup> Amin morap Yawe do pasalek geni guramigan unun amin kisik kisik tagi ani.
- <sup>2</sup> Ji pi anak unun dakon bami pan noni.  
 Ji kisik kisik anak tagisi egipdan.
- <sup>3</sup> Minatgo da yutgokon wain nap da yan bami madepsi toni.  
 Ae minat monjiyogo da olip kindap monin yombem da yutgokon tamokon anawasinek yitni.
- <sup>4</sup> Asi, Yawe do pasalek ekwan amin kisik kisik tagi ani.
- <sup>5</sup> Yawe Saion kokup papmon egisak unun da gisam tagi damjak.  
 Ji miktimon egipni bisap morapmon Jerusalem kanakwa tagisi tosak dosi nandisat.

- 6 Ji bisap dubagisi egek babikji pindatni do nandisat.  
Israel amin yawori tagi egipni.

## 129

*Israel amin da Pinjkop da uwalni panjupbal asak do bisit awit*

Pinjkop gawak imim tamokon kigik dakon kap.

- 1 Israel amin, gak moninisogon da wiŋ abisok ekwamaŋon gak uwal da yokwi aŋ gamgwit dakon gen niyiki.
- 2 Gak yaŋ yoki, “Moninisogon da wiŋ abisok ekwamaŋ bisapmon uwal da nak yo yokwisi aŋ namaŋ.  
Mani nak aripmi dima abiŋ nepni.
- 3 Nak obisi baljanakwa nap kirinŋ da manjinokon giptimno dapba kirinikwan.  
Pi kaga dangap pindakgamaŋ uŋun da tilak baljanba wuda dubagisi di noman toŋ.
- 4 Mani Yawe uŋun kilegisi.  
Nak amin yokwi da nap teban wamgwit uŋun mandaŋ daganakwan oman monji sanjenek dima egisat.”
- 5 Nak Yawe da miŋat aminyo Saion kokup pap do uwal aŋ, uŋun mayaktok yomiŋek pabiŋ yopmaŋek yolban tobilek kokupnikon kini dosi nandisat.
- 6 Uŋun joŋ yut kwenon kwanek don dubak tokdo anakwa gildat da pindakban tepmi kibidoŋ uŋun yombem ani dosi nandisat.
- 7 Amin kinda da joŋ uŋun baljan panmuwuk wamaŋek dima pankisak.



<sup>8</sup> Ae miñat aminyo uwalnin da kapmatjok kiñek  
 “Yawe da yo tagisi anj damiñek gisam dam-  
 jak” yan dimasi yoyini dosi nandisat.

## 130

*Amin kinda Piñkop da anpulugosak do bisit agit*  
 Piñkop gawak imim tamokon kigik dakon kap.

<sup>1</sup> Yawe, butno jigisi tanakwan anpulugoki do yan  
 tidosot.

<sup>2</sup> Amin Tagi, bisitno nandaki.  
 Anpulugoki do gayisat, do nandan nabi.

<sup>3</sup> Yawe, gak da diwarinin manjiñek gen pikon nip-  
 bim tam, Amin Tagi namın da gengo yap-  
 ban?

<sup>4</sup> Mani gagon diwari wiririt tosoq, do nin gak do  
 pasal gamneñsi.

<sup>5</sup> Nak Yawe da anpulugosak do nandanek jomjom  
 asat.  
 Anek geni do tebaisi nandan gadasat.

<sup>6</sup> Nak Amin Tagi da anpulugosak dosi nandanek but  
 kindap asat.  
 Kalbi kila amin da uwal apni do kila anek wisa  
 tepmi dagosak do antep an unun yapmanek  
 but kindap madepsi asat.

<sup>7</sup> Israel amin, Yawe da nin do but dasi galak  
 tan nimisak, ae dima yokwi toneñ yan do  
 bisapmi bisapmi nin panpulugosok, do Yawe  
 da nin panpulugokdisak yanñsi nandan teban  
 tanek unun do jomjom aneñ.

8 Unjun da Israel amin nin yokwikon ban timigek diwarinin kisisi wiririk nimisak.

## 131

*Amin kinda iyi do nandaban pinjakwan bisit agit*

Dewit dakon kap kinda. Pinjop gawak imim tamokon kigik dakon kap.

<sup>1</sup> Yawe, nak naga do nandako dima wigisak.

Mano dima awigisat.

Nak yo kinda ni da wikwisi asak ae yo unjun dakon mibili aripmi dima nandako pisosak unjun do nandaba kik dima asat.

<sup>2</sup> Nak butno tagisi tosak do pi at da butno yawori tosak.

Nak egisat unjun monji njakjak da yan meni da kisiron nandaba kigi mini pagegisak nak unjun yombem.

<sup>3</sup> Israel amin, ji abisok ae bisap morap don kisi Yawe da panpulugosak do nandan teban tanjek jomjom ani.

## 132

*Pinjop dakon telagi yut madep do kisik kisik awit*

Pinjop gawak imim tamokon kigik dakon kap.

<sup>1</sup> Yawe, gak Dewit do dima intoki.

Ae jigi morap pagit kisi do dima intoki.

<sup>2</sup> Dewit da Israel amin dakon Yawe, Pinjop tapmimi ton, unjun do yan teban tok kinda yan yagit,

<sup>3</sup> “Nak yutnon dima kiken, ae dipmin potpot tamokon dima pokgen.

<sup>4</sup> Nak dipmin dima pokgen.

- 5 Mibiltok Yawe do yut kinda aben, unun Israel  
amin dakon Pin kop Tapmimi Ton unun da  
egipjakdo.  
Anek don yik yawot aben.”
- 6 Nin Betlehem kokupmon egek Sanbek Sanbek  
Kinam dukwan tosok unun dakon geni  
nandagiman.  
Anek unun Kiriati Jearim da miktimon tanban  
kagiman.
- 7 Kanek yan yagiman,  
“Nin kili Yawe da yutnon wigino.  
Ae unun da kapmatjok kinjek gawak imnen.”
- 8 Yawe, gak Sanbek Sanbek Kinango gat kisi abinek  
yik yawot yutgokon yikgi.  
Sanbek Sanbek Kinam unun gak dakon tapmim  
madepgo dakon tilak asak.
- 9 Mukwa sogok amingo panpuluganaki toktogisi  
anpak kilegi ani.  
Anaki unun anpakni kilegi da imalni tagisi da  
yan asak.  
Ae minat aminyogo panpuluganaki kisik kisik  
anek kap yoni dosi nandisat.
- 10 Yawe, oman amingo Dewit do nandan ibi.  
Kila amin madep gaga manjigil unun manji  
dima ibi.
- 11 Gak da kalip Dewit do yan teban tok tebaisi  
an ingul, ae gengo kulabik aripmi dima  
akdisal.

- Yañ iyigil, “Nak da monji kabigokon kında yipbo kila amin madep egipjak.
- 12 Monjigoni nak dakon sanbek sanbekno guramitni, ae gen morapno yoben unun guramitni kan, don bisap dagok dagogi mini babigoni dakon monjini kila amin madep dagokdan.”
- 13 Yawe da Saion kokup pap iyi do tilak agit da unudon toktogisi egip do nandisak.
- 14 Yañ yagit, “Nak unun kokup papmon toktogisi egipdisat.  
Nak unun kokup papmon kila amin madep egipben do tilak kili agim.
- 15 Nak Saion kokup pap dakon minjat aminyo do yo morapmi imdisat.  
Anapbo yo do wadak wadak dima akdan.  
Anek yoni mini amin do jap morapmi yobo nan tugokdan.
- 16 Nak da Saion kokup pap dakon mukwa sogok amin kabini yokwikon ban timikgo unun da imalni yombem asak.  
Anapbo Saion dakon minjat aminyo da kisik kisik kap yokdan.
- 17 Nak da Dewit da kabikon amin kında abidanek yipbo unun kokup papmon kila amin madep dagosak.  
Anek minjat amin kabino do lam kında da yan tentenjan yomjak.
- 18 Nak da uwalni panmayak akdisat.  
Mani kila amin madepno tilim madepni gat yitdisak.”

## 133

*Not do but dasi galak taŋ yomyom anpak do tagisi nandawit*

Dewit dakon kap kindā. Piŋkop gawak imim tamokon kiŋik dakon kap.

<sup>1</sup> Piŋkop dakon miŋat aminyo but kalon anek egipni kaŋ unun tagisi, ae buri tagisi akdaŋ.

<sup>2</sup> Unun anpak unun wagil tagisisi. Unun olip dakon nelagi yombem.

Olip dakon nelagi Aron do tagal imiŋakwa mogim daŋwanikon piŋek imal dubakni da diwarikon piŋigit.

<sup>3</sup> But kalon anpak unun kalbi giŋ sitnaŋ Emon Kabap ae Saion Kabapmon moŋ unun yombem tagisi.

Yawe da but kalon ekwaŋ amin giŋsamni yomisak.

Egip egip dagok dagogi mini unun yomisak.

## 134

*Piŋkop dakon man ankisino*

Piŋkop gawak imim tamokon kiŋik dakon kap.

<sup>1</sup> Yawe dakon oman amin morap, ji kalbi yutnikon pi an amin, ji mani ankisini.

<sup>2</sup> Telagi yutnikon kisitji paŋenagek Yawe dakon man ankisini.

<sup>3</sup> Yawe kundu ae miŋtim wasagit unun Saion egisak, unun da yo tagisi andamjak dosi nandisat.

# 135

## *Yawe an̄kisik dakon kap*

- 1 Yawe an̄kisini!  
Yawe dakon oman am̄in, ji mani an̄kisini.
- 2 Ji Yawe da nagalgwan Piŋkop da yutnon omani an̄, ji Yawe an̄kisini.
- 3 Yawe un̄un taḡisi, do Yawe an̄kisinen̄.  
Mani un̄un taḡisisi, do kap yan̄ek an̄kisini.
- 4 Yawe da Jekop iȳi do an̄awakgit.  
Israel un̄un Piŋkop iȳi dakon am̄in kabi.
- 5 Yawe un̄un mani wukwisi yan̄ nand̄isat.  
Am̄in Taḡi da piŋkop toptopmi morap kisisi yapman̄ mudosok.
- 6 Yawe kwen kundukon, ae mikt̄imon, ae tap kwenon, ae tap kagagwan, galaktokni yolek yo morap ak do nand̄isak un̄un asak.
- 7 Un̄un da yan̄ban gikwem noman ton̄, ae mal an̄ek sikak mosok, ae yo morap yopyop yutnikon da mir̄im yopban kwan̄.
- 8 Isip mikt̄imon Isip am̄in dakon mon̄ji mib̄iltoḡi gat ae bit̄ kilapyo dakon mon̄ji mib̄iltoḡi un̄un dapban kimakgwit.
- 9 Isip mikt̄imon kila am̄in madep gat ae kila am̄ini gat paŋupbal ak do wasok tapm̄imi ton̄ mib̄ili mib̄ili agit̄.
- 10 Yawe da mikt̄im morapmi paŋupbal an̄ek kila am̄in madep tapm̄imi ton̄ morapmi dapban kimakgwit.
- 11 Amo am̄in kabi dakon kila am̄in madep Sion an̄akban kimakgit̄, ae Basan dakon kila

- amin madep Ok, ae Kenan miktim dakon  
kila amin madep morap gat kisi dapban  
kimakgwit.
- 12 Yan anek unun kila amin madep dakon miktimni  
amin kabini Israel do yomgut.
- 13 Yawe, mango bisap mudok mudogi mini tan  
anaj kikdisak.  
Babikon da babikon man bingo do nandan  
anaj kikdan.
- 14 Yawe dakon amin kabi uwalni da yo yokwi  
anyoba iyi panjutnokdisak.  
Oman amini do bupmi nandan yomisak.
- 15 Amin Nwakanwari Kabi kokup kidatni unun silwa  
ae gol ban wason.  
Amin kisit da wup unun wason.
- 16 Kokup kidat dakon wupmi unun gen kagani ton,  
mani gen aripmi dima yoni.  
Ae dabilni ton, mani yo aripmi dima pindatni.
- 17 Ae mirakni ton, mani gen aripmi dima nandani.  
Ae mirim dima pan.
- 18 Kokup kidat dakon wupmi wason amin, ae  
egip egipni kokup kidaron tosok yansi nan-  
dan amin morap, unun kokup kidat dakon  
wupmi yombem akdan.
- 19 Israel minat aminyo, ji Yawe ankisini.  
Yawe dakon mukwa sogok amin, ji mani  
ankisini.
- 20 Liwai da kabikon nani, ji Yawe ankisini.

Minjat aminyo Yawe do pasolgoŋ amin, ji mani anċisini.

- 21 Yawe Jerusalem kokup papmon egisak, do minjat aminyo ji Saion wiġek mani anċisini.  
Yawe anċisini!

## 136

### *Piŋkop ya yaŋ iyik do dakon kap*

- 1 Yawe anċakni uŋun tagisisi, do ya yaŋ iyineŋsi.  
Dagok dagogi mini nin do but dasi galak taŋ nimisak.
- 2 Nin Yawe ya yaŋ iyineŋ.  
Uŋun da piŋkop toptopmi morap yapmaŋ mudosok.  
Toktok teban nin do but dasi galak taŋ nimin kimokdok.
- 3 Nin Amin Tagi ya yaŋ iyineŋ.  
Uŋun da amin tagi morap yapmaŋ mudosok.  
Toktok teban nin do but dasi galak taŋ nimin kimokdok.
- 4 Uŋun kalon da wasok tapmimi toŋ madep asak.  
Toktok teban nin do but dasi galak taŋ nimin kimokdok.
- 5 Iyi da nandak nandagon da kundu ae yo morap kwen toŋ uŋun wasagit.  
Toktok teban nin do but dasi galak taŋ nimin kimokdok.
- 6 Miktim yiŋban kwen tagit, ae pakbi yiŋban mibilikon tagit.  
Toktok teban nin do but dasi galak taŋ nimin kimokdok.



- 7 Gildat gat kanek gat wasagit.  
Toktok teban nin do but dasi galak taŋ nimin  
kimokdok.
- 8 Gildat yipban gildat kindā kila asak.  
Toktok teban nin do but dasi galak taŋ nimin  
kimokdok.
- 9 Kanek gat gik morap gat yopban pilin kila aŋ.  
Toktok teban nin do but dasi galak taŋ nimin  
kimokdok.
- 10 Nin Yawe ya yaŋ iyinen.  
Uŋun Isip amin dakon monji mibiltogi dapban  
kimakgwit.  
Toktok teban nin do but dasi galak taŋ nimin  
kimokdok.
- 11 Israel amin timik paŋobinjakwan Isip yipman  
dekgwit.  
Toktok teban nin do but dasi galak taŋ nimin  
kimokdok.
- 12 Iyi da tapmim madepmon da timik paŋopgut.  
Toktok teban nin do but dasi galak taŋ nimin  
kimokdok.
- 13 Tap Gami pudanban timi bamori agit.  
Toktok teban nin do but dasi galak taŋ nimin  
kimokdok.
- 14 Iyi mibiltok kinjek minat amini timik  
paŋabinjakwan tap idap pudawit.  
Toktok teban nin do but dasi galak taŋ nimin  
kimokdok.
- 15 Mani Isip dakon kila amin madep gat ae emat  
amini gat yopban pakbi naŋ kimakgwit.

- Toktok teban nin do but dasi galak taŋ nimin  
kimokdok.
- 16 Miktim kibiri timon minat amini mibiltan  
yominjek kigit.  
Toktok teban nin do but dasi galak taŋ nimin  
kimokdok.
- 17 Kila amin madep tapmimi ton dapban  
kimakgwit.  
Toktok teban nin do but dasi galak taŋ nimin  
kimokdok.
- 18 Ae kila amin madep man bini ton dapban  
kimakgwit.  
Toktok teban nin do but dasi galak taŋ nimin  
kimokdok.
- 19 Amo amin kabi dakon kila amin madep Sion  
anjakban kimakgit.  
Toktok teban nin do but dasi galak taŋ nimin  
kimokdok.
- 20 Ae Basan dakon kila amin madep Ok anjakban  
kimakgit.  
Toktok teban nin do but dasi galak taŋ nimin  
kimokdok.
- 21 Anjek unun kila amin madep dakon miktimni  
minat amini do yomgut.  
Toktok teban nin do but dasi galak taŋ nimin  
kimokdok.
- 22 Miktim unun oman amini Israel do yomgut.  
Toktok teban nin do but dasi galak taŋ nimin  
kimokdok.
- 23 Uwal da pabin nipgwit bisapmon nin do sigin  
nandan nimgut.

Toktok teban nin do but dasi galak tañ nimin  
kimokdok.

24 Añek uwal da kisiron bañ timikgit.

Toktok teban nin do but dasi galak tañ nimin  
kimokdok.

25 Miñat aminyo gat ae bit kilap morap gat jap  
yomisak.

Toktok teban nin do but dasi galak tañ nimin  
kimokdok.

26 Do Kwen Kokup Piñkop ya yañsi iyineñ.

Toktok teban nin do but dasi galak tañ nimin  
kimokdok.

## 137

*Israel amin uwalni da miktimon egek kokupni do  
kunam takgwiñ*

1 Nin Babilon amin dakon pakbini da ileñikon  
yigek Saion kokup pap do nandak nandak  
añek kunam takgimañ.

2 Kındap kapmatjok tawit unun da kilinikon  
gitanin mindano tañakwa sañbeñek dima  
tidagimañ.

3 Nido nin timik miktimnikon pañkiwit amin da  
kap yoneñ do niyiwit.

Yokwi añningwit amin da tebai yañ niyiwit,  
“Nin da kisik kisik panen do ji da kap yoni do  
nandamañ.

Saion dakon kap kında yoni.”

4 Mani miktim dubagikon egek Yawe dakon kap  
nianañ da tagi yoneñ?

- <sup>5</sup> Jerusalem, nak gak do in̄toker kaj, Piŋkop da nak an̄in̄tok aban san̄benek gita dīma tīdoker.
- <sup>6</sup> Jerusalem, nak gak do in̄tanek yo isali yan̄ gan̄danek yo dīwari do nandako wīgini kaj, Piŋkop da nak melno an̄kadim aban kap dīma yoker dosi nandisat.
- <sup>7</sup> Yawe, gak Idom amin da kalip Babilon dakon emat amin jon̄ikgwit un̄un do aego nandaki. Babilon amin da emat wamanek Jerusalem abidawit bisapmon Idom amin da gen yan̄ yawit,  
 “Yut morapni kisi tuwil mudanek pan̄upbal an̄ mudoni.”
- <sup>8</sup> Babilon, nandaki.  
 Gak tasik tokdisal.  
 Nin do an̄pak yokwi nian̄ an̄ ningul un̄uden̄ gin kobogi yokwisi timitdisal.  
 Kobogi yokwi gamjak amin un̄un kisik kisik tagi asak.
- <sup>9</sup> Un̄un da gak dakon monji moniŋ moniŋ timik maban tipmon manek obisi tasik tanek kimotdan̄.

## 138

*Amin kinda Piŋkop do ya yan̄ iyigit*

Dewit dakon kap kinda.

- <sup>1</sup> Yawe, nak but dasi nandanek ya yan̄ gayisat.  
 Piŋkop toptopmi da dabilon kap yanek mango yan̄ an̄kisisat.

- <sup>2</sup> Bisapmi bisapmi but dasi galak tan naminek kilano tagisi asal, ae mango gat gengo gat da yo morap yapman mudaneke unun da wukwisi amal.  
Yando, nak Telagi Yut Madepgokon gawak gamineke mango yan ankisiken.
- <sup>3</sup> Gak do bisit asat bisapmon nandan namisal.  
Anek tapmim namineke butno anteban asal.
- <sup>4</sup> Yawe, miktimon kila amin madep morap da gengo kili nandayin, do unun da mango yan ankisini dosi nandisat.
- <sup>5</sup> Tilimni unun madepsi, do unun da Yawe dakon wasokni do nandaneke kap yoni dosi nandisat.
- <sup>6</sup> Yawe unun wukwisi egek amin iyi do nandaba pan amin unun nandan yomineke kilani asak.  
Mani iyi do nandaba wigisak amin unun yum dabil dagin pindakdak.
- <sup>7</sup> Jigi mibili mibili altan naba kilano anaki dima kimokdot.  
Uwalno da nak do japmi nandan, mani gak tapmingo madep, do si pabin yopmanek nak anpulugosol.
- <sup>8</sup> Yawe da nak niansi egipben ae pi ni ban aben do nandagit unun kilano anakwan an mudoken.  
Mudok mudogi mini nak do but dasi galak tan namisal.  
Gak da nak wasagil, do dima intan nabi.

# 139

## *Pinjkop da nandan nimanjek kilanin asak*

Dewit dakon kap kinda. Kap yonj amin dakon kila amin do mandabi.

- <sup>1</sup> Yawe, gak butnokon yo ni da tonj unun kokwin anjek bamisi nandanj namisal.
- <sup>2</sup> Gak nak da yik pidotyoo asat unun nandanj mudosol.  
Dubagikon da nandak nandakno nandanj mudosol.
- <sup>3</sup> Nak kosit agisat bo ae dipmin pokdoron nianj egisat unun gak da nandisal.  
Gak anpakno kisisi nandanj mudosol.
- <sup>4</sup> Yawe, nak gen kinda yok do asat unun gak da kili nandagil.
- <sup>5</sup> Gak mibiltok ae bunonyo agaki kisitgo da nak abidosok.
- <sup>6</sup> Nandak nandakgo da nandak nandakno yapmanjek wukwisi asak.  
Unun nak da aripmi dima nandakenj.
- <sup>7</sup> Nak dukwan kinjek Wupgo yipmanj dekenj?  
Nak pasal dukwan kinjapbo gak kapmatjok dima egipdisal?
- <sup>8</sup> Kwen Kokupmon wigikenj kanj, gak unudon egipdisal.  
Ae kimakbi tamogwan pigikenj kanj, unudon kisi egipdisal gin.
- <sup>9</sup> Pidanj piriropmanj gildat wisak tetgin do dubagisi kikenj bo tap diwarisikon kikenj kanj,
- <sup>10</sup> gak unudon egipdisal gin.  
Anjek kisitgo da nak abidanjek kosit nolikdisal.  
Tapmingo madep, do nak anpulugokdisal.

- 11 Nak “Pilin tuk da nak ankisibisak, ae gildat dakon tenjen nak angwasisak unun da pilin tuk asak” yan yoken kan
- 12 pilin tuk da nak aripmi dima ankisibisak.  
Kalbi unun gildat kalba yombem akdisak.  
Pilin gat ae tenjeni gat kisi pindakbi aripsi amal.
- 13 Gak da giptim diwat morapno kisi wasagil.  
Menj da butgwan nak unjungwan wasan mudagil.
- 14 Nak da gak ankisisat, nido gak da pi njaknjawansi anek nak wasan nepgul.  
Nak pakyanji nandisat, gak da yo morap wasagil unun njaknjawansi.
- 15 Menj da butgwan pasili tamogwan tagok tagok agim bisapmon gak da pindagaki kidat morapno taganek notnikon sanbewit.
- 16 Menj da dima anjalajakwan kili nandagil.  
Nak miktimon dima altagim, mani gak da gildari gildari miktimon egipbenj do nandagil unun papiagokon kili mandagil.
- 17 Pinjkop, nandak nandak morapgo unun wagil tagisisi.  
Nandak nandakgo unun madepsi, amin da aripmi dima manjiri.
- 18 Gak da nandisal yo morap manjiken kan, tap ilejon niman morap yapjak.  
Dipminon da pidosot bisapmon nak gak gat sigin egisat.
- 19 Pinjkop, amin yokwi dapbi kimotni do nandisat.  
Amin dapdap amin ji nepmanj dek kit!
- 20 Unun amin da gak do gen yokwi yon, ae gak dakon man do gen girenj yon.

- 21 Yawe, nak amin gak do kuragi nandan amin do kuragi nandan yomisat.  
 Ae amin kwen wigik angaman amin do nandaba yokwi tok an yomisat.
- 22 Asisi, nak unun amin do kuragisi nandisat.  
 Unun pindakgo nak dakon uwalno an.
- 23 Pin kop, kokwin tagisi anek nak dakon nandak nandak morap butnokon ton unun do nandaki.  
 Ankewalek nandak nandak morapno do pakyan si nandaki.
- 24 Egip egipno kokwin tagisi abi.  
 Anpak yokwi di nandak nandaknokon di tanbam.  
 Egip egip teban dakon kosit nan anan kiki.

## 140

*Amin kinda da Pin kop da kilani tagisi asak do bisit agit*

Dewit dakon kap kinda. Kap yon amin dakon kila amin do mandabi.

- 1 Yawe, amin yokwi da kisiron ban pulugan nepbi.  
 Kilano tagisi anaki emat amin da dima anupbal ani.
- 2 Toktogisi anpak yokwi ak do nandak nandak an, anek toktogisi minjat aminyo da binapmon pidok pidok panalon an.
- 3 Gen yogokni unun tunon amin emari ton dakon geni yombem, geni tepmisi.



Ae gen yogokni unun tunon amin emari ton dakon pakbi yokwini yombem da gen kakakon tugawit da minat aminyo panupbal an.

<sup>4</sup> Yawe, kilano tagisi anaki amin yokwi da dima abin nepni.

Dam anaki emat amin nak anupbal ak do gen yon, unun yo kinda dima ani.

<sup>5</sup> Kwen wigik amin da nak do pat yipman.

Nak do kilap nan yan abidok do nap teban ban nak da kosiron pat yipman.

<sup>6</sup> Yawe yan iyisat, "Gak Pin kopno."

Yawe, nak anpulugoki.

Yan tidosot, do nandan nabi.

<sup>7</sup> Amin Tagi Yawe, gak yokwikon ban timit timit amino tapmimi tonji.

Kalip uwal gat emat wamguman bisapmon anikutnagil.

<sup>8</sup> Yawe, amin yokwi da yo timit do galak ton unun dima yobi.

Yum pindagaki anpak yokwi ak do gen yan panjeban awit unun dima ani.

<sup>9</sup> Yum pindagaki uwalno da emaron dima abin nepni.

Yo unun ak do nandan unun panjebilbi iyikon noman toni.

<sup>10</sup> Kindap yipbi kwenikon moni.

Mabi gapma madepgwan pikek ae dima wini.

<sup>11</sup> Isal dogin amin diwaru gen yan yoman amin yum pindagaki nin da miktimon tagi dima egipni.

Ae emat aminon yo yokwisi noman tan yoba pasilni do nandisat.

<sup>12</sup> Yawe, gak da jigi pan amin gat ae yo do wadak wadak an amin gat panpulugosol.

<sup>13</sup> Minjat aminyo kilegi da mango anjiksidan. Unun gak gat kisi egipdan.

## 141

### *Amin kinda kalbi bisit agit*

Dewit dakon kap kinda.

<sup>1</sup> Yawe, nak gak do yan tidosot.

Tepmisi anpulugoki do nandisat.

Gak do yan tidosot, do bisitno nandaki.

<sup>2</sup> Bisitno da mukwa kibani tagisi da yan gagon opjak dosi nandisat.

Ae gak do kisitno panenokdot unun da pilindo dakon paretno yan asak.

<sup>3</sup> Yawe, gen kagano do kila tagisi anaki gen yokwi kinda dima yoken.

<sup>4</sup> Yum nandanaki butnokon da anpak yokwi ak do dima nandaken.

Ae yum nandanaki amin yokwi gat muwuk agek yokwi dima anen.

Yum nandanaki unun dakon jap noknok bisap madepmon unun gat dima yitnen.

<sup>5</sup> Yum nandanaki amin kilegi kinda da nak anmilip ak do jigi tagi namjak.

Mani nak amin yokwi not dima an yoben.

- Piŋkop da amĭn yokwi uŋun aŋpak yokwini  
dakon kobogi paŋtobil yomjak do bisit asat.
- 6 Amĭn da amĭn yokwi dakon kĭla amĭni uŋun  
timĭgek maba tip domon pigini bisapmon  
Yawe dakon gen uŋun bamisi yaŋ nandaba  
pisokdan.
- 7 Aŋek amĭn da jap pi do mĭktim pidanek paŋdamit  
aŋ, uŋun da tilak uŋun amĭn dakon kĭdari  
paŋdamit aŋek maba kimakbi tamogwan  
pigikdan.
- 8 Mani Amĭn Tagi Yawe, nak gak do nandan  
gadasat.  
Gak da nak tagisi aŋkutnosol.  
Yum nandanaki dima kimokgen.
- 9 Aŋpuluganaki amĭn yokwi da pat yipgwit uŋudon  
dima yokwalgen.
- 10 Yopbi iyi pat yipgwiron iyi yokwalni.  
Mani nak kosit tagisi agek yo kinda da dima  
aŋupbal asak.

## 142

### *Dewit Piŋkop da aŋpulugosak do bisit agit*

Dewit dakon kap kinda. Kap on do Maskil yaŋ yon.  
Dewit tip kinamgwan egek bisit on mandagit.

- 1 Nak Yawe da aŋpulugosak do tebaisi yaŋ tidosot.  
Bupmi nandan namĭnek aŋpulugosak do bisit  
asat.
- 2 Nandaba kĭkno gat ae jigĭ morap noman taŋ  
namaŋ uŋun kisi iyĭŋ mudosot.

- <sup>3</sup> Jigisi nandanek wagiksi yokwi tokdisat yan nandisat bisapmon, Yawe nianxi aben unun gak da nandisal.  
Kosiron yokwalgen do amin da pat piwit.
- <sup>4</sup> Nak anpulugosak amin kinda kapmat dima akban kosot.  
Amin kinda da kilano dima asak, ae amin kinda da nak do bup tanek dima ankutnosok.
- <sup>5</sup> Yan do, Yawe nak anpulugoki do bisit gayisat.  
Gak kalongin pasili tamono.  
Miktimon egisat bisapmon gak gat gin egip do nandisat.
- <sup>6</sup> Butno obisi jik tosok, do anpulugoki do bisit asat unun nandaki.  
Nak ansopmangan amin unun tapmimni madepsi.  
Aripmi dima pabin yopben, do unun da kisiron ban pulugan nepbi.
- <sup>7</sup> Jigikon yikdat, do pulugan nepbi tagisi egipben.  
Yan anaki yo tagisi annamisal unun do nandanek minat amin kabiyogo muwutnikon mango ankisiken.

## 143

*Amin kinda Pin kop da anpulugosak do bisit agit*

Dewit dakon kap kinda.

- <sup>1</sup> Yawe bisitno nandaki.  
Mirakgo yopmanek anpulugoki do yan tidosot unun nandaki.  
Gak amin kilegisi, ae bisapmi bisapmi dima nepman dekdal, do bisitno nandaki.

- <sup>2</sup> Gak da dabilon amin kilegi kinda dima egisak, do oman amingo nak gen pikon dima nepbi.
- <sup>3</sup> Uwalno da nol anki nikban man miktimon pok-dot.  
Anakwan amin kili kimakgwit da aripmon pilin tukgwan egisat.
- <sup>4</sup> Nandak nandakno upbal tanakwan but pasol madepsi nandisat.
- <sup>5</sup> Kalipsi egipgum unun do nandisat.  
Yo morap agil ae pi tagisi agil unun do nandak nandak tebaisi asat.
- <sup>6</sup> Anpulugoki do didasat.  
Miktim kibirisi da sikak do nandisak, unun da aripmon nak gak do madepsi galak tan gamisat.
- <sup>7</sup> Yawe, butno tapmimi mini aban nandisat, do bisitno nandanek tepmisi anpulugoki.  
Dima pasil nabi.  
Yan abi kan, amin kili kimakgwit unun da tamokon kiken.
- <sup>8</sup> Egip egipno gagon tosok yansi nandisat, do anpuluganbi wisa dagokdo gak da amin nin do but dasi galak tan nimisal unun do nandaken.  
Nak bisit gayisat, do kosit nolnbi unun nan kiken.
- <sup>9</sup> Yawe, kilano abi do gagon obisat, do uwalno da kisiron ban pulugan nepbi.

- 10 Gak Piŋkopno, do nayiŋ dekbɪ gak dakon galak-  
tok yolek egipbeŋ.  
Wupgo tagisi uŋun da mibiltanŋ namɪŋakwan  
kosit kilegikon agipbeŋ.
- 11 Yawe, man bingo tagisi tosak do yokwikon nan  
pulugaŋ nepbi.  
Gak amin kilegisi, do jigi morap pasat uŋun  
wiririk nabi.
- 12 Nak do but dasi galak tanŋ namisal, do uwalno  
dapbi kimotni.  
Nak oman amingo, do uwalno obisi dapbi  
kimotni.

## 144

*Kila amin madep da Piŋkop da anpulugaŋban  
emaron teban tagit do ya yan iyigit*  
Dewit dakon kap kinda.

- 1 Nak Yawe dakon man ankisiat.  
Uŋun tip madepno.  
Emat dakon mibili tagisi nayiŋ dekdak.  
Anek antagap aban emat do tagap tosot.
- 2 Uŋun but dasi galak tanŋ namisak, ae dam tebano  
aripmi dima tuwili egisak.  
Uŋun pasili tamono, ae yokwikon banŋ timit  
timit amino.  
Uŋun pasikno tebaisi, do ankutnanakwan tagisi  
egisat.  
Amin Nwakŋwari Kabi pabiŋ yopmanakwan  
nak da yonŋamgwan ekwan.

- <sup>3</sup> Yawe, miŋat amiŋyo nin nianŋen amiŋ di baŋ nin do nandak nandak madep asal?  
Nin yo isalisi.  
Gak nido kilanin kakŋimansi asal?
- <sup>4</sup> Mirim bisap kalon piŋono kwan unun da tilak bisap piŋipmisi ekwamaŋ.  
Wupnin giŋdaron tepmisi altaŋ paŋilgaŋ unun da tilak bisap piŋipmisok giŋ ekwamaŋ.
- <sup>5</sup> Yawe, kundu wiŋdalek piŋi.  
Kiŋitgo kabapmon yopmaŋaki mukwa madepsi piŋdoni.
- <sup>6</sup> Mal yiŋbi noman taŋek uwal yolban kiŋ mudoni.  
Gobiŋgo yamaŋaki paŋal kiŋ mudoni.
- <sup>7</sup> Kiŋitgo yiŋbi piŋakwan nak ilikbi wiŋeŋ.  
Aŋaki paŋbi ilariŋi yiŋmaŋ deŋeŋ.  
Amiŋ Nwakiŋwari Kabi da kiŋiron baŋ abidoki.
- <sup>8</sup> Unun amiŋ gen bami diŋa yoŋ.  
Top baŋ giŋ yaŋek gen unun bamiŋi yaŋ yoŋ.
- <sup>9</sup> Piŋkop, nak abisok gak do kap kalugi yokeŋ.  
Gita tiŋaŋek gak do kap yokdisat.
- <sup>10</sup> Kila amiŋ madep paŋpulugaŋaki emaron teban toŋ.  
Oman amiŋgo Dewit nak yokwikon naŋ abidagiŋ.
- <sup>11</sup> Uwal yo yokwi aŋ namaŋ da kiŋiron baŋ abidoki.  
Aŋek Amiŋ Nwakiŋwari Kabi da kiŋiron baŋ abidoki.  
Unun gen bami diŋa yoŋ.  
Top baŋgiŋ yaŋek gen unun bamiŋi yaŋ yoŋ.

- 12 Nin monjinin wili kindap da yan tebaisi tagoni do nandaman.  
 Ae gwanin da kila amin madep dakon yut dakon tilimni tagisi da egipni do nandaman.
- 13 Pigaganin da jap bami morapmi tanakwa jap pan yopyop yut madepsi tuga toni do nandaman.  
 Anakwa sipsipnin da monji morapmi sigin panalani.
- 14 Ae bulmakau da monji morapmi panalani.  
 Anakwa yokwi di dima altoni ae kinda dima kimotjak.  
 Nin dakon kosiron minjat bo wili kinda da jigi bo ae tepmi panjek kunam dima tatjak do nandaman.
- 15 Minjat amin kabi yo unuden timikgan unun kisik kisik tagi ani.  
 Minjat aminyo Yawe yipba Pin kopni egisak unun kisik kisik tagi ani.

## 145

### *Pin kop an kisik dakon kap*

Dewit dakon kap kinda. Kap on Pin kop dakon man an kisik dakon kap.

- 1 Pin kopno ae Kila Amin Madepno, bisapmi bisapmi mango an kisiken.
- 2 Gildari gildari mango an kisiken.  
 Dagok dagogi mini gak an kisin wigiken.
- 3 Yawe unun mani wukwisi, do mani an kisin kimotnen.



Mani wukwisi, do unun dakon mibili kisi amin  
da aripmi dima nandaba pisogi.

<sup>4</sup> Babikon da babikon pi madep an an agil unun do  
yan yan akdan.

<sup>5</sup> Amin da tapmim madepgo gat ae Kila Amin  
Madep Wikwisi egisal unun do yokdan.  
Anakwa nak do pi madep madep asal unun do  
nandanek egipben.

<sup>6</sup> Amin da pi masi masimi asal unun dakon geni  
yokdan.  
Anakwa nak da man madepgo do yoken.

<sup>7</sup> Anpakgo tagisi unun dakon geni yanek kapmon da  
anpakgo kilegisi unun do yoni.

<sup>8</sup> Yawe da nin do nandan yawok nimejek bupmi  
nandan nimisak.  
Butjap tepmi dima nandanek but dasi galak  
tan nimisak.

<sup>9</sup> Amin morap kisi do anpak tagisi anyomisak.  
Anek yo morap wasagit unun do bupmikon da  
kilani asak.

<sup>10</sup> Yawe, yo morap wasagil unun da mango  
ankisini.  
Minat amin kabigo da mango ankisini.

<sup>11</sup> Amin kila agagkokon tilimgo tosok unun do yok-  
dan.  
Anek tapmim madepgo dakon geni yokdan.

<sup>12</sup> Yan anakwa amin morap da pi madep asal unun  
do nandani.

Anjek gak kila amin madep tapmimi ton egisal  
ae mango wukwisi tosok yan nandan  
gamni.

- 13 Gak kila amin madep dagok dagogi mini egek  
amin morap kilani akdisal.

Yawe yan teban tok gen yagit unun kinda dima  
yapmanjek guramik kimokdok.

Nin panpulugok do yo tagisi gin asak.

- 14 Jigini ton amin panpuluganek amin da pabin  
yopmanjan amin unun panenakban tagisi ek-  
wan.

- 15 Yo morap egip egipmi ton jap do an bisapmon  
gagon sintanja wikwan jap upmokdol.

- 16 Jap gat ae yo morap gat aripnikon yomanaki  
tagisi ekwan.

- 17 Yawe unun anpak kilegi gin asak.

Yo morap wasan yopguron anpak tagisi ban  
anyomisak.

- 18 Butdasi nandanek bisit iyan amin Yawe unun  
amin da kapmatjok egisak.

- 19 Iyi do pasolgon amin yo nido galak ton unun  
yoban timikgan.

Bisitni nandanek yokwikon ban timikdak.

- 20 Iyi do but dasi galak tan iman amin Yawe da  
kilani asak.

Mani yokwi an amin panupbal akdisak.

- 21 Bisapmi bisapmi Yawe dakon mani ankisiken.

Yo morap egip egipmi ton ji dagok dagogi mini  
mani telagi ankisini.

# 146

## *Piņkop Paņpulugokni dakon mani aņkisiwit*

- 1 Yawe dakon man aņkisini.  
Nak naga mani aņkisiken.
- 2 Miķtimon egipben bisapmon Yawe dakon mani aņkisiken.  
Piņkopno do kap yanek aņkisin wigek kimokgen.
- 3 On miķtim dakon kila amin madep da gak aripmi dima aņpulugokdan, do egip egipji unun aminon tosok yan dima nandani.
- 4 Unun kimagek miķtim dagokdan.  
Yo ak do yawit unun bami dima noman tokdan.
- 5 Mani amin kinda Jekop dakon Piņkop da aņpulugosak do nandan gadanek jomjom asak unun amin kisik kisik tagi asak.
- 6 Piņkop da kundu ae miķtim ae tap ae yo morap ununwan ton wasagit.  
Toktogisi yo morap ak do yosok unun akdisak.
- 7 Jiģikon ekwan amin paņpulugosok.  
Ae jap do aņ amin jap yomisak.  
Yawe da dam tebanon ekwan amin witdal yopban kwan.
- 8 Dabili mini amin dabilni paban pisanban siņton.  
Ae jiģi da tebai pabiņ yopmanģan amin unun jiģini kukwan yomisak.  
Yawe unun amin kileģi do but dasi galak tan yomisak.

- 9 Dubagikon amin nin da miktimon ekwan unun kilani asak.  
 Ae sakwabat gat ae monji meni datniyo kimakbi unun kisi kilani asak.  
 Mani amin yokwi an unun da yo ak do nandan unun kosit sopman yoban dima an.
- 10 Yawe unun dagok dagogi mini kila amin madep egipdisak.  
 Saion kokup pap amin ji dakon Pin kop dagok dagogi mini Kila Amin Madep egipdisak.  
 Yawe dakon man ankisini!

## 147

*Yawe unun man madepni ton ae tapmim madepni ton*

- 1 Yawe ankisini!  
 Pin kopnin kap yanek ankisaman kan, anpak kilegisi aman.  
 Yan anapno butnin tagisisi tosok, ae ankisaman unun agagisi nan aman.
- 2 Yawe da Jerusalem kokup pap aeni ankaluk anek Israel amin kalip uwal da timik miktim dubagikon pan kiwit unun aeni pan muwudak.
- 3 Buri yokwi tawit unun pan milip anek wudani waman yomisak.
- 4 Unun da gik manjinek gik kalon kalon do man yomisak.
- 5 Amin Taginin unun wukwisi madep, ae tapmimni madepsi.

Nandak nandakni unun tilakni mini.

<sup>6</sup> Yawe da amin iyi do nandaba pan unun panpulugosok.

Mani yokwi pakpak amin pabin yopban miktimon man pokgon.

<sup>7</sup> Yawe ya yan iyinek kap yan imno.

Gita tidanek Pinkopnin ankisino.

<sup>8</sup> Unun da gikwem kwen yopban sikak manakwa ilenon jon kwon.

<sup>9</sup> Unun da jon kilap do jap yomisak, ae minam pidikyo kisi yan tidanba jap yomisak.

<sup>10</sup> Yawe unun os dakon tapmim gat ae amin dakon tapmim gat do nandaban yo madep dima asak.

<sup>11</sup> Mani, amin iyi do pasal iman ae Yawe da nin do but dasi bisapmi bisapmi galak tan nimisak yansi nandan gadan amin unun do galak tan yomisak.

<sup>12</sup> Jerusalem amin ji Yawe ankisini.

Saion amin ji Pinkopji ankisini.

<sup>13</sup> Unun da kokup papji dakon wigat panjeban anek amin kabigo gisam yomisak.

<sup>14</sup> Unun da panpuluganban emari mini tagisi ekwan. Ae wit tagisi dakon ban panjiren aban nanek butji tugon.

<sup>15</sup> Gen kinda yipmandak unun tepmisi miktimon pisak.

<sup>16</sup> Unun da ais yopban sipsip dakon dangwi da yan man miktim yalisak.

- Anek gik sitnaŋ yopban abilak da yaŋ maŋ  
 tayiŋikwaŋ.
- 17 Ais madep yopban tip da yaŋ miktimon moŋ.  
 Anek uŋun da aba kokup mirimisi anakwan  
 amin kindā da mirim abin yipmi mini.
- 18 Ae don gen yipban mirim anakwan ais pakbi  
 dagaŋek pokgoŋ.
- 19 Geni Jekop do imgut.  
 Nawa geni Israel amin do yomgut.
- 20 Miktim diwari taŋ aŋ aŋ kwaŋ dakon miŋat  
 aminyo do yaŋ dima agit.  
 Nawa geni dima nandaŋ.  
 Yawe dakon man ankisini!

## 148

*Yo morap kundukon ae Kwen Kokupmon ae  
 miktimon toŋ uŋun da Pinŋkop ankisani*

- 1 Yawe ankisini!  
 Ji ason Kwen Kokup ekwaŋ, Yawe ankisini.
- 2 Anelo morapni ankisini.  
 Kwen Kokup emat amin kabi morapni  
 ankisini.
- 3 Gildat gat kanek gat jil ankinjil.  
 Gik morap tenŋeŋoŋ ji ankisini.
- 4 Kundu kwen ason ankisiki.  
 Pakbi kundu yapmaŋek kwensi toŋ, ji  
 ankisini.
- 5 Iyi yaŋakwan uŋun yo morap noman tawit, do  
 uŋun yo morap Yawe dakon man ankisini.

- 6 Unun yo morap wasanjakwan tamonikon toktogisi  
tebai ton.  
Gen yagit unun dima pasiljak.
- 7 Miktimon yo morap ton, ji Yawe anjisini.  
Ji tap kilap madep madep gat, ae tap idap  
morap ilarisi,
- 8 ae mal, ae ais madep moniyoyo, ae gikwem, ae  
mirim madep Yawe dakon galaktok yolgan,  
ji kisi da anjisini.
- 9 Ji kabap madep ae moniji gat ae kindap sopmi  
ton ae sida kindap madep,
- 10 ae jon kilap gat ae bulmakau ae yo monij morap  
egip egipmi ton gat ae minam gat, ji kisisi  
Yawe anjisini.
- 11 Ji kila amin madep gat ae amin gat ae gapman  
gat ae kila amin morap gat,
- 12 ae wilisok ae minjatjok ae amin pelan ae minjat  
moniyoyo, ji kisisi Yawe anjisini.
- 13 Unun kisi morap Yawe anjisinj kimotni.  
Unun kalon gin mani wukwisi.  
Tilimni da miktim gat kundu gat yapman mu-  
dosok.
- 14 Unun da iyi dakon amin kabi Israel unun do but  
dasi galak tan yominek panjeban asak do  
anjek anjisan.  
Yawe anjisini!

## 149

### *Yawe anjisik dakon kap*

- 1 Yawe anjisini! Kap kalugi yan imni.  
Pinjop yol kimokgon minjat amin kabini ji  
muwugek anjisini.

- 2 Israel amin ji Pinjkop da wasagit, do but galak nandan imni.  
Saion kokup pap amin ji Kila Amin Madepji do kisik kisik ani.
- 3 Kap anjek mani yan anjksini.  
Tambarin gat ae gita gat tidanjek mani anjksini.
- 4 Yawe da minjat amin kabini do galak tanj yomisak.  
Anjek amin iyi do nandaba pinji anj unun yok-wikon banj timikdak.
- 5 Yanj asak, do minjat amin kabini but dasi yolgan unun kisik kisik ani dosi nandisat.  
Dipmin potpot tamokon kisik kisik kap yoni.
- 6 Pinjkop yanj anjksinjek emat agak siba geni tepmisi banj timigek
- 7 Amin Njwaknjwari Kabi gat emat wamanjek yo yok-wisi anj yominjek pabinj yopni dosi nandisat.
- 8 Anjek ain nap banj kila amin madepni gat ae kila amini gat dakon kandap panjeban ani.
- 9 Anjakwa Pinjkop da yagit unun da aripmon kobogi yokwisi timitni.  
Anjakwa amin kabini iyi yol kimokgonj unun dakon man madep tokdisak.  
Yawe anjksini!

## 150

### *Yawe anjksino*

- 1 Yawe anjksini!  
Pinjkop telagi yutnikon egisak, unun anjksini.  
Kwen Kokup tapmimi tonjsi unjudon egisak, unun anjksini.



- <sup>2</sup> Pi masi masimisi asak do anġisini.  
Mani uġun wagil wukwisi do anġisini.
- <sup>3</sup> Kwen pisonġek anġisini.  
Gita mibili mibili tidanġek anġisini.
- <sup>4</sup> Tambarin tidanġek kap anġek anġisini.  
Gita tidanġek kasisiġ pisonġek anġisini.
- <sup>5</sup> Ain idap notnikon tidanġ tidanġ anġek anġisini.  
Uġun tidanġba gen madepsi yanġakwa anġisini.
- <sup>6</sup> Yo morap mirim paġ uġun Yawe anġisini!  
Yawe anġisini!

ccxcviii

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b683ce50-d820-5bfc-8471-d8ee080be106